



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



3 3433 07024500 0

1





GEORG. FRID. SCHOEMANNI

OPUSCULA ACADEMICA.

574v

VOLUMEN III.

MISCELLANEA.

BEROLINI

IN LIBRARIA WEIDMANNIANA

MDCCLXVIII.

p



2510-11

INDEX OPUSCULORUM.

	Pag.
1. De reticentia Homeri	1
2. De Aristotelis censura carminum epicorum	30
3. De veterum criticorum notis ad Hesiodi Opera et Dies	47
4. Ad lyricorum Graecorum fragmenta	66
5. Mantissa animadversionum ad Aeschyli Prometheus	81
6. Vindiciae Iovis Aeschylei	95
7. Ueber den Prometheus des Aeschylus	120
8. Emendationes Agamemnonis Aeschyleae	140
9. Ad Sophoclis Aiacem	185
10. Ad Euripidis Medeam	189
11. Observationes in Theophrasti Oeconomicum et Philodemi lib. IX de vir- tutibus et vitiis	206
12. De Dionysii Thracis grammatica. I.	244
13. De Dionysii Thracis grammatica. II.	253
14. De accusativo pronominum significatione causali usurpato	263
15. Ad Iuvenal. III, 116.	271
16. De emendando loco Ciceronis de natura deorum II, 3.	274
17. Commentatio I. ad Ciceronis libros de natura deorum	280
18. Commentatio II. ad Ciceronis libros de natura deorum	290
19. Commentatio III. ad Ciceronis libros de natura deorum	324
20. Commentatio IV. ad Ciceronis libros de natura deorum	341
21. Commentatio V. ad Ciceronis libros de natura deorum	356
22. Commentatio VI. ad Ciceronis libros de natura deorum	370
23. Ad Ciceron. de legg. II, 24.	384
24. Ad Ciceron. de Finibus lib. V.	390

II

25. De voce <i>auctor</i>	402
26. De vocibus <i>Meddix Tuticus</i>	411
27. De religionibus exteris apud Athenienses	428
28. De capessenda a sapientibus republica	442
29. Oratio de Reginalae Magno Pomeraniae principe	451

DE RETICENTIA HOMERI.

A veteribus Homeri interpretibus non raro schematis cuiusdam elliptici mentionem fieri videmus, quod κατὰ τὸ σιωπώμενον dicitur, quo schemate poetam usum esse autumant, ubi aliquid, quod dici debuisset videatur, silentio praetermittit, ut ab ipsis auditoribus subaudiendum. Ἔστι γὰρ τοῦτο, inquit Eustathius p. 171. 22, μέθοδος σιωπίας, ὡς μὴ θέλοντος τοῦ ποιητοῦ ἐνδιατρίβειν τοῖς μὴ καιρίοις. Et sane non mirum aut reprehensione dignum iudicabimus, si non omnes res minimas semper disertis verbis exponere, sed nonnulla etiam auditorum intelligentiae relinquere voluerit, verbosaeque et putidae loquacitati talem brevitatem praetulerit, quae nec destitueret auditorem summae rei intentum, nec moraretur supervacanea leviorum commemoratione, suntque hac ratione aliquot loci, in quibus unus aut alter criticus offenderat, non inscite ab aliis defensi. Velut Il. II, 76, ubi Agamemnon in principum consessu verbis factis consedissee dicitur (ἦτοι ὃγ' ὡς εἰπὼν κατ' ἄρ' ἔξετο), quum antea v. 55 non dictus sit ad dicendum surrexisse, id quod alibi in huiusmodi narrationibus non solet praetermitti, haec res Zenodotum adeo offendit, ut v. 55 pro eo, quod nunc legitur, τοὺς ὃγε συγκαλέσας περικινῇν ἤρτενετο βουλὴν, hos duos versus reponeret: αὐτὰρ ἐπεὶ ῥ' ἠγέρεθ' ὀμηγερέες τ' ἐγένοντο τοῖσι δ' ἀνιστάμενος μετέφη κρείων Ἀγαμέμνων. Longe aliter Aristarchus, qui quum hoc ipsum parum credibile iudicaret, Agamemnonem in septem virorum consessu — tot enim convocati erant — stantem verba fecisse, versum 76 et septem proximos cum hoc cohaerentes plane eiiciendos esse censebat. Alii contra, quorum auctoritatem Eustathius sequitur, haudquaquam illud incredibile rati,

Agamemnonem, quamvis pauci adessent, tamen, ut in concione, ad dicendum surrexisse, disertam huius rei mentionem, ut supervacaneam, impune ab Homero reticeri potuisse iudicant: quod iudicium, a recentioribus, quod quidem ego meminerim, omnibus comprobatum, mihi quoque rectissimum esse videtur¹⁾. — Porro Iliad. I, 490, de Achille ob acceptam ab Agamemnone iniuriam irato, inter alia haec dicuntur: οὔτε ποτ' εἰς ἀγορὴν πωλλέσκετο κυδιάνειραν, οὔτε ποτ' εἰς πόλεμον —, estque loci illius contextus eiusmodi, ut non possint haec nisi de eo tempore dicta accipi, quod medium fuit inter iniuriam Achillis relictamque deorum ex Aethiopia in Olympum, quo eos post dies duodecim, sicut Thetis v. 245 praedixerat, reversos esse poeta v. 493 memorat. Atqui nulla per hos duodecim dies concio Achaeorum, nullum proelium memoratur: et sunt tamen verba illa eiusmodi, ut abstinuisse Achillem propter iram concionibus et proeliis significent: abstinere autem rebus, quae nullae sunt, nemo dici potest. Itaque hic quoque reticuisse Homerus videtur, quae ab auditoribus subaudiri deberent: εἰκὸς κατὰ τὸ σιωπώμενον καὶ ἐκκλησίαν καὶ πόλεμον πρὸς τοὺς περιόικους γενέσθαι, inquit Schol., in qua sententia non intercedo equidem quominus acquiescamus. — Nec graviolem offensionem habet IV, 159, ubi Agamemnon, ruptam foederis fidem increpans, οὐ μὲν πως, inquit, ἄλλιον πέλει ὄρκιον αἵμά τε ἀρνῶν, σπονδαὶ τ' ἄκρητοι καὶ δεξιαὶ ἧς ἐπέπιθμεν. Notarunt sane nonnulli, δεξιάς nunc dici, quum in superiore libro, ubi ritus foederis sancienti singulatim memorantur, dexterarum tamen ad firmandam fidem datarum nulla mentio facta sit, utiturque Lachmannus²⁾ etiam hoc argumento, quo hanc partem Iliadis ex alio, quam superiore, carmine desumptam esse probet. Nos, quamvis ceteroquin non vanas Lachmanni suspensiones esse iudicemus, huic tamen argumento non multumtribuendum esse concedimus, sed audiendum potius schol. BL.: δεξιαὶ ἐγένοντο ἴσως κατὰ τὸ σιωπώμενον, aut Eustathium: σημειῶσαι δ' ἐνταῦθα ὅτι ἐν τοῖς ὀρκίοις καὶ δεξιῶν ἤπτοντο, εἰ καὶ Ὅμηρος οἰκείῳ νόμῳ τοῦτο ἐρίγησεν ἐν τοῖς φθάσαισιν, ὥς καὶ ἐπὶ ἄλλων

1) Conf. II. VII, 347 et 354, ubi item consedissee dicitur, qui non dictus erat surrexisse.

2) Betrachtungen über Homers Ilias v. K. L. mit Zusätzen v. M. Haupt. Berl. 1847. p. 19.

πολλῶν ποιεῖ, κατὰ σχῆμα ἀποσιωπήσεως. — Item VI, 114 offendit veteres quosdam criticos, quod Hector proelium relicturus, quo supplicationem in urbe fieri iubeat, βείω, ait, πρὸς Ἴλιον, ἡδὲ γέρονσιν εἴπω βοῦλευτῇσι καὶ ἡμετέραις ἀλόχοισιν δαίμοσιν ἀρήσασθαι, neque tamen aut ab Heleno, v. 87, quum Hectori illud consilium suggerit, neque ab ipso Hectore, v. 260, quum matri suae supplicationem mandat, ulla senum senatorum mentio sit. Removendae offensionis duplex ratio inita: νοητέον, inquit schol. A., ἦτοι κατὰ τὸ σιωπώμενον κάκεινοις αὐτῶν εἰρηκέναι, ἢ ὡς ἐπὶ στρατείας (leg. στρατιᾶς) καὶ παρατάξεως τοῦ πρέποντος χάριν τοῦτο προστεθεικέναι. — Levissima res est XVI, 411, de Patroclo, qui quum non pedibus sed curru insistens proelietur, tamen Erylaum saxo coniecto percutit. Πῶς λίθων ἐντορεῖ, inquit Schol., ἐφ' ἄρματος ὦν; sed respondet ipse: ἔοικε κατὰ τὸ σιωπώμενον καταβεβηκέναι ἀπὸ δίφρου, εἴτα μετὰ τὸ πλῆξαι τὸν Ἑρύλαον πάλιν ἀναβεβηκέναι. Alii, quorum Eustathius mentionem facit, rem sic expediverunt, ut dicerent Patroclum fortasse provisam in curru saxa habuisse, si quibus utendum foret. Recte autem nuper Faesius admonuit, iam e v. 404, ubi Thestorem Patroclus prope adstans hasta percutit (ἔγχεϊ νύξε παραστάς), colligi posse, eum de curru descendisse. — Non minus leve, quod XXI, 17 Achilles gladio usus hastam ad ripam fluminis myricis oblectam reliquisse, mox tamen v. 67 contorsisse hastam in Lycurgum dicitur. Notaverat hoc Zenodotus, quemadmodum depositae, sic etiam resumptae hastae mentionem disertam fieri debuissc ratus: sed redarguit eum Aristarchus, ὡς ἀγνοοῦντα ὕει πολλὰ δεῖ προσδέχασθαι κατὰ τὸ σιωπώμενον ἐνεργοίμενα.

Haec igitur atque similia facile sic explicari et defendi posse concedimus: sunt autem alia, quorum non tam expedita est defensio, neque iniectus animo scrupulus illo reticentiae schemate adhibito facile eximitur. Ex hoc genere illud est, quod XVII, 24 Menelaus cum Euphorbo ad certamen congressus fratrem huius Hyperenorem, autem a se interemptum, convicia in se iactasse ignaviamque sibi exprobrasse memorat, cuius rei in illa parte Iliadis, quae Menelai cum Hyperenore pugnam refert, XIV, 516, nulla prorsus mentio facta est. Absolvitur enim ibi omnis narratio his versibus: Ἀτρεΐδης δ' ἄρ' ἐπειθ' Ὑπερίνορα ποιεμένα λαῶν οὕτα κατὰ λαπάρην, διὰ δ' ἔντερα χαλκὸς ἄφυσεν δηώσας· ψυχὴ δὲ κατ' οὐταμένην ὤτειλὴν ἔσσυτ' ἐπειγομένη,

τὸν δὲ σκότος ὅσας κάλυψεν. Scholiastae quidem etiam convicia ista Hyperenoris κατὰ τὸ σιωπώμενον subaudienda esse, quamvis dubitanter, suspicantur. Nobis probabilius videtur, fuisse in alio quopiam carmine accuratiorem de Hyperenoris caede narrationem, quae quum non recepta esset in compositione Iiadis, hunc tamen locum libri XVII, qui illuc respiceret, per negligentiam quandam intactum ut erat relictum esse. — Porro lib. XVI v. 432 Iupiter Sarpedonem conspiciens cum Patroclo congressum Iunonem alloquitur, neque ambigere proflitetur, eripiatue fatali morti filium, an occidi a Patroclo patiatur, quam illa orationem vehementer improbens persuadet marito ne fati obsistat. Apparet ex hoc colloquio, hos duos nunc una esse, et quidem in Ida monte, quo se Iupiter contulisse dictus est XI, 183, neque adhuc inde in Olympum revertit, id quod XVI v. 677 demonstrat. Atqui Iuno visitaverat quidem in Ida sedentem, XIV, 253, sed dudum ab eo in Olympum remissa est, XV, 54. 79, unde eam post iterum in Idam reversam esse nusquam poeta dixit. Hanc ob causam Zenodotus totum hoc Iovis cum Iunone colloquium, a v. 432—459, pugnare cum reliqua narratione ideoque pro insiticio habendum esse indicavit, cui equidem assentiri malo, quam Aristarcho illum reprehendenti, quod nescierit ὅτι πολλὰ κατὰ συμπτέρασμα λέγει ὁ ποιητὴς γεγονότα, καὶ οὐ δέον ἐπιῤῥεῖν, πῶς ἢ μικρὸν ἔμπροσθεν ἐπὶ τὸν Ὀλυμπον παρακχωρηκῆτα τῶν ἐπὶ τῆς Ἰδης ἐστί. Non defuerunt tamen ex recentioribus, quibus haec defensio satisfaceret, quorum unus insuper addidit, tam artem Graecorum opinione coniunctionem Iunonis cum Iove fuisse, ut, licet illa antea discessisset ab eo dicta sit, nihilo minus tamen nunc quasi praesens induci potuerit. Tam promptos ad credendum animos de huiusmodi propugnaculis deicere frustra coneris. Ceterum cohaeret hic locus cum altero haud minus suspecto, XVI, 666, in quo item Zenodotus non iniuria haesitavit, licet medicinam non satis prospere tentaverit. Iupiter enim, quemadmodum paullo ante Iunonem, sic nunc intersecto Sarpedone Apollinem alloquitur, quem in Ida versari non magis quam illam poeta indicavit. Hinc Zenodotus pro eo quod nunc legitur, καὶ τότε Ἀπόλλωνα προσέφη νειρεληγερέτα Ζεὺς, sic potius scribendum suavit, καὶ τότε ἄρ' ἐξ Ἰδης προσέφη Ζεὺς δὲ φίλον εἶόν, deleta simul versu 677, quo ab Ida descendisse Apollo dicitur. De correctione ista contendere nolumus cum adversariis Zenodoti, quibus ridiculum videbatur, Iovem ex Ida monte Apollinem absentem

inclamare; quum vero addunt, *ὅτι τὰ τοιαῦτα κατὰ τὸ σιωπώμενον ἐρεργονίμενα δεῖ προσδέχσθαι*, ad idem rursus defensionis genus confugiunt, quod mihi quidem, quanto sapius in unius narrationis tenore adhibendum est, tanto magis suspicionem movet. Illud certe manifestum est: si omnem hanc de Sarpedone narrationem ab hac, cui nunc inserta est, parte Iliadis seiunctam legeremus, nemo non Iovem cum Iunone, Apolline ceterisque deis in Olympo, ut assolet, versantem agnosceret. Quid igitur causae est, cur non rem sic etiam ab eo, qui primus haec cecinit, propositam fuisse credamus, postea autem, quum visum esset hanc narrationem huic rhapsodiae inserere, a diasceustis additum esse versum 677, quoniam scilicet haec pars Iliadis Iovem in Ida sedentem poscere videretur? Est praeterea aliud quid in hac narratione non inscite a Zenodoto notatum: iniunctum Apollini munus cadaveris curandi, parum illud conveniens huius dei personae. Neque tamen propterea ille omnes hos versus, a 666 ad 683, eiecere ausus est, quemadmodum Heynius credidit. Hoc autem pro certo affirmari licet, si quis totum hunc locum de Sarpedonis certamine, morte et in Lyciam deportatione plane resecurit et ex hac Patrocliae compage removerit, nihil ad integritatem reliqui carminis defuturum esse. — Insititium haud dubie etiam alterum Iovis cum Iunone colloquium est post mortem Patrocli, XVIII, 356—356, de quo post Wolfium, prolegg. p. CXXX, plerique nunc consentiunt, praeter Bothium, Spitznerum, Faesium. Quod autem in scholiis legimus, *ὅτι κατὰ τὸ σιωπώμενον ἐξ Ἰδῆς εἰς Ὀλυμπιον γέγονεν ὁ Ζεὺς, καὶ οὐ ξενιστέον ὅταν λέγῃ (ὁ ποιητὴς) κατὰ σιμπέρασμα*, apparet hic quoque quaesitum fuisse, ubinam Iupiter et Iuno una esse putandi forent, in Idane an in Olympo. Reversum autem ab Ida in Olympum Iovem iam XVII, 167. 8. et 5-15 agnoscimus, de cuius reditu quum disertius exponere poeta supersederit, est sane hoc verum reticentiae exemplum. Neque tamen hinc illud colloquium Iovis cum Iunone minus suspectum sit, cuius damnandi aliae causae gravissimae sunt, de quibus quoniam dudum ab aliis, et nuper etiam a Nitzschio expositum est, nunc a nobis dici nihil attinet. — Non levem offensionem habet etiam XV, 668, ubi subito Minerva caliginem ab oculis Graecorum discussisse dicitur, quae quando et quo modo et a quonam offusa fuerit, nusquam antea indicatum est. Itaque huic quoque loco nonnulli reticentiae figuram adhibuerunt: scilicet hoc ipso, quod discussa caligo dicatur, satis apparere, eam antea aliquo modo offusam fuisse,

ut licuerit poetae hoc subaudiendum nobis relinquere. Alii, sprete tam frivola defensione, ipsam potius caliginem figurate dictam acceperunt de timore mentes Graecorum quasi occaecante, quem quum Iupiter iniecerit, (v. 593 *Θέλγε δὲ θυμὸν Ἀργείων*), nunc Minerva rursus adinere dicatur. Id recentioribus quibusdam placuit, Koeppenio saltem et Bothio, praeivit autem iam Eustathius, apud quem Minerva est *ἡ φρεσικὴ φρόνησις*, caligo autem *ἡ ἐξ ἀθυμίας ἀγλὴς ἡ δίκην νέφους τῇ ἐν ἡμῖν ὁπτικῇ ἐπιπροσθέουσα*. Hocine igitur probabimus, an eum potius audiemus, quisquis is est, cuius in schol. Victor. suspicio proditur: *λέγοις ὥς λείπει ἄλλα ποιήματα, δι' ὧν ἐδεδήλωτο ταῦτα*. Nempe factum est hoc loco idem, quod paullo ante in Hyperenoris pugna cum Menelao factum esse suspicati sumus, ut ex antiquo carmine parte aliqua resecta, nonnulla tamen, quae illuc respicerent, per incuriam relinquerentur. Atque simile quid etiam libro VI, 337 accidisse suspicor, ubi item nonnulli ad illud suum *κατὰ τὸ σιωπώμενον* confugiunt. Excitatus ab Hectore Alexander, ut in proelium revertatur, paratum se esse, et uxoris quoque blandis hortationibus impulsus respondet, *γῆν δέ με παραιοῦσ' ἄλοχος μαλακοῖς ἐπέσσειν ὥρμησ' ἐς πόλεμον*. Atqui de blandis quidem verbis Helenae, quibus illa maritum ad proeliandum hortata sit, nihil quidquam antea memoratum est. Oneravit potius Alexandrum conviciis, ignaviam exprobravit, cum irrisione acerbissima „i nunc“ dixit „offer te rursus ad certamen Menelao; sane consultius erit, tali pugna abstinere, ne mox te illius hasta prosternat“ III, 428—436. Haec quam longe a blandis verbis abhorreant, in aperto est. Statuendum igitur aut mentitum esse Alexandrum propter pudorem, aut Helenam post concubitum, quem illi haud invita concessisse videtur, mitigato animo placidius maritum tractasse. Sic visum veteribus, qui *παρὰμεθίαν* Helenae, h. e. amicam exhortationem, *κατὰ τὸ σιωπώμενον* subaudiri iubent. Sed est alterum in eadem narratione offendiculum. Reprehendit enim Hector Alexandrum, v. 326, quod propter iram proelio abstineat, ipse autem Alexander, v. 335 sqq., quum non tam irae et indignationi, quam dolori se indulsisse respondet, significat tamen haud ambigue, etiam irae et indignationis causam sibi non defuisse. Sed quum nihil huiusmodi ab Homero commemoratum sit, rursus ad coniecturam res redit, ut quae ille disertius indicare supersedit, ipsi subaudire *κατὰ τὸ σιωπώμενον* conemur. Et praeiverunt iam veteres. *Ἢ διπλῇ*, inquit schol. A., *ὅτι ἀπορον*

ποιῶν χόλον· λύοιτο δ' ἂν ἐξ ὑποθέσεως. μήποτε οἷν ἀκούων τοὺς Τρῶας καταρᾶσθαι αὐτοῦ ἐχολοῦτο. Et sane invisum Alexandrum Troianis fuisse legimus III, 451, multosque ante eius cum Menelao certamen Iovem invocasse, uter eorum belli auctor esset, is ut vinceretur. Sed nec audivisse haec Alexandrum poeta memorat, et, si forte audivit aegreque tulit, Hectorem tamen mirabimur hanc iram fratris ut cognitam sibi perspectamque eius absentiae causam statim memorantem. An dicemus hunc simulate loqui, parcentem scilicet coram Helena fratris pudori, ideoque iram dicere, quum ignaviam potius cogitaret, illum autem hanc simulationem libenter arripere? Id quoque nonnullis placuit. Sed verior ratio haec esse videtur, ut dicamus, de ira et indignatione Alexandri disertius dictum fuisse in vetere carmine, cuius haec una pars de revocato in proelium Alexandro in hanc nostram Iliadem recepta sit.

Proposita haec a me sunt non eo consilio, ut omnes id genus locos, quibus explicandis illam reticentiae figuram veteres critici aut recte aut secus adhibuerunt, singulatim persequerer, sed ut proluderem quodammodo accuratiori quaestioni de finibus eius figurae apud Homerum regundis. Nam si reticentiam appellamus ubicunque aliquid, quod dici debuisse videatur, non tamen dictum sit, verendum est, ne paullo plura huius generis in Iliade praesertim deprehendantur, quam quae adhuc a criticis hoc nomine notata sunt. Sed intricata quaestio erit propterea, quod quid debuerit ubique dici, quid non debuerit, discerni plerumque non poterit, nisi de consilio poetae operisque descriptione ad hoc consilium accommodata constiterit: de consilio autem et descriptione Iliadis haudquaquam adhuc inter viros doctissimos constare, quis nescit? Coaluisse eam ex compluribus carminibus, hoc quidem omnes nunc consentiunt; sed qua ratione coaluerit, quidve eius compositor in operis designatione sequutus sit, permagna est dissensio. Alii enim omne illius consilium in eo substituisse arbitrantur, ut una actio primaria ab initio ad exitum naturali quodam ordine probabiliter deduceretur, subiunctis aliis quasi secundariis actionibus, quae cum illa necti commode posse viderentur, utque ascisceretur ex Ilicorum carminum multitudine si quid huic consilio aut sua sponte accommodatum esset, aut accommodari facile posset. Alii contra eum non hoc solum spectasse volunt, ut probabilem exhiberet actionum seriem et connexionem, sed ut quasi speculum quoddam proponeret vitae humanae, ad delectandos non magis auditorum animos,

quam ad movendos salubriter et monendos comparatum. Igitur huc eum omnia retulisse, ut admonerentur heroum exemplis auditores, quae esset humanitatis conditio, qui modus in rebus, qui fines, quos egredi mortalibus non liceret; eique consilio quum cetera, tum Achillis maxime personam accommodatam esse. Proponi enim hunc initio quidem facta sibi iniuria non immerito iratum, mox, quum modum in ira excedat et ne satisfaciendi quidem cumulate adversario placetur, gravem ipsum culpam contrahere: hanc graviorem fieri eo, quod in summo rerum discrimine nonnihil quidem, neque tamen quantum deberet, de pertinacia remittat, quamobrem mox ei poenam imponi, gravissimo ipsi vulnere amici morte inflictio, ad quam vindicandam quum rursus supra modum in eius interfectorem saevisset, postremo tamen deorum ipsorum obiurgatione Priamique senis precibus et admonitione ad moderationem humanaeque sortis recordationem revocari. Praedicant autem quum sapientiam poetae, qui tale potissimum argumentum tam grave tanque tragicæ cuiusdam dignitatis plenum ex omni Troicarum fabularum multitudine sibi tractandum elegerit, tum vero singularem prorsusque divinam artem in ipsa eius tractatione. Quippe ingentem rerum varietatem sic tamen esse dispositam, ut unitas argumenti nusquam non appareat, secundarias partes omnes uni primariæ actioni apte implicatas, ut ei illustrandæ mirum quantum inserviant, actuum quasi in dramate progressum, ut a protasi per epitasin variasque peripetias ad catastrophem denique perveniatur: in moribus vel deorum vel hominum effingendis summam sollertiam et æquabilitatem, in describendis rebus et quasi ante oculos ponendis admirabilem perspicuitatem, denique in omni orationis conformatione atque habitu nativam et sinceram elegantiam omni laude maiorem. Haec autem omnia eiusmodi esse, quæ effici nisi unius summi poetae ingenio non potuerint, qui licet aliorum poetarum carminibus in operis sui compositione usus sit, — cuius rei passim indicia deprehendi, — sic tamen iis usum esse, ut ex alienis sua faceret, suam iis notam imprimeret, suam quasi animam inspiraret. Atque sic tantam evasisse Iliadis unitatem, tanque indissolubilem partium compagem, ut si quis hanc a se dissolvi variorumque, quæ intexta sint, carminum antiquam et nativam formam agnosci posse condat, — id quod Lachmannus alique voluerunt, — is nimio acumine caecutire intelligendoque nihil intelligere dicendus sit.

Haec atque talia quum nuper a Nitzschio accurate, ut solet, et

copiose disputata legerem³⁾), non sane mediocriter me commotum esse fateor. Nam plurima inesse videbam, de quorum veritate neque ego dubitarem neque dubitari ab aliis posse iudicarem. Ab his autem ille profectus viam sibi munivit ad alia, quae minus in confesso erant, probanda, omnibusque rebus, quae causae suae aliquo modo prodesse possent, summa cum diligentia collectis et in uno conspectu positis⁹ assentiri sibi lectorem quodammodo coegit. Ego certe sic me affectum inter legendum sentiebam. Posito tamen libro quum ad Homerum ipsum redirem, multae rursus se offerebant dubitandi causae, neque eadem rerum facies videbatur in Iliadis contextu, quae fuisset in Nitzschii disputatione. Ne multa: assentior viro doctissimo de universa Iliadis compositione hactenus certe, ut similem quandam carminis descriptionem, quam quae a Nitzschio designata est, cum tali argumento summaque sententia etiam veteris poetae animo obversatam fuisse credam; non assentior autem de summo omnibusque numeris absoluto compositionis artificio. Nam quum Nitzschius intexuisse quidem poetam Iliadi aliorum carmina aut carminum partes fateatur, verum sic cum haec omnia intexuisse autumat, ut prorsus sua fierent et ad totius carminis argumentum et consilium plane accommodarentur, ego contra eum intexuisse nonnulla arbitror etiam minus accommodata, quorum loco, si totum carmen ipse faciendum, non etiam ex alienis concinnandum suscepisset, alia fortasse aptiora legeremus. Non de talibus loquor, quae tanquam insiticia et compositae iam Iliadi ab interpolatoribus addita dudum vel ab aliis vel ab ipso Nitzschio notata sunt, quibus resectis non officitur sed consulitur carminis integritati; sed esse quasdam carminis partes aio plane necessarias et quas resecari salva reliquarum compage non posse appareat, neque tamen tales, quales esse deberent. Complura huius generis iam ab aliis animadversa sunt: ego nunc in iis me continebo, in quibus ista, de qua dicere coepi, reticentia agnoscenda erit, hoc est ubi non dicta sunt, quae dicenda fuisse videantur.

Librum secundum legenti semper illud mihi permirum visum est, quod simul atque Graecorum copiae ex castris in campum eductae sunt, statim etiam Troiani urbe relicta ad proelium procedunt, id quod antea nunquam facere soliti erant. Nam post primum illud certamen,

3) Die Sagenpoesie der Griechen kritisch dargestellt. B. 1. Die Homerische Kunstepos in nationaler Theorie. Braunsch. 1852.

quo egressos navibus Graecos frustra repellere conati sunt, — quo certamine Protesilaus, qui primus omnium de nave desiluit, occisus esse dicitur II, 701, — per omne reliquum tempus tantus fuerat apud eos terror tantaque virium dissidentia, ut tolerare obsidionem quam in pugnae discrimen se committere mallent. Certe nunquam universis copiis conflictatum est, paucae fortasse per occasionem ex urbe eruptiones factae, quum Graeci, praeterquam quod illos obsessos tenebant, crebro etiam longinquiores excursiones tuto susciperent sociasque urbes expugnarent, in quibus Thebas, Lyrnesum, Pedasum aliasque non paucas. Nam tres et viginti a se captas et direptas esse Achilles gloriatur IX, 328. Unde igitur nunc haec subita audacia? Ridebunt haud dubie multi sic quaerentem, ut qui non perspiciam, id quod in aperto sit, antea Troianos metu Achillis perculos moenibus se continuisse, nunc autem, hoc metu dempto, non amplius certamen detrectare ⁴⁾. Sic enim non solum Achillem gloriantem audimus IX, 352, sed confirmatur res etiam Iunonis et Neptuni testimoniis V, 788.

10 XIII, 105, ipsiusque Agamemnonis ceterorumque principum confessione IX, 116 aliisque locis. Nolo quaerere, cur ne absente quidem in expeditionibus Achille decertare cum iis ausi sint, qui in castris remansissent: nam responderi poterit, nescivisse eos, utrum abesset ille an non, nunc autem certiores factos de eius ira utque abstinere in totum bello decreverit, reliquos non iam pertimescere. Sane sic ut statuatur omnis oeconomia carminis flagitat; sed, nisi fallor, flagitabat non minus artis lex, ut id etiam diceretur, neque incommodus ad dicendum locus erat in Iridis oratione, quum ea Jovis mandato Troianos Graecis obviam ire iubet, II, 786—806. Nunc autem Iris nihil nisi incredibilem hostium multitudinem memorat, quae res terrorem potius Troianis quam animos addere debuisse videtur; illud contra, quo uno haec insolita ad decertandum audacia credibilis fieri potuit, ne verbo quidem tangit. Reticentiam igitur poetae in hac parte narrationis nemo non poterit agnoscere, neque defuturos esse credo, qui hanc non modo non mirandam, sed, si ipsis ita placuerit, etiam laudandam esse rationibus acutulis demonstrant. Interim tamen, donec veriora edoctus fuero, profiteor equidem hanc mihi narrationem non sic ut par erat ad reliquam carminis oeconomiam accommodatam videri, sed prodere alium poetam, cui non eadem, quam supra descrip-

4) Cf. Nitzsch. I. I. p. 202.

simus, rerum Troianarum conditio habitusque animorum obser-
saretur.

Mira et incredibilis quaedam Troianorum cupiditas pugnandi etiam libro IV nos advertit. Antea enim, quum convenisset de singu-
lari certamine Alexandri et Menelai, non modo magnopere omnes gavis
esse dicuntur, quod sic gravissimo bello finem imponi posse sperarent,
III, 111. 112, sed posteaquam superatus Alexander a Menelao, morti
autem Veneris auxilio ereptus est, tantum fuisse legimus Troianorum
in Alexandrum odium, ut libenter eum, si potuissent, dedituri fuissent,
III, 451 sqq., postulantiue deinde Agamemnoni, v. 456, ut ex pacto
Helenam victori reddant, nemo obloquitur. Neque sane dubium esse
potest, quin, qui vel interfecto Alexandro laetaturi vel ad dedendum
parati fuissent, pactionem saltem implendam esse consenserint. Sed
ecce Pandarus spreto foederis fide occidere Menelaum conatur, gratum
id non modo Alexandro sed Troianis omnibus fore sperans, IV, 95;
ceteri autem vix emissa ab eo sagitta vulneratoque Menelao summo
consensu, et ne expectato quidem ducis imperio, arma Graecis inferunt
v. 221. Certe nulla alicuius imperii mentio fit, neque credibile est
Hectorem, qui ductabat exercitum, sic imperaturum fuisse, omni foe-
deris fide ac religione violata: pugnaret enim hoc cum viri moribus,
quales in tota Iliade cognoscimus, neque unquam perfidiosam pacti
violationem a quoquam huic imputari videmus. Est igitur etiam in
hac narratione aliquid haud dubie offendiculi: quid rei actum sit, poeta
refert; causas autem et rationes, cur sic agi potuerit, explicare super-
sedit. Habebunt ergo hic quoque interpretes, in quo coniectandi
sollertiam ostendant⁵⁾ et quae ille reticuit potuisse aut etiam debuisse
reticere nos edoceant. Ceterum ego omnem hanc partem Iliadis, a
III, 14 ad IV, 446, si abesset, non magnopere desiderarem, in qua ut
sint nonnulla ad universam Iliadis compositionem satis apta, velut *τει-
χοσκοπία* et Agamemnonis *ἐπιπλώσεις*, de quibus nolo nunc con-
tendere, nihil tamen horum necessarium esse apparet, suntque alia

5) Viam monstrabant schol. ad IV, 221: *διὰ τί οἱ Τρῶες, εἴπερ πάσαι
καταθέσθαι τὸν πόλεμον ἐβούλοντο, οὐ ζητοῦσι τὸν βαλόντα, ἀλλ' εὐθὺς
ὁρμῶσιν ἐπὶ τὰ ὄπλα; ὅτι φοντο βουλῇ τῶν βασιλέων πεπραχθαι τὴν παρά-
βασιν· καὶ εἰ μὲν τέθνηκε Μενέλαος, κρατήσιν τῶν Ἑλλήνων ἤλπιζον διὰ
τὴν ἐν' ἐκείνῃ λύπην καταπεπιωκότων, εἰ δὲ μὴ, πῶς γὰρ ἄσπευ ἀόπλοις
αὐτοῖς ἐμπεσεῖν. διὰ τί δὲ πάλιν Ἑκτωρ οὐκ ἐζήτησε τὸν βαλόντα; ὅτι οὐκ
ἦν ἀναλαβεῖν τὸ πταῖσμα ἅπαξ Μενελάου τρωθέντος.*

aut prorsus otiosa nulliusque ad rem summam momenti, aut etiam eiusmodi, quae cum aliis partibus conciliari vix posse videantur. Ex hoc genere est Iovis illa deliberatio, lib. IV. iuit., quum consultandum ait, implerine pactionem et pacem inter Graecos et Troianos componi, an bellum redintegrari placeat. Nam oblitum se esse ostendit non solum veteris cuiusdam promissi, quo Iunoni excidium Troiae spononderat, sed hesternae quoque pollicitationis, quum se iniuriam Achillis magnis Graecorum cladibus vindicaturum esse Thetidi annuit, id quod pertici nisi bello redintegrato non potuisse apparet. Itaque qui hanc partem tuentur, non serio Iovem sed simulate loqui volunt, lacescentem per iocum uxorem filiamque, quas maxime Troianis infestas esse sciebat, dilaudantque poetae inventionem, qui sic, ante quam ipsius belli casus narraret, patefieri etiam hoc voluerit, quonam animo erga utrosque dei essent⁶⁾. Et sane patefiunt implacabiles Iunonis et Minervae in Troianos irae, quae satiari nisi horum interitu non possent; sed unde tantae animis caelestibus irae, hoc non patescit. Scilicet nihil opus erat id exponi, vel quod non ignoraretur ab auditoribus, vel quod non requireretur, vel etiam propterea, quod, si satis iustas illae causas irarum haberent, minus iustus Iupiter videretur, qui dignam poenam Troianorum tam aegre tamen concessisset et tam lente exigeret. Itaque hoc genus reticentiae non modo non mirandum, sed laudandum potius autumant. Nolo contra dicere, neque illud nunc quaerere, num non talis quaedam ratio iniri potuerit, quae non conniventem quidem Iovem, sic ut nunc videri necesse est, ad Troianorum iniurias, sed tardum tamen ad ulciscendum monstraret, quo scilicet illis poenitentiae tempus foret. Nam fateor mihi omnem hanc quaestionem non magnopere ad huius carminis argumentum pertinere videri, quippe quod non in universo bello Troiano eiusque causis et eventu, sed tantum in Achillis ira eiusque expiatione versetur.

Magis huc pertinet Iovis consilium de Achillis ultione. Affectus hic erat ab Agamemnone gravi sane et contumeliosa iniuria, ad quam ulciscendam matris auxilium implorat. Mater Iovem adit, contumeliam filio factam conqueritur, petit ut honori eius Iupiter consulat eamque ob causam Troianis victoriam tantisper concedat, donec Achilli satisfactum fuerit. Iupiter diu tacitus sedet: tandem iterum precibus fatigatus facturum quidem se quod illa petiverat pollicetur, sed aegre

6) Nitzsch. I. I. p. 109.

tamen id a se impetrari fatetur propter lunonem Troianis infestam eorumque successum graviter laturam. In hac narratione, si sola per se spectetur, nihil esse, quod reprehendi aut desiderari possit, equidem lubens agnosco; sed mirabor, si etiam satis accommodata dicetur ei rationi, qua omnem Iliadis compositionem contineri audimus, ut vindex humanae iniuriae et ἵβριος nomen deorum appareat. Nam profecto non valde promptum ad ἵβριν Agamemnonis castigandam hunc Iovem esse videmus, quam ut castiget non sua sponte et iustitiae amore, sed Thetidis gratia veterumque beneficiorum ab ea acceptorum memoria vix tandem et paene invitus permovetur. Itaque nisi Thetis pro filio intercessisset, impunita, per Iovem certe, Agamemnonis iniuria fuisset. Ipsa autem eius poena talis est, qua non is tantum, 12 qui deliquerat, sed ceteri quoque omnes, et gravius quidem, plectantur, quorum tamen culpa omnis in eo constitit, quod fieri a rege iniuriam passi sunt, si haec culpa dicenda est, ac non potius regiae maiestatis reverentia. Sic igitur paullo diversam hanc Iovis personam esse fatendum erit ab ea, quae esse deberet apud poetam iustitiae divinae in ἵβριος castigatione exemplum proponere volentem. Nam quod quis opponat, non fuisse Iovem Thetidis precibus obsequuturum, nisi etiam iustitiam causae approbasset: fieri sane potest ut verum sit, potest autem etiam, ut falsum. Hoc autem manifestum esse arbitror, poetam, si talem Iovis mentem atque animum cogitari ab auditoribus voluerit, illud ipsum, quod unum maxime ad rem pertineret, non debuisse sic per reticentiam obscurare.

Vix aliter iudicari poterit de illis partibus Iliadis, ubi de Achillis ipsius culpa eiusque castigatione dicendum fuit. Agamemnon enim, successu Troianorum persulsus et graviora metuens, nihil non tentandum esse statuit, quo illum sibi reconciliet. Missis igitur legatis, totius exercitus principibus et Achilli amicis, poenitere se peccati sui profitetur idque quantum possit correcturum: nam non munera solum missurum longe amplissima, additurumque insuper alia, si hostes victi forent, nec restitutum solum Briseidem, quam intactam a se esse iureiurando affirmat, sed suam ipsius filiam in matrimonium daturum cum dote, quantam nunquam quisquam genero contulerit, ponat modo ille iram laborantibusque suis opem ferat. Achilles contra neque culpae confessione neque muneribus oblatis honori suo satisfactum ratus, neque amicorum precibus et communi periculo motus, negat se unquam in gratiam cum eo rediturum, a quo tam graviter offensus

sit, neque arma adversus hostes sumpturum, nisi eos in suas ipsius naves impetum facere ignemque iis inferre viderit. Sic legati re infecta redeunt. Postero die redintegratur proelium; aliquamdiu vario Marte dimicatur, mox autem vulneratis Agamemnone, Diomede, Ulixē, et cedere proelio coactis, Troiani victores in ipsa Graecorum castra irrumpunt navenque Protesilai incendunt. Ita demum propinquo periculo Achilles occurrendum esse intelligit, ipse tamen ut arma sumat ne nunc quidem animum inducit, sed Patroclo, amico suo, permittit, ut is, suis armis indutus, cum Myrmidonibus obviam hostibus eat, hac tamen lege, ut repellere eos a castris contentus longius instare nolit, sed statim ad se revertatur, partim quidem saluti Patrocli prospiciens, maxime autem, ne, si plus effectum foret resque Graecorum in melius vertissent, ipsius opera minoris aestimetur suoque aliquid derogetur honori. Patroclus tamen successu elatus haec mandata negligit. Troianos longius persequitur et usque ad urbem repellit, donec tandem ab Hectore et Euphorbo obtruncatur. Nunc demum frangitur Achillis animus, hoc gravissimo vulnere accepto, nunc pertinaciam suam damnat nihilque amplius quam arma et proelium poscit, quo mortem amici ulciscatur. — Est profecto haec rerum series eiusmodi, quam facile credas idcirco sic a poeta contextam esse, ut pro exemplo esset, quam invisa caelestibus immoderata illa mortalium animorum elatio, quamque ipsis plerumque, qui modum excederent, pernicioosa esset; et tamen, si verum dicere volumus, in ipsis carminibus aut nulla aut perparva huius rei indicia deprehenduntur. Unus est locus, ubi
 13 implacabilem odii acerbiter iramque nimis pertinacem improbari a divinis et castigari audimus, in Phoenicis oratione, qua is Achillem placare frustra conatur, IX, 502—514; et passim vel in eodem libro IX, vel in Patrocli oratione lib. XVI, obiurgatur Achilles tanquam nimis durus atque inhumanus. Sed illum locum in Phoenicis oratione Nitzschius nuper (p. 129) in suspicionem vocavit, tanquam ab interpolatore aliquo insertum, quod si ita est, nihil est in tota Iliade, quod aliquo modo divinam animadversionem castigandique Achillis consilium significare dicamus. Immo Iupiter ipse sic loquens inducitur, ac si non satis consultum Achillis honori censeat, nisi victores Troiani in castra adeo Graecorum irruperint, VIII, 471—477. cf. XV, 63. Itaque si illud tamen cogitari ab auditoribus poeta voluit, hic quoque reticentia quadam cum usum esse fatendum erit. Forsitan autem sic potius se res habeat, ut veteribus illis, qui primi haec carmina canta-

runt, tale quid ne in mentem quidem venerit, is autem, qui postea hoc Iliadis corpus concinnavit, si forte in mente habuerit, non tamen sic illa, quae composuit, mutare ac refingere potuerit, ut plane omnia ad hanc rationem accommodarentur. Quid? quod sunt etiam quae cum ea pugnent. Nam quum cardinem rei in legatione illa Agamemnonis verti appareat, qua spreta Achilles modum humanitatis excessit, haec ipsa tamen legatio illi, qui Patrocliam, h. e. librum XVI, composuit, ignota fuisse videtur. Sic enim loquentem facit Achillem v. 71: *τάχα κεν φεύγοντες ἐναύλους πλῆσειαν νεκύων, εἴ μοι κρείων Ἀγαμέμνων ἦπια εἰδείη*, quae verba vix aliter accipi possunt, quam ut Agamemnonem nunc quoque pariter quam olim iniquo erga se animo esse dicat. Id autem qui potuit dicere de eo, qui paullo ante cupidissimum se ostendisset gratiae reconciliandae suamque adeo filiam in matrimonium obtulisset. An suspicari eum dicemus, spreta hac conditione fieri non potuisse, quin Agamemnonis animus rursus a se abalienaretur? At, opinor, hoc tamen non ignorabat, omnem illi spem salutis in suo auxilio positam esse, idque eum, si posset, libenter nunc quoque iisdem quibus antea conditionibus redempturum. Itaque res Graecorum non eo afflictæ sunt, quod etiam nunc Agamemnonis animus ab Achille abalienatus est, sed quod placare eum, quum vellet, non potuit, rectiusque igitur dicendum fuit *εἰ ἐγὼν Ἀγαμέμνονι δῖω ἦπια εἰδείην*, quam *εἴ μοι κρείων Ἀγαμέμνων ἦπια εἰδείη*. Sensit etiam Nitzschius, p. 181, hæc verba rei non congrua esse, nec profici quidquam, si quis forte ἄρτια pro ἦπια reponat: nam non sane aptior sic flet sententia. Itaque ne tamen pugnet hæc pars cum ea narratione, quae est in *Λιταῖς*, lib. IX, versum illum 71 et complures cum eo connexos deleri iubet, ut ab interpolatore insertos. Nimirum sic saepe criticos etiam prudentissimos agere videmus, ut, si quid ipsorum rationibus minus conducat, id interpolatorum fraudi aut stultitiae imputent, quasi vero illi caeco quodam impetu, non aliqua saltem, quamvis saepenumero falsa, ratione permoti Homerum interpolaverint, qua de re Nitzschius ipse accurate et subtiliter disseruit p. 132 et 168. Hoc autem loco quae ratio aut qui error iudicii permoveere quemquam ad interpolandos illos versus potuerit difficile dictu est. Neque illud viro eximio concedere possum, versibus 69—79 deletis reliquam orationem multo concinniore atque elegantiore evadere. Nam quod ait, enuntiationem illam, quae incipit a verbis *εἰ δὴ κυάνεον Τρώων νέφος ἀμφιβέβηκε*, si causam continere dicatur,

14 cur Patroclum Achilles mittat, — id quod in hoc, qui nunc est, verborum contextu necesse est, — longiorem esse, quam eiusmodi causae expositionem esse deceat, nec recte concludi, sed quasi dissolutam procurrere, fateor me non satis intelligere. Quattuor enim versibus absolvitur, et constructionem habet simplicem atque planam. Quod autem deletis illis versibus 69—79 mutatoque sic orationis contextu verba illa protasin fieri vult ad eam apodosin, quae incipiat v. 80, ita tamen, ut in hoc versu pro *ἀλλὰ καὶ ὧς* scribatur *ἀλλ' ἄγε δῆ*, velim scire, quam ob causam hoc *ἀλλ' ἄγε δῆ*, si scriptum olim fuerit, ab interpolatore in *ἀλλὰ καὶ ὧς* mutatum esse credatur. Nam etiam post illos versus recte *ἀλλ' ἄγε δῆ* dici potuit; contra hoc *ἀλλὰ καὶ ὧς* minus expeditam habet explicationem, quo minus ab interpolatore tanquam aptius illis versibus pro illo altero positum videri potest. Sed quo planior res fiat, omnem huius Achillis orationis dispositionem contemnemur. Igitur Achilles, cui nimiam atrocitatem et inhumanitatem Patroclus obiecerat, exorditur ab irae suae excusatione iniuriæque ab Agamemnone sibi factae commemoratione, v. 52—59. Sed, inquit, omittamus hæc: (*ἀλλὰ τὰ μὲν προτετύχθαι ἐάσομεν*): intelligo iam iram sine fine retineri non posse, quamquam statueram sanc me nunquam de ea remissurum esse, nisi quum ad meas usque naves hostes penetrassent. Tu ergo induc arma mea et Myrmidones ad proelium educ, quandoquidem iam Troiani in castra irruerunt, v. 60—69. Fatetur igitur Achilles se iam non prorsus persistere in priore sententia posse, sed hactenus saltem remittendum videre, ut Patroclo, quod is a se petiverat, facere concedat. Mutatae sententiæ causa posita est in Troianorum victoria Graecorumque clade; hæc igitur commemorari conveniens erat, nec iusto longiorem hanc commemorationem videri, iam supra dixi. Nunc autem his commemoratis quid mirum, si etiam cur tantum Troiani potuerint, non praetermittit? (*ὅτ' γὰρ ἐμῆς κόρυθος λεύσσουνσι πρόσωπον*, inquit v. 70: non terrentur amplius meo adspectu. Nam profecto statim repellerentur cadaveribusque suorum fossas complerent, si Agamemnon aequo adversus me animo esset, (*εἴ μοι κρείων Ἀγαμέμνων ἦπια εἶδελε*), h. e. si me placare, ut par erat, mihi que satisfacere propter iniuriam voluisset. Sed nunc illi in castris pugnant: nam nec Diomedes amplius eos arcere potest, nec Agamemnon,

sed Hectoris voce inflammantur. campusque omnis alacri eorum clamore personat, v. 70—79. In his omnibus nihil est, quod quis aut huic tempori aut Achillis personae ac moribus minus conveniens esse arguat. Sequitur iam necessario, ut, quid fieri a Patroclo in tali rerum statu velit, eloquatur. Quamvis, inquit, haec ita sint (*ἀλλὰ καὶ ὧς*), navibus quidem periculum fortiter defende, ne his incensis reditu aliquando in patriam excludamur; sed cave tamen ne plus facias quam tibi mando: ubi de navibus hostes repuleris, ulterius persequi noli, sed porro dimicare in campo cum Graecis sinas, v. 80—96. Manifestum est autem, illud *ἀλλὰ καὶ ὧς* v. 80 non pertinere ad solum proximum membrum, *νεῶν ἀπὸ λοιγὸν ἀμύνων ἔμπεσ' ἐπικρατέως*, sed potius ad universum Achillis praeceptum, cuius duae sunt partes, altera, qua concedit quantum efficere Patroclo permittat, altera, qua interdicat, ne plus facere velit: atque haec altera pars praecipuo quodam modo inculcatur, ut in qua vere sit *μύθων τέλος* 15 (v. 83) summaque sententia. Potuit sane hoc etiam apertius fieri, inserta priori membro particula concessiva, *νεῶν μὲν λοιγὸν ἀμύνων ἔμπεσ' ἐπικρατέως*: neque tamen id necesse fuit, quum ipsa sententiarum oppositio per se satis aperta sit. — Sic igitur ab interpolationis suspitione hunc locum satis vindicatum arbitror, ut iam paullo confidentius repetere possim, non videri, qui hanc partem Iliadis fecit, librum IX de *Αἰτιάς* cognitum habuisse. Nam quod obiiciat fortasse aliquis, in verbis his quae sunt v. 61, *ἤτοι ἔσθην γε οὐ πρὶν μνηστῆρὸν καταπαύσασμεν, ἀλλ' ὅπότε ἂν δὴ νῆας ἑμὰς ἀγίχεται ἀντί, τε πτόλεμός τε*, respici tamen manifesto ad IX, 646, ubi simile quid Achilles proficitur; hoc facile redargui potest notissima observatione, quod *φάναι* saepenumero etiam de tacita cogitatione dici constat, estque hoc ipso loco sic ab Aristarcho acceptum. Ac possit etiam contra quaeri, cur tandem probabilius sit, libri XVI poetae illum librum IX, quam libri IX poetae hunc XVI ante oculos fuisse.

Sed quoniam libri noni mentionem feci, tangam statim etiam aliam quandam offensionem ab hac quaestione non alienam. Nam in consilio principum, quos Agamemnon convocavit, adesse praeter expectationem etiam Phoenicem videmus, hominem adhuc plane nobis ignotum, ut cuius in superioribus libris nulla usquam mentio facta sit. Quodsi quaerimus, quis sit ille Phoenix, ipse nobis paullo post aperit, Amyntoris se filium esse, patria extorrem, a Peleo, Achillis patre,

benigne acceptum partique ditionis praepositum, Achilli autem olim magistrum atque custodem, mox, quum is ad bellum mitteretur, comitem additum. Consentaneum est igitur, ut etiam contubernalis Achillis in castris fuisse credatur. Atqui nunc tamen non sic esse videtur. Nam optione ei data ab Achille, utrum abire secum in patriam, an remanere apud exercitum malit, quum se discessurum ab alumno dilectissimo negasset, lectum ei apud Achillem Patroclus sternere iubetur, quasi antea alibi cubare solitus fuerit. Quid igitur? Deseruitne contubernium alumni, quod iram eius improbaret, aliamque sibi stationem cepit inter amicos Agamemnonis, quibuscum nunc in consilio adest? Sic profecto statuendum erit; sed mirabimur tamen reticentiam poetae, id nobis divinandum relinquentis. Nam non certe tam levis res fuit, aut tam ipsa per se ad intelligendum aperta, ut ne mentione quidem digna videretur; et alia longe aut leviora aut apertiora non tamen sic solent silentio praetermitti, sed disertius non raro ac verbosius quam opus erat exponi. Videtur ergo qui hanc rhapsodiam de *Αἴας* composuit Phoenicis personam partim ex ipsa Iliade, XVI, 196. XVII, 561. XIX, 311, partim aliunde sibi notam, ut senis veterisque magistri Achillis, nunc in hac legatione propterea adhibuisse, quod eam suo consilio praecipue aptam videret, idque unum spectans illud alterum, ut eius ab alumno eiusque contubernio discessionem explicaret, neglexisse. Est autem hoc ipsum eiusmodi, quod facilius huius unius partis quam totius carminis poetae accidere potuisse credas: et sunt etiam alia argumenta, quae hanc *Αἴας* rhapsodiam suspectam reddant, de quibus quoniam satis ab aliis expositum est, neque ea ad meum propositum pertinent, dicere nolo.

De proximo libro, qui Dolonia inscribitur, constat nunc fere inter viros doctissimos, non spernendam esse veterum criticorum auctoritatem, qui eum ab Iliade alienum et a Pisistrati demum amicis insertum esse tradiderunt. Et sunt sane reiiciendi huius libri causae satis graves; una tamen paullo levior haec, quod, qui ad exploranda hostium consilia missi erant, Ulixes et Diomedes, quum revertuntur ad suos, nihil prorsus de exploratione sua renuntiant. Nam nihil illi exploraverant, quod renuntiari necesse esset; idque quum ex universa narratione satis manifestum fiat, etiam disertis verbis a poeta commemorari non opus erat. Quamobrem hanc ego reticentiam non culpandam esse arbitror.

In libro undecimo Agamemnonem, qui paullo ante tam abiecto

animo fuerat tantaque virium suarum diffidentia, ut fuga salutem quaeri vellet, prorsus alium prodire videmus. Nulla iam timoris mentio, sed summa ad dimicandum alacritas, tantaque vis ac fortitudo, ut hostes usque ad urbis moenia repellat, videaturque haud dubiam victoriam reportaturus fuisse, nisi multis prostratis adversariis tandem ipse vulneratus excedere proelio cogeretur. Coniicere quidem possumus, qua ratione haec tanta viri mutatio effecta sit: nempe pudor prioris desperationis et magnitudo discriminis stimulos animo eius addiderunt; sed vellemus tamen id etiam a poeta commemoratum esse, quum praesertim epici carminis ratio ipsiusque Homeri consuetudo postulare videatur, ut in huiusmodi rebus, quae gravioris ad actionem momenti sunt, non solum quid egerint homines, sed etiam quibus causis ac rationibus animi eorum ad agendum impulsus sint, disertis verbis indicetur, neque auditorum coniecturae subaudiendum relinquatur. Hanc ob causam etiam Nitzschius, p. 224, deresse aliquid in hac parte iudicat, idque resectum arbitratur ab iis, qui in componenda Iliade inter superiorem narrationem de Agamemnonis desperatione deque legatione ad Achillem placandum missa et hanc de proximi diei proeliis inseruerint librum decimum de nocturna illa exploratione: quod quum tam acri ceteroquin unitatis in Iliade et continuitatis defensori visum sit, nobis profecto non aliter videri debet.

Sequitur longa certaminum series, donec tandem Achilles Patroclo ut laborantibus Graecis opem ferat concedit, eoque occiso ipse rursus arma capit, quam partem Heynius tom. VIII p. 781 non inmerito primariam Iliadis et quasi medullam esse dicit. Nam sane summa rerum eiusmodi est, qua careri in totius carminis compositione nullo modo potuisse appareat; sed huic summae multa tamen adiuncta esse fatebimur, quae si abessent non desideraremus, aut etiam malleinus abesse. Tanta enim in brevi spatio concervatur multitudo rerum et varietas, quam totam animo complecti sine errore aut confusione etiam attento lectori, nedum auditori, difficillimum sit. Posteaquam Agamemnon saucius proelio excessit, moxque etiam Diomedes et Ulixes propter vulnera cedere coacti sunt, Achilles, de navis suae puppi spectando certamini intentus, quum Machaonem videat, item saucium, in Nestoris curru ad castra revectum, neque satis certo hominem agnoscat, Patroclum ire iubet quis ille sit sciscitatum. Is Nestoris tentorium ingressus verboso sermone detinetur, cuius partem longe maximam otiosa et immodica loquacitate molestam esse Nitzschius quoque fate-

tur, ideoque ut ab interpolatore insertam recidi vult, p. 129. Dimissus tandem a Nestore Patroclus Eurypylo occurrit item sancio, eumque petentem in ipsius tentorium deducit vulnerique curando operam dat, utpote non imperitus medendi. Interim Graeci a Troianis intra murum
 17 compelluntur: hi a curribus desiliunt et in quinque agmina divisi munimenta expugnare conantur, alio aliis locis successu. Nam Asius quidem sinistram castrorum partem adortus repellitur, Hector autem cum suis, neque minus Sarpedon, Lyciorum dux, quamvis resistentibus fortiter Graecis, deiecta parte propugnaculorum et porta effracta in castra introrumpunt. In hoc rerum statu Iupiter, Troianorum fautor, quum adhuc ex Ida monte certamen observasset, iam oculos alio convertit, neminem deorum laborantibus Graecis opem se invito laturum esse sperans. Sed ecce Neptunus, qui et ipse de Samothraciae specula proelium contemplatus erat, occasione utitur ad Graecos iuvandos. Relicta Samothracia Aegaeus properat, equos currui iungit, per mare ad littus Troianum advehitur, ibique curru relicto proeliantibus se miscet et Calchantis specie assumpta Graecos hortatur, incitat, robore et fortitudine mirabiliter auget. Neque hoc satis. Nam Iuno quoque iisdem partibus favens consilium comminiscitur, quo tutius ille perficere quod coeperat possit. Itaque cingulum Veneris mutuata Iovem adit in Ida sedentem, eumque cinguli eius virtute in amplexus suos illicit, ac dein a Somno, quem socium asciverat, consopiri curat. Sic confidentius Neptunus Graecis opitulari pergit, non hortando et monendo, ut autem, sed ipse cum telo divino, et cui resisti a mortalibus non potest, Troianos aggrediens. Ita belli fortuna convertitur: Hector ipse ab Aiace vulneratus animoque deficiens ad Xanthum fluvium reportatur, Troiani autem castris cedere coguntur. Tunc Iupiter somno solutus conspicatusque hanc tantam rerum conversionem graviter uxorem increpat, Neptunum statim proelio excedere iubet, Hectorem autem refici ab Apolline et viribus augeri curat. Sic denuo Troiani superiores fiunt, castra iterum adoriuntur, vallum ab Apolline prortum facile transcendunt, magnaue in ipsis castris strage edita postremo ignem navibus iniicere parant. Nunc demum Patroclus ad Achillem redit, multisque cum lacrimis exposita Graecorum clade impetrat, ut cum Myrmidonibus ad opem ferendam dimittatur. Haec est brevis summa rerum per quattuor libros, XI—XIV, narratarum: nam praetermittenda fuerunt plurima singulorum certamina, in quibus, etiam si ad totius proelii eventum nullius aut exigui momenti sunt,

accuratissime tamen narrandis haud minima illorum librorum pars consumitur, quas narrationes si quis omnes diligenter examinet, non modo multa in iis esse videbit cuilibet alii parti Iliadis non minus quam huic apta, sed nonnulla etiam inveniet aut pugnancia cum aliis aut perquam ad intelligendum difficilia. Velut in castris Graecorum utrum una an plures portae fuerint e certaminum descriptione non certo intelligi potest, qua de re etiam veteres interpretes inter se dissident⁷⁾: item in designationibus locorum, ubi pugnatum sit, conciliari nonnulla cum alibi dictis vix possunt⁸⁾, quumque, qui modo in 16

7) Aristarchus unam tantum portam maiorem statuebat cum *ἑπηνεαστὰς ὁδὸν* h. e. via qua currus agi possent, concedebat tamen plures fortasse minores *πύλιδας* fuisse. Vid. schol. ad VII, 339 cum Eustath. p. 684, 23 et 689, 39. schol. ad XII, 67 et 175. Et sane lib. VII, 338. 9 et 436—9 non discerni potest, utrum plures portae intelligendae sint an una tantum, siquidem *πύλαι* forma plurali etiam de una porta dicitur, id quod grammatici passim inculcant, simul singularem *πύλη* nusquam ab Homero usurpari monentes. Cf. schol. A. et Eustath. ad IX, 362. Tamen posse *πύλας* etiam plures portas significare nemo dubitat, et ipse contextus verborum Homeri, *τείχος ἰδαίαν πέργους θ' ὑψηλοῦς, εἰλεῖν ἑνὸν τε καὶ αὐτῶν, ἐν δ' αὐτοῖσι πύλας ἐνεπτόουν ἐν ἀραρυίας*, indicare videtur, ut plures turres, sic etiam plures portas fuisse, et quidem *ἐν αὐτοῖσιν*, in ipsis turribus. Duae certe portae lib. XII distinguendae videntur. Nam postquam Troiani quinque agminibus factis castra adoriuntur, Asius ad sinistram partem se convertens portam ibi invenit apertam, scilicet ad recipiendos Graecos e campo in castra fugientes, v. 118 sqq. Hac ille irrumpere conatus repellitur a Lapithis, quod certamen describitur usque ad v. 194. Interim Hector aliam partem castrorum adoritur, v. 195, ibique Polydamas effringendam esse portam monet, quam apparet ab illa, quam Asius adortus erat, diversam esse: idque confirmatur etiam XIII, 675. 679, coll. 751 et 765, qui loci docent illam sinistram partem castrorum ab eo loco, ubi Hector irruerat portamque effregerat, satis longe remotam esse. Nam quod nonnulli *ἐπ' ἀριστερά* v. 675 non castrorum sed Hectoris respectu dici volunt, haud dubie falsum esse demonstrat v. 326. — Locus II. XII, 175 *ἄλλοι δ' ἄμφ' ἄλλῃσι μάχην ἐμάχοντο πύλῃσιν* non sine causa pro insiticio habetur; sed ostendit tamen certe etiam rhapsodum, vel quisquis est, qui h. l. interpolavit, plures portas castrorum statuisse. Grammaticorum nonnulli septem volebant (schol. ad VII, 339), alii quinque; e recentioribus alii tribus portis contenti fuerunt, ut Lenzius (Die Ebene von Troia. p. 207.), alii cum Aristarcho fecerunt, ut Heynius tom. V p. 366. 402, et super Faesius ad VII, 339.

8) Velut lib. XIII, 681 pars castrorum, qua Hector irrupit, ea est, *ἐνδ' Ἰσαν Αἰαντός τε νέες καὶ Πρωτεσίλαου*, Protesilai autem navis *παρὰ μέσσω* esse dicitur XVI, 285, sicut etiam XIII, 312 Hector, qui ibi irruerat neque inde discesserat, id quod v. 679 testatur, *νηυσὶν ἐν μέσσωσι* pugnat. Atqui XI, 8. 9

una parte pugnavit, mox in altera compareat⁹⁾, mireris de hac stationis mutatione nullum verbum a poeta factum esse. Quamquam hoc quidem defendi fortasse possit: in vario et ancipiti certamine etiam discurrendum huc illuc pugnantibus fuisse, neque culpandam poetae reticentiam, si tales discursus non semper diserte commemorare voluerit. Insistere igitur huic rei nolo, nec refragabor, si quis nonnulla tamen eorum, quae primo aspectu aut pugnantia aut obscura videantur, diligentius iterum iterumque considerata clariora fieri et conciliari inter se posse defendat: nam ut sit ita, hoc tamen ipsum, quod multa non nisi diligenter identidem considerata satis intelligi possunt, parum convenire puto carmini ad audiendum non ad legendum facto, et confirmare eorum sententiam, qui hanc nostram Iliadem non sic ab initio compositam, sed postmodo demum ex minoribus variisque carminibus coagmentatam esse volunt. Auditoribus quidem certe melius consultum foret, si illam, ut cum Heynio loquar, medullam carminibus paullo minus luxuriantibus involutam et obtectam acciperent, neque quinquam aegre laturum aut desideraturum aliquid fuisse censeo, si a libri XII fine statim ad XV, 390 deduceretur, omis- sis versibus amplius mille septingentis. Nam ut nunc est, quem tandem sive auditorem sive lectorem non offenderit tam tarda diuque dilata Patrocli ad Achillem reversio? Scilicet morabatur eum amici vulnerati curatio. Quantillo autem tempore opus fuisse dicemus ad vulnus obligandum, quod leve fuisse res ipsa demonstrat? Interim Graeci fugientes e campo in castra repelluntur, oppugnant castra Troiani, propugnacula deiiciunt, portam effringunt, irrumpunt omni-

Aiacis naves omnium extremae fuisse dicuntur in altero cornu castrorum, sive id dextrum dicimus, a terra scilicet ad mare descendantibus, sive sinistram, ascendentibus a littore in campum. Non igitur potuit qui ibi irruerat *κατὰ μέσσω* esse. Itaque Aristarchus illas naves, quae XIII, 661 memorantur, non Telamonii sed alterius Aiacis esse volebat, quod parum verisimile esse apparet. Heynius tom. VI p. 355 locum hunc adulterinum putat. Aliam rationem Lenzius iniiit p. 257, transponendis versibus difficultatem removeri posse ratus.

9) Sic XIII, 156 inter eos, qui cum Hectore pugnant, h. e. ad mediam partem muri, ubi ille v. 312 irrupisse dicitur, est Deiphobus, in quem Meriones hastam, quamquam frustra, coniecit. Meriones hasta fracta recedit aliam petiturus, deinde non eodem, ubi antea pugnaverat, revertitur, sed cum Idomeneo ad sinistram partem se confert, v. 326. Sed ecce ibi quoque idem Deiphobus comparet v. 402, qui modo apud Hectorem fuerat, neque reliquisse hanc stationem dictus est. Alia vid. ap. Lenzium p. 255.

bus copiis, *ῥμαδος δ' ἀλλίστος ἐτίχθη*, Il. XII, 471. Ille vero, quasi horum omnium nihil aut animadvertat aut magni momenti esse 19 putet, in tentorio desidens cum amico sermocinatur, XII, l. XV, 390. Immo, inquit Nitzschius p. 247, animadvertit sine dubio: nam dum curat Eurypylum, identidem etiam prospectasse de tentorio et quid ageretur observasse putandus est, sed quum nondum in summo discrimine res Graecorum esse videret, relinquere amici curationem noluit. Atqui coniectura haec est viri accuratissimi reticentiam poetae suppletis et quod ab eo, quum dici deberet, praetermissum est, liberaliter de suo suppeditantis. Cui autem credibile videri potest, quum fierent ea omnia, quae modo memorata sunt, quumque iam intra vallum magno tumultu dimicaretur, ne hoc quidem discrimen tanti Patroclum aestimasse, ut statim ad Achillem properaret, sed tum demum excitatum esse, quum iterum eadem omnia fieri videret? Animadvertendum autem etiam hoc est, parum commode in hac nostra compositione Iliadis illas tot tantasque res temporibus descriptas esse. Incipit enim proelium summo mane, XI, 1: aequo Marte pugnatur usque ad id temporis, *ἡμος δρυτόμος περ ἀνὴρ ὠπλίσατο δεῖπνον*, v. 86, quae designatio licet non satis definita sit, aliquot tamen certe horas pugnatum esse demonstrat, quum praesertim addatur *ἐπεὶ τ' ἐχορέσατο χεῖρας τάμνων δένδρεα μακρά*, v. 88. Sextam horam, h. e. meridiem, designari putat schol. Vict., quod quamvis falsum videatur, haud nimis longe tamen meridiem abesse ostendunt ipsius poetae verba, quum pugnatum esse aequo Marte dicit *ἥσρα ἔως ἢν καὶ ἀέξετο ἱερὸν ἦμαρ*. Nam crescere dies non sane diu ante meridiem desinit. Dehinc iam superiores fiunt Graeci, donec Agamemnon, post hunc Diomedes, moxque etiam Ulixes saucii proelio excedunt. Tum demum repellunt Graecos Troiani et castra adoriantur. Id circa meridiem fieri consentaneum est¹⁰⁾. Quodsi nunc statim Patroclum, qui paullo ante ab Achille ad Néstorem missus est, rediisse ac sine mora, impetrata Achillis venia, cum Myrmidonibus contra Troianos profectum sumimus, huic apte congruit, quod XVI, 777 Patrocli contra Troianos proelium et ipsum meridiano tempore factum esse dicitur, *ῥφρα ἡέλιος μέσον οὐρανὸν ἀμφιβέβηκει*. At vero quae nunc

10) Versus Il. XII, 193. 4 et 208. 9. qui castra vesperi expugnatum iri promittant, Lachmannus (p. 38) eicit, ut ex XVIII, 454. 5, ubi recte se habent, perperam huc insertos, assentiturque Nitzschius p. 228.

post primam valli expugnationem gesta narrantur, Neptuni opera, Iunonis dolus et cum Iove concubitus, huius somnus, Hectoris vulneratio, *παλίωξις* Graecorum, Iovis expergefacti mandata, Hectoris restitutio, instauratio proelii, altera irruptio castrorum, his omnibus aliquantum certe temporis consumi necesse erat, idque tantum haud dubie, ut, si post hanc alteram demum castrorum irruptionem Patroclus hostibus obviam profectus esset, a sano suiue ipsius haud oblito poeta huius quoque proelium in meridianum tempus conferri nullo modo potuisset. Sic est profecto, ut dixi: qui XV, 390 sqq. legerit et cum exitu libri XII contulerit, coire haec inter se prorsus apte fatebitur, neque damnum, sed lucrum fieri sentiet omnibus illis, quae nunc intertextae sunt, resectis. Quamquam de damno aliter iudicari a viro doctissimo video p. 241. Is enim non satisfactorum absque illis Homerum fuisse putat popularium suorum studiis et expectationi, quorum tanta fuerit de heroum suorum virtute ac fortitudine opinio, tamque certa de summo deorum erga illos favore persuasio, ut aegre laturi fuissent tam simplicem proelii eventum unamque

20 castrorum expugnationem. Necesse igitur fuisse poetae, ut multiplicaret pugnandi vices, ut victos Graecos mox rursus, ad tempus saltem, victores faceret, denique ut deos quoque proelio immisceret: quamobrem qui vituperent hanc partem et nimis multa coacervata esse criminentur, perquam iniuste facere nihilque aliud quam ostendere, nondum sibi contigisse, ut plane in poetae eiusque aequalium et popularium sensus atque animum sese insinuarent. — Ceterum aliquot satis magnas in hac Iliadis parte interpolationes Nitzschius ipse agnoscit. Nam praeter longam illam et loquacem Nestoris narrationem, XI, 664—762, de qua supra dictum est, etiam libro XII omnem illam Sarpedonis *ἀρετὴν*, quae est a v. 290—429, subditiciam esse concedit, p. 384; quamquam in proximis libris, qui nobis maxime suspecti sunt, praeter paucos quosdam versus nihil magnopere virum egregium offendisse videtur. Illarum autem duarum interpolationum alteram propterea damnat, quod non apta sit ista narratio loco ac tempori nihilque aut utilis exempli aut admonitionis habeat, alteram autem, quod quae ibi referuntur non satis vel cum antecedentibus vel cum sequentibus conspirent. Atqui hoc quidem alterum genus argumenti quin etiam contra libr. XIII—XV, 389 adhiberi possit, non dubium mihi esse videtur. His tamen Nitzschius carere Iliadem non potuisse iudicat propter illam nescio quam rationem popularem, — sic enim appellare licebit

quam ille nationalem theoriam dicit, — quam ab adversariis non satis animadversam esse queritur. Nolo nunc accuratius in hanc theoriam inquirere, quum praesertim rem omnem eiusmodi esse intelligam. quae ad liquidum perduci certisque argumentis demonstrari vix possit. Interim ab hac si discesseris, in universum spectanti paullo plura viro doctissimo cum adversariis communia sunt, quam quis primo adpectu credat. Nam usum esse Homerum in componenda Iliade etiam antiquioribus carminibus, Nitzschius concedit, neque absolutam ab Homero totius Iliadis perpetuitatem esse contendit, sed partem tantum aliquot maiores interno quodam vinculo inter se coniunctas, nondum tamen etiam in unius corporis compagem connexas. Igitur totius Iliadis formam atque unitatem mente atque animo poetae potius designatam, quam re ipsa et compositione carminum perfectam fuisse dicemus, ut ab intelligentibus animadverti fortasse potuerit, minus intelligentes autem latuerit. In horum autem numero etiam eorum non paucos fuisse fatendum erit, qui in ediscendis et recitandis Homeri carminibus toti occupati erant. Nam a rhapsodis multa Nitzschius admixta esse ait partim ex aliis carminibus antiquioribus, quorum non omnem memoriam Homericorum claritas obscuraverit, partim ab ipsis facta, sed ad illam, quam Homerus in mente habuerit, formam totius carminis non satis accommodata. Denique posteaquam dispersa illa membra colligi scriptoque consignari et in unum corpus coniungi coepta essent, non pauca huiusmodi rhapsodorum additamenta perperam in ordinem recepta, aliaque etiam passim addita esse ab ipsis compositoribus, quibus additis apertiore fore singularum partium inter se connexionem mutuanique relationem iudicarent. Horum igitur placitorum pleraque non propria Nitzschio sed cum adversariis communia esse apparet, proprium autem primum hoc est, quod, quum antiquioribus carminibus Homerum usum esse concedat, illis tamen, qui longius etiam procedere ausi sunt, ut quae et qualia illa carmina fuerint certis quibusdam iudiciis a se deprehendi, adeoque soluta hac nostrae Iliadis 21 compage priscam et nativam eorum formam aliquatenus saltem restitui posse sperarent, fortissime obsistit longeque eos a vera ratione aberrasse contendit. Ego me ab illorum secta non tantopere abhorreere profiteor, quamvis in Lachmanni ceterorumque disputationibus non pauca mihi cupidius quam verius posita esse videantur, neque despero fore, ut si quis satis caute ac prudenter procedat, aliquid certi et quod demonstrari satis evidenter possit, tandem inveniatur. — Porro

autem de hac nostrae Iliadis compositione Lachmannus pro certo habet, eam non esse Pisistrati temporibus antiquiorem, cuius quidem praecipuam quandam operam hac in re fuisse satis inter omnes constat: neque tamen propterea negat ullum etiam ante Pisistratum Iliadis corpus fuisse. Certe principales quasdam partes ad unitatem maioris corporis primitus factas esse agnoscit, h. e., si recte viri acutissimi sententiam interpreter, fuisse putat quandam Iliadem, sive carmen paullo maius, sed ab hac nostra Iliade multum diversam, partibusque plurimis, quae nunc insunt, carentem. Harum enim plerasque Pisistrati demum opera additas, omninoque hoc, quod habemus, Iliadis corpus pro eo, quod olim fuerit, compositum. Nitzschius contra quum hanc nostram Iliadem longe maxima sui parte dudum ante Pisistratum unius Homeri ingenio atque arte compositam censeat, huic a rhapsodis additamenta quidem passim inserta esse fatetur, neque tamen talia aut tam multa, ut vera atque genuina carminis forma prorsus immutaretur aut obscuraretur. Tantam potius esse artis Homericæ præstantiam ac proprietatem, ut, qui hanc recte perspexerit, adhibita praesertim etiam populari illa ratione, facile genuina ab adulterinis discernere possit. Redit igitur res omnis eo maxime, ut quid ars Homeri ratioque popularis poscat aut ferat, intelligatur, atque sic quid huic aptum atque conveniens, quid ineptum et inconveniens sit, diiudicetur. Sed ipsum hoc aptum et conveniens non uno modo aestimatur, et habet quosdam quasi gradus, ut ex pluribus rebus, quarum nullam aptam et convenientem esse negaveris, sint tamen aliae aliis plus aut minus aptae et convenientes. Sunt quibus careri nullo modo possit, quae non solum aptae et convenientiae, sed necessariae potius dicenda sunt. Aliae minus quidem necessariae, sed utilia tamen aut ad ornandum illustrandumque carmen appositae, quemadmodum corporibus nostris natura praeter partes necessarias, et sine quibus vita nostra constare non possit, alias addidit aut ad aliquem quamvis non necessarium usum, aut etiam ad decus formae et pulchritudinem comparatas. Aliae denique non quidem ineptae, sed eiusmodi tamen sunt, ut neque ad usum neque ad ornatum quidquam conferant, sed abundantia, quae si adsint facile feras, sin absint, non desideres. Hoc genus non pauca in Iliade esse nemo negabit, quae tamen utrum ab Homero an a rhapsodis profecta sint vix certo statui poterit. Sunt autem etiam quaedam quasi medii generis, ex aptis atque ineptis mixta, quae si quis obiter nec nimis diligenter inspiciat, aliquam ab

usu aut ornatu commendationem habere videantur, accuratius tamen examinentur aliquid scrupuli iniiciant. Atque ex hoc genere ego hanc partem Iliadis esse aio, de qua dicere coeperam, quae quum Nitzschio ut perapta et populari rationi apprime conveniens magnopere probetur, mihi non modo propter eas, quas tetigi, rationes vehementer displicet, sed etiam propter alias quasdam offensiones. Harum una etiam veteres criticos non fefellit: Pylaemenem dico, nudius tertius a Menelao et Antilocho interfectum, V, 578, nunc autem filii sui funus cum lacrimis prosequentem, XIII, 658. 9: nisi quis forte iis fidem adiungat, qui duos Pylaemenes in exercitu fuisse statuunt, aut alia longe ineptiora comminiscuntur. Nam ab interpolatore duos versus, XIII, 658, 9, adiectos credi vix licebit, quoniam nulla ne levissima quidem causa talis interpolationis excogitari potest. Magis assentiar, si quis eos versus eiiciat, qui sunt de Neptuno, XIII, 18—38, ut post verba *κραιπνὰ ποσὶ προβιβάς* statim sequatur *ὁ δ' ἄρ' ἐς στρατὸν* aut etiam *τάχα δ' ἐς στρατὸν ἵχεται Ἀχαιῶν*. Nam nunc Neptunus — pace maiestatis eius dixerim — nimis se ineptum praebet, qui quum omni modo cavere deberet, ne a Iove animadverteretur, tanto tamen cum strepitu incedit, ut montes silvaeque concutiantur, quasi vero Iovem surdum factum nihilque sensurum confidat. Deinde Troiam properanti quid opus fuit Aegae ante adire, ibique curru conscenso magnifice per aequor vectari? Nonne qui tribus passibus a Samothrace Aegae pervenit, etiam paucioribus passibus Troiam pervenisset? An opus fuit vehiculo, quod, ubi advenit, in littore collocatum relinquit, ipse autem pedibus in castra Graecorum pergit, ibique humana forma assumpta laborantibus succurrit? Denique pugnat etiam hic locus cum v. 352, ubi Neptunus Graecos adiisse dicitur *λάθρη ἐπεξαναδὺς πολὺς ἄλός*: nam qui tam magnifice per aequor vectus est, cui fluctus cedentes viam aperuerunt, quem belluae marinae exultantes prae laetitia ut dominum suum consalutaverunt, is profecto clanculum e mari emersisse nullo modo dici debuit. Aut si quis versum 352, ceterosque a 345 ad 360, ab interpolatore insertos credat, quae Nitzschii sententia est, p. 286, certe infra, XV, 219, Neptunum, quum Iovis iussu invitus proelio excedit, vehiculi sui oblitum statim mari se condere videmus. Quamquam hanc quidem non miramur, immo laudabilem potius poetae reticentiam esse fateor, quod morari illo loco in minutae rei narratione noluerit: nihil enim opus fuit currum ibi commemorari; sed multo minus supra ipso curru opus fuisse

contendo. At pulchra est et splendida vehentis per mare imago. Sane pulchra est, et propter hanc ipsam pulchritudinem ut interpolatori sic aliis multis placuit. Sed nunc non erat ei locus, non modo praeter necessitatem, sed etiam contra probabilitatem concedendus. — Eūam in cohortatione Neptuni ad Tencrum aliosque, v. 95 sqq., sunt quae mallet abesse. Imputatur Graecorum clades Agamemnonis *κατόητι*, h. e. non ignaviae, sed iniuriae, qua offensus Achilles bello abstinebat, id quod v. 111 — 113 manifestum faciunt: neque ignaviam illi, qui paullo ante tam eximia virtutis exempla ediderat, exprobrari potuisse apparet. Sed iniuriae quoque illius exprobrationem minus aptam hoc loco nec satis iustam esse arbitror; nam sarcire eam Agamemnon et satisfacere omni modo Achilli paratus fuit, ut iustius nunc huius iniuria, satisfactionem pertinaciter respicientis, quam Agamemnonis culpari potuerit. Nisi dicamus, hunc quoque poetam, itidem ut illum, qui XVI, 73 fecit, de quo supra dictum est, Agamemnonis *λιτάς* ignorasse. Id sane mihi non improbabile videtur, et confirmare hanc suspicionem etiam v. 115 poterit, *ἀλλ' ἀκωόμεθα θάσσον· ἀκασταί τοι γρήνες ἐσθλῶν*, si quidem haec verba cum Ileynio sic accipimus, ut placandum Achillem Neptunus suadeat, eumque placabilem fore promittat. Quod enim alii designari volunt Graecorum ipsorum segnitiam, quam Neptunus exprobraverat, corrigendam, ut *ἀκασταί γρήνες* dicantur animi eorum, qui peccatum a se esse agnoscant idque emendare studeant, licet non alienum ab hoc contextu, a consuetudine tamen graeci sermonis abhorreere videtur. Ipsa vero illa segnitiae exprobratio, quodque Graeci propter iniuriam Achilli factam abalienatis a rege animis fortem in proelio operam praestare nolle, sed volentes cedere et caedi a Troianis dicuntur, poetam prodere videtur ab eo, qui libros XI et XII fecit, diversum: nam is certe de hac animorum abalienatione et *ἐθελονακίᾳ* nihil significat. — Versu 211 Neptuno occurrit Idomeneus a commilitone rediens vulnerato, quem medicis curandum mandaverat; quis autem sit ille commilito reticetur, quod genus reticentiae, etiamsi hoc loco non aegre ferendum, abhorreere tamen videtur a consuetudine Homeri h. e. eius poetae, qui meliores Iliadis partes fecit. — Denique XIV, 31. 32 quae de muro navalibus circumdato dicuntur, licet non satis perspicua, eiusmodi tamen sunt, ut murum illum statim belli initio navibus primum in littus deductis circumdatum credi necesse sit. Quod si ita est, ab alio poeta hanc partem factam esse apparet, quam qui libro VIII murum illum ante

biduum, idque mira prorsus atque incredibili celeritate intra unius diei spatium exstruxit. — Sunt etiam alia quaedam in hac parte, quae attentum lectorem offendant, partim in rebus ipsis, partim in dictionibus; sed persequi plura hoc tempore non possum, neque opus esse arbitror: nam hoc certe mihi datum iri spero, ut non temere plane neque inconsulto hos libros a vetero Homero abiudicasse dicar. Sunt autem hi ipsi libri haud dubie ex aliis compluribus carminibus Iliacis, quibus Homerus non usus erat, ab aliquo concinnati, qui aut non abhorreere saltem haec additamenta ab Iliade censeret, aut aliquid etiam maioris commendationis habitura propter eam, quam Nitzschius nos attendere iussit, rationem popularem. Neque posthac iis aut defensores aut laudatores defuturos esse intelligo, quum reputo, quae et qualia interpretandi artificia in usum vocari soleant ab iis, qui sibi hanc nostram Iliadem, si totam non possint, at certe quantam maximam possint partem tanquam unius poetae ingenio procreatam et ad unitatem insuperabili quadam sollertia compositam omni modo tuendam esse statuerunt, id quod mihi tanto acrius nonnulli tantoque animosius facere videntur, quanto plura ipsis comminiscenda et, quum non essent in Homero, ex ingenio suo promenda illique contribuenda fuerunt. Indidit enim hanc natura omnibus *φιλοστοργίαν*, ut etiam in hoc rerum genere quod quisque ex sese peperit id carissimum habeat et placere omnibus cupiat. His igitur non invidemus: nobis tamen haec Ilias etiam absque illis artificiis sola per se satis placet, propriisque et ingenitis bonis tot ac tantis praedita esse videtur, ut omni dote adventicia carere facile possit.

Scrib. Gryphiswaldiae a. d. IV. Cal. Iul. MDCCCLIII.

DE ARISTOTELIS CENSURA CARMINUM EPICORUM.

- 3 Quod olim F. A. Wolfius pronuntiavit, Proleg. ad Hom. p. CXXV, sero Graecos didicisse in poesi totum ponere, hoc minus recte a summo critico iudicatum esse hodie quidem apud permultos satis videtur constare. Namque Disсенium potius audiendum esse censent, qui, Proleg. ad Pind. p. LXXXIX, nihil Graecos magis a principio in artium operibus et scriptis sequutos esse affirmat, quam illud ipsum, quod Wolfius eos sero didicisse voluit, nec ullam gentem fuisse, quae ingeniosiores excogitaverit compositiones. Quis autem ignorat, quanto studio quantaeque contentione etiam Homero, poetarum antiquissimo, hanc ingeniosae compositionis laudem recentiores critici vindicaverint? Quamquam ne Wolfius quidem ab Iliade et Odyssea, quales hodie extant, sollertis structurae laudem abiudicavit: non tamen veteri Homero eam tribuendam esse censuit, sed posteriori cuidam aevo politiori artibusque abundantiori, quum animadversum esset, quae olim seorsum et nulla spectatione universae formae cantata essent, ea paucis recidendis, addendis, mutandis ad perpetuitatem unius magni corporis redigi posse. Proleg. p. CXXI. Ipsi autem aevo Homérico ne illud compositionis artificium adscriberet quum aliis quibusdam rationibus permotus est, tum cyclicorum poetarum ceterorumque, qui Homero aetate proximi fuerunt, comparatione. „Etenim“ inquit p. CXXVI „legat nobis aliquis epitomas illas Cypriorum et aliorum quinque carminum nuper editas, et experiatur, an in ullo eorum primarium heroem, aut primariam actionem, aut repetitam
- 4 ex mediis rebus narrationem, qualis in Odyssea est, reperiatur. Percense item reliqua illius aevi epica carmina sive carminum argumenta, genealogias deorum et heroum,

Dionysiaca, Thebaidas, Epigonos, Naupactica, alia; unum quidem heroem in nonnullis, (nam fuerunt plura perbrevia), in nullo unam vel primariam actionem, episodiis ad modum Iliadis intertextam, deprehendes. Magno auctore id affirmo, non coniectura ductus. Ita enim Aristoteles ubique praedicat de Homero, ita eum propter istam ipsam rem ceteris in eodem genere omnibus anteponit, ut nullus eorum hac in re ducem et principem suum imitatus esse videatur, ne Pisander quidem aut Panyasis aut Antimachus, qui secundum Homerum optimi numerati sunt, nedum antiquiores et cyclici. — Quae quum ita sint, quis putet illos omnes eam artem, quae tam eximiae perfectionis causa est, si ab Homero adhibitam vidissent, aut non intellexisse, aut intellectam aemulari noluisse? — Haec Wolfius, cui qui obloquuti sunt, illud maxime sibi agendum intellexerunt, ut cyclicorum poetarum causam, cum HomERICA artissime coniunctam, susciperent, artemque illam, quam veteri Homero vindicabant, his quoque haudquaquam defuisse demonstrarent, aut potius contenderent. Nam demonstrari de carminibus deperditis, et quorum praeter paucissimos versiculos praeterque Proclianas epitomas nihil reliquum est, haud facile quidquam posse apparet, omnenique disputationem in eo tantum versari necesse est, primum ut Aristotelis de carminibus illis testimonium diligenter excutiat, et quid ex eo de eorum compositione colligi rite possit, definiatur, deinde ut ipsa carminum argumenta certe non abhorreant ab artificiosa et Homericæ, si minus pari, non tamen absimili compositione probetur. Horum utrumque quum ab aliis, tum maxime a Nitzschio factum est, qui quae dudum de Homero ceterisque poetis 5 vetustioribus carptim perscripserat, nuper in unum collecta multisque et praeclaris partibus aucta proposuit, gratissimum profecto munus omnibus bonarum litterarum amantibus. Sed de Aristotelis auctoritate quum acute quidem ac subtiliter, neque tamen ita disputatum sit a viro eximio, ut plane ei assentiri possim, utendum hac scribendi opportunitate statui ad sententiam meam quam planissime potero exponendam.

Igitur in libello de arte poetica dilaudat Homerum Aristoteles duobus locis, cap. 8 et cap. 23, propterea quod unus fere omnium poetarum epicorum legem unitatis in rerum, quas cecinerit, delectu et tractatione servaverit. Peccasse enim contra hanc legem non eos

modo ait, cap. 8, quicumque Heracleidas aut Theseidas composuerint, heroumque suorum res gestas omnes, etiam quae nullo interno vinculo copularentur, complexi sint, sed similiter, cap. 23, plerosque poetas vituperat, quod carmina sua ad modum historiarum fecerint, in quibus necesse sit non tam unius alicuius actionis imaginem integram proponere, quam quidquid certo quodam temporis spatio aut uni aut pluribus hominibus evenerit, narratione persequi. Plerosque hoc nomine vituperat, non omnes, ut liceat sane suspicari, unum certe aut alterum poetam praeter Homerum ab hoc vitio immunem fuisse: quumque constet praeter Iliadem et Odysseam etiam alia quaedam carmina pro Homericis olim a multis habita fuisse, possit fortasse aliquis hoc ipso argumento uti, ut horum carminum praestantiam artemque compositionis non multum certe ab ea, quam in Homericis omnes admirentur, diversam esse potuisse contendat. Modo constaret, veteribus illis, qui ista pro Homericis habuerunt, artem hanc compositionis notam atque perspectam fuisse, quam quidem, si Aristotelem audimus, ipsos adeo poetas, quorum ille carminibus unitatem deesse testatur, aut ignorasse oportet, aut non tam necessariam iudicasse, ut non etiam absque ea se placere auditoribus suis posse considerent. Neque enim dubium est, quin multis magnisque laudibus etiam talia carmina ornata esse commendarique magnopere possint, quorum universa compositio ab illa, quam Aristoteles in Iliade et Odyssea laudat, unitate longissime absit. Haudquaquam igitur pro certo sumere licebit, hanc praecipue in illis carminibus spectatam esse, quae praeter haec duo Homero tributa esse legimus. Quid? quod ipsa eorum multitudo ab huiusmodi opinione nos revocare debet. Nam Aristoteles quidem, quamvis benigne verba eius interpreteris, perpaucis certe praeter Homerum bonae compositionis laudem concedit, et tamen Homero a veteribus ea omnia adscripta esse apud Proclum legimus, quae in cyclo fuerunt, quem ille compositum fuisse docet e variorum poetarum carminibus omnem fabularem historiam ab initio rerum Caelique et Terrae coniugio usque ad Ulixis mortem complexis. At opponat aliquis ¹⁾, hoc Procli testimonium et obscurum et levissimum est: graviore testes si examinamus, pauciora tantum Homero tributa esse reperimus, Thebaidem maxime et Epigonos, porro Oechaliae expugnationem, et ex Iliacis Cypria, parvam Iliadem et *Nóστρος*, quae omnia credibile est

1) Vid. Nitzsch, Die Sagenpoesie der Griechen p. 356 et 375.

propter maiorem cum Iliade et Odyssea similitudinem in Homericis nominis societatem venisse, praesertim si ab iisdem quibus haec rhapsodis recitari solebant. Sit sane ita: nolumus enim contendere in re tam obscura: hoc tamen apertum est, istam similitudinem non continuo sic accipiendam esse, ut etiam artificiosae compositionis et unitatis laude illa carmina proxime ad Iliadis et Odysseae praestantiam accessisse statuatur. Nam etiamsi sunt in iis quorum ipsum nomen demonstrare videntur, versata ea esse non modo in uno heroe, sed in una actione primaria, velut Oechaliae excidium in Hercule eiusque contra Eurytum bello, sunt tamen rursus alia, quae diversi generis fuisse non coniectura sed certo testimonio intelligamus. Cypria enim 7 et parvam Iliadem Aristoteles Homericis carminibus opponit propter hoc ipsum, quod ad unitatem actionis minus solleter composita fuerint, quamobrem si tamen Homero haec a multis non minus quam Oechaliae excidium adscribebantur, concedamus necesse est, id propter alias quaedam quam compositionis virtutes fieri potuisse. Quid est igitur, cur in Oechaliae excidio hanc potius quam alias spectatas esse dicamus? — Profecto sic se res habet, ut nullo iure nullaque certa ratione concludi possit, veteres illos in aestimandis carminibus epicis Homeroque aut adscribendis aut abiudicandis illam potissimum unitatis normam adhibuisse, ad quam ut fuerint iam tum Ilias et Odyssea compositae, non tamen eam aut animadversam ab ipsis poetis Homerum aemulantibus, aut utique necessariam ad laudem carminum visam esse apparet. Ut fuerint, inquam, iam tum Ilias et Odyssea sic compositae: nam hoc ipsum haudquaquam satis constare quis nescit? Sed de hac quaestione alias: nunc tantum Aristotelis verba paulo attentius considerabimus.

Is igitur, Art. poet. cap. 8, peccari a multis docet in carminum compositione propterea, quod quid ad unitatem fabulae pertineat non perspectum habeant. *Μῦθος δ' ἐστὶν εἷς*, inquit, *οὐχ, ὥσπερ τινὲς οἴονται, ἐὰν περὶ ἓνα ἢ πολλὰ γὰρ καὶ ἄπειρα τῷ γένει συμβαίνει, (ὥσπερ ποτὲ καὶ ἄλλοτε φασίν,) ἐξ ὧν ἐνίων οὐδέν ἐστιν ἓν· οὕτω δὲ καὶ πράξεις ἐνὸς πολλαὶ εἰσιν, ἐξ ὧν μία οὐδεμία γίνεται πράξις. διὸ πάντες ἐοίκασιν ἀμαρτάνειν, ὅσοι τῶν ποιητῶν Ἡρακλεῖδα καὶ Θησεῖδα καὶ τὰ τοιαῦτα ποιήματα πεποιήκασιν· οἴονται γὰρ, ἐπεὶ εἷς ἦν ὁ Ἡρακλῆς, ἓνα καὶ τὸν μῦθον εἶναι προσήκειν.* In constituenda huius loci lectione Hermannum hactenus sequutus sum, ut verba uncipis inclusa,

ὥσπερ — φασίν, ex cap. 7, 6, ubi prorsus aliena et inexplicabilia sunt²⁾, huc transferrem. Sunt certe hoc loco perapta, siquidem, ut Hermannus ait, haec est Aristotelis sententia, multa ac varia posse uni accidere, quemadmodum poetae (alique, opinor, multi in narrando) aliquando hoc accidit, alio tempore illud gestum est, dicere soleant. Etiam alteram correctionem τῷ ἐνί pro τῷ γένει parum absuit quin reciperem. Nam de iis tantum, quae uni accidunt, sermonem esse apparet, ut dativum illum ad συμβαίνει, si non positus sit, subaudire tamen debeamus. Sed quum id satis per se manifestum, neque illud ἀπειρα τῷ γένει ineptum sit, deserere codicum lectionem nolui. Ceterum universa huius loci sententia nihil obscuritatis habet: quid autem ad unitatem fabulae pertineat, paullo post exponitur his verbis: χρή οἶν, καθάπερ καὶ ἐν ταῖς ἄλλαις μιμητικαῖς ἢ μία μίμησις ἐνός ἐστιν, οὕτω καὶ τὸν μῦθον, ἐπεὶ πράξεως μίμησις ἐστι, μιᾶς τε εἶναι καὶ ταύτης ὅλης, καὶ τὰ μέρη συνεστάναι τῶν πραγμάτων οὔτως, ὥστε μετατιθεμένου τινὸς μέρους ἢ ἀφαιρουμένου διατρέσθαι καὶ κινεῖσθαι τὸ ὅλον· ὃ γὰρ προσὸν ἢ μὴ προσὸν μηδὲν ποιεῖ, ἐπίδηλον ὅτι οὐδὲ μῶριον τοῦ ὅλου ἐστίν³⁾. Requiritur ergo haec duo, primum ut una sit actio eaque tota, h. e. a principio ad exitum rite deducta, deinde ut singulae partes sic inter se cohaereant, ut nulla earum aut transponi aut demi possit, quin totum, h. e. tota actio, discrepet et perturbetur. Credo autem Aristotelem scripsisse τὰ μέρη συνεστάναι ἐκ τῶν πραγμάτων: nam ut nunc est, non satis intelligo, cur invaluerit τὰ μέρη τῶν πραγμάτων dicere, quam τὰ μέρη τῆς πράξεως aut etiam τοῦ μύθου. Est enim μῦθος, ut ipse definit c. 6, 6, ἡ σύνθεσις τῶν πραγμάτων (cf. ib. 8: ἡ τῶν πραγμάτων σύστασις, item § 12: τραγῳδία ἔχουσα μῦθον καὶ σύστασιν πραγμάτων, et 7, 1: ποίαν τινὰ δεῖ τὴν σύστασιν εἶναι τῶν πραγμάτων; denique 6, 14 poetarum est τὰ πράγματα συνίσταται.) πράγματα autem sunt, quaecunque

2) Legitur ibi: εἰ γὰρ ἔδει ἑκατὸν τραγῳδίας ἀγωνίζεσθαι, πρὸς κλειψύδραν ἂν ἠγωνίζοντο, ὥσπερ ποτὶ καὶ ἄλλοις φασιν. Hartungo haec verba significare videntur: Wie es sonst einmal wohl geschehen sein soll: camquo rom sibi prorsus credibilem esse profitetur. Mihi quidem hercle non sit veri similis.

3) Vulgo scribitur: ὃ γὰρ προσὸν ἢ μὴ προσὸν μηδὲν ποιεῖ ἐπίδηλον, οὐδὲ μῶριον τοῦ ὅλου ἐστίν. Recepi emendationem E. Muelleri, in Diurn. antiqu. ann. 1848 p. 518 propositam, de cuius veritate ab attentis quidem et intelligentibus lectoribus dubitari non posse arbitror.

fiunt, accidunt, eveniunt, quorum series et consequutio ab initio ad 9 exitum deducta *πρᾶξιν* efficit, cuius *μῦθος* imitatio (*μίμῃσις*) est h. e. quasi quaedam repraesentatio ex poetae ingenio ad veritatis speciem composita. Itaque ut in una quaque actione, sic etiam in fabula, quae actionis imitatio est, *πράγματα* plura inesse debent, quae prout componuntur, variae existunt actionis vel fabulae partes. Hoc igitur quomodo institui a poeta debeat, Aristoteles praecipit. Laudat autem Homerum, quod, sicut in aliis excellat, sic etiam hoc recte perspexerit sive artis sive naturae beneficio: *ὁ δὲ Ὅμηρος, ὥσπερ καὶ τὰ ἄλλα διασφέρει, καὶ τοῦτ' εἴκει καλῶς ἰδεῖν, ἥτοι διὰ τέχνην ἢ διὰ φύσιν.*

Altero loco, qui est cap. 23, repetuntur primum quae ad unitatem fabulae pertinent praecepta, ut epico carmini cum tragoedia, de qua in superioribus dictum erat, communia: *δεῖ τοὺς μῦθους, καθάπερ ἐν ταῖς τραγωδίαις, συνιστάναι δραματικούς καὶ περὶ μίαν πρᾶξιν ὅλην καὶ τελείαν, ἔχουσαν ἀρχὴν καὶ μέσον καὶ τέλος, ἵν' ὥσπερ ζῶον ἐν ὅλῳ ποιῇ τὴν οἰκείαν ἰδυνίην.* Haec Aristoteles ipsa per se plana esse dicit, nullaque demonstratione egere: consequi ergo, non debere epica carmina ad historiarum modum componi, *ἐν αἷς ἀνάγκη οὐχὶ μιᾷς πράξεως ποιεῖσθαι δῆλωσιν, ἀλλ' ἐνὸς χρόνου, ὅσα ἐν τούτῳ συνέβη περὶ ἓνα ἢ πλείους, ὧν ἕκαστα ὡς ἔτιχεν ἔχει πρὸς ἄλληλα.* Sic tamen fere poetas plerosque facere ait: *σχεδὸν δὲ οἱ πολλοὶ τῶν ποιητῶν τοῦτο δρῶσιν:* hisque deinde opponit Homeri praestantiam: *διό, ὥσπερ εἴπομεν ἤδη (scil. c. 8), καὶ ταίτῃ θεσπέσιος ἂν φανείη Ὅμηρος παρὰ τοὺς ἄλλους, τῷ μὴδὲ τὸν πόλεμον, καίπερ ἔχοντα ἀρχὴν καὶ τέλος, ἐπιχειρῆσαι ποιεῖν ὅλον λίαν γὰρ ἀνμέγας καὶ οὐκ εὐσύννοπος ἔμελλεν ἔσεσθαι, ἢ τῷ μεγέθει μετριάζοντα καταπεπλεγμένον τῇ ποικιλίᾳ.* Structuram verborum in hac extrema periodo perturbatam esse apparet, ipsius haud dubie scriptoris culpa, quem constat in hoc libello concinnitatis minus etiam quam in ceteris curiosum esse: debebat autem aut sic scribi: *ὡς λίαν μέγαν καὶ οὐκ εὐσύννοπον μέλλοντα ἔσεσθαι, ἢ τῷ μεγ. μετριάζοντα κτλ.* aut etiam sic: *λίαν γὰρ μέγας καὶ οὐκ εὐσ. ἔμελλεν ἔσεσθαι, ἢ, τῷ μεγέθει μετριάζων, καταπεπλεγμένος τῇ ποικιλίᾳ.* Sententia satis aperta est: Homerum prae 10 ceteris etiam propterea divinum videri, quia ne bellum quidem Troianum, quamvis initium et finem habens (ideoque hactenus non ineptum epico carmini argumentum), proponere totum voluerit, sive quod sic

longius carmen evasurum fuisset nec facile mente complectendum (*εὐσύνοπτον*), sive quod, etiamsi mensura modicum, varietate tamen nimia intricatum foret, (atque sic rursus non *εὐσύνοπτον*). Apparet igitur Homero aliquid amplius tribui praeter unitatis curam, quam, ut non ignotam lectoribus et iam supra praedicatam (c. 8), hoc loco iterum diserte commemorari non necesse fuit: sed est tamen id, quod nunc in eo laudatur, cum illa unitatis cura artissime coniunctum. Nam ut percipi unitas carminis ab auditoribus possit, necesse est neque longius hoc esse, quam quod sine molestia cognosci totum queat, neque nimia rerum varietate impletum, quae, etiam si non pugnet cum unitate, facile tamen eam obscurat et officiat intellectui. Hanc igitur ob causam Homerus unam tantum partem belli Troiani sibi tractandam sumpsisse, de ceteris autem episodica passim intexuisse dicitur: *νῦν δὲ ἐν μέρει ἀπολαβὼν ἐπεισοδίοις κέχρηται αὐτοῦ πολλοῖς, οἷον νεῶν καταλόγῳ καὶ ἄλλοις ἐπεισοδίοις, οἷς διαλαμβάνει τὴν ποίησιν*. Opponuntur deinde Homero ceteri poetae: *οἱ δ' ἄλλοι περὶ ἓνα ποιῶσι, καὶ περὶ ἓνα χρόνον, καὶ μίαν πρᾶξιν πολυμερῆ, οἷον ὁ τὰ Κύπρια ποιήσας καὶ τὴν μικρὰν Ἰλιάδα*. In his quid sit *περὶ ἓνα ποιεῖν*, non obscurum est: designantur enim illi, de quibus cap. 8 dictum est, *ὅσοι τῶν ποιητῶν Ἡρακλεῖδα καὶ Θησιγίδα καὶ τὰ τοιαῦτα ποιήματα πεποιήκασι*, quibus carminibus, quum varietas rerum nullo interno vinculo cohaereat, sed eo tantum connectatur, quod unius hominis res sunt, veram et poeticam unitatem deesse apparet. Sed de proximis verbis ambigere fortasse aliquis possit, utrum coniungenda sint in hunc modum, ut poetae unius temporis actionem unam sed multiplicem tractare dicantur, an contra sic, ut alii sint, qui, quae uno temporis spatio evenerint, propterea
 11 etiam complecti omnia velint necessariae aut probabilis rerum inter se cohaerentiae parum curiosi, — quemadmodum paullo ante non ad historiarum instar poemata scribi debere monuit, — alii autem, qui unam quidem actionem, sed eam multiplicem, (*πολυμερῆ*) proponant. Hoc haud dubie verum est; siquidem in unius temporis actione una multiplici non certe illud reprehendi potest, quod unius temporis, sed hoc tantum, quod multiplex sit. Nam ad actionis unitatem si etiam temporis unitas accedit, id laudi potius quam vitio vertendum esse apparet. Neque requirenda est praepositio *περὶ* ante *μίαν πρᾶξιν*: nam ea necessaria fuit apud *ἓνα χρόνον* aut *ἓνα* (*ἄνθρωπον*), quandoquidem poeta non ipsum tempus aut ipsum hominem *ποιεῖν* dici

potuit, sed tantum quae ad unum tempus aut ad unum hominem pertinerent; contra *πρᾶξιν μίαν ποιεῖν* legitima et usitata loquutio est. Iam in proximis verbis, *οἷον ὃ τὰ Κέπρια ποιήσας καὶ τὴν μικρὰν Ἰλιάδα*, accuratius scribenti articulus ὃ ante *τὴν μικρὰν Ἰλιάδα* addendus fuit, ne unus utriusque carminis poeta dici videretur; sed hoc genus negligentiae in hoc libello patienter tolerandum est. *Οἷον* autem apparet non alio pertinere, quam ad *μίαν πρᾶξιν πολυμερῆ*: nam non circa unum hominem haec carmina versata esse constat, circa unum tempus autem non certe sic versata sunt, ut quae eo tempore gesta essent, quamvis aliena inter se et disiuncta, omnia complecterentur, sed ea tantummodo, quae ad bellum Troianum pertinerent, cuius in parva Iliade exitum, in Cypriis causas atque initia proposita esse novimus. Apertum est igitur, hoc unum nunc ab Aristotele in iis reprehendi, quod *πρᾶξιν πολυμερῆ* tractaverint, neque vitaverint id quod Homerum cavisse dixit, ne carmina, si non iusto longiora, certe tamen propter nimiam rerum multitudinem ac varietatem implicata et intricata, *τῇ ποικιλίᾳ καταπεπλεγμένα*, evaderent. Scilicet habet haec res etiam in epico carmine modum suum ac lines. Multo plus quidem hoc in genere epicis quam tragicis poetis concessum esse Aristoteles ipse docet cap. 24, quippe quum in tragoedia, quae ad spec- 12 tandum comparata est, non possint unius actionis partes plures eodem tempore gestae simul proponi, in epico autem carmine, quia narratio est, nihil obstat, quominus eiusmodi partes plures deinceps narrentur. Erit tamen, ut arbitror, hic modus observandus, ne partium harum multitudine fabula oneretur atque intricetur, neve totius actionis unitas obscuretur potius quam illustretur: et hoc, nisi fallor, illud est, quod Aristoteles ab Iliadis parvae et Cypriorum auctoribus minus cautum, ab Homero autem observatum esse ait: quod quo magis apertum faciat, statim addit: *τοιγαροῦν ἐκ μὲν Ἰλιάδος καὶ Ὀδυσσεΐας μία τραγῳδία ποιεῖται ἑκατέρας ἢ δύο μόναι, ἐκ δὲ Κυπρίων πολλαὶ καὶ τῆς μικρᾶς Ἰλιάδος πλέον ὅκτωι, οἷον Ὅπλων κρείσις, Φιλοκτήτης, Νεοπτόλεμος, Εὐρύπυλος, Πτωχεΐα, Λάκαιναι, Ἰλίου πέρσις καὶ Απόλλωνος καὶ Σίνων καὶ Τρωάδες*. Apparet enim horum verborum in hoc contextu non aliam sententiam esse posse, quam ut Iliadis et Odysseae partes eae, quibus ipsa utriusque carminis actio continetur, unius tantum aut duarum h. e. perpauca tragoediarum argumenta habere dicantur, Cypriorum contra et parvae Iliadis partes eiusdem generis tam multas esse, ut octo amplius tragoedii

argumenta unum carmen suppedidet. Quenam essent ex Iliade aut Odyssea tragoediae ductae, Aristoteles indicare neglexit: ex interpretibus autem Aristotelis unus, qui sibi intellexisse videretur, non unam aut duas, sed longe plures ex utroque carmine tragoedias desumptas esse, propterea totum hunc locum non ab ipso Aristotele, sed ab inepto quopiam interpolatore scriptum esse contendit. „Multae“ inquit „et peti possunt et petita sunt ex Iliade et Odyssea tragoediae, verbi causa Aeschyli Myrmidones, Nereides, Phrygēs (*Ἐκτορος λείτρα*), etiam *Ψυχαστασία* (quamquam personarum nomina et fata ex Arctini Milesii Aethiopide sumpta erant), Psychagogi, Penelopa, Sophoclis Chryses, Phryges, Thamyras, Tyro, Sisyphus, Nausicaa (satyrica), Phaeaces (satyrica), aliaeque aliorum.“^{*)} Nimirum ostendit vir doctissimus, se nec Aristotelis sententiam satis perspexisse, nec de ipsis illis tragoediis, quarum nomina conguessit, recte iudicare. Nam ut ab ea incipiam, in qua ipse quandam erroris sui conscientiam prodit, Aeschyli Psychostasiam constat versatam esse in Memnonis fato, cuius fabulae apud Homerum nulla prorsus mentio fit, sed cecinerat eam Arctinus in Aethiopide. Itaque argumentum tragoediae suae Aeschylus ex Homero petere nullo modo potuit: illud unum transtulisse ex eo dicitur, quod, quum Homerus Iovem *Ζῆρα* Achillis et Hectoris in trutina suspendentem lingat, ipse eum animas Achillis et Memnonis trutinantem induxit. Nec minus manifestus error in Psychagogis est. Nam licet etiam in Odysseae parte postrema Mercurius *Ψυχάγωγος* sit, procorum animas in Orcum deducens, Aeschyli tamen tragoediam non in hac fabula, sed in rebus multo posterioribus, quales in Telegonia narratae erant, versatam esse e schol. ad Odys. XI, 145 intelligi potest. Quid autem de Sophoclea Tyro dicam? Apud Homerum de illa muliere nihil aliud narratur, nisi a Neptuno sub Enipei, quem ipsa deperibat, specie compressam duos filios, Nestorem et Peliam, moxque ex Cretheo Aesonem, Pheretem, Amythaeonem peperisse. Od. XI, 235 sqq. Hocine igitur Sophocleae tragoediae argumentum fuisse putabimus? Immo alios ille auctores habuit, qui Tyrus fabulam uberius persequuti erant, Hesiodum fortasse, qui quum de patre Tyrus Salmonoe, itemque de eius posteris exposuerit³⁾, etiam ipsius fabulam

^{*)} Ritter. ad Ar. Poet. p. 249.

³⁾ Vid. schol. Od. XII, 70. schol. Pind. Nem. III, 92. Steph. Byz. s. v. *Ἀλκυον*. Tzetz. ad Lycophr. v. 264.

enarrasse putandus est in Catalogis. Non magis argumentum tragoediae praeberunt quae de Thamyri ab Homero, Il. II, 595 et proximis quinque versibus non narrantur, sed attinguntur: neque igitur dubitari potest quin huius quoque fabulae alios Sophocles auctores habuerit, Minyadis fortasse poetam, quem de Thamyri narrasse ex Pausania constat, IV, 33, 7. Porro Sisyphi argumentum quis credet ex Homero 14 sumptum esse? qui nihil nisi genus eius duobus versibus, Il. VI, 153, 4, poenamque apud inferos versibus item paucissimis, Od. XI, 552—599, memorat, facta autem eius aut eventa, quae in tragoedia repraesentari potuerint, nulla prorsus tradit. De Phrygiis Sophoclis nihil quidquam relatum est, unde coniectura de argumento fabulae capi possit, et licet fuerit de genere Troicarum, pariter ut Chryses, cuius praeter titulum nihil novimus, tamen quantum argumenti ex Homero, quantum ex aliis poetis ductum sit, quis tandem divinare poterit? Nam de Chryse expugnataque eius urbe et capta a Graecis filia perquam copiose etiam in Cypriis narratum fuisse non dubium est, unde nomen quoque filiae, ab Homero non memoratum, Hippodamiam grammatici hauserunt. Restant de Sophocleis Nausicaa et Phaeaces, quas vir doctissimus satyricas fuisse autumat: quo iure, ipse viderit: sed si fuerunt satyricae, vix ad hanc quaestionem pertinent, sin tragoediae fuerunt, totaeque ex Odyssea ductae, — quod tamen ipsum haudquaquam liquet, — convellere hae duae Aristotelis auctoritatem non poterunt. De Aeschyleis autem Myrmidonibus, Nereidibus, Phrygius s. Hectoris lytris, quae tres fabulae, utpote in trilogiam compositae, pro una tragoedia numerari poterunt, hoc quidem constat, versatas eas esse in iis rebus, quae in Iliade ab Homero narrantur, verum sic tamen, ut Homeri narrationem Aeschylus multis modis amplificaret, nec fere nisi primas lineas argumenti et catastrophas ex ea sumeret. De Penelope denique parum nobis compertum est. — Sed negavi etiam sententiam Aristotelis ab eius interprete satis perspectam esse, de qua utique Nitzschius audiendus fuit, Melett. de histor. Hom. II p. 18, verissime monens: „Ex Iliade et Odyssea quod unam vel duas ex utraque tragoedias fieri dixit, hoc ita dixit, si tragoediae illae ipsam factorum seriem aut 15 summam utriusque carminis complecterentur.“ Nempe summam carminis aut ipsam factorum seriem eam intelligit, quam Aristoteles alibi, c. 17, 5, τὸν λόγον dicit sive τὸ καθόλου, variis illam episodiis opponens, quibus distingui carmen et amplificari con-

veniat. Potest autem fieri, ut, quae sic per episodica carmini inseruntur, ipsa etiam eiusmodi sint, quae idonea tragoediis argumenta praebeant: velut quae Il. VI de Bellerophonte, Il. IX de Meleagro, Od. IV de Ulixis speculatione per occasionem s. episodice narrantur. Verum Aristoteles ne Rhesum quidem, si hanc fabulam legit, aut Nausicaam et Phaeaces ex ipsa Iliade ipsaque Odyssea, sed ex episodiis tantum Iliadis et Odysseae factas esse diceret, quae quamvis apta suis locis, non tamen adeo necessaria sunt, ut in ipsius summae fabulae partibus, quibus demptis aut transpositis hanc quoque alterari et turbari oporteat, numerari possint. Aliter se res habuit in illis tragoediis, quas e Cypriis multas, e parva Iliade plus octo factas Aristoteles commemorat: harum enim argumenta necesse est non ex episodiis illorum carminum sed ex ipsa eorum summa et primaria actione petita fuisse, id quod non modo Aristotelis testimonio recte intellecto credimus, sed ex iis quoque comprobari videmus, quae aliunde quum de parvae Iliadis, tum de tragoediarum, quas ille hinc factas memorat, argumentis comperta habemus. Nam *Ὅπλων κρίσις* versabatur in certamine de Achillis mortui armis inter Aiace[m] et Ulixem, unde Leschen Iliadis suae exordium duxisse Proclianae epitome docet. Tragoediae argumentum hinc ab Aeschyl[o] petitiu[m] est, cuius *Ὅπλων κρίσις* aliquoties laudatur. Philoctetae fabulam a compluribus tragicis tractatam esse nemo nescit: in parva Iliade eam narratam fuisse item Proclus refert. In eadem expositum fuit de Neoptolemo Achillis filio, ut ab Ulix[e] de Scyro insula ad Troiam deductus arma paterna acceperit, utque Achilles ei in somnis apparuerit; tragoediam autem Neoptolemum unam certe fuisse novimus, Nicomachi, qui Euripidis aequalis fuit ⁵⁾.
 16 Eurypylus Telephi filius in parva Iliade Troianis auxilio venit, quumque multa fortiter fecisset, tandem a Neoptolemo interfectus est. Tragoediam hoc argumento qui scripserit, nescimus: fuisse aliquam nemo dubitabit, nisi cui libeat cum illo, quem ante designavi, viro doctissimo ineptire. Idem de *Ἰπποχέει* dicendum est. Nam quod ignoramus, quis hoc titulo tragoediam fecerit, quis tandem mirabitur in tanta harum litterarum iactura? de argumento autem res plana sit ex epitome parvae Iliadis: Ulixem, mendici habitu, ad speculandum Troiam intrasse, agnitumque ab Helena, sed celatum, consilia cum ea composuisse de urbe prodenda, dein, caesis plurimis Troianis, in castra Grae-

5) Vid. Welckeri librum de tragoed. gr. tom. III p. 1013. 1016.

corum reversum esse. Eandem rem etiam Homerus refert Od. IV, 244 sqq., possitque proinde aliquis, Aristoteliae rationis ignarus, *Πτωχείας* quoque tragoediam in iis numerare, quae ex Odyssea ductae sint. Sed apud Homerum res obiter et in episodio traditur; apud Leschen contra in iis fuit, quarum serie ipsum carminis argumentum ac summa continebatur: idemque de ceteris dicendum est, quas ex Iliade parva desumptas tragici poetae tractasse dicuntur. Proxima est *Λακωνῶν* fabula, quo titulo Sophoclis tragoedia fuit, quam in rebus Iliacis versatam esse unum certe fragmentum testatur, quumque ab Aristotele haec tragoedia statim post *Πτωχείαν* nominetur, summo iure argumentum eius ex ea parte Iliadis parvae ductum esse statuitur, de qua in Procli epitome post illam mendicantis Ulixis speculationem refertur: καὶ μετὰ ταῦτα Ὀδυσσεὺς σὲν Λιομήδει τὸ Παλλάδιον ἐκκομίζει ἐκ τῆς Ἰλίου. Neque enim dubitari potest, quin Ulixes etiam in hoc furto Palladii Helenae auxilio usus sit, quacum antea de excidio urbis conspiraverat, *Λακωνίαν* autem ancillas Helenae interpretabimur ex Laconia heram comitatas⁶⁾. Sequitur *Ἰλίου πέρσις*, quo nomine tragoedias inscripsisse dicuntur Cleophon, Iophon, Nicomachus⁷⁾. Eodem nomine etiam parvae Iliadis liber 17⁸⁾ postremus a quibusdam appellari solitus esse videtur⁸⁾, excidium urbis resque cum eo coniunctas complexus, unde quantum quisque tragicorum in tragoediam suam transtulerit, sciri non potest. Nicomachi quidem *Ἰλίου πέρσις* etiam alio nomine Polyxena inscribebatur: versatam igitur apparet in Polyxenae sacrificio, de quo etiam in parva Iliade relatum fuisse, licet nemo testetur, vix tamen dubitabitur. Nam Procli epitomen non totius carminis, sed prioris tantum partis summarium exhibere constat. *Ἀπόλλωνος* tragoedia cuiusnam poetae et quonam proprie argumento fuerit, ignoramus. Sinonem Sophocles scripsit: fabulam, qualem Vergilius habet Aeneidis libro II, etiam in parva Iliade fuisse non est quod dubitetur. De Troadibus denique, nobilissima Euripidis tragoedia, dicere nihil attinet. — Ceterum qui illud de Iliade et Odyssea testimonium, idem criticus etiam hanc decem tragoediarum enumerationem vehementer impugnavit,

6) Sic etiam Welcker. l. l. tom. I. p. 145.

7) Suid. s. vocc. et Eudoc. p. 248 et 311.

8) Cf. Fr. Wüllaer. de cycl. p. 64. Welck. de cycl. I. p. 215. Nitzsch. l. l. p. 39.

quod quo iure factum sit, ex iis, quae a me exposita sunt, propemodum iam satis liquere arbitror. Certe supervacaneum hunc locum aut ad superiorem Aristotelis disputationem non satis aptum nemo amplius credet: quae autem censor ille in singulis aut mira aut vitiosa aut commenticia esse criminatur, haec omnia aut fuerunt dudum ab aliis vel defensa vel excusata, aut nulla apud cordatos lectores defensione vel excusatione egere videntur. — Sed quoniam etiam a Nitzschio, viro primario et vere critico, non quidem scriptus ab Aristotele hic locus esse negatur, sed dubitatur tamen nonnihil de iudicio Aristotelis eiusque veritate, hanc quoque dubitationem non putavi silentio praetermittendam, quum praesertim eam dilui posse sperem. Disputatur autem a viro praestantissimo, Melet. de hist. Hom. II, p. 17, hoc modo: „Ex eo“ inquit „quod tragici Iliadis parvae partes in
 16 magnum fabularum numerum converterant, colligit Aristoteles, eius actionem minus esse congruam. Haec conclusio probabilitatem habet, necessitatem nullam.“ Scilicet si constaret ea conclusione Aristotelem usum esse, ac non potius ipsum carmen eiusque compositionem, quam tragoediarum ex eo ductarum numerum spectasse. Potueritne fieri, ut eae partes omnes, quae tragoediarum argumenta tragicis praebuerunt, epici poetae solertia sic componerentur, ut non officeretur actionis unitati, quaeri nunc nihil attinet. Factumne esset, an non, id Aristotelem non aliunde nisi ex ipsius parvae Iliadis consideratione decrevisse persuasum habeo. Et Nitzschius quoque, ut est vir prudens et circumspectus, ipse quodammodo sententiam suam retractavit. „Verum enim“ ait „nos ita iudicamus causa quasi incognita: ipsum enim carmen quo modo singula temperata habuerit, non licet considerare, consideraverat autem Aristoteles.“ Attamen statim rursus diffidere Aristoteli navult: „Par esset“ inquit „sensum quendam in iudicium assumere, quem ex lectione ille traxisset, nisi ipse sibi adversari videretur. Alio enim loco (c. 19) epicam et tragicam compositionem accurate distinguit, neque solum totam Iliadis fabulam una tragoedia comprehendi vetat, sed etiam Iliu Persidem. Idem c. extr. s. fin. ex una quaque epopoeia plures tragoedias fieri dicit; unam enim si epici fabulam effingant, carmen aut longitudinem iustam non habiturum esse, aut, eam si efficere velint, languidum evasurum. Sin plures conseruerint fabulas, non unam

amplius futuram esse actionem: ut Ilias et Odyssea multas contineant partes, quae etiam per se suam habeant magnitudinem. Quamquam haec poemata, quantum genus epicum recipiat unius actionis imitationem, optime composita sint." Consideremus igitur ipsos Aristotelis locos. Horum 19 alterum, qui est cap. 18, cum iis, quae ex cap. 23 proposuimus, nullo modo pugnare facile intelligetur. *Χρὴ δέ, inquit Aristoteles, μὴ ποιεῖν ἐποποιικὸν σύστημα τραγυδίαν· ἐποποιικὸν δὲ λέγω τὸ πολέμυθον, οἷον εἴ τις τὸν τῆς Ἰλιάδος ὅλον ποιῶι μῦθον.* Cur hoc non debeat, hanc rationem avertit, quod in epopoeia propter ipsam carminis longitudinem etiam singulae partes iustam magnitudinem habere possint, id quod in tragoedia contra sit. Patet fieri autem hoc ait exemplo eorum, *ὅσοι πέρσιν Ἰλίον ὅλιν ἐποίησαν,* h. e. qui una tragoedia ea omnia complecti voluerint, quae sunt in Iliu Perside. Videmus igitur Aristotelem hoc loco non loqui de unitate actionis sed tantum de carminum magnitudine et mensura. Itaque illud *πολέμυθον* a tragoedia arceat non propterea, quod multae fabulae apte ad unitatem argumenti componi non possint, sed quod, propter necessariam tragoediae brevitatem, explicari commode nequeant, rursusque epicis carminibus *τὸ πολέμυθον* concedit non propterea, quod facilius etiam in magna multitudine fabularum argumenti unitas servari, sed quod iusta mensura, iustum spatium cuique fabulae explicandae tribui possit. De compositionis igitur artificio, de unitate actionis tuenda, hoc quidem loco nihil praecipitur. Licere tantum ait epico poetae, quod tragico non liceat, ut multas fabulas complectatur. Recte et convenienter an secus hoc fiat, in unius cuiusque poetae ingenio et sollertia positum est, potestque accidere, ut, quod liceat fieri aut etiam necesse sit, tamen, si minus recte fiat, reprehendendum sit. — Restat alter locus, qui est c. 26, 6. Comparantur ibi inter se tragica et epica poesis, exponiturque quibus de causis haec illi proponenda videatur. Harum una est, quod minus in epopoeia quam in tragoedia unitatis sit: *ἦττον μία μίμησις ἢ τῶν ἐποποιῶν.* Id iam comprobatur exemplo: *σημεῖον δέ· ἐκ γὰρ ὁποιασθῶν ἐποποιῶν μιμήσεως πλείους τραγυδίαι γίνονται,* h. e. nullum est carmen epicum, ex quo non plures tragoediae fiant. Necesse est igitur propter hanc ipsam causam, quod plures sunt in epico carmine fabulae, quarum nulla sine actione esse potest, totius carminis unitatem minorem fieri aut videri: *ἐὰν πλείους (μῦθους ποιῶσι), λέγω δὲ οἷον ἐὰν ἐκ*

πλειόνων πράξεων ἢ συγκειμένη, οὐ μία sc. ἔσται αὐτὴ φανήσεται. Hoc οὐ μία non nimis urgendum esse res ipsa docet: apparet enim nihil aliud significari quam quod ante dictum est ἦτον μία. Iam vero quum hoc ipsum etiam in Iliadem et Odysseam cadere dicatur, ὥσπερ ἡ Ἰλιάς ἔχει πολλὰ τοιαῦτα μέρη καὶ ἡ Ὀδύσσεια, ἃ καὶ καθ' ἑαυτὰ ἔχει μέγεθος, nonne pugnat hoc cum iis, quae cap. 23 in laudem Iliadis et Odysseae dicta sunt? Ibi enim perpaucae tantum ex utraque tragoedias fieri legimus: nunc pari cum ceteris epopoeiis loco censentur, ex quarum una quaque multae tragoediae fiant. Quamvis enim concedatur Iliadem et Odysseam optime, quantum liceat, compositas esse et maxime unius actionis imitationem habere (καίτοι ταῦτα τὰ ποιήματα συνέστηκεν ὥς ἐνδέχεται ἄριστα καὶ ὅτι μάλιστα μιᾷς πράξεως μίμησις), tamen quum multas utraque partes eiusmodi habere dicatur, quae etiam solae per se magnitudinem habeant, dubiumne esse potest, quin ex talibus partibus etiam tragoediae fiant fierique possint? id quod pugnare cum c. 23 manifestum est. Pugnat sane; sed est tamen, ut arbitror, haec pugna magis verborum, quam rei ipsius ac sententiae. Nempe omnis discrepantia in eo consistit, quod nunc partes (μέρη) dicuntur, quae magis proprie episodica dicenda fuissent. Episodiis autem multis Iliadem distinctam esse Aristoteles ipse professus est c. 23, 3. Cap. 17 autem § 5, de Odyssea loquens, λόγον eius sive summam argumenti brevem esse ait, quae paucis sic fere comprehendi possit: quum quidam multos annos peregre fuisset, ab infesto Neptuno observatus ac solus, res autem eius domestica sic se haberet, ut opes a procis uxoris absumerentur filioque insidiae struerentur, tandem ipse, tempestatibus iactatus, rediit, et post quasdam agnitiones impetu in adversarios facto ipse servatur, 21 illos autem ulciscitur: his itaque sic propositis, τὸ μὲν ἴδιον, inquit, τοῦτο, τὰ δ' ἄλλα ἐπεισόδια. Hinc intelligitur, quam multa magnaue in utroque carmine episodica agnoverit, quorum non pauca etiam tragoediis argumenta suppeditare potuerunt. Haec igitur nunc minus accurate loquens, in partibus eorum carminum numerat, licet alibi, cap. 24, 4, episodica a partibus distinguat, et cap. 23, ubi de tragoediis loquitur ex Iliade et Odyssea ductis, nullam episodiorum rationem habeat. Sed haec indigentia non tamen eiusmodi est, quae fallere attentum lectorem et in errorem inducere possit, neque adeo miranda in hoc libello, quem parum elaboratum esse satis inter omnes

constat⁹⁾. Hinc igitur manifestum esse arbitror, non ob stare hunc locum, quominus illis, quae altero loco, cap. 23, de parvae Iliadis et Cypriorum auctoribus dicta sunt, fides habeatur. Reprehendit autem ibi Aristoteles, quemadmodum supra vidimus, hoc unum, quod, quum actionem multiplicem tractarent, non vitaverint id, quod Homerus prudenter caverit, ne propter nimiam rerum multitudinem ac varietatem implicata carmina evaderent: quae reprehensio significare videtur, eos non satis scite fabulas, quas proponebant, ad unitatem actionis composuisse, sed ita potius omnia narrasse, ut quid primum, quid secundarium esset, non posset dignosci, ideoque unitas actionis, etiamsi non plane deesset, non tamen satis cluceret.

Ceterum quod ad hanc unitatem actionis attinet, est ea quidem necessaria, quae ubi desit, bene compositum carmen esse nequeat, neque tamen sola ad laudem compositionis sufficiens. Requiritur insuper, ut actio tota sit, vel, ut cum Aristotele loquar, ut initium, medium et finem habeat, h. e. ut a principio ad exitum necessario aut probabili processu per gradus deducatur. *Χρή οὖν*, inquit c. 8, 4, *τὸν μῦθον, ἐπεὶ πράξεως μίμησις ἐστὶ, μίᾳς τε εἶναι καὶ ταύτης ὅλης.* item c. 23, 1: *δεῖ τοὺς μύθους συνιστάναι περὶ 22 μίαν πράξιν ὅλην καὶ τελείαν, ἔχουσαν ἀρχὴν καὶ μέσον καὶ τέλος, ὡς ὡς περ ζῶον ἐν ὅλῳ ποιῇ τὴν οἰκείαν ἰδούρην.* add. c. 7, 3: *ἀρχὴ δ' ἐστὶν ὃ αὐτὸ μὲν μὴ ἔξ ἀνάγκης μετ' ἄλλο ἐστὶ, μετ' ἐκεῖνο δ' ἕτερον πέφυκεν εἶναι ἢ γίνεσθαι· τελευτὴ δὲ τοῦναντίον ὃ αὐτὸ μετ' ἄλλο πέφυκεν εἶναι ἢ ἔξ ἀνάγκης ἢ ὡς ἐπὶ τὸ πολλόν, μετὰ δὲ τοῦτο ἄλλο οὐδέν· μέσον δὲ ὃ καὶ αὐτὸ μετ' ἄλλο, καὶ μετ' ἐκεῖνο ἕτερον.* Haec ut satis plana, sic etiam certissima sunt: sed quam bene a veteribus illis epicis servata sint, parum liquet. Sunt enim, qui ne Iliadem quidem et Odysseam sic, ut par esset, finire, sed utramque ultra iustum finem produci putent; et Odysseae partem postremam, a XXIII, 297, alienam nec ab eodem, qui reliqua fecit, poeta profectam esse non ambigitur, ea autem, quae de pace cum occisorum procorum parentibus composita XXIV, 413 sqq. narrantur, etiam ab ea, quam Aristoteles legerit, Odyssea abfuisse nonnulli crediderunt. Sed horum quidem opinionem a Nitzschio satis refutatam esse lubens concedo, nec de Iliadis iusto

⁹⁾ Conf. quae de simili quadam in a. p. indigentia prudenter monuit E. Egger, *Histoire de la critique chez les Grecs* (Paris. 1849.) p. 145.

exitu dissentio. Ceteri autem epici quam recte totum ponere, h. e. actionem ab initio usque ad finem rite deducere valuerint, hoc quidem Aristoteles neque de aliis significavit, neque de iis, quos propter argumentum minus sapienter electum Homero opposuit, Iliadis parvae et Cypriorum poetis. Neque, quod ille reticuit, aliunde nobis compertum est, quandoquidem carminum illorum praeter paucissima quaedam fragmenta nihil superest, Proclianae autem epitomae non totum eorum ambitum describunt, sed eas tantummodo partes, quae aut receptae erant in cyclum ab eius collectoribus, aut pertinere Proclo ad fabularis historiae orbem ac perpetuitatem videbantur. Quodsi probabilitatem sequimur, de Cypriis quidem et parva Iliade — in his enim nunc me continebo — difficile est ad credendum, alterius carminis finem, alterius initium iustum ac debitum fuisse, quippe quum parvam Iliadem continuasse belli Troiani historiam inde ab eo tempore, in quo Arctini Aethiopis desierat, Cypria causas tantum belli et praeparationem primaque tempora, non autem exitum complexa esse constet. Potuisse tamen fieri, ut vel sic poetae illi totum quoddam efficerent, nolo infitias ire, admirorque magnopere et exosculor doctissimorum virorum ingenia, qui, quo modo id fieri potuerit, ostendere, alii aliter, conati sunt. Et de Cypriis maxime, in quibus et Proclianae epitomae ubertas et fragmentorum numerus plures tanquam ansas ad coniectandum praebent, non sine summa voluptate huiusmodi pericula contemplatus sum, fateorque adeo, me ipsum aliquando paene illoctum esse, ut quid coniectando valerem experirer: subibat enim illud, praefiscini, anch'io —; sed revocavi me, abstinendumque putavi huiusmodi lusibus ingenii, quos aliquid fortasse otiosae delectationis habere, parum autem prodesse viderem ad veritatis cognitionem.

DE VETERUM CRITICORUM NOTIS AD HESIODI OPERA ET DIES.

De carmine Hesiodico, quod Opera et Dies inscribitur, quam varia 3 ac diversa sint doctissimorum virorum iudicia neminem fugit mediocriter modo in hoc litterarum genere versatum. Sunt enim, qui formam eius et compositionem, si minus laudibus extollant, at certe satis probabilem esse contendunt, in qua licet passim iuncturam paullo asperiorum transitumque ab alia parte ad aliam abruptiorem esse fateantur, tamen non adeo mirum hoc videri posse autumant in carmine tam vetusto eaque aetate nato, quae quid poeticæ artis leges poscerent nondum satis calleret; boni autem interpretis esse, si quid ad partium aptam compositionem deficiat, id suamet ipsum sollertia supplere, causasque et rationes, quas poeta in opere componendo sequutus sit, sagaciter indagare. Contra alii partes quidem aliquot maiores recte compositas et quasi continuo filo deductas esse concedunt, eas imprimis, quae de agricultura et de navigatione deque dierum faustorum et infaustorum observatione praecipiant, sed his alias perperam assutas esse, nullo interno vinculo aut inter se aut cum illis maioribus cohaerentes, sed confusam quandam sententiarum ac praeceptorum varii generis farraginem, quam qui congesserint aut merum arbitrium aut fortasse externam quandam similitudinem in vocabulis adeoque in litteris sequutos esse, ad eundem modum, quem in elegorum Theognideorum collectione critici acutiores animadverterunt. Atque ab horum sententia ego quoque me non abhorreere profiteor. Quanto saepius enim carmen perlustro, quantoque accuratius defensorum illorum ac laudatorum rationes examino, acumen quidem et sollertiam argumen-

4 tandi libenter agnosco, veritatem ut agnoscam nullo modo adducor, neque melius de hoc carmine iudicari posse existimo, quam de theogonia nuper a me iudicatum est, quum eam compositorem prodere dixi opus quasi tessellatum ex variis atque dissimilibus partibus concinnare conatum, qui, quum universae quidem compositionis consilium et descriptionem haud inepte instituisset, tamen aequabilitatem partium iustaque proportionem parum curaret, neque ad scitam et aptam earum iuncturam et quasi mollem quandam membrorum commissuram efficiendam satis aut ingenio aut arte valeret. Assentior itaque in universum iis, qui partes istas inaequales et male compositas discriminare aggressi sunt, quamquam hos ipsos nec de numero earum nec de unius cuiusque ambitu definiendo plane inter se consentire video. Nam alii, ut Twistenius ¹⁾, qui huius subtilioris inquisitionis princeps fuit, quinque partes maiores, duas minores distinguunt, alii, ut Goettlingius ²⁾, editor Hesiodi longe praestantissimus, novem esse volunt, denique Heyerus ³⁾, cuius non contemnenda extat de hoc carmine commentatio, priorem partem, quae continetur vv. 11—382, sex maioribus et continuis poematis compositam esse statuit, de altera parte, a v. 382 ad 828, nihil dixit; dubitari tamen non potest, quin huius quattuor minimum particulas distincturus fuerit. Equidem meum hac de re iudicium nunc interponere nolo; sed unum tangam in Goettlingii disputatione, quod mihi minus recte a viro doctissimo positum esse videtur. Nam sententiae suae de diversis olim carminibus posteriore demum tempore in hoc corpus conflatis aliquid praesidii etiam hinc petit, quod nonnullae partes suis peculiaribus titulis appellari solitae sint:

5 *Πανδώραν* enim vel *πιθουρίαν* eam partenr, quae sit a v. 47 (potius 42) ad v. 105, *Δαιμονολογίαν* eam, quae sit a v. 109 ad 201, aliquoties a grammaticis dici ait, ubinam autem et a quibusnam, indicare supersedit. Non equidem adeo aut lectione mea aut memoria fretus sum, ut nihil me apud grammaticos aut non legisse aut non oblitum esse credam; eorum tamen, quae ad Hesiodum pertinent, non nimis multa me fugisse arbitror. Sed *δαιμονολογίας* nomen qui usur-

1) Comment. crit. de Hesiodi carmine quod inscribitur Opera et Dies. Kil. 1815. p. 64.

2) Praefat. ad Hesiod. ed. 2. p. XXXV. sqq.

3) De Hesiodi carm. quod Op. et D. inscribitur comment., in progr. gymnasii Sacriacensis ann. 1848. p. 9.

paverit de hac parte carminis, neminem novi, neque omnino illud vocabulum extare in veterum scriptis videtur, sed recentiore demum aetate ad exemplum *Θεολογίας* aliorumque similium procusum esse. De hoc quidem carmine Hesiodico primus Dan. Heinsius eo usus est, *Introduct.* in O. et D. cap. VII, quo loco contra vulgatam olim carminis in duos libros divisionem disputans, rectiusque partes eius ex rerum atque argumentorum varietate distinguendas esse contendens, huius distinctionis quandam significationem etiam apud Manilium inveniri putat, qui *Astron.* II. v. 11. sqq. haec de Hesiodo canit:

Hesiodus memorat divos divumque parentes,
et chaos enixum terras, orbemque sub illo
infantem, et primos titubantia sidera partus,
Titanasque senes, Iovis et cunabula magni,
et sub fratre viri nomen, sine matre parentis,
atque iterum patrio nascentem corpore Bacchum,
omniaque immenso volitantia numina mundo,
quin etiam ruris cultus legesque novandi etc.

Nam horum versuum duos postremos ad Opera pertinere, et numina illa immenso mundo volitantia non alios esse quam daemones, quorum v. 122 et 252 mentio fit⁴⁾. „Manilius igitur“ inquit p. 655 ed. Loesn., *κριτήριον* huius libri primi esse voluit id, de quo praecipue agitur, quia primus Hesiodus, quemadmodum in theogonia de diis sive de prima divinitatis specie, ita in hoc libro primus distincte de secunda egit, nimirum *περὶ τῶν δαιμόνων, περὶ τῶν ποταμῶν θεῶν*.“ Et paullo post, p. 656. 7: „Sicut autem minime insolens erat, librum integrum *Iliados* a parte dicere *Πατρόκληϊαν* vel *Λύτρα* — ita quoque *Δαιμονολογίαν* primum *τῶν Ἔργων* vocat Manilius, quod ex illa parte pleraque dependeant.“ Apparet brevitate causa huic parti *δαιμονολογίας* nomen ab Heinsio imponi; traditum a veteribus esse non apparet. — Paullo aliter se res habet de *Πιθοιγίᾳ*, quod vocabulum neque ignotum est veteribus scriptoribus, et usurpatum, ab uno saltem, de quodam Operum loco; sed rursus qui illam de Pandora narrationem, quae est v. 42—105, *Πιθοιγίαν* ap-

4) No certa quidem est loci Maniliani lectio: nam optimi codices lumina habent, non numina, illudque a supere editore Iacobo receptum est.

pellaret, ante Heinsium nemo fuit. Is autem l. c. p. 656, „in Pandora“ inquit „rursus sunt minutae partes, qualis et *Πιθογία* et aliae, quarum grammatici meminerunt.“ itemque cap. XIV. p. 670: „Sicut autem *Πιθοπλαστία* Iovis est, ita *Πιθογία* (eleganti voce hunc Hesiodi locum ita vocant grammatici) Pandoraae.“ Quinam sint isti grammatici, non magis hic quam Goettlingius nos docet: ego, donec aliquis eorum demonstratus fuerit, nullos esse credam, sed subesse confusam quandam memoriam Eustathii. Ille enim *πιθογίας* nomen usurpat, verumtamen non de fatali Pandoraae dolio aperto, sed de altero in cella vinaria reposito, de quo Hesiodus praecipit v. 369:

*Ἀρχομένου δὲ πίθου καὶ λίγοντος κορέσασθαι,
μεσσήθι φρεῖδεσθαι· δειλὴ δ' ἐνὶ πνυμένῃ φρειδῶ.*

Nam ad Iliadis librum XXIV, v. 527, ubi duo dolia in Iovis domo posita esse dicuntur, malis alterum, alterum bonis repletum, ille, postquam Pandoraae dolii mentionem fecit, in quo mala tantum inessent, *τῷ δὲ τοιοῦτον*, inquit, *τῶν κακῶν πίθου εἷη ἂν καὶ ἡ πιθογία οὐχ ἑορτάσιμος, κατὰ τὴν παρ' Ἡσιόδου, ἐν ᾗ ἀρχομένου πίθου ἐχρῆν κορέννυσθαι, ἀλλ' εἰς τὸ πᾶν ἀποφράς*: apparetque ad festum diem *τῶν πιθογίων* s. *τῆς πιθογίας* respici, καθ' ἣν, ut ait Proclus ad Hesiod. v. 366, *οὔτε οἰκέτην οὔτε μισθωτὴν εἶργειν τῆς ἀπολαύσεως τοῦ οἴνου θεμιτὸν ἦν, ἀλλὰ θύσαντας νῦσι μεταδιδόναι τοῦ δώρου τοῦ Διονύσου*. Et quo magis apertum fiat, non alio quam ad hoc ipsum Hesiodi praeceptum illud *πιθογίας* nomen apud Eustathium pertinere, adscribam etiam quae paullo post ab eo adduntur: *ἡ γοῦν Ἡσιόδειος πιθογία εἰς τοιοῦτόν τι κατὰ τοὺς παλαιοὺς ἐκλαμβάνεται, παραγγέλλουσα συμβολικῶς νέον μὲν τινα ὄντα ἢ γηραιὸν ἀνίσθαι ἀναγκαίως, ἀκμάζοντα δὲ μὴ οὔτως ἔχειν*. Qualem interpretationem praecepti symbolicam etiam ad Hesiodi locum Proclus, aut quisquis est scholii auctor, commemorat: *τινὲς δὲ ἀλληγορικῶς λέγουσι τὸν λόγον εἶναι περὶ τῆς ἡλικίας, ὥστε ἀρχόμενον καὶ γηρῶντα ἀπολαύειν, κατὰ δὲ τὴν μέσσην ἡλικίαν ἐργάζεσθαι*. vel, ut apud Tzetzen est, *παῖς ὢν καὶ γηρῶν ἀπόλαυε τῶν τοῦ βίου ἡδῶν, κατὰ δὲ τὴν ἀκμαστικὴν ἡλικίαν ἐργάζου*.

Evanescunt igitur, quae de *Πιθογία* et de *Δαιμονολογία*, ut usitatis apud grammaticos appellationibus duarum illarum partium Hesiodi carminis, viri doctissimi calidius quam cautius crediderunt:

neque certiora sunt indicia aliorum nominum, quibus unam alteramve partem tanquam singularem et a ceteris separandam denotari a veteribus voluerunt. Veluti quod apud Pausaniam de Boeotorum iudicio legimus, IX, 31, 3: *τούτων (τῶν Ἑργῶν) τὸ ἐς τὰς Μούσας ἀφαιροῦσι προοίμιον, ἀρχὴν τῆς ποιήσεως εἶναι τὸ ἐς τὰς Ἑριδας εἶναι λέγοντες*, nihil aliud significat, quam genuini carminis initium fieri ab Eridum commemoratione, non autem tralaticium hoc fuisse primae partis nomen, quo eam a ceteris seiungerent. Neque magis ex eo, quod Lucianus, Hesiod. c. 1, poetam composuisse ait *παραινέσεις γεωργικὰς, καὶ ὅσα περὶ Πλειάδων, καὶ ὅσα περὶ καιρῶν ἀρότου καὶ ἀμύγνου καὶ περὶ πλοῦ καὶ ὅλων τῶν ἄλλων ἀπάντων*, hos peculiare titulos singularum partium usitatos fuisse colligimus. Mitto alia eiusdem generis, quandoquidem hoc mihi pro certo affirmare posse videor, nihil esse in tam multis veterum citationibus, unde cognosci certo possit, quid iis de partibus huius carminis earumque compositione visum sit. Multo minus autem illud ullo aut testimonio aut argumento demonstrari potest, aliam et ab hac, quam nos tractamus, admodum diversam carminis formam ullo tempore veteribus notam fuisse. Quamquam Wolfius quidem aliter statuit⁵⁾: „non tantum luxati corporis“, inquit, „sed et amplioris operis exiguum superesse ruinam docent Manilius, Plinius, alii, quum ex illo afferunt plura, quorum nunc nec vola nec vestigium apparet; nisi quis temere fingat, hos de diverso carmine testari.“ Atqui hoc ipso, quod illi temere fingi videbatur, nihil veri similis est, iudicaruntque sic et olim Heinsius⁶⁾, et nostra memoria Hugius⁷⁾, Goettlingius⁸⁾ alique viri doctissimi, qui maius quoddam carmen georgicum nunc deperditum a veteribus Hesiodo tributum fuisse mihi quidem propemodum persuaserunt. Sed ii quoque, qui hoc minus probant, L. Caesar⁹⁾ et Mark-

5) Ad Hesiodi Scutum Herc. p. 79 ed. Rask. — Non aliter ante Wolfium Thierschius iudicaverat. Vid. eius dissertationem „Ueber die Gedichte des Hesiodus“ in Denkschr. d. Kgl. Akad. d. Wissensch. zu München f. d. J. 1813. p. 30 not. 19.

6) Introd. in O. et D. cap. IV p. 644 sqq. ed. Loesner.

7) In commentatione quam inscripsit Hesiodi *ἔργα μεγάλα*. Friburg. 1835.

8) Praefat. ad Hesiod. p. XXXIV. — Aliorum nomina commemorat Marschschell. l. mox indicando.

9) In Zimmerm. Diarn. antiquar. Zeitschr. f. d. Alterthumswiss. ann. 1938 n. 65 sqq.

scheffelius¹⁰⁾, illud tamen certe, quod Manilii, Plinii aliorumque citationibus Wolfius doceri ait, haudquaquam ex iis effici consentiunt: quamobrem plura de his nunc dici nihil attinet. Heyerus autem¹¹⁾ id adeo demonstrare conatus est, nullam aliam praeter hanc nostram carminis formam ne ante bellorum Persicorum quidem tempora fuisse, quod ego, licet falsum dicere haudquaquam audeam, tamen argumentis ab illo prolatis probari posse nego. Afferit enim aliquot Archilochi, 9 Simonidis utriusque, Alcaci, Stesichori, Theognidis, Pindari, Timocreonis locos, quibus demonstrare vult, ab illis iam eadem in Hesiodi carmine lecta esse, quae hodieque a nobis leguntur. Atqui, ne dicam esse in his unum atque alterum paullo cupidius assumptum, velut quum Timocreonti, carmen invectivum in Themistoclem sic exorso: οὐκ ἄρα Τιμοκρέων μοῦνος ὃς Μήδουσιν ὀρχιατομεῖ, initium Operum obversatum esse vult, οὐκ ἄρα μοῦνον ἔην Ἐγίδων γένος: etiamsi quis vere poetas illos Hesiodum respexisse concedat, nihil aliud tamen hinc efficietur, quam locos Hesiodeos complures etiam ab iis lectos esse, totum autem carmen hac forma et hoc ordine, qui nunc est, compositum iam tum fuisse id vero non consequi fatebimur. Itaque satius erat illud dicere, quod obtineri potest, nullum certum indicium esse carminis aliter quam nunc conformati. Neque enim audiendi erunt, qui fieri potuisse negant, ut opus tam inconcinnum et male compositum pro Hesiodico tamen a veteribus haberetur, quum praesertim hodieque nonnullos hanc inconcinnitatem aut non agnoscere aut excusare videamus. Ceterum quae in laudem Hesiodi a veteribus criticis dicuntur, pertinent sere aut ad utilitatem praeceptorum aut ad genus dicendi mediocre, quo eum excellere aiunt¹²⁾, universam autem operum conformationem aptamque partium compositionem qui laudaverit, equidem novi neminem.

Omnino autem Hesiodi carminibus admodum diversam sortem quam Homericis contigisse videmus. Haec enim sat mature excellen-

10) In Hesiodi, Eumeli etc. Fragmentt. p. 202 sqq.

11) In progr. supra laud. p. 9—13.

12) Quintil. Inst. or. X, 1, 52: „Raro assurgit Hesiodus, magnaue pars eius est in nominibus occupata; tamen utiles circa praecepta sententiae, levitasque verborum et compositionis probabilis: daturque ei palma in illo medio genere dicendi.“ Compositionem dicit non partium carminis, sed verborum. Cf. Dionys. censur. vet. c. 2: Ἡσίοδος μὲν γὰρ ἐγρόντισεν ἡδονῆς, καὶ ὀνομάτων λισσιότητος καὶ περιέλειπεν ἐμμελοῦς.

tum ingeniorum curis collecta et disposita, moxque magno acumine et subtili doctrina certatim explicata et emendata sunt; Hesiodicis contra multo minus omni tempore curae ac studii impertitum est. Atque hoc maxime in Operibus et Diebus observare licet, quibus perpoliendis aut interpretandis ab uno aut altero nobiliore grammatico aliquid operae datum esse vix paucis indiciiis cognoscimus. Memorantur quidem in scholiis Apollonii Rhodii, Comani, Aristarchi, Cratetis, Seleuci, Didymi nomina, sed locis perpaucis atque sic, ut recensitionum diversarum, quales Homericorum carminum fuerunt, rara tantum et parva vestigia appareant. Quidquid autem diversitatis memoratur, in singulis versibus aut reprehensis aut eiectionis, aut in vocabulis mutatis consistit, universam carminis compositionem non attingit: et Plutarchum, ex cuius commentariis non pauca a Proclo servata habemus, non diversam ab hac, quae nunc est, carminis formam tractasse liquido constat.

Una tantum insignior editionum diversitas haec fuit, quod prooemio, v. 1 — 10, nonnullae caruerunt, cuius rei duo extant testimonia, alterum Pausaniae, qui ab Heliconis accolis vetustissimum *Ἐργον* exemplum sibi monstratum esse narrat¹³⁾, plumbeis tabulis inscriptum, cuius initium fieret a versu 11, omissis decem superioribus, alterum Praxiphani, quem Proclus refert¹⁴⁾ exemplum Operum *ἀπρροσιμιάστον* a se visum commemorasse. Eiusmodi exempla num alii quoque grammatici viderint, non liquet: damnatum tamen prooemium a principe criticorum Aristarcho, ab aliis addubitatum esse videmus¹⁵⁾. — Sed quemadmodum hi derem versus ab aliquo adiecti esse videntur, qui carere carmen prooemio non debere iudicaret¹⁶⁾, sic

13) Lib. IX. c. 31, 4: *Βοιωτῶν δὲ οἱ περὶ τὸν Ἑλικῶνα οἰκοῦντες περιλημμένην δόξην λέγουσιν, ὡς ἄλλοι ἱστοδοὶ ποιῆσαι οὐδὲν ἢ τὰ ἔργα καὶ τούτων δὲ τὸ ἐς τὰς Μούσας ἀγαιροῦσι προοίμιον, ἀρχὴν τῆς ποιήσεως εἶναι τὸ ἐς τὰς Ἐριδας λέγοντες· καὶ μοι μόλιβδον ἐδείκνυσαν, ἐνθα ἡ πηγὴ, τὰ πολλὰ ὑπὸ τοῦ χρόνου λελυμασμένον· γέγραπται δ' ἐν αὐτῇ τὰ ἔργα.*

14) Prooem. scholior. p. 3 F. Gaisf.: *ὅτι δὲ τὸ προοίμιον τινες διέγραψαν, ὥσπερ ἄλλοι τε καὶ Ἀριστάρχος ὀβελίζων τοὺς στίχους, καὶ Πραξιφάνης ὁ τοῦ Θεοφράστου μαθητῆς, μηδὲ τοῦτο ἀγνοῶμεν. Οἷτος μέντοι καὶ ἐντυχὴν φησὶν ἀπρροσιμιάστον τῇ βιβλίῳ καὶ ἀρχομένην χωρὶς τῆς ἐπιπλήσεως τῶν Μουσῶν ἐντυθεῖν· Οὐκ ἔρα μόνον ἔην ἐρίδων γένος.*

15) Velut ab Herodiano in Villosion. Aecd. II p. 69 et in Walzii Rhet. Gr. VIII. p. 566.

16) Fortasse a rhapsodo carmen in aliquo ludorum conventu recitante. h

- 11 etiam clausula carminis non immerito in suspicionem vocata est, ut addita ab iis, qui alterum carmen Hesiodicum, quod erat de auguriis, cum eo coniungi vellent. Nam postremus certe versus, *ὄρνιθας κρίνων καὶ ἐπερβασίας ἀλεινών*, iustam offensionem habet propter subitam hanc de auguriis admonitionem, quorum in superioribus praeceptis nulla prorsus mentio facta est, neque potest alio consilio adiectus credi, quam ut transitum faceret ad carmen de *ὄρνιθομαντείᾳ*¹⁷⁾. Hanc ob causam Apollonius Rhodius et hunc et duos proximos damnassee videtur, id quod e scholio ad v. 826 cognoscimus: *τοῖτοις ἐπάγουσι τινες τὴν ὄρνιθομαντείαν. ἄτινα Ἀπολλώνιος ὁ Ῥόδιος ἀθετεῖ*. Nam pronomen relativum non ad *ὄρνιθομαντείαν*, sed ad *τοῖτοις*, h. e. ad tres illos versus, de quibus hoc scholio agitur, pertinere manifestum est. Factum est igitur in Operibus et Diebus idem, quod in Theogonia. Nam huic quoque duo versus postremi, *τῶν δὲ γυναικῶν φίλων αἰείσατε, ἡδυνέπειαι Μοῦσαι Ὀλυμπιάδες, κοῦραι Διὸς αἰγιόχοιο*, propterea adiecti sunt, ut ad subiunctum in Hesiodicorum carminum corpore Theogoniae Catalogum mulierum transitus fieret, eodemque modo, qui Homericorum carminum corpora composuerunt, postremum Iliadis versum, *ὥς οἶγ' ἀμφίεπον τάφον Ἑκτορος ἱπποδάμοιο* sic immutarunt, *ὥς οἶγ' ἀμφίεπον τάφον Ἑκτορος· ἦλθε δ' Ἀμάρων* — ut connecteretur cum Iliade Aethiopis. — Ninus liquet, quam illud vere a quibusdam viris doctis statuatur¹⁸⁾, totam hanc ephemeridem sive dierum faustorum infastorumque doctrinam, a v. 765 ad 828, olim ab Operum exemplaribus abfuisse. Certe nullum huius rei argumentum ex Aristophanis Ranis peti debuisse arbitror, quod huius fabulae versu 1061 Hesiodus cecinisse dicitur *γῆς ἐργασίας, καρπῶν ὥρας, ἀρότους*: nam plenum indicem rerum ab Hesiodo tractatarum ab Aristophane dari debuisse
- 12 quis tandem credet? An forte in Homeri quoque carminibus nihil

C. F. Hermann placet, cuius doctissimum schediasma de H. Op. prooemio, Indici schol. Gott. huius semestris praemissum, nunc ipsum, dum haec scribo, clarissimi auctoris benevolentiae acceptum refere.

17) Perquam improbabile est, quod Markscheffel ait, l. l. p. 173: „Cur *ὄρνιθομαντεία* primo post Opera loco poneretur, causa erat in extremo Dierum versu posita: *ὄρνιθας κρίνων καὶ ἐπερβασίας ἀλεινών*, nisi propter hunc versum totum carmen compositum erat.“ Rectius iudicat Vollbrecht, in editione Op. et D. Kil. 1844. p. 82.

18) Goettling. praef. p. XXXVI.

Aristophanis aetate lectum esse dicemus, quam τάξεις, ἀρετὰς, ὀπλίσεις ἀνδρῶν, quod haec sola eodem loco ab eo memorantur? Sed ne hoc quidem pro certo affirmari posse arbitror, ab illo exemplo plumbeo, quod Pausanias memorat, hanc ephemeridem absuisse, quemadmodum nonnulli ex verbis eius coniecerunt¹⁹⁾: γέγραπται δ' ἐν αὐτῇ τὰ Ἔργα, omissa mentione Dierum. Nam potuit saepe hac breviori designatione uti a potiore carminis parte, cuius si hanc postremam, de diebus, quae constat versibus amplius sexaginta, abesse ab illo exemplo vidisset, disertam rei mentionem non minus cum facturum fuisse crediderim, quam prooemii in illo exemplo non scripti. Saltem dubitare licebit: neque certior res fiet altero argumento, quum ephemeridem illam a Boeoto poeta propterea abiudicandam esse aiunt, quod Apollo in ea septimo die Thargelionis natus esse dicatur: nam Deliorum hanc opinionem, non Bocotorum fuisse. Atqui Thargelionem haec ephemeris non nominat, sed septimum diem simpliciter: ἑβδομαγενῇ autem Apollinem, h. e. septimo mensis die natum, non modo Delii, sed omnes Graeci dixisse videntur, quamvis de mense dissenserent, velut Iones Thargelionem, Delphi Bysium, alii alios nominantes²⁰⁾. — Sed quoniam mensium iniecta mentio est, tangam statim alterum locum a recentioribus criticis quum aliam ob causam, tum propter mensis nomen non Boeoticum sed Ionicum, Lenaeonem, in suspicionem vocatum. Legitur hoc nomen mensis hiberni in verbosa brumalium frigorum descriptione, quam multi vehementer improbant et a reliqui carminis tenore nimium quantum abhorrere iudicant, alii contra aut defendunt aut etiam laudant. Atque hi quidem illam de Lenaeone offensionem aut sic remonent, ut non mirum esse dicant, si, qui dialecto utatur Ionica, idem etiam mensis nomen Ionicum usurpet, 13. aut ut antiquissimis temporibus alia quam postea mensium nomina apud Boeotos in usu fuisse sumant, aut denique ut Hesiodum Ionico nomine propterea uti maluisse statuunt, quod magis hoc quam Boeoticum apud ceteros Graecos notum esse videret²¹⁾. Ego vero nullam

19) Goettling. l. I. et p. LVII. Cf. Heyer. p. 6.

20) De Bysio vid. Plutarch. quaest. gr. c. 9; respondere is mensis Elaphebeioni, non Thargelioni videtur. Cf. Hermann. griech. Monatsk. p. 60, et de Apolline ἑβδομαγενεῖ qu. cit. id. Antiquitt. sacr. § 44 not. 5. et Blomfield. ad Aeschyl. Sept. ctr. Theb. gloss. v. 801.

21) Vid. Leanép. comment. p. 113. Vollbehr. p. 69.

huiusmodi explicationem aut excusationem requiro, locumque illum, licet neque ab Hesiodo neque ab aliquo Docto factum, non magis tamen propterea, quam aliam quamvis aut narrationem aut descriptionem, ex hoc opere tessellato removendum esse dixerim. Ceterum veteribus criticis ante Plutarchum, quantum quidem e scholiis intelligi potest, neque Lenaeonis nomen neque aliud quidquam in hac parte carminis dubitationem iniecissee videtur; in uno tantum verbo *μυλιώντες*, v. 530, Crates haesisse dicitur et *μαλκιδώντες* rescripsisse: a recentioribus autem grammaticis, Eustathio, Etymologo M., Suida, Zonara aliisque complura ex hac parte citantur, sine ulla alicuius suspicionis significatione.

Narrationem de Pandora, v. 48—105, recentiores critici plerique damnarunt, neque sane dissilendum est non uno nomine eam esse vituperandam. Sed veterum tamen criticorum notationes nullae memorantur, praeter has tres. Primum ad v. 79, *ἐν δ' ἄρα φωνήν θῆκε θεῶν κήριξ. Τούτῳ τινες περιττόν φασιν· ἴδη γὰρ ὁ Ἥφαιστος δέδωκεν αὐδὴν τῇ γυναικί*: nempe versu 61, ubi Vulcanus a Iove mulieri *ἀνθρώπου αὐδὴν* indere iubetur. Proponuntur deinde duae defensiones, altera haec: *εἰ δὲ καὶ τοῦτο γήσιον εἴη τοῦ Ἥσιόδου, τὸν Ἥφαιστον τὸ ὄργανον ἐροῦμεν ἐποσῆσαι τὸ ἄλογον, δι' οὗ δύνатаι συμφθέγγεσθαι τῇ λόγῳ, τὸν δὲ Ἑρμῆν αὐτὴν δοῦναι τὴν δέναμιν τὴν λογοειδῆ*: altera, alius auctoris: *ῥητέον οὖν ὡς τὸ μὲν ἐνδιάθετον ἐκεῖνος, τὸ δὲ προφορικὸν ὁ Ἑρμῆς ἐντίθησιν*. Sed neutram probari posse apparet, siquidem *αὐδὴ* neque τὸ ἐνδιάθετον significare potest, h. e. rationem tacitamque mentis
 14 cogitationem, neque vero instrumentum vocis ab ipsa voce diversum, sed est *αὐδὴ* nihil aliud nisi vox mentis cogitationes expromens, sive λόγος προφορικός²²⁾. Immerito igitur Lennepius hanc alterius scholiastae interpretationem adoptavit; neque Goettlingius verum dicit, quum *αὐδὴν* quidem vocem humanam, *φωνήν* autem suadam esse vult. Rectius iudicarunt Rankius, Vollbehrius, Heyerus, illa de Mercurio *φωνήν* mulieri impertiente ab interpolatore esse rati²³⁾. — In eadem hac narratione non iniuria multi mirati sunt, quid esset, quod in dolio Pandorac, posteaquam mala omnia evolassent, Spes sola

22) Cf. quae de significatione vocabuli subtiliter a Nitzschio dicta sunt ad Odyss. tom. III. p. 1.

23) Vid. Rankii dissert. Hesiodische Studien. Goetting. 1840. p. 19. Vollbeh. p. 32. sq. Heyer. p. 22.

remansisse diceretur, v. 96. Πῶς γησίην, ait scholiastes, ἔμεινεν ἐν τῇ πίθῳ ἢ ἐλπίς; ἐστὶ γὰρ τοῦτο ἐν ἀνθρώποις. (illud ἐν τῇ πίθῳ idem significare dicit, atque ἐν ἀνθρώποις.) τοῦτο δὲ καὶ Κομανὸς ὁ ἀρχαιοτοχὸς τοῦ βασιλέως προὔτεινε. Φησὶν οὖν Ἀρίσταρχος, ὅτι ἡ μὲν τῶν κακίων ἔμεινεν, ἡ δὲ τῶν ἀγαθῶν ἐξῆλθεν. Comanum grammaticum aliunde novimus: pincernam regium fuisse hoc uno, ni fallor, loco legimus. Is προτάσεις scripsit, h. e. quaestiones, (προτεινομένας ἐρωτήσεις, ut Suidas ait), de Homeri, Hesiodi aliorumque poetarum locis difficilioribus, ad quas responsum est ab Aristarcho, cuius libri πρὸς Κομανόν citantur in schol. ad Il. I. 97. II. 798. XXIV, 110. Atque hinc fortasse etiam haec λίσσις petita est: spem, quae in dolio remanserit, esse metum et expectationem malorum. Scilicet mala e dolio emissa passim circumvagari et invadere mortales: apud hos autem esse Spem illam deteriorem, h. e. perpetuo eos venturorum malorum expectatione metuque angere. Ingeniosam, ut omnia Aristarchi, hanc λίσιν esse nemo negabit: veram esse, praestare equidem non audeo. Sed talia persequi hoc loco nolo, et dixi iam alibi, quid mihi de Hesiodica fabula videretur²⁴). Nunc igitur unam tantum commemorabo Seleuci grammatici coniecturam, qui v. 96 pro eo, quod scriptum est, ἐν 13 ἀρχήκτοισι δόμοισι, reponi voluit ἐν ἀρχήκτοισι πίθοισι, quam correctionem neque necessarii neque adeo probabilem esse non opus est exponere. Ceterum quum omnis haec de Pandora narratio apud Origenem descripta sit, contr. Cels. IV, 38. tom. XIX p. 58 Ionin., omissis tamen tribus versibus, qui sunt 70—72, unoque, qui est 93, non inepte aliquis coniecerit, diversam ab hac nostra Operum recensionem Origeni in manibus fuisse. Et versum 93 quidem etiam codices Hesiodi non pauci omittunt, nec dubitari potest, quin ex Od. XIX, 360 insertus sit ab aliquo interpolatore, qui v. 92 pro κῆρας, quod unice verum est, γῆρας legeret; tres autem superiores etiam in Theogonia leguntur v. 571—573, unde huc assumpti videntur, primis tantum verbis paullum immutatis, scilicet quo minus manca foret narratio. Neque illud non advertendum est, nihil plane ad hos tres versus a Proclo annotatum esse.

Sequitur locus de quinque aetatibus generis humani, a. v. 106 ad 201, omnium fortasse, qui in Operibus sunt, recentissimus et qui cum

24) In dissert. de Pandora, ann. 1853 edit. p. 10. (Opusc. II p. 282.)

superiore fabula de Pandora conciliari nulla sana ratione possit²⁵). In hunc una memoratur veterum criticorum notatio, ad v. 169, ubi de quartae sive heroicæ ætatis sorte exponitur. Heroibus enim, posteaquam alii apud Thebas alii apud Troiam obierint, sedem a Iove assignatam esse in extremis orbis terrarum finibus,

169. τηλοῦ ἀπ' ἀθανάτων τοῖσι Κρόνος ἐμβασιλεύει·

170. καὶ τοὶ μὲν ναίουσιν ἀκηδέα θυμὸν ἔχοντες

171. ἐν μακάρων νήσοισι παρ' Ὀκεανὸν βαθυδίνην,

172. ὄλβιοι ἦρωες, τοῖσιν μελιγδέα καρπὸν

173. τρεῖς ἔτεος θάλλοντα γέρεϊ ζεῖδωρος ἄρουρα.

Τοῦτον καὶ τὸν ἐξῆς, ait Proclus ad v. 169, ὡς γληναφώδεις ἐξοικίζουσι τῶν Ἡσιόδου τὰ τε ἄλλα γανλίζοντες, καὶ τὸ ἐνθουσιαστικὸν τῆς εἰσβολῆς τῶν μετ' αὐτοὺς στίχων ἀφαιρεῖν λέγοντες. Fuerunt igitur, qui inanem quandam loquacitatem in his versibus esse criminarentur, parum accommodatam vehementiori animi commotioni, quam proderent mox versus 174. 5, ubi poeta se quintæ ætatis, qua ipse vivat, tanto taedio affectum esse exclamat, ut aut ante eam mortuus, aut postea demum nasciturus esse malit. Quæ autem porro apud Proclum leguntur: ὡς γὰρ ἀποβλέψας εἰς τὸ κατ' αὐτὸν τῶν ἀνθρώπων γένος μετὰ τὴν ἐξέμνησιν τῆς τῶν ἡμιθέων λήξεως ἐπάγει·

174. μηκέτ' ἔπειτ' ὦφειλον ἐγὼ πέμπτουσι μετεῖναι,

175. ἀνδράσιν, ἀλλ' ἢ πρόσθε θανεῖν ἢ ἔπειτα γενέσθαι.

haec sic non recte superiori annotationi subiuncta esse apparet. Nam propter causalem coniunctionem γὰρ expectamus rationem eius iudicii, quod ibi commemoratum est, allatum iri; id autem non fieri, sed opponi potius aliquid videmus, quo poeta contra iniquos iudices defendatur: hanc ipsam, quam illi criminarentur, prædicationem beatæ sortis heroum (τὴν ἐξέμνησιν τῆς τῶν ἡμιθέων λήξεως), horumque conditionem tam diversam ab sui temporis miseria poetæ animum vehementius commovisse, ut in hæc verba erumperet, μηκέτ' ἔπειτ' ὦφειλον, et quæ sequuntur. Manifestum est igitur in Procli scholio post commemoratum aliorum iudicium aliquid excidisse, quo sibi illud improbari significaret, velut: ἀλλ' οὐκ ὁρθῶς ὑπειλήφασιν vel tale quid. Est autem alia insuper corruptela tollenda. Nempe ἐξέμνησις illa, quam nonnulli ut nimis loquacem deleri volebant, haudquaquam

25) Conf. diss. de ætat. gen. hum. p. 12. (Opusc. II. p. 317.)

his tantum duobus versibus continetur, qui sunt 169. 170, sed pertinet usque ad v. 174. Itaque in principio scholii non τοῦτον καὶ τὸν ἔξῃς, sed τοῦτον καὶ τοὺς ἔξῃς scribendum est. In ipsis autem poetae versibus non potest dubitari, quin recte a recentioribus editoribus plerisque ἐμβασιλεύει scriptum sit pro eo, quod in codicibus extare dicitur ἐμβασίλευε²⁶⁾. Nam, nisi quis forte totum hunc versum ut 17 insiticiū eiiciat, — et adest sane a codicibus non paucis, — praesens verbi tempus, non praeteritum res ipsa flagitat. Quod enim Lennepius obiicit, Saturnum in beatorum insulis regnantem quamvis alii poetae memorent, certe Hesiodo ignotum esse, quippe qui diserte Saturno cum Titanibus caeli imperio deiectis sedem tribuat in tenebrosis Tartari cavernis, Theog. v. 729 sqq. 813 sqq. 850 sqq.: huius argumenti vis nulla esse potest, nisi apud eos, quibus persuasum sit, eiusdem poetae et Theogoniam et hoc de aetatibus carmen esse. Fatendum est autem, recepto praesenti ἐμβασιλεύει paullo duriorē esse orationis structuram, quum pronomen τοῖσι non ad proximum ἀθανάτων, sed ad eos referendum sit, qui ante memorati erant, heroicae aetatis homines. Concedendum est igitur, quod Heyerus dixit p. 25, melius poetam scripturum fuisse τοῖς δὲ Κρόνος ἐμβασιλεύει. Sed multa sunt in his Hesiodicis, quae aliter scripta mallet, neque tamen propterea sic, ut sunt, scribi a poetis non optimis potuisse neges. Nam quod idem Heyerus ad imperfectum ἐμβασίλευε tuendum comminiscitur, sedem heroibus in sinibus quidem terrae assignatam esse, sed longe tamen remotam a Titanibus, quorum Saturnus rex fuerit, idque indicari verbis τῆλοῦ ἀπ' ἀθανάτων, τοῖσιν Κρόνος ἐμβασίλευε, hoc quidem refutare non opus est.

Sequitur αἶνος seu fabella de accipitre et lusciniā, v. 202—212, ad quem locum memoratur in scholiis Aristarchi notatio: τοῦτων δὲ τῶν στίχων ὁ Ἀρίσταρχος ὀβελίζει τοὺς τελενταίνους, ὡς ἀλόγων γνωμολογεῖν οὐκ ἂν προσῆκον. Nempe vituperat, accipitri praeter ea verba, quibus lamentantem lusciniā increpat, etiam generale praeceptum tribui, ἄφρων δ' ὅς κ' ἐθέλη πρὸς κρίσσοντας ἀντιφερῖν νίκης τε στέρεται πρὸς τ' αἴσχεσιν ἄλγεα πάσχει, utpote vel abhorrens a bestiae ingenio vel certe in hanc lusciniā cau-

26) Praevit emendationem Graevius, Lectt. Hesiod. c. 5. p. 528 Loes., adoptarunt Schrevelius, Krebsius, Buttmanus, Goettlingius, Lehrsius uterque, Vollbehrus, et alii fortasse plures, de quibus quaerere nunc non vacat.

sam minus conveniens: nam nec certabat ea cum fortiore, sed lamentabatur tantum, nec dedecus aut dolorem creptae victoriae, sed certam necem sibi propositam querebatur. E recentioribus criticis alii hos 18 versus transponendos censuerunt post v. 212, scilicet ne accipitris, sed ipsius poetae praeceptum videretur, alii ne transpositione quidem opus esse iudicarunt. Ipse autem Aristarchus fortasse non negavit eos a poeta hoc loco positos esse, sed recte positos esse negavit. Constat enim obelum ab eo non iis solum versibus appositum esse, quos spurios, sed etiam quos minus probandos esse significaret, neque primus Horatius etiam Homerum nonnunquam dormitasse credidit.

Subiunguntur deinceps multa variaque morum praecepta, quae parum inter se cohaerere ne Heinsius quidem distitetur. Τὸ πλείστον, ait in argumento graece scripto, p. 701 Loesn., τῶν ἐποδηκῶν τῶν ἐνταῦθα χειμένων ὁ χαρακτὴρ ἀφοριστικὸς ἔστι καὶ ἀπόλυτος καὶ ἀσύνθετος ὡς ἐπίπαιν ὁ λόγος. Et apparet non modo quam difficile fuerit primis Operum collectoribus talia probabili quodam ordine disponere, sed etiam quam proclive postea interpolatoribus, multa passim assuere. Sed veterum criticorum notationes etiam ad hanc partem perpaucae sunt, quarum una, in schol. ad v. 274 memorata, non interpolationis suspicionem prodit, sed tantum ad unius vocabuli usum pertinet ab Homeri sermone alienum: Τὸ σημείον²⁷⁾, ὅτι οὐδέποτε Ὅμηρος νόμον εἶπε. Est hoc fortasse ex Aristonici σημείοις Ἡσιόδου petitum²⁸⁾, unde observatio quaedam, de forma vocabuli λοχεῖο, etiam in schol. ad Theog. v. 178 fluxisse videri potest. — Sed spurios nonnullis visos esse duos versus, qui sunt 244. 245, ex Procli scholio colligas: δεῖ δὲ συνάπτειν τὸ λιμὸν ὁμοῦ καὶ λοιμὸν, ἀπορρινύθουσι δὲ λαοί, (τοῖς ἐν πολλοῖς γεγομένους δύν στίχους ὑπερβάντα,) καὶ ἢ τῶν γε στρατὸν εὐρὴν ἀπώλεσεν, 19 καὶ τὰ ἐξῆς²⁹⁾. Nam quum in multis exemplaribus illos duos

27) Sic recte in codd. scriptum, subaudito scilicet verbo παρὰκειται, quod genus dicendi, vel e Venetis in Homerum scholiis notissimum, miror a Gaisfordio et Vollbehris ignoratum esse, qui receperunt ex Heinsii coniectura: τοῦτο σημείωσαι.

28) Cf. Lehrs. de Aristarch. stud. Hom. p. 2 et p. 7.

29) Deest vulgo copula ante versum alterum, quam addidit Vollbehr. Alterum mendum τοῖς — γεγομένοις iam Wyttienbachius correxit, ad Plutarch. tom V, 2 p. 767.

versus extare dicit, non in omnibus extare significat. Scilicet omissi erant ab iis, qui eos spurios esse iudicabant: quorum iudicium etiam a Plutarcho probatum esse ex eodem Proclo discimus. — Interpolationis vestigia manifesta nec non a veteribus criticis animadversa deprehendimus v. 376 sqq.

*Μουνογενής δὲ πάϊς εἴη πατρώϊον οἶκον
φέρβειμεν· ὥς γὰρ πλοῖτος ἀέξεται ἐν μεγάροισι.
γῆραιός δὲ θάνατος ἔτερον παῖδ' ἐγκαταλείπων,*

quorum postremum non modo a Proclo eoque, quem is auctorem sequi solet, Plutarcho, sed etiam ab Aristarcho damnatum esse in Tzetzae scholiis legimus: οἱ περὶ Προχλὸν καὶ Ἀρίσταρχον ἢ Πλούταρχον ἀδιανόητον τοῦτό φασιν εἶναι καὶ περισσόν. Quamquam de Aristarcho res non satis certa est: nam et deest eius nomen una cum ἢ coniunctione in aliquot codicibus, neque in iis, quae nunc feruntur, Procli scholiis legitur³⁰⁾, ut conicere liceat, subesse aliquem librarii errorem, qui quum ambigeret, utrius nomen, Plutarchi an Aristarchi, in eo, quod describebat, exemplo scriptum esset, utrumque ponere maluerit. Utut est, indignum certe Aristarcho iudicium de hoc versu nemo dixerit: nam pugnare haec inter se videntur, *μουνογενῇ* h. e. unigenitum filium optandum esse, et tamen alterum quoque post mortem relinquendum: erunt enim sic duo. Nisi forte quis sumat, unigenitum tantisper optandum dici, donec res familiaris satis aucta fuerit, ut is dimitti e domo paterna suosque sibi lares constituere possit, tunc autem alterum procreandum, qui post mortem patris heres in domo relinquatur. Vereor tamen, ne haec divinatio magis quam in- 20
terpretatio dicenda sit. Aliam viam Moschopolus tentavit: *ἔτερον*, ait, *ἔγουν ἄλλον ἀντὶ σοῦ*. Sic nimirum non plus uno filio habebimus;

30) Ne Plutarchus quidem nominatur, sed dicitur simpliciter: τὸ δὲ γ' εἰ „γῆραιός δὲ θάνατος“ *παρέγγραπτον ὡς ἀδιανόητον*. Apparet etiam hoc indicio, vere Wolfium iudicare, quum dicat, ad Scut. p. 52: „ne Proclus quidem integer, sed ab ineptis Graeculis ita excerptus et discerptus, vix ut unquam viri doctrinam agnoscas.“ Alia exempla, quibus appareat, a Tzetza adhuc lecta esse in Procli commentario, quae hodie non amplius leguntur, sunt ad v. 52 et 91. Et multa Proclo tribuuntur, quae ab illo scribi non potuisse manifestum sit. Unam quidem notam, qua Procliانا dignosci ab alienis possint, Rankius indicavit, Comment. de Hes. O. et D. Gotting. 1839, p. 4; sed ea non sufficit, resque accuratorem adhuc inquisitionem postulat.

is *μονογενής* erit, quoniam solus est, idem autem *ἔτερος*, respectu patris, in cuius locum successurus est, alter domus possessor. Non displicuit haec interpretatio Rankio p. 24, nec discrepat ab ea Doederlinus, de quo Hermannus dixit in diurnis antiquariis ann. 1836 p. 532. Mihi talem sententiam ne pessimus quidem et indisertissimus poeta sic videtur expressurus fuisse, nihilque restare puto, nisi ut cum veteribus criticis hunc versum in hoc quidem contextu *ἀδιανόητον* esse fateamur. — Sed est praeterea memorabilis quaedam scripturae diversitas in versu primo, quum in plerisque codicibus sicut in editionibus ante Gaisfordianam omnibus non *εἶη* scriptum sit, sed *σώζοι*. Hoc Goettlingius ab iis profectum esse statuit, qui brevitatis causa uno versu quam duobus de eadem re uti mallent: mihi probabilius videtur, *εἶη* pro *σώζοι* ab aliquo interpolatore scriptum esse, qui poetae verba in aliam sententiam detorqueret. Poeta hoc dixit: unum filium optandum esse ad conservandam domum patriam s. stirpem, scilicet ne ea interiret: id enim significat *σώζειν τὸν οἶκον*, et interire aliquam domum nullo herede relicto in maximis malis habitum esse constat. Unum autem filium dixit, quoniam ad conservandam domum pluribus non opus est, immo praestat unum esse, ne bona inter plures divisa minuantur. Proximos autem duos versus, 377 et 378, ut in quibusdam olim exemplaribus non lectos esse credam, scholiastae verbis adducor, qui, posteaquam versum primum, de uno filio optando, criminandum videri posse dixit, ut scriptum ab indignante, quod non se solum pater procreaverit, ad diluendam eiusmodi criminationem primum alia profert, quae repeti hoc loco nihil attinet, deinde autem addit: τὸ δὲ ἐπόμενον στιχίδιον ἔτι μᾶλλον λύει τὴν διαβολήν. Id ad eum, qui in nostris editionibus sequitur, versiculum pertinere non
21 posse manifestum est: nam nihil est in hoc, quod criminationem istam diluere possit: neque magis ad tertium, quem *ἀδιανόητον* et ab hoc contextu alienum esse vidimus. Pertinet sine dubio ad eum, qui nunc quartus est,

*θεῖα δὲ καὶ πλεόνεσσι πόροι Ζεὺς ἄσπετον ὄλβον*³¹⁾,
qui si statim excipit illum

31) In codd. aliis *καὶ* aliis *κεν* scriptum est. Hermannus in Zimmerm. Diurn. antiqu. 1836 p. 532 proposuit: *θεῖα δὲ κε καὶ* —. Mihi *καὶ*, licet ab Homeri sermone alienum, ab his Hesiodicis tamen non arcendum videtur. Cf. v. 357.

μουνογενής δὲ πάις σώζοι πατρώιον οἶκον,
et sententiarum apta compositio evadit, et scholiastae ratio constat.

In omnem reliquam Operum partem nulla memoratur veterum criticorum notatio, praeter unam Aristarchi ad v. 740, de qua antequam dico tangam prius insigniora quaedam interpolationis vestigia. Horum unum pertinet ad v. 405. 6:

*Οἶκον μὲν πρώτιστα γυναικὰ τε βοῦν τ' ἀροτῆρα,
κτητὴν, οὐ γαμετὴν, ἥτις καὶ βουσὶν ἔποιτο,*

quorum versuum alterum ab Aristotele et Theophrasto aut non lectum, aut certe non pro genuino habitum esse ex alterius Polit. I, 1, 6, alterius Oecon. c. 1 iamdudum a viris doctissimis intellectum est. Et damnatum eum a quibusdam criticis fuisse etiam Philodemi verba ostendunt in libro IX de vitiis et virt., p. 46 ed Goettl.: καὶ πῶς δέχεται [Θεόφραστος] γαμετὴν ἐφ' Ἡσιόδου λέγεσθαι, πολλῶν καὶ φασκόντων αὐτὸν γεγρασμέναι „κτητὴν, οὐ γαμετὴν.“ Nam quum multos sic statuisset, nonnullos tamen aliter sensisse haud ambigue indicat. Neque ex eo, quod a Proclo memoratum est: λέγουσιν οἱ περὶ Τίμαιον Ἡσιόδῳ τὸν Ἀριστοτέλην παιθόμενον μετὰ τὴν τῆς γυναικὸς τελευτὴν Ἐρπυλλίδι συνεῖναι τῇ Θεραπεινῇ, ἔξ ἧς αὐτὸν σχεῖν υἱόν, quidquam amplius confici posse apparet, quam interpolatum locum iam Timaei temporibus fuisse³²⁾. Arguere autem interpolationem etiam structurae inconcinnitas videtur. -- Alterum 22 interpolationis vestigium pertinet ad eum locum, qui est v. 633—640, ubi pater Hesiodi quaestus causa naviculatus esse, relictaque propter paupertatem patria sedem Ascræ tandem fixisse dicitur. Memorabilis autem ad hunc locum est scholiastae annotatio: Ἐφορος δὲ φησι τοῦτον εἰς Ἀσκλην ἐλθεῖν οὐ δι' ἐμπορίαν, ἀλλὰ φόνον ἐμφύλιον ἐργασάμενον. Pugnat hoc Ephori testimonium cum versuum istorum professione, ut videatur eos ille aut non legisse in Operibus, aut, si legerit, suppositicios nullaque fide dignos iudicasse. — Nunc de v. 740. 41. et Aristarchi ad eum locum notatione videndum est. Versus hi sunt:

32) Timaeum Sicutum intelligendum esse non potest dubitari. Hunc enim etiam adversus Aristotelem more suo ἐπιτιμαῖον fuisse ex Athenaeo VIII, 6 p. 342, Polybio XII, 9, Suid. s. v. Ἀριστοτ. videmus. Cf. Goeller. de. orig. et sit. Syracus. p. 229.

Ὅς ποταμὸν διαβῆ κακότητι δὲ χεῖρας ἄνιπτος,
τῷ δὲ θεοὶ νεμεσῶσι καὶ ἄλγεα δῶκαν ὀπίσσω,

quibus hoc scholium adscriptum est: Ἄλλοι γράφουσι ΚΑΚΟΤΗΤΑ· ἐπὶ κακότητα εἶδεν, ἀντὶ τοῦ ἐκακώθη. Ἀρίσταρχος δὲ ἀθετεῖ τὸν στίχον τοῦτον. Ἄλλοι κακότητα ἔπι, οἶονεὶ ἐπὶ κακῷ ἑαυτὸν. Corrupta haec esse nemo non videt: de emendatione assentiri Goettlingio non possum, qui quum illud quidem recte intellexerit, pro ἑαυτὸν rescribendum esse ἑαυτοῦ, minus recte tamen in superiore parte scholii εἰλεν pro εἶδεν legi voluit. Nam ut tacram, ipsam hanc interpretationem, ut ἐπὶ κακότητα sit i. q. ἐκακώθη, vix cuiquam in mentem venire potuisse, manifestum alterius scripturae indicium offerunt aliquot Hesiodi codices, qui in illo versu non κακότητι δέ, sed κακότητ' ἴδε aut κακότητα ἴδε scriptum habent. Hanc autem loquutionem κακότητα ἰδεῖν grammaticis idem significare visam, quod est κακωθῆναι, nemo dubitabit, qui meminerit, e. c. χάριν ἴδε, II. XI, 243, a schol. B. L. explicari verbo ἐχάρη. Nempe ἰδεῖν nonnunquam Graeci eo sensu dicunt, quo nos dicimus erfahren vel erleben, ut κακότητα ἰδεῖν sit Unheil erfahren, χάριν ἰδεῖν, Freude erleben: nec diversi generis est illud apud Homerum, νόστιμον ἡμαρ ἰδέσθαι, den Tag der Heimkehr erleben. Igitur versum sic scriptum

Ὅς ποταμὸν διαβῆ κακότητ' ἴδε, χεῖρας ἄνιπτος
interpretati sunt in hunc modum: ὅς ποταμὸν διαβῆ, ἐκακώθη,
23 χεῖρας ἄνιπτος sc. ὤν, h. e. χεῖρας μὴ ἀπονηψάμενος, cuius interpretationis veritatem equidem praestare nolo, sed placuisse eam nonnullis, et placituram hodieque uni aut alteri, certo scio. Scholiastae autem verba sic relingenda erunt: Ἄλλοι γράφουσι ΚΑΚΟΤΗΤ' ἸΔΕ, κακότητα εἶδεν κτλ. De altera lectione κακότητ' ἔπι, eiusque interpretatione non opus est dici. Aristarchus haud dubie neutram probavit, sed obelo versum notavit propter constructionis insolentiam sententiaeque obscuritatem. Hoc autem damnato etiam proximum servari non posse manifestum est.

Iam percensitis his veterum criticorum notationibus quotquot exant omnibus illud quidem manifestum sit, quod supra proposui, de nonnullis locis corrigendis aut etiam removendis ab iis disputatum; de maioribus vero carminis partibus aut eiiciendis aut aliter ordinandis quaesitum esse nullo indicio cognoscitur, sed quale nos nunc legimus, tale etiam illi legerunt et, si non probarunt, certe tulerunt. Neque

ullum insignioris alicuius diversitatis vestigium deprehenditur in plurimis aliorum scriptorum citationibus, in quibus, si quid a vulgatis exemplaribus discrepat, hoc et leve est nulliusque ad universam formam momenti, et facile ubivis explicari potest. Sed non vacat nunc hoc exemplis demonstrare, neque opus est in re minime obscura aut controversa.

Scrib. Gryphiswaldiae d. XIV m. Oct. MDCCCLV.

AD LYRICORUM GRÆCORUM FRAGMENTA.

- 3 Quum nuper, Commilitones, Graecorum lyricorum reliquias, quarum collectionem usui vestro accommodatam Mehlhornius curavit, nonnullis vestrum tractandas proposuerimus, in eoque negotio fieri non potuerit quin multae, quibus earum lectio passim impeditur, vel corruptelae vel difficultates nos adverterent, quarum si quando probabilem aut emendationem aut explicationem nondum ab aliis inventam videremus, nos ipsi aut medicinam adhibere corruptis aut lucem obscuris afferre conaremur: multa quidem in medium allata sunt, quae accuratius pensitata rursus abiicienda esse intelleximus, at de nonnullis tamen locis vel ab iis, quibus horum tractatio mandata erat, vel a nobis, qui vestra studia moderabamur, coniecturae quaedam prolatae sunt non improbabiles neque indignae, quae etiam cum aliis communicarentur. Quamobrem quum hasce academicarum prolusionum scriptiones vestra potissimum causa institutas esse iudicemus, non alienum nobis visum est, de nonnullis harum rerum vel in recordationem haud iniucundam communium studiorum, vel etiam in ceterorum usum, si qui sunt non alienato a Graecorum Musis animo, paullo accuratius hoc loco disserere. — Initium faciemus ab Archilochi fragmento apud Ioannem Stobaeum Flor. tit. 105 vol. III p. 358 Gaisf., n. XXXIII Lieb.

Τῷς θεοῖς τίθει τὰ πάντα· πολλάκις μὲν ἐκ κακῶν

Ἄνδρας ὁρῶνσιν μελαίνῃ κειμένους ἐπὶ χθονί,

Πολτάκις δ' ἀνατρέπονσι, καὶ μάλ' εὖ βεβηκότας

Ὑπτίους κλίνουσ'· ἔπειτα πολλὰ γίγνεται κακά,

Καὶ βίου χρεὶ μὴ πλανᾶται, καὶ νόον παρήγορος.

Quod in postremo horum versuum codices offerunt *χρηὶ μὴ* corruptum esse apparet. Ac Grotius quidem cum C. Gesnero *χρηζων*

reposit, aptissimum ad loci sententiam probatumque propterea Liebelio p. 109, Iacobsio Anthol. I p. 43, Gaisfordio Poet. Gr. min. I p. 295; improbatum autem Mehlhornio nobisque. Neque enim veri simile videtur notissimum verbum et planissimum hoc loco in istum modum a librariis corrumpi potuisse. Quod autem Abreschius Dilucc. Thucyd. p. 716 rescribendum censuit καὶ βίου χρήμη πλανᾶται, repudiatum est a VV. DD. non aliam ob causam, quam quia vocabulum rarioris usus et nulla classicorum scriptorum auctoritate munitum admitti apud Archilochum non posse censerent: cuius iudicii nobis quidem rationem nullam satis idoneam habuisse videntur, nisi forte nihil in his vetustorum poetarum fragmentis probandum est, cuius non etiam apud alios non minus veteres exempla demonstrari possunt. Non extat sane *χρήμη* vocabulum nisi apud unum personatum Herodotum vit. Hom. c. 13: τῶν βουλευτέων ἓνα λέγεται ἐναντιωθῆναι τῇ χρήμῃ αὐτοῦ, itemque cap. 14: τοὺς ἐναντιωθέντας λόγους τῇ χρήμῃ αὐτοῦ, quem locum Suidas excitans *χρήμην* interpretatur *χρεῖαν καὶ σπάνιν*: non autem adducor ut credam scriptorem istum, quum se Herodotum simulare vellet, vocabulo usurum fuisse, quod non certa et vetusta auctoritate probatum esset. Quod autem Suidas, aut is, quem Suidas compilavit, illum unum testem citat, nolim inde colligi nusquam alibi hoc vocabulum ab eo inventum esse. Primum enim quum scriptorem illum haud dubie Herodotum ipsum esse crederet, quid opus fuit uno teste locupletissimo citato etiam alios addere? dein ne certum quidem est, nullum praeterea allatum esse. Nam excidisse nonnihil post illa personati Herodoti verba ipsum Suidae locum inspicienti manifestum fiet: et quum *χρήμην* per *χρεῖαν* et *σπάνιν* explicet, alteram certe explicationem ex Herodoti loco haurire non potuit: ibi enim *χρήμη* *petitionem* significat: sed aliunde cognitam habere debuit. Nulla igitur causa esse videtur, cur illud vocabulum ab Archilochio usurpatum esse negemus; quum praesertim totidem plane litteris in codicibus scriptum extet, quamquam in duas voculas librariorum errore diremptum. Erit igitur βίου χρήμη *victus indigentia*: atque haec propria est vocabuli *χρήμη* significatio, unde altera illa, quae apud Pseudo-Herodotum est, facillime fluxit, quemadmodum etiam cognatum vocabulum *χρεῖα* non modo τὴν ἔνδειαν, sed etiam τὴν δέησιν significat. Thucyd. I, 37. Plutarch. Crass. 12. Quod autem dativum Abreschius reponit, necessarius sane est hic casus, si reliquum locum incorruptum esse statuas, neque nos id ita esse negabimus, quando-

quidem iste ad singularem numerum a plurali transitus, ut *πλανᾶται* dicatur et *παρήγορος*, quum antea sit *ἄνδρας-κειμένους-βεβηκότας-ἐπιτίους*, non habet quod peritum lectorem offendat, et sat multa eius exempla collecta sunt ab Heindorfio ad Platon. Gorg. § 75. Protag. § 28. Reisigio Coniect. in Aristoph. p. 153, Hermannno ad Viger. p. 934; attamen nobis quidem paullo concinnior oratio existere videtur, si scribamus

καὶ βίου χρήμη πλάναι τε καὶ νόος παρήγορος,

ut poeta, posteaquam mala multa universe significavit, iam singula maiorum genera maxime insignia commemoret, eamque commemorationem adiungat per copulativam particulam, quod quidem *συνῆδες σχῆμα* a Strabone dicitur lib. I cap. 2 p. 63 Tauchn., multaque eius generis exempla et Homerica a Strabone, et aliorum ab aliis congesta sunt, quorum nonnullos citavimus ad Isaacum p. 185. *Πλάναι τε* cum *πλανᾶται* quam facile a librariis permutari potuerit cuilibet apparet; *νόος* autem *παρήγορος* non minus recte dicitur, quam *ἀνὴρ παρήγορος νόου*, id quod vel illud Archilochi fr. LXXI p. 176 Lieb. manifestum facit: *τίς σὰς παρήγειρε φρένας*. Conf. et *παρήγορον ὄμμα* apud Tryphiodor. v. 373, et alia huius adiectivi exempla apud Iacobs. ad Anthol. I, 1 p. 160. II, 1 p. 342 et Blomfield. ad Aeschyl. Prom. v. 363 (371).

5 Progredimur ad Alcmanem, cuius insigne fragmentum extat apud Apollonium Lex. Hom. p. 407 Toll., apud Welckerum p. 25:

*Εὔδουσιν ὁ ὀρέων κορυφαί τε καὶ φάραγγες,
πρῶνές τε καὶ χαράδραι,
φῦλά τε ἔρπετα θ' ὅσσα τρέφει μέλαινα γαῖα,
θῆρες τ' ὀρεσκίῳι καὶ γένος μελισσῶν,
καὶ κνώδαλ' ἐν βένθεσσι πορφυρεῆς ἁλός.*

Haec omnia planissima et incorrupta sunt, nisi quod versu tertio aliquid turbatum esse suspicamur. Welckeri quidem sententiam, *φῦλά τε ἔρπετά τε* pro *φῦλα ἔρπετων* accipientis, fatemur nobis obscuram esse: neque enim apparet, quid illud alterum *τέ* post *ἔρπετα* significare voluerit. Ut nunc versus scriptus est, non potest explicari nisi sic, ut *φῦλα* universum genus animantium significare dicas, quod per *τέ* particulam cum iis, quae prius commemorata sunt, *ὀρέων κορυφαί, φάραγγες, πρῶνες, χαράδραι*, coniungatur, dein autem rursus in partes suas dispescatur, quarum prima sint *ἔρπετα*, altera

Θῆρες ὄρεσκηῖοι, tertia γένος μελισσῶν, quarta denique κνώδαλα, quae omnia inter se particulis τέ et καί copulantur. Ita in verbis φῦλά τε ἔρπετά τε plane diversa erit utriusque copulae potestas: non enim copulantur inter se haec duo vocabula, neque alterum τέ ad alterum, ut moris est, refertur, sed prior particula substantivum suum φῦλα adiungit iis, quae ante dicta sunt, altera autem ἔρπετα non cum φῦλα sed cum iis quae sequuntur φύλων speciebus connectit. Id etiamsi logicae rationi non adversatur, habet tamen haud dubie aliquid molesti atque inconcinni, multoque planior et facilius evadet oratio, si unius litterae mutatione pro θ' ὅσσα reponamus τόσσα, quod quum etiam relativum esse ignorarent librarii, illud alterum in eius locum invexerunt. Iam ἔρπετα φῦλα recte adiunguntur superioribus, ipsisque rursus copulantur Θῆρες ὄρεσκηῖοι et quae sequuntur: atque sic demum illud verum est, quod Welckerus voluit, ut φῦλα ἔρπετα idem sit atque φῦλα ἐρπέτων. Ceterum de relativa pronominis τόσος significatione Hermannus monuit ad Pindar. Nem. IV, 7, et quod idem ad Hymn. Hom. in Cer. v. 66 hunc usum antiquioribus abiudicat, ad epicorum tantummodo sermonem pertinere videtur. ¹⁾)

Alcmanem Stesichorus sequatur, cuius fragmentum, a Scholiaste ad Euripidis Orest. v. 243 servatum, non recte Mehlhornius descripsisse videtur hoc modo:

Οὔνεκα Τυνδάρεως
 ῥέζων πᾶσι θεοῖσι μιᾷς Κύπριδος λάθεται ἡπιοδώρον·
 κείνα Τυνδάρεω
 κούραις χωσαμένα διγάμους τριγάμους τε τίθησι
 καὶ λιπασάνορας.

Nam apud Scholiasten non πᾶσι scriptum est, sed ἅπασι, neque μιᾷς Κύπριδος λάθεται ἡπιοδώρον, sed μιᾷς λάθετο ἡπιοδώρου Κύπριδος, neque κείνα Τυνδ., sed κείνα δὲ Τυνδ., nec denique χωσαμένα, sed χολωσαμένα, quae omnia Melhornius satis violentè et sine idonea causa delendo aut transponendo mutavit, in plerisque Blomfieldium sequutus Mus. crit. Cantabr. fasc. VI, unum χωσαμένα pro χολωσαμένα de suo addens, quia scilicet nihil frequentius horum verborum permutatione, neque χολωσαμένα versui, qualem quidem

¹⁾ Non dissimulabo tamen nunc praeferebam mihi videri Th. Bergkii emendationem, φῦλλα τε ἔρπετα θ' ὅσσα —

ipse fuisse statuit, aptum est²⁾. Paullo lenius Kleinus egit p. 126, neque tamen ipse meliorem versuum descriptionem dedit. Nobis haec vera videtur:

Οὐνεκα Τυνδάρεως ῥέζων ἅμα πᾶσι θεοῖσι
 μιᾷς λάθεται ἡπιოდώρου
 Κύπριδος, κείνα δὲ Τυνδάρεω κόραις
 χολωσαμένα διγάμους τριγάμους τε τίθησι
 καὶ λιπεσάνορας — — .

Metra omnia plana et usitata sunt. Versus 1, in quo nihil nisi ἅπασι mutavimus in ἅμα πᾶσι, hexameter est herous, vel si quis hoc genus versuum a Stesichoro usurpatum esse dubitet³⁾ — quamquam talis dubitationis ego me non socium esse profiteor — compositum dicere licebit e duobus dactylicis trimetris catalecticis in disyllabum, quales versus etiam Pindarus, alias hexametris abstinens, non semel usurpavit, velut Olymp. VIII Epod. 5: ἔννεπε δ' ἄντιον ὀρμαίνων τέρας εἰς τοὺς Ἀπόλλων, et Nem. XI Epod. 3: εἰ δέ τις ὄλβον ἔχων μορφὰν παραμένεται ἄλλων. — Hunc vers. 2 subsequitur dactylicus item trim. catal. in disyll., sed praemissa anacrusi. Tertius est trochaicus trimeter catalect., prima dipodia gravi, reliquis levibus: nam Τυνδάρεω per synecphonesin pronuntiandum est. Tales sunt apud Pindarum Olymp. X Epod. 4. 5: ἔνθα συγκωμάσας, ἐγγυάσσομαι | μὴ μιν, ὦ Μοῖσαι, φρυγόνον στρατόν. — Quartus denique dactylicus est pentameter catal. in disyll., praemissa anacrusi, plane ut apud Pindarum Pyth. X, 3: ἀριστομάχου γένος Ἡρακλῆος βασιλεύει, ex Hermannii quidem ratione, cui etiam Boeckhius obloquitur, Ἡρακλῆος in Ἡρακλεῖς mutans, ipsum tamen hoc genus versuum nequaquam damnat. — Versu 3 δέ particula, quam Blomf. et Mehli. expunxerunt, Kleinus autem in δὴ mutavit, et necessaria est propter metrum, neque offendere quemquam potest: nam aut adiungit hoc membrum priori, ut et ipsum ab οὐνεκα pendens, aut apodosin indicat, quemadmodum saepenumero δέ a Graecis usurpari nostis post εἰ, εἰάν, ὅτε, ὅταν, ἐπεὶ earumque similes particulas. Vid. Ast. ad Plat. Phaedr. p. 33. Buttm. ad Demosth. in Mid. p. 126. Hermann. ad Hom. Hymn. in Cer. v. 409. Ven. v. 226 p.

2) Potuerat minore negotio χούραισι χολωσαμένα scribi, ut versus esset dactyl. hexam. cum anacrusi.

3) Vid. Klein. p. 63 et 68.

107. ad Soph. Electr. v. 27. ad Viger. p. 785. Utra autem h. l. verior sit ratio et supervacaneum est quaerere et difficile, ut in fragmento, discernere; nisi quis forte Stesichorum in *οὔνεα* particulae usu non descivisse censeat ab Homeri consuetudine, apud quem illam semper ei enuntiationi, cuius rationem contineat, postponi Lehrsius probavit de Aristarch. stud. Hom. p. 69. Quod si ita sit, apparet nostro loco *δέ* non posse in apodosi esse. Et sane ego *οὔνεα* neque apud Hesiodum neque apud alium vetustiore poetam aliter collocatum 7 memini. — In eodem versu dativus *κοῦραις* (vel *κόραις*, ut propter metrum rescripsimus) dubitare aliquis possit an recte a Kleinio cum accusativo permutatus sit, ut pendeat a verbo principali *τίθῃσι*. Et fortasse Kleinium hoc quoque permovit, quod non filiabus sed patri tantummodo Venerem iratam fuisse crederet. Sed tamen haec in filias quoque, opinor, iram a patre transtulit: quod si concedamus, dativus multo magis quam accusativus Graecorum consuetudini respondet. Solent enim hi, si non semper, at plerumque tamen, ubi participio verboque finito unum obiectum apponendum est, obiecti casum participio, quoties hoc propius est, non finito verbo accommodare, velut Hesiod. Op. et D. 166: *τοῖς — ἥδε' ὀπάσας κατένασσε*, ib. 505: *πόντην ἐμπνεύσας ὤρινε*. Herodot. 1, 66: *τῷ Λυκούργῳ ἱρὸν εἰσάμενοι σέβονται*. ib. 47: *ἐνταυλάμενος τοῖς Λυδοῖσι — ἀπέπεμπε*. Thucyd. 1, 20: *τῷ Ἰππάρχῳ περιτυχόντες — ἀπέκτειναν*. ib. 144: *τούτοις ἀποκρινάμενοι ἀποπεμέψωμεν*. ib. 105: *τοῖς ἄλλοις ξυμβαλόντες ἐκράτησαν*. VII, 5: *Ἰώνων κρατήσαντας ἐξελάσασθαι*. VI, 6: *ὦν κρατήσας μὴ κατασχίσει*. Xenoph. Hellen. 1, 5, 6: *αὐτῇ προπιῶν — ἤρετο*. Plat. Legg. VIII, 6 p. 837: *Κλεινίᾳ ἐπρόδων πειράσομαι πείθειν*. IX, 3 p. 856: *οἷς ἂν αἰτίαν ἐπιφέρων εἰς δικαστήριον ἄγῃ*. Demosth. pr. cor. p. 281, 22: *οἷς σὺ κολακείων παρηκολούθεις*. Apollodor. III, 14, 3: *οὐ ἐρασθεῖσα Ἥως ἔρηπασεν*.

Stesichoro Ibycum comitem adiungimus. Huius reliquias Schneidewinus nuper eruditissime emendata et explicata edidit Gottingae 1833; neque tamen in omnibus viro doctissimo rem bene cessisse iudicamus: veluti quod primo loco posuit splendidissimum fragmentum, ab Athenaeo XIII p. 601 servatum, non magis illius quam aliorum criticorum coniecturis ex omni parte perpurgatum videtur. Postremos enim fragmenti versus ita descriptos dedit:

— — — — — *ἔμοι δ' Ἔρος οὐδ' αἰμίαν κατάκοιτος ὤραν.*

Ὅστε δ' ὑπὸ στεροπᾶς φλέγων
 Θρηϊκίος Βορέας αἰσῶν παρὰ Κύπριδος ἀζαλαίαις μανίαισιν ἐ-
 ρεμνός, ἀθαμβεῖται κραταίος,
 παιδόθεν φυλάσσει
 Ἡμετέρας φρένας.

Horum versuum tertium, quartum et quintum in unum systema dactylicum coniunctos esse vult cum clausula Ithyphallica. Nobis autem neque huius ipsius systematis membra satis commode disposita, neque illud, quo omnis haec descriptio tanquam fundamento nititur, concedendum esse videtur. Nam quum in codicibus Athenaei scriptum sit *τε ὑπὸ στεροπᾶς φλέγων*, Schneidewinus ex isto *τε* effecit *ὥστε*, adversativa particula addita, atque sic versum nactus est logaedicum dupl. dactyl. duplic. troch. catal., quales sunt illi, a quibus fragmentum nostrum incipit: *ἦρι μὲν αἶ τε Κυδώνιαι | μαλίδες ἀρδόμεναι ῥᾶν* etc.; ab hoc dein novos impetus orationem sumere dicit ac per illud systema dactylicum decurrere usque ad clausulam Ithyphallicam, ita ut a verbis *Ἡμετέρας φρένας φυλάσσει* alterius strophae initium fieri statuendum sit. Adversativam autem particulam post *ὥστε* requiri contendit propter sententiarum tenorem. Id nobis secus videtur, sufficitque illud unum *δέ*, quod post *ἐμοί* positum libri exhibent. Est enim, nisi fallimur, sententiarum nexus hic, ut poeta omnia verno tempore laetissime florere, sibi autem perpetuam quandam hiemem atque procellas creari dicat per amorem, nullo quippe tempore quiescentem: quamobrem verba illa *ἐμοί δ' Ἔρως οὐδεμίαν κατάκοιτος ὦραν* non pro integra enuntiatione habemus, sed haec *οὐδεμίαν κατάκοιτος ὦραν* interposita et integrae enuntiationis subiecto *Ἔρως* adiecta esse censemus, cuius praedictum in extrema demum strophā verbo finito *φυλάσσει* absolvitur. Neque igitur *ὥστε* *δέ* probamus, neque *ἀλλ' ἄτε*, quod Melhornio in mentem venit p. 111, sed unum *ἄτε*, cum Lobeckio ad Sophoclis Ai. v. 255, Iacobsio in Anthol. III, 2 p. 155, Hermannō in Ephemm. Lips. ann. 1817. II p. 2233, ut sensus sit: *mihi autem Amor nullo tempore quiescens Boreas instar ingruens animum vexat*: nam de *φυλάσσει* mox videbimus. Iam versus existunt hi:

— — — — — ἐμοί δ' Ἔρως
 οὐδεμίαν κατάκοιτος ὦραν, αἳδ' ὑπὸ στεροπᾶς φλέγων
 Θρηϊκίος Βορέας, αἰσῶν παρὰ Κύπριδος ἀζαλαίαις μανίαισιν,
 quorum primus dactylicus est tetrameter acatalectus, alter compositus

ex duobus logaoedicis dupliciter dactylicis dupliciter trochaicis catalecticis, tertius compositus ex eodem logaoedico cum dact. pentametro catalectico in disyllabum, ut maiore cum impetu longius superiore excurrat, id quod nobis a poeta aptissime et eximia cum arte factum esse videtur. — In proximo versu quod codices offerunt ἀθάμβησε corruptum esse apparet, repositumque in eius locum ἐθάμβησε merito a criticis repudiatum est. Neque vero ἀθαμβεῖνσι placere potest, quod Hermannus rescripsit, aut ἀθαμβοσύνησι, quod Müllerum coniecisse Schneidewinus commemorat. Nam non solum lenius est pro rei conditione vocabulum, sed prorsus etiam ineptum, de numine praepotente et cui nihil non pareat, hoc praedicari, quod ab impetu in hominem faciendo nullo se stupore aut terrore praepediri sinat. Nam nihil aliud in verbo ἀθαμβεῖν inesse, si veri esse volumus, fateri debemus. Requiritur autem nobis videtur adiectivum aliquod, quo *rigidus*, *durus*, *immitis* Amor dicatur, quale aptius nullum inveniri posse censemus quam ἀστεμφής, quod et litteras intuenti non magis ab illo ἀθάμβησε abhorreere apparet, et quomodo in ἀθαμβής, unde rursus ἀθάμβησε extitit, mutatum sit, rationem nobis reddere posse videmur. Scilicet rarius et minus notum vocabulum glossemati cessit ad explicandum apposito, inepto quidem illi in huius loci contextu, sed quod tralaticium fuisse Hesychius ostendit, tom. I p. 582 ἀστεμφής· ἀθαμβής, ἀτάραχος. Et fuerunt haud dubie multi scriptorum loci, in quos haec explicatio quadraret, et ἀστεμφής recte dici posset idem atque ἀθαμβής vel ἀτάραχος esse; verum propria significatione longe aliud est, neque diversum ab ἀστεμφής, eiusdem stirpis vocabulo, quod ab ipso Hesychio explicatur τραχὺς, χαλεπός, ἀκίνητος. Nimirum ἀστεμφής s. ἀστεμφής proprie est *immothus*, ut apud Homerum Iliad. III, 219: σκῆπτρον ἀστεμφές ἔχεσσε, quod Schol. Ven. A. et Eustath. explicant ἀστρεφές, ἀμετακίνητον, ductumque esse docent a στέμνω, *moveo*, *concutio*, cf. Etymol. M. p. 158, 30. Inde etiam ad animum refertur, ut Iliad. II, 344: ἔχων ἀστεμφέα βουλήν, h. e. ἀμετακίνητον, *βεβαίαν*, ut expl. Schol. Ven. B. et Eustath. Porro *invictus*, *inexorabilis*, *immitis*, ut in Anacreontis fragmento ap. Schol. Ven. A. ad Iliad. III, 219: σὺ γὰρ ἤς ἔμοιγ' ἀστεμφής. Etiam poetae insuaves et duri ἀστεμφεῖς καὶ σκληροὶ dicuntur ab Aristophane apud Athenaeum I p. 30 C: τὸν Ἀθηναίων δῆμον οὔτε ποιηταῖς ἤδεσθαι σκληροῖς καὶ ἀστεμφεῖσιν οὔτε Πραμνίοις σκληροῖσιν οἶνοις. Denique in Duridis Elaitae ver-

sibus apud Stephanum Byz. v. Ἐφεσος p. 292 et in Anthologia tom. II p. 59:

Ἠέριαι νεφέλαι, πόθεν ὕδατα πικρὰ πιόῦσαι

Νυκτὶ σὺν ἀστεμφεῖ πάντα κατεκλύσατε;

noctem significari arbitror crudelem, rigidam ⁴⁾). Similiter igitur nostro loco Amor, cum Borea comparatus, ἀστεμβής vocatur propter rigidam duramque violentiam, quae nulla re flectitur aut retardatur, ἐρεμνός autem, ut λαῖλαιψ ἐρεμνή apud Homerum, quia nubes et tenebras obducit, quemadmodum γνωρῶδη αἰθέρος φνσήματα sunt apud Euripidem Troad. v. 79. Forinam ἀστεμβής autem praeter Hesygium etiam Etymologicum Gudianum agnoscit et, si recte locus se habet, Philoxeni poetae auctoritate comprobatur, p. 85, 44: ἀστεμφής [ἀστεμφής] καὶ ἀστεμφεύς, ἀμετακινήτως καὶ ἰσχυρῶς, παρὰ τὸ στεμμω [στέμβω], ὃ σημαίνει τὸ κινεῖν συνεχῶς. οὕτω μέμνηται [κέχρηται] Ἀίσχυλος. ἀστεμβής οὖν ὁ ἀμετακίνητος καὶ ἀστεμφής· οὕτω Φιλόξενος. — In reliqua fragmenti parte neque verbum φιλάσσει neque adverbium παιδόθεν incorrupta esse videntur. Φιλάσσειν enim de Amore tanquam procella hominis animum turbante et percellente longe ineptissimum esse quilibet intelligit, quamobrem alii τινάσσει coniecerunt, alii αἰθύσσει, Welckerus autem in Museo Rheno ann. 1833 p. 251 φνράσσει, suae fabricae verbum. Nobis unice verum videtur, quod etiam doctissimo Müllero placuit, σαλάσσει. Παιδόθεν autem Naekius in Choerili fragm. p. 107 cum πεδόθεν commutandum suaserit, aptissimum sane hoc loco, sed repudiatum tamen ab Hermannno propterea, quod quum ab Athenaeo hi versus pro documento afferantur, puerorum amoribus Ibycum deditum fuisse, non possit παιδόθεν deleri, quod si absit, nihil sit in hoc loco, ex quo poetam de puerorum amore loqui agnoscamus. Sed neque illud verum est, quod de Athenaeo Hermannus dicit, neque intelligo qua ratione, etiamsi παιδόθεν servetur, aliquid ex hoc adverbio de puerorum amore cognosci possit, nisi forte Hermannus παιδόθεν hoc sensu accipi vult, ut Amorem ex puero, cui scilicet insideret (quemadmodum apud Sophoclem ἐν μαλακαῖς παρειαῖς νεάνιδος ἐννυ-

4) Huc pertinet etiam ἀστέμβατος, eiusdem stirpis vocabulum, apud Lycophronem Alexandr. v. 1117, ubi Clytaemnestra in Cassandram saeviens dicitur δύσζηλος, ἀστέμβατα τιμωρουμένη, quod perperam a veteribus interpretibus, recte super a Beckmanno explicatum est.

χεύει) aut quem comitaretur, impetum facientem cogitemus. Hoc ego εὐαριθμήτοις τισὶ probable fore confido: paullo probabilius Schneidewinus παιδόθεν significare putat inde a pueritia; sed huic quoque recte obloqui Welckerum iudico p. 253. Pessimam autem omnium coniecturam Mehlhornius protulit, παῖς ὄθεν ἡμετέρας φρένας φυλάσσει, quam ipse interpretatur: ex quo puella mentem meam custodit i. e. occupatam tenet. Nam neque ὄθεν pro ἐξ οὗ, hoc sensu ut sit ex quo tempore, unquam a Graecis usurpatum esse arbitror, neque φυλάσσειν φρένας recte dici de eo, qui in alterius animo dominetur, 10 τῆς ψυχῆς ἡνιοχείων, ut est alicubi apud Anacreontem, sed de zelotypo tantum, amatoris animum suspiciose observante. Amplector igitur Naekii emendationem, totumque locum, verbis leniter transpositis, quo versus evadat concinnior et prioribus apte conveniens, ita scribendum censeo:

ἔρμινός, ἀστεμβής, κραταιῶς πεδόθεν φρένας ἡμετέρας σα-
λάσσει.

cuius versus prius membrum iambico rhythmo s. trochaico cum anacrusi, admisto spondeo, accommodatissimum est ad pingendam rri gravitatem: similibusque numeris Pindarus usus est Nem. V str. 1: auget autem gravitatem hoc quoque quod eam arsin, quae est in media syllaba voc. κραταιῶς, statim altera arsis excipit ordinis logaoedici per tres dactylos, duos trochaeos decurrentis aptissimumque strophæ finem imponentis. Κραταιῶς pro κραταῖός codices offerunt.

Etiam in altero Ilyci fragmento, quod extat apud Scholiasten Platonis Parmen. p. 137 A., medicinam a Schneidewino adhibitam probare non possumus. Scripsit ille in hunc modum:

Ἔρος αὐτέ με κτανέοισιν ἐπὶ βλεφάροις ταχέρ' ἡμῖναισι δερ-
κόμενος
κηλήμασι παντοδαποῖς ἐς ἀπείρονά δίκτυα Κέπριδος εἰσέ-
βαλεν,

quum apud Scholiasten legatur εἰς ἄπειρα δίκτυα Κέπριδος βάλλει. Displicet autem nobis illud εἰσέβαλεν non solum propterea, quia nullam causam probabilem exputare possumus, qua permoti librarii βάλλει in eius locum substituerint, sed magis etiam propter tempus verbi præteritum hoc loco minime aptum. Subiunguntur enim statim hæc: ἢ μὰν τρομέω νιν ἐπερχόμενον: qui autem adventantem Amorem a se timeri profitetur, is indicat, opinor, se nondum eius laqueis irretitum teneri, sed metueret ne capiatur. Itaque retinendum erit præ-

sens tempus βάλλει cum conandi significatione dictum, quam frequentissimam in hoc tempore esse nostis. Vid. Hermann. ad Soph. Ai. 1105. Seidler. ad Eur. Electr. 1262. Iph. Taur. 1284. Valcken. ad. Phoen. 1405. Apitz. ad Soph. Trach. p. 118. — Deinde ne ἄπειρα quidem mutari necesse erit, sed tantummodo Κύπριδι pro Κύπριδος rescribendum: et nihil frequentius casuum terminationibus a librariis corruptum esse constat. Iam existet versus hic:

κλήμασι παντοδαποῖς ἐς ἄπει|ρα δίκτυα Κύπριδι βάλλει.
compositus e dactylico tetram. catal. in syll. cum anacrusi, et dactyl. trimetr. catal. in disyll. item cum anacrusi.

In tertio fragmento apud Athenaeum XIII p. 564 F assentimur Schneidewino, καλλιχόμων ad Χαρίτων referri debere neganti, non assentimur autem in eo, quod Boissonadi coniectura νεανίδων admissa metri integritatem pressumdari censet. Quid enim reprehendi possit in hac versuum descriptione?

11 Εὐρύαλε γλυκεῖον Χαρίτων θάλας,
Καλλιχόμων μελίθυμα νεανίδων,
Σὲ μὲν Κύπρις ἄ τ' ἀγανοβλέφαρος
Πειθῶ ῥοδέοισιν ἐν ἄνθεσι θρέψαν,

quorum primus et secundus logaoedici sunt tripl. dact. dupl. troch. catal., tertius dactyl. tetr. catal. in syll. cum anacrusi, quartus item, sed una syllaba tertio longior.

Ex Anacreonticis unum hoc loco carmen in Artemonem tractare libet, cuius quum probabilis restitutio nihil admodum difficultatis habeat, de interpretatione tamen non mediocriter inter se dissentiunt viri doctissimi. Recte autem nostro iudicio Bergkii, nuperrimus Anacreontis editor, apud quem hoc fragmentum legitur p. 110, priores duos versiculos

— ~ — ~ — ξανθῇ δέ γ' Εὐρυπύλῃ μέλει
ὁ περιφόρητος Ἀρτέμων,

ex eodem quo reliqua carmine petita esse statuit: nonnulla tamen ante proximum versum omissa ab Athenaeo censemus. Sequuntur autem haec:

πρὶν μὲν ἔχων βερβέριον, καλύμματ' ἐσφηκωμένα,
καὶ ξυλίνους ἀστραγάλους ἐν ᾧ καὶ ψιλὸν περι
πλευρῇσι [δεσμάτιον] βοός,
νέοπλυτον εἴλυμα κακῆς ἀσπίδος, ἀρτοπώλιν
κῆρυκαλόπορον οἰσιν ὁμιλέων, ὁ πονηρὸς Ἀρτέμων,

κίβδηλον εἰρίσκων βίον,
πολλὰ μὲν ἐν δοῦρὶ τιθεῖς ἀνχένα, πολλὰ δ' ἐν τροχῷ,
πολλὰ δὲ νῶτον σκυτίνῃ μάστιγι θωμιχθεῖς, κόμην
πώγωνά τ' ἐκτετιλμένος·
νῦν δ' ἐπιβαίνει σατινίων, χρίσεια φορέων καθέρματα
παῖς Κύκῃς⁵⁾, καὶ σκιαδίσκην ἑλεφαντίνην φορέει,
γυναιξὶν αὐτῶς [ἐμφερέῃς].

Uncinis inclusa addidimus, quae lacunas probabiliter explere videntur. Αὐτῶς versu postremo cum contemptu et indignatione dictum illustrabunt exempla a Buttmanno citata Lexilog. I p. 37. 38. Qualem autem hominem istum Artemonem fuisse putabimus, et quam ob causam περιφόρητον dictum? Nam Chamaeleonti, qui hoc illi cognomentum inditum esse dicit διὰ τὸ τρυφερῶς βιοῦντα περιφέρεσθαι ἐπὶ κλίνης, fidem haberi vetat Welckerus in censura libri Bergkiani, Mus. Rhen. ann 1835 fasc. 1 p. 156, et Bergkius quoque p. 114 de veritate explicationis dubitat propterea, quod de lectica nihil est apud Anacreontem, sed carpento Artemo veli dicitur. Esset hoc fortasse aliquid, si integrum carmen, non fragmentum haberemus: mirum enim esset eius rei, unde cognomen homini datum, nullam a poeta mentionem fieri; nunc autem quid impedit, quominus Chamaeleontem verum dicere idque aut ex hoc ipso Anacreontis carmine, integro scilicet, aut ex aliis deperditis in eundem Artemonem scriptis cognovisse credamus? nisi forte qui plerumque lectica gestari soleret, eum non etiam, ubi res ferret, carpento vehi potuisse iudicamus. Maior certe est Chamaeleontis, qui data opera de Anacreontis vita et scriptis egerat, quam Scholiastae nescio cuius auctoritas, qui ad Aristoph. Acharn. v. 815 περιφόρητον Ἀρτέμωνα in proverbio dictum esse autumat ἐπὶ καλοῦ καὶ ἀρπαζομένου πρὸς πάντων παιδός. In proverbium Artemonis nomen abiisse facile credo, idque is ipse, ad quem haec scripsit, Aristophanis locus fidem facit, Cratinum illo nomine appellans; sed de pulchris pueris, quos omnes expeterent et ad se raperent, illud usurpatum esse neque propter Aristophanem credibile est, qui Cratinum nobis non sane pulchrum et expetitum propter pulchritudinem proponit, neque περιφορήτους hoc sensu dictos esse aliunde novimus, aut dici potuisse arbitramur⁶⁾. Quod autem de duobus Po-

⁵⁾ Praestat, opinor, cum Hermanno legere παῖς ὁ Κύκῃς.

⁶⁾ Probabilior est alterius Scholiastae explicatio, πολυφόρητον esse eum,

lyceti signis, Hercules altero, altero Artemonis a Welckero dicitur, huius argumenti vim nos nullo modo perspicere posse fatemur. Nam ut concedamus Herculem ab artifice et Artemonem tanquam contraria inter se et diversi generis exempla sculptos esse, (quamquam hoc Plinius certe non dicit H. N. XXXIV, 19, 2), qui minus apte luxuriosus homo et effeminatus, quam impudicus et cinaedus, ut Welckero videtur, viro forti et strenuo opponi potuit? — Obloquitur porro Welckerus iis, qui Artemonem Anacreonticum servilis conditionis fuisse statuerunt, assentiturque Petito, Miscellan. lib. VII cap. 7, in libertatem cum asserenti, primum propterea quod servo non recte *κίβδηλος βλος*, h. e. ut ipse interpretatur, impudica vita obiici possit, quippe cui non suo sed heri arbitrio vivendum sit: dein quod servo non liceat vivere quibuscum velit: Artemonem autem sua sponte cum *ἀρτοπώλῃσιν* et *ἐθελοπύργοις* vixisse: postremo quia Artemo ex paupere dives factus sit, teste Athenaeo; servum autem divitias sibi comparare non potuisse. Itaque etiam quae de *δοῦρῃ* et *τροχῳ* dicuntur, non de servilibus suppliciis accipi vult, sed de artibus et praestigiis Artemonis: fuisse enim hunc petauristam aut in simili aliquo genere artificem: *ἐν δοῦρῃ* idem esse atque *ἐν δορίδι*, *δορίδας* autem esse *μαχαίρας μαγειρικάς*, cuiusmodi cultro instructum Artemonem tales quasdam praestigias edidisse, quales Gitonem Petronii c. 94 ed Anton.: *ἐν τροχῳ* autem *αἰχένα ἔχειν* petauristam dici, qui cernulet et in machina vel rota traiciat sese. Haec et his etiam ineptiora a Petito excogitata non miror; a Welckero, viro ingeniosissimo, credita et commendata sane quam nollein. — *Ἐν δοῦρῃ* non dubium est quin idem sit quod *ἐν ξύλῳ*, *ξύλον* autem, cui cervices Artemo inserebat, *κύφωνα* fuisse apparet h. e. *σκαῦος ξύλινον ᾧ τὸν αἰχένα ἐνθέντα δεῖ μαστιγοῦσθαι τὸν περὶ τὴν ἀγορὰν κακοεργοῦντα*. Verba sunt Pollucis lib. X segm. 177. *Τροχῳ* autem etiamsi haud dubie non cervices solae sed cetera quoque membra eius qui castigandus erat imponebantur, nemo tamen mirabitur aut vituperabit poetam, qui haec disertius commemorare supersederit. Ceterum Artemonem cogitare debemus institorio aut simili cuidam quaestui deditum, fraudulentem agentem et *κακοεργοῦντα περὶ τὴν ἀγορὰν*: hic est enim ille *κίβδηλος βλος*, quem Anacreon ei obiicit: conversantem autem cum *πόρναισιν*,

qui multorum sermonibus celebratur; quemadmodum *Σίσυφος περιφόρητος* dicitur ab Eustathio, quem Barnaeus citavit.

ἀρτοπώλῳ aliaque eiusdem generis plebecula circumforanea: prop- 13
 ter fraudes commissas saepenumero κύφῳ et τροχῷ castigatum,
 aut verberatum mulcatumque et vexatum ab iis, quibus fraudem fece-
 rat: quo pertinet illud κόμην πώγωνά τ' ἐκτετιλμένος. Servus
 fuerit an libertinus, nihil facit ad rem. Potuit enim et servus institor
 esse, et libertinus, dum ne civis esset, propter maleficia corpore plecti.
 Eundem postea ad magnas opes pervenisse nemini mirum videri
 potest, qui libertinos homines ditissimos saepenumero factos esse
 meminerit. Ut uno verbo dicam, talis fere Artemo cogitandus est,
 qualem Crispinum istum ex Iuvenale cognoscimus. Nam Crispinus
 quoque, quum servus esset, (*verna Canopi* Iuv. I, 26) libertatem et di-
 vitias nactus est, quibus ad luxuriam et molliem abutebatur *aestivum*
digitis sudantibus aurum ventilans, fere ut Artemo *χρῆσθα φορῶν*
καθέρματα et *σκιαδίσκην ἐλεφαντίνην* gestans. Porro Crispinus
 institorium quaestum fecerat, *siluros vendens* (Iuv. IV, 33), quemad-
 modum Artemonem quoque in simili genere occupatum agnovimus.
 Denique sicut Crispinum Iuvenalis servili et barbaro habitu inducit,
patria papyro succinctum IV, 24, ita Artemoni ab Anacreonte servilis
 et barbarus, ni fallor, vestitus tribuitur. Primum *βερβέριον* quam-
 quam quid sit pro certo dici non potest, vocem tamen barbaram fuisse
 iudico, et significare capitis quoddam tegumentum, pileum aut mitram
 ab Asianis nescio quibus aut Thracibus Abderae vicinis gestari soli-
 tam, eamque fortasse in apicis formam superne constrictam et coarc-
 tatam, *ἐσφηκωμένον κάλυμμα*. Nam de corporis amictu, quod
 resti arcte constringeretur, nolim hoc cum Bergkio accipere, quum
 quia *κάλυμμα* frequentius certe de capitis tegumento dicitur, (cf.
 Aristoph. Lysistr. v. 530. 532.) tum quia de corporis amictu in se-
 quentibus demum poeta loquitur. *Ξύλινοι ἀστράγαλοι* haud dubie
 tessellae sunt lignae, pro bacis aut gemmis inaurium a pauperibus
 usurpatae. Et inaurium usum in Asianis gentibus etiam apud viros
 obtinuisse novimus, quum apud Graecos fere a mulieribus tantum
 gestarentur. Cf. Plin. II. N. XI, 37, 50. Sequitur vestis coriacea,
 quae et ipsa Graecis inusitata, (nam *διφθέρας* nemo obiciet,) apud
 barbaros nonnullos in usu fuisse videtur, velut apud Persas teste He-
 rodoto I cap. 71. Artemonis autem vestis quum *εἶλμα ἀσπίδος*
 fuisse dicatur, non ea pellis cogitanda videtur, quae in ipso clypeo
 fuerat: haec enim et crassior haud dubie fuit, quam ut vestis ex ea
 confici posset, neque recte *εἶλμα* dici potuit, quum non circumdet

clypeum et involvat undique, sed ex altera tantum parte tegat: cogitandum potius est de eo, quod *ἔλυτρον* ab Hesychio et Polluce VII, 157, *σάγμα* ab Aristophane dicitur Acharn. v. 580, h. e. de sacco vel culeo coriaceo, quo clypeus indui solebat. *Νεόπλυτον* si verum est, corium illud nuper demum ablutum et sordibus suis purgatum cogitari debet; sed scripsit fortasse Anacreon *νήπλυτον*, *immundum*, quod vocabulum non minus quam *νήπεικτος*, *νήπλεκτος*, *νηπειθής* aliaque similia et potuisse usurpari et usurpatum esse vix quisquam dubitabit, etiamsi exempla eius nulla in promptu sunt.

Scrib. Gryphiswaldiae a. d. III Cal. Mart. MDCCCXXXV.

MANTISSA ANIMADVERSIONUM AD AESCHYLI PROMETHEUM.

Quum nuperrime Aeschyleam Prometheus commentariis meis ³ explicatam ediderim, eumque librum a plerisque eorum, qui haec proocinia legere solent, aut lectum esse aut lectum iri credam, non alienum esse statui, hac nunc scribendi opportunitate oblata ita uti, ut de aliquot illius fabulae locis disseram et quasi quandam mantissam commentariis meis addam. Mantissam autem dico, ne quid magni polliceri videar. Nam versabitur omnis haec disputatio in rebus minutis et specie admodum levibus: quamquam qui studiorum nostrorum rationem recte aestimare didicerunt, nihil in his litteris tam leve esse sciunt, quod non etiam ad res gravissimas permagni interdum momenti esse possit. Ceterum ad scribendam hanc mantissam induxit me libellus Adversariorum in Aeschyli Prometheus et Aristophanis Aves nuper a Fr. Wieselero, viro praestantissimo, editus, qui libellus quum absoluta demum mea editione ad me perlatus sit, fieri non potuit, ut in commentariis rationem eius haberem, id quod facturus fortasse in aliquot locis fuisset. Tractantur enim ab hoc duodecim fabulae Aeschyleae loci, quorum sex aut septem ego quoque tractavi. In his quum nullus sit, de cuius emendatione non longissime utriusque nostrum iudicia dissentiant, operae pretium fuerit, huius dissensionis causas atque rationes paullo accuratius exponere.

Primum igitur versu 49, quum vulgo scribatur

ἅπαντ' ἐπράχθη πλὴν θεοῖσι κοίρανείν·

ἑλευθερος γὰρ οὔτις ἐστὶ πλὴν Διός.

convenit quidem nobis cum Wieselero eatenus, ut verbum *ἐπράχθη* 4

corruptum, coniecturasque a criticis prolatas plerasque omnes reiiciendas esse iudicemus: quod autem etiam Stanleii emendatio una omnium verissima, *ἐπαχθή*, eodem cum ceteris loco a Wieselero habita, et ne commemorata quidem est, magnopere improbamus. Movit eum fortasse Reisigii auctoritas, qui adiectivum *ἐπαχθής*, quoniam alibi in tragicorum fabulis non legitur, etiam hoc loco admitti posse negavit. Atqui si auctoritatibus standum est, non minor sane quam Reisigii in tali re auctoritas Hermannii habebitur, cui illam Stanleii emendationem probatam esse scimus. Quaeri autem ante omnia debebat, num quae probabilis ratio exputari posset, qua permoti tragici illud adiectivum fastidiissent, et si nullam esse appareret, non consulto sed casu factum censi, ut in his quae extant tragoediis nusquam id usurparent. De sententia autem loci Aeschylei, et quam egregie huic illud ipsum *ἐπαχθή* conveniat, diximus in comment. p. 284, quae repetere hoc loco nihil attinet. Quod autem Wieselero placet, ut *ἐπράθη* scribatur, id nos, etiamsi in omnibus codicibus inventum esset, corruptum tamen et exturbandum dicere non dubitaremus, utpote prorsus ineptum. Ipse sententiam hanc existere autumat: „omnia vendita (h. e. in servitute) sunt praeter [quam] imperare diis.“ Neque dubium esse potest, quin significari his verbis voluerit, servos esse deos omnes praeter unum imperatorem, Iovem. Iam ut concedamus aliquantisper — quod profecto non debet concedi, — *θεοῖσι κοίραν εἶναι*, diis imperare, dici potuisse pro deorum imperatore, *θεῶν κοίραν*, ne sic quidem aliud dicetur illis verbis, nisi deorum imperatorem non esse venditum: quumque addatur statim, *ἐλεύθερος γὰρ οὔτις ἐστὶ πλὴν Διός*, videbitur Aeschylus liberum dicere quicumque non venierit, qua ratione recusare non poterimus, quin vernas quoque in herili domo natos, aut helotas Spartanorum, quos venum dari a dominis non potuisse constat, aut si qui sub tyrannorum dominatione vivant, hos omnes Aeschylo liberos visos esse statuamus. Porro ceteri dii non simpliciter servire, sed venisse et pretio mancipati esse dicentur, quod quam absurdum sit, non opus est demonstrare. Nam quod Wieselerus *πράθῃναι* etiam improprie dici autumat, testemque citat Orestem in Choeph. v. 902 haec dicentem:

διχῶς ἐπράθην ὦν ἐλευθέρου πατρός,

dicitur sane ibi *ἐπράθην* improprie: sed de eo dicitur, qui reapse non servus sed liber est; Wieselero autem talia exempla afferenda erant, ubi, qui serviret, licet non venditus esset, tamen *πράθῃναι* diceretur,

qualia neque sunt neque possunt esse. Ceterum quod Orestes illo loco dicit, hoc est, non quidem venditum se esse, sed abalienatum esse a matre lucri causa, quo scilicet ipsa et impunitatem sceleris et regnum cum Aegistho haberet ¹). Et agnoscit hanc lucri significationem Clytaemnestra, cui illud dictum est, quum contra quaerit:

ποῦ δῆδ' ὁ τίμος, ὅντιν' ἀντεδεξάμην;

indicari sibi illud postulans, quo tanquam pretio abalienati filii potita sit: cui quod ille respondet,

αἰσχύνομαί σοι ταῦτ' ὀνειδίσαι σαφῶς,

testatur hoc quoque verborum superiorum illam quam diximus sententiam fuisse. Itaque similiter etiam nunc nobis quaerere licebit, si *πραθῆναι* diu dicuntur, sive proprio sensu sive improprio, *ποῦ δῆδ' ὁ τίμος*; poterimusque versum explere in hunc modum: *τίς δέ καὶ πρᾶτῆρ ἔφθ*; quandoquidem non potest quisquam *πραθῆναι* dici, nisi sit aliquis quasi *πρᾶτῆρ*, qui lucrum inde perceperit: qui autem servant, *πραθῆναι* ita demum recte dicuntur, si pro pretio in servitutem ab alio dati sint, quod quam recte in deos conveniat, supervacaneum est examinare.

Non magis probare possumus alterius loci emendationem v. 265, ubi codicum scriptura haec est:

ἐλαφρόν, ὅστις πημάτων ἔξω πόδα

ἔχει, παραινεῖν νοῦθετεῖν τε τοὺς κακῶς

πράσσοντας· ἐγὼ δὲ ταῦτα πάντ' ἱπιστάμην.

Versum tertium corruptum esse metrum arguit: emendandi viae duae iniri possunt, aut ut *τὸν κακῶς πρᾶσσοντ'* scribatur, quemadmodum Stanleius aliique censuerunt, quibus ego assensus sum, quandoquidem non raro numeros nominum aut verborum a librariis permutatos esse constat, aut, si quis tamen pluralem hoc loco servatum velit, ut *ἐγὼ δέ* cum alia quapiam dictione commutetur, qua is qui loquitur — est

1) Similiter Electra loquitur, alio eiusdem fabulae loco, v. 130: *πεπραμένοι γὰρ νῦν γέ πως ἀλώμεθα πρὸς τῆς τεκούσης, ἄνδρα δ' ἄντι, λάξαιτο Αἰγισθόρ*. Nam recte ibi *πεπραμένοι* pro *πεπραγμένοι* scriptum esse vix dubitari potest. Abalienatos se et Orestem a matre queritur, ut frueretur haec adulteri matrimonio. — Ceterum alio genere translationis *πραθῆναι*, ut *ἐμποληθῆναι* et *πωληθῆναι*, non raro dicuntur ii, qui fraude circumventi et decepti sunt, quos nos quoque vernacule loquentes *corrauthen und verkauft* dicimus, similiterque Latini, ut est apud Plautum, cum ioculari imaginis amplificatione, Bacch. IV, 7, 16: O stulte stulte, nescis nunc venire te, atque in eo ipso astas lapide, ubi praeco praedicat. De Graecis vid. Intt. ad Aristoph. Ach. v. 362 et Brunck. ad S. Phil. v. 966.

autem Prometheus — semet ipse significet, in cuius dictionis locum illud *ἐγὼ δέ* tanquam glossema quoddam irrepsisse statuatur. Hoc Reisigio itemque Wieseler placuit, quorum alter *αὐτός*, alter autem *ὅδε* ab Aeschilo scriptum fuisse suspicatur. Nobis si horum alterutrum optandum sit, utrum praestet, plane non dubitari posse videtur. Nam quum opponat Prometheus chori praeceptis suam ipsius intelligentiam, suaque se sponte compertum habere dicat quod ille se docere voluerit, in tali oppositione quam apte *αὐτός* pronomine uti potuerit, quilibet intelligit. Neque additam pronomini etiam adversativam coniunctionem requiremus, quandoquidem, quae ita manifesto inter se opposita sunt, isto coniunctionis adminiculo haudquaquam egere videntur. Itaque nulla alteri coniecturae *ὅδε δέ* commendatio ex addita coniunctione accedet: ipsum vero pronomen *ὅδε* non poterit non longe quam *αὐτός* deterius iudicari. Etsi enim *ὅδε* non raro etiam de prima persona dicitur, ut significetur eo is a semet ipse qui loquitur, vis tamen eius non haec est, ut is ipse alteri, solus aut sua sponte aliquid agens aliis vel hortantibus vel admonentibus vel aliquo modo ad eum pertinentibus opponatur, quemadmodum fit in pronomine *αὐτός*, sed est illa demonstratio mere localis, qua etiamsi possit, qui ita demonstratur, aliis quodammodo etiam opponi videri, non aliter tamen opponitur, nisi quatenus hoc loco, non alibi est, ut rectius discretionem hanc aut determinationem quam oppositionem dicendam esse appareat. Quodsi quis exempla pronominis *ὅδε* ita usurpati consideraverit, facile intelliget, alteri pronomini *αὐτός*, quod veram oppositionem indicat, plane non locum fuisse, veluti apud Euripidem *Alcest.* v. 752 Monk.: οὐ γὰρ τῷδ' ἔτ' ἐς ταῦτόν στέγος νεῖσθε, h. e. οὐκ ἐμοί, non ἐμοὶ αὐτῷ, et ibid. v. 1109: οὐκ ἔστιν ἥτις τῷδε συγκλιθήσεται, ubi item potuit ἥτις ἐμοί aut etiam μοι, συγκλιθήσεται, sed ἥτις ἐμοὶ αὐτῷ συγκλιθήσεται non potuit dici. Et quod apud Aeschylum in prologo Persarum chorus dicit, τάδε μὲν Περσῶν τῶν οἰχομένων Ἑλλάδ' ἐς αἶαν πιστὰ καλεῖται, potuit dicere ἡμεῖς μὲν — πιστοὶ καλούμεθα, non potuit ἡμεῖς αὐτοί. Accedit quod demonstrativum pronomen hoc sensu usurpatum semper etiam gestum quendam loquentis requirere videtur, quo adiuvetur quodammodo demonstratio: qualis gestus quam sit a victi Promethei conditione alienus, non opus est exponere.

Longa illa de Atlante et Typhone oratio, quae legitur a v. 348 usque ad v. 377, utrum Promethei an Oceani sit, dissentiunt inter-

pretes. Wieselerus mediam quandam viam ingreditur, ut partem huius orationis, usque ad v. 368, Oceano tribuat, reliqua Prometheo, illius sermonem interpellanti et continuanti. Et priorem quidem partem ut Oceano tribuat, Reisigii se rationibus permoveri dicit, quibus quae a me opposita sunt p. 295, 6, nolo nunc repetere: reliquam autem orationem, inde a verbis *ἔνθεν ἐκπαγίσονται ποτε*, Prometheo assignat duabus de causis: primum, quia vaticinium de futuro Aetnae incendio melius huic quam alteri conveniat, deinde quod commemoratio illa Typhonis, qui quamvis fulmine ictus saevire tamen non desinat, ad consilium Oceani Prometheum flectere cupientis parum accommodata sit. Possum equidem haec accipere, quoniam mihi quoque illa verba, licet non sola, sed una cum omni superiore oratione, Promethei esse videntur: quod autem dispescitur a Wieselero oratio inter duos colloquutores, et Prometheus desubito alterius sermonem interpellare fingitur, praesertim in medio versu, id vero probari nullo modo potest. Quantum enim e superstitibus Aeschyli fabulis iudicare licet, abhorret hoc plane ab huius poetae consuetudine, qui nunquam non integris versibus personarum orationes concludit et exorditur: neque ullum est contrarii generis exemplum, praeter unum Promethei locum v. 982, ubi inchoatur versus Promethei exclamatione *ῥῆμοι*, continuatur autem Mercurii verbis, *τόδε Ζεὺς τοῦπος οὐκ ἐπίσταται*. Id cur hoc loco ita Aeschylus instituerit, potest fortasse ratio haud improbabilis asferri: 2) quamquam non repugnabo equidem, si quis erratum a librariis esse suspicetur, locumque ita refingat, ut primum *ῥῆμοι* Prometheus exclamet extra versum, ac deinceps Mercurius repetita eadem exclamatione versum integrum pronuntiet. Et hanc rationem Lachmanno, viro intelligentissimo, placuisse memini 3). Verum utut de hoc loco statuitur, in alterum illum locum rem adeo insolitam contra omnes codices inutili coniectura invehere, id, opinor, criticis non di, non homines, non concessere columnae.

In eadem oratione versum 354

Τυφῶνα θοῦρον, πᾶσιν ὃς ἀντέστη θεοῖς,
corruptum esse satis constat. Wieselerus *πάλιν* pro *πᾶσιν* scribi iubet, idque referri vult ad pugnam Atlantis contra deos, quo devicto Typhon rursus bellum iis intulerit. Sed dubito ego quidem magno-

2) Cf. Hermann. epit. doct. metr. p. 276.

3) De chor. syst. p. 124.

pere, licueritne ita *πάλιν* dici de repetito certamine alterius, quum neque socius huius certaminis Typhon fuerit, neque hoc ipsum in superioribus memoratum sit.

Versu 471 pro vulgata lectione *ὥς τις* Wieselerus pronomen relativum *ὅστις*, in aliquot codicibus inventum, restitui, omnemque locum in hunc modum scribi et interpungi vult:

*Πέπονθας αἰκίης πῆμ', ἀποσφαλεῖς φρενῶν·
πλανᾷ κακὸς δ' ἰατρός, ὅστις ἐς νόσον
πεσῶν ἀθνυεῖ —.*

Scilicet in vulgata scriptura, quum *ὥς τις* legitur et post *πλανᾷ* interpungitur, utcumque verba construuntur, semper orationem habemus *ἀσυνδέτον*, quum nulla intercedat inter haec duo verba, *πέπονθας* et *πλανᾷ*, coniunctio. Huic igitur malo Wieselerus occurrens alterum s verbum, *πλανᾷ*, in unum cum nominibus *κακὸς δ' ἰατρός* membrum conflare vult, ut sic etiam *δέ* coniunctio, nominibus his interposita, ad verbum illud pertineat, idque ita cum superiore membro nectatur. Sententiam autem eandem esse, ac si dictum sit, *πλανᾷ δὲ ὥς κακὸς ἰατρός*, quod ut comprobet, ad Schneideri ad hunc locum annotationem provocat. Nempe docet ibi Schneiderus id quod nemo facile in dubium vocaverit, *δέ* coniunctionem etiam ab Aeschilo nonnunquam secundo, non primo vocabulo postponi, eiusque rei aliquot exempla commemorat. Atqui exempla huius nostri similia neque citavit, neque potuit, opinor, citare. Scilicet haec verba, *κακὸς ἰατρός*, pro appositione habenda erunt ad id subiectum, quod est verbi *πλανᾷ*, eiusque appositionis vis erit comparativa, ut saepe alibi. Iam vero in tali orationis conformatione, quum postposita sit verbo appositio, non potuit coniunctio, a verbo seiuncta, mediae appositioni inseri, sed debuit necessario inter verbum et appositionem collocari, *πλανᾷ δὲ κακὸς ἰατρός*: si anteposita esset appositio, potuit coniunctio vel secundo loco poni, ut insereretur appositioni, *κακὸς δ' ἰατρός πλανᾷ*, vel etiam tertio loco: *κακὸς ἰατρός δὲ πλανᾷ*, sed *πλανᾷ κακὸς δ' ἰατρός* absonum est, neque quisquam unquam sic loquitur. — Quid autem faciemus isto *ἀσυνδέτῳ*, erepta nobis hac medicina? Tolerabimus, censeo, aut, si opus fuerit, tuebimur similibus exemplis haud adeo difficilibus inventu. Nam est sane nihil hoc genere frequentius, ubi quis, quod primum universe proposuit, statim quale sit disertius eloquitur, ut nostro loco chorus, postquam universae Prometheus turpi malo laborare dixit, hoc iam quale sit exponit his verbis,

ἀποσφαλεῖς φρενῶν πλανᾷ et sequentibus. Sexcenta id genus, si quis hoc agat, invenire nullo negotio poterit: ego nunc tribus defungar exemplis Homericis, quae obiter quaerenti prima se obtulerunt. II. II, 217: αἴσχιστος γὰρ ἀνὴρ ἐπὶ Ἴλιον ἦλθεν· φορκὸς ἔην, χολὴς δ' ἑτερόν πόδα κτλ. Deformitas Thersitae, primum universe commemorata, statim per partes describitur. XXIV, 680: Λιγτοῖ ἰσάσκετο καλλιπαρήψ· φῆ δ' οἷω τεκέειν, ἣ δ' αὐτῇ γείνατο πολλοῖς. Od. IV, 445: ἀλλ' αὐτῇ ἐσάωσε καὶ ἐφράσατο μέγ' ὄνειαρ· ἀμβροσίην ἐπὶ ξίνα ἐκάστιψ θῆκε φέρονσα.

In verbis Promethei quae leguntur v. 509, 10:

οὐ ταῦτα ταύτῃ Μοῖρα πω τελεσφόρος
κρᾶναι πέπρωται,

recte Wieselerus *Μοῖραν* non sortem sed Parcam h. e. divam personam esse agnoscit: quod autem rescribi vult, *Μοῖρ' ὅπως τελεσφόρος κράνῃ*, videtur nobis sententiam loci corrumpere. Dicet enim ita Prometheus, nondum haec sic esse fato constituta, ut a Parca perficiantur, habebimusque Parcam fatalia decreta exsequentem, diversam itaque a Fato eique parentem, qualem vereor ut Prometheus agnoscat, 9 qui quum *Μοίρας* dicat *τῆς ἀνάγκης οὐλοστροφῆους* (v. 512, 13) non ministras has alienae cuiusdam potestatis, sed summas rerum moderatrices a se haberi significat, omnium eventuum necessariam seriem ipsas praefinientes et gubernantes.

In Mercurii verbis, v. 1015,

αὐθαδία γὰρ τῇ φρονοῦντι μὴ καλῶς
αὐτῇ καθ' αὐτὴν οὐδενὸς μεῖζον σθένει,

quum sint qui *μεῖον* pro *μεῖζον* scribendum censeant, recte ab his Wieselerus dissentit: ipse autem in fine versus secundi interrogationis signum poni vult, quod qua ratione fieri possit, non perspicio. Nam interrogare Mercurius non potuit nisi aut hoc modo: numquid est, quo plus polleat contumacia? — in qua interrogatione indefinitum pronomen ponendum fuisse apparet, *μὴν τίνος μεῖζον σθένει*; — aut hoc: quidnam est, quo plus polleat contumacia? ut pronomen poneret interrogativum: *τίνος ἔχει μεῖζον σθένος*; Qui autem sic interrogat: nullane re plus pollet contumacia? is significat, hoc, quod est in hac interrogatione positum, sibi non ita se habere videri, h. e. non videri sibi nihil esse, quo plus contumacia polleat, sed esse potius aliquid eiusmodi: quae sententia quam aliena sit a Mercurii personae, quis non intelliget? Vult enim profecto nihi

eiusmodi esse, et hoc ipsum planissime eloquitur in vulgata lectione: *αὐθαδία οὐδενὸς* (aut οὐδ' ἐνός) *μεῖζον σθένει*: contumacia non ulla re plus pollet, h. e. nihil contumacia sola per se, absque prudentia, vincere et superare potest ⁴).

Restant aliquot loci a me, qui eos sanos esse iudicarem, silentio praetermissi, a Wiesclero autem supervacaneis coniecturis attentati, idque tanta cum levitate, ut in plerisque ne causas quidem, cur vulgatam lectionem mutatam vellet, exponere conatus sit. Veluti versu 258, ubi interroganti choro

οὐδ' ἔστιν ἄθλου τέρμα σοι προκείμενον;

Prometheus respondet:

οὐκ ἄλλο γ' οὐδέν, πλὴν ὅταν κείνῳ δοκῇ.

displicere sibi ostendit γέ particulum, cuius rationem Hartungus in doctr. part. I, pag. 392 reddere studuerit: cur autem displiceat et quid ab Hartungo erratum esse censeat, non dicit. Ipse hanc proponit emendationem:

οὐκ ἄλλοτ' οὐδέν, πλὴν ὅταν κείνῳ δοκῇ,

licetque suspicari, huius prae vulgata lectione praestantiam adeo ei manifestam visam esse, ut omni demonstratione supersederi posset. Nos hanc praestantiam, qualis sit, non perspicimus. Nam id quidem non credimus, concinnitatis cuiusdam amore eum permotum esse, ut ¹⁰ adverbio temporis relativo, ὅταν, alterum item adverbium temporis, ἄλλοτε, responderet. Nimis enim hoc puerile est. Ceterum γέ particula hoc loco plane ex vulgatissimo omnium scriptorum usu posita est in ea responsione, qua quis id ipsum, quod alter interrogaverit, ita esse affirmat, simulque aliquid insuper addit. Res est notissima diuque ante Hartungum a multis observata: et extant eius in hac ipsa fabula aliquot exempla, velut v. 253. 4, 515, 747, 769, 775.

Item v. 436 sqq. vulgatam lectionem

βοῶ δὲ πόντιος κλυδῶν

ξυμπιτῶν, στένει βύθος,

κελαινὸς δ' Ἰδὸς ὑποβρέμει μύχος γᾶς.

refingi vult in hunc modum, ut pro βύθος rescribatur βαθύς, perti-
nens scilicet eodem quo κελαινός, ad μύχος, comma autem post

⁴) Similia quaedam exempla contulit nuper Sauppis ad Plat. Protag. p. 324 D.

ἔμπτυνῶν deleatur ponaturque post *στένει*, de quo se ambigere dicit, sitne pro dativo accipiendum, ut dicatur marinus fluctus cum gemitu collidi, an pro verbo, ut dicatur scilicet fluctus marinus boare collisus gemere, quale asyndeton iure mireris ei in mentem venire potuisse, qui aliud, idque plane usitatissimum, v. 471, tolerare nequiverit. Sed magis mireris vulgatam lectionem cuiquam displicuisse. Nimirum quum in Robortelli editione *βαθύς* scriptum sit, manifesto typographi errore, in Mediceo autem codice, si minus hoc ipsum *βαθύς*, at certe *βάθος*, hoc satis causae fuit ad excogitandam istam emendationem.

Versu 852 Prometheus Ioni Apidis in Aegypto partum praedicens haec ait:

*ἐνταῦθα δὴ σε Ζεὺς τίθῃσιν ἔμφορα,
ἐπαφῶν ἀταρβεῖ χειρὶ καὶ θυγῶν μόνον.
ἐπώνυμον δὲ τῶν Διὸς γεννημάτων
τέξεις κελαινὸν Ἐπαφον.*

Γεννήματα Wellauerus, Wunderlichius aliique multi ipsam illam contractationem, versu superiore memoratam, dici statuerunt. Id Wieselerus improbat propterea quod „ita nimis abrupte et obscure loquutus esset poeta.“ Rescribendum igitur suadet, *ἐπώνυμον δὲ τῶν Διὸς γέννημ' ἀφῶν*. Nimirum debebat Prometheus vaticinans omnia quam planissime et disertissime exponere, et hoc ipsum perspicuis verbis declarare, non de concubitu cogitandum esse, sed de contractatione tantum: et si forte Io iam ex concubitu Iovis gravida esset, cavendum Prometheo erat, ne responderet sibi illa, filium suum Epaphum, utpote ab *ἐπαφῇ* dictum, non recte nunc *γεννημάτων ἐπώνυμον* dici: nam 11 *γεννήματα* quidem iam alio modo peracta, contractationem autem illam nihil nisi quandam obstetricationem futuram esse.

Superest unus locus, de quo disputandum sit, in prologi initio, v. 6, ubi quum vulgo nunc ea scriptura recepta sit, quam vetus Aristophanis interpres ad Ran. v. 827 servavit,

ἀδαμαντίνων δεσμῶν ἐν ἀρρήκτοις πέδαις,

Wieselerus codicum Aeschyleorum auctoritatem maiorem ratus hunc versum reponi vult,

ἀδαμαντίναις πέδαις ἐν ἀρρήκτοις πέτραις.

Nempe hoc ipsum in Robortelli editione legitur: codices autem, quot quot collati sunt, omnes in *ἀρρήκτοις πέτραις* conspirant, suntque etiam qui *ἐν* praepositionem addant, itemque in omnibus *ἀδαμαντί-*

νοῖς αὐτὰ ἀδαμαντίναις, et πέδαισιν αὐτὰ πέδῃσιν extat. „Quivis unus“, inquit Wieselerus, „qui accurate pensitaverit, quantopere codicum lectiones consentiant et ab ea, quae a scholiasta Aristophanis tradita est, discrepent, illi codicum consensui plus tribuendum censebit, quam scholiastae.“ Mihi contra, quo quis accuratius illum consensum consideraverit causamque eius reputaverit, eo minus ei tributurus videtur. Constat enim omnes illos codices ex uno exemplo originem habere, quod exemplum quum alius alio fidelius repraesentet, poterunt hinc inter se comparati alii aliis meliores aut deteriores dici, consensus autem omnium nihil aliud probabit, quam veteris illius exempli lectionem. Haec igitur quum opposita sit alteri lectioni, ab Aristophanis interprete servatae, non multorum nobis testimonia audire videbimur uni opposita, sed singulos utrimque testes esse censemus, quorum utri fidem adiungamus, non aliunde nisi aut ex ipsorum auctoritate aut ex rei, quam testantur, natura ac probabilitate diiudicandum sit. Et de auctoritate quidem hoc unum nunc dicere possumus, nihil causae esse, cur illum Aristophanei scholiastae codicem, cuius praeter hoc unum specimen nihil nobis innotuit, non meliorem aut adeo deteriore ista fuisse iudicemus, unde nostri codices fluxerunt, quem quidem non optimum fuisse multis argumentis colligitur. Rem autem ipsam per se contemplanti, non poterit dubium videri, utra lectio probabilior sit. Nam quod Wieselerus hanc quam scholiastes habet lectionem coniectori alicui deberi, non ex integriori libro servatam esse iudicat, nulla ratione facit. Quid enim in coniectoris illius libro scriptum fuisse credit, quod ille corrigendum putaverit? Hocine, quod nostri codices habent? Parum credibilis erit tanta corrigendi audacia. An illud, quod Wieselerus verum iudicat? Negabit ipse, corrigendi causam fuisse. Quamquam nos qui-

12 dem aliter iudicamus; et si vere hoc inventum in illo libro fuisset, tolerari non debuisset contendimus. Quis enim talem versum, non dicam Aeschylo, sed quolibet de trivio poeta dignum iudicet, ἀδαμαντίναις πέδαις, ἐν ἀρρήκτοις πέτραις, duabus partibus aequalibus in homoeoteleuta desinentibus? Aut quis ab Aeschylo uni verbo ὀχμάσαι in uno orationis membro, uno structurae tenore, haec duo πρὸς πέτραις et ἐν πέτραις adiungi potuisse credet?

τόνδε πρὸς πέτραις
 ὑψηλοκρήμους τὸν λαωργὸν ὀχμάσαι
 ἀδαμαντίναις πέδαις ἐν ἀρρήκτοις πέτραις.

Et hoc πρὸς πέτραις ὀχμέσαι ἐν πέτραις, ad rupes affigere in rupibus, significabit Wieselerio interprete: ad rupes ita affigere alterum, ut is simul etiam inclusus in rupibus h. e. in aliquo hiatu rupium lateat! — Talia si aut non assequutus aut abominatus aliquis ad coniecturam quamvis audacem confugisset, summopere laudaremus. Sed nequaquam tamen scholiastae illius lectionem ex huiusmodi coniectura ortam esse censemus: impressam enim habet certissimam veritatis notam, estque haud dubie ex incorrupto quodam fabulae Aeschyleae exemplo prompta: haec contra, quae in nostris codicibus leguntur, inepte excogitata sunt ad explendam depravati codicis scripturam. Nam primum ἐν ἀρρήκτοις πέτραις, pro πέδαις, scriptum erat, errore proclivi, et in Wellaueri etiam annotatione ad h. l. commisso: deinde media versus pars aliquo casu oblitterata, ut legi non possent nisi haec: ἀδαμαντίν — ἐν ἀρρήκτοις πέτραις: denique in marginis adscriptum πέδαις, quo scilicet illud πέτραις corrigetur. Hoc postea corrector male abusus est ad explendam lacunam, et hinc nostrorum codicum lectiones ortae sunt. — Quae autem protulit praeterea Wieselerus ad emendationem scilicet suam comprobendam: „videri Prometheus in aliquo rupis hiatu positum fuisse ita, ut pars tantum corporis promineret et in conspectum veniret, eamque sententiam egregie quadrare ad id, quod pluribus de causis pro certo sumi possit, Promethei imaginem quandam ligneam oculis eorum, qui spectarent, subiectam fuisse: posse enim statui, hanc imaginem ita comparatam fuisse, ut sola anterior pars exhibita esset, ut is, qui Prometheus agebat, non in ea, sed pone eam in hiatu rupis versaretur,“ haec nunc accuratius examinare non libet: et cur ligneum illud simulacrum, de quo illi non dubitandum videtur, mihi parum placeret, dixi in prolegomenis editionis meae p. 85. 86. Hoc tamen non gravabor profiteri, si fuerit tale simulacrum, malle me id in rupis hiatu magna ex parte delitescens, quam totum in theatri conspectu positum cogitari, ne scilicet ligneus ille Prometheus nimis cito aut taedium aut risum populo moveret. — Sed admonet me haec res alius cuiusdam Promethei, non lignei quidem, sed picti in vase fictili, itemque in hiatu quodam pube tenuis delitescens, quem a Scrofanio, Italo archaeologo, acceptum nuper Geppertus, popularis noster, spectandum nobis proposuit in libro de antiquo Graecorum theatro, Lipsiae a. 1843 edito. Vereor tamen equidem magnopere, ne hic quoque Prometheus explendus sit. Hominem enim pictum videmus adolescentem et im-

berbem, qua specie unquam Prometheus propositum esse parum credibile est. Is prominet dimidia fere sui parte e strue quadam lapidum, rudium quidem illorum, sed ordine tamen compositorum, ut esse solent in aedificiis, quae cyclopia dicuntur, nisi quod in hac pictura lapides satis parvi sunt, maximique eorum, si ad hominis mensuram comparentur, vix capitis modum excedunt, minimi, quantos facile manus totos comprehendat: universa autem species muri est aut imperfecti aut diruti, quali specie rupem, in qua Prometheus vinctus fuit, repraesentare nemo profecto potuit. Denique advolat ad hominem serpens alatus: quem pro aquila, Promethei corpus laniatura, a pictore substitutum esse aut potuisse substitui nunquam nobis persuadetur. — Necesse est igitur aliud esse huius picturae argumentum: quodnam sit, non quidem pudeat me nescire, neque tamen, quid mihi videatur, dicere verecundabor, quum praesertim Iahnus noster, archaeologus peritissimus, idem sibi dudum visum esse significaverit, in Palamede p. 44, simulque eorum me admonuerit, quae in eandem sententiam a viro illustrissimo, duce de Luynes, scripta sunt in Annalibus inst. archaeol. tom. I, pag. 407 sqq. Videor igitur mihi hominem agnoscere in cavernam Trophonii descendentem; eamque sententiam etiam contra Welckeri disputationem, in Diurnis antiquariis a. 1838, p. 219, facile defendi posse arbitror. Nam quod is Palamedem repraesentari credit lapidibus obrutum, vix minus incredibile est, quam illud de Prometheo. Primum enim in lapidatione, quum lapides a magna multitudine coniiciuntur, hos nemo credet ita cadere posse, ut in muri diligenter constructi formam coeant, eum autem, in quem coniecti sunt, erectum stare, dum lapides ad pubem usque accumuluntur et post eum adeo in altum exsurgunt, ut supra ipsius caput emineant, quemadmodum in hac pictura factum videmus. Non igitur intelligo, qui potuerit Welckerus ad ipsum adspectum provocare, qui mihi quidem omnem lapidationis cogitationem excludere et procul arcere videtur. Quod autem introitum in cavernam Trophonii repraesentari negat, non sane ostii instar videmus, patulo vel aditu vel descensu: sed ad Trophonii cavernam descensum fuisse legimus per foramen angustissimum, quo quum is qui descensurus erat pedes immisisset, subito occulta quadam vi intus abriperetur: idque foramen fuisse in latere specus cuiusdam non natura
14 sed arte facti, cuius circuitum probabile est lapidibus exstructum

fuisse in hunc modum, quem pictura repraesentat⁵⁾. Et quod non omnem hunc circuitum depictum videmus, sed partem tantum eius cum ipso illo foramine atque homine intus collocato: necessario hoc ita pictor instituit, quandoquidem, si totum circuitum pinxisset, hominem necesse fuisset abscondi nec potuisse conspici. Fecit igitur, quod maxime consentaneum erat, ut muri imperfecti speciem repraesentaret, eumque ex altera parte humiliorem, quo propius draconem, ex hac parte advolantem, homini admoveere posset. Hunc autem draconem ne nos quidem pro uno eorum accipimus, qui in caverna Trophonii esse dicebantur, quos quidem Welckerus recte negat alatos pingi potuisse: sed nihil obstat, quominus Agathodaemonem significari credamus, in cuius aede, qui oraculum consulebant, aliquamdiu morabantur. Is igitur nunc adest descendenti propitius, opinor, et opem laturus. Proxime Agathodaemonem ad dextram caduceus est, mercuriale signum, quo nihil aliud a pictore significatum conicio, quam Trophonium, oraculi dominum. Quippe fuerunt qui ipsum Trophonium pro Mercurio haberent, uno de quinque, in quos huius numen a philosophantibus mythologis dispersitum est. — Denique litteras *ΑΓΑ*, paullo longius ad dextram positas quilibet, opinor, malet de Agamedis nomine interpretari, quam cum Welckero, de Palamedis, ut prima littera *Π* deleta, *Α* autem cum *Γ* permutata esse statuatur, quum praesertim ipse Welckerus huic se coniecturae non multum tribuere professus sit. Quae autem ab hoc causae proferuntur, quominus Agamedes significari credatur, hae mihi, si fas est litteratori contra archaologum de huiusmodi artis arcanis dicere, inanes esse videntur. Aut ipsum Agamedem, aut rem aliquam ad Agamedem pertinentem, velut aram, non autem litteras initiales pingi debuisse contendit. Ipsum Agamedem cur noluerit pictor pingere, mihi satis manifestum videtur: aram qui postulat, demonstrare ante omnia debet, fuisse aram Agamedi consecratam. Nam Pausanias quidem huic ab iis, qui in cavernam descensuri essent, arietem non ad aram, sed *εἰς βόθρον* sacrificatum esse scribit. De alia denique re quacunque ad Agamedem

5) Veram oraculi faciem talem fuisse, qualem pictor repraesentavit, nemo credit. Nam illam sic extra conspici non potuisse manifestum est. Usus igitur est libertate pictoribus concessa, ut quae abscondita essent quodammodo tamen significaret. Ceterum de vera oraculi facie subtilissime a Wieselero disputatum est: *Das Orakel des Trophonios*. Goetting. 1849.

pertinente, qua is melius quam primis litteris nominis significari potuisset aut debuisset, tum demum disputari poterit, si qualis haec res sit, fuerit demonstratum. — Itaque mihi quidem nihil ob stare videtur, quominus id quod dixi argueretur huius picturae esse statuatur, neque in iis, quae in reliquis vasis partibus picta sunt, quidquam esse arbitror, quod huic interpretationi adversetur, etiamsi de singulis, quid sibi velint et quo pertineant, non potest certo demonstrari. Sed quemadmodum in philologicis ita etiam in archaeologicis multa esse puto, quae satius sit nescire, quam inanibus coniecturis operam ludere.

Scribebam Gryphiswaldiae mense Martio ann. MDCCCXLIV.

VINDICIAE IOVIS AESCHYLEI.

Quae tribus abhinc annis de Aeschyli Prometheo commentatus sum, facile iis quidem omnibus probatum iri sperabam, qui libero necdum occupato diversis opinionibus animo disputationis meae viam attente persequi rationumque momenta ex aequo ponderare vellent ac possent; qui autem iam antea de fabulae illius argumento et consilio aliter secum statuissent, hos praevidebam profitebarque paullo aegrius mihi assensuros esse, non quo eos omnes veritatis minus amantes esse crederem, sed quoniam, quum semel aliquid pro vero amplexi sumus, ipse noster veritatis amor impedimento esse potest, quominus veriora, sed iis, quae adhuc vera nobis visa sunt, dissimilia aequo animo accipiamus. Idque tanto facilius accidere etiam optimo cuique solet, quo magis nova et ab iis, quae ipse sibi persuaserat, abhorrentia proferri videt, hoc praesertim tempore, quo multi nimio quodam novitatis studio abrepti levissima saepe commenta fidenter temere iactitant, nec desunt etiam, qui non tam quod ipsis persuasum sit, quam quod gratum aut vulgo aut potentioribus fore existiment, prae se ferre videantur. Hanc ob causam non miratus sum, in iis, qui meae de Aeschylo disputationi obloquerentur, etiam Godofredum Hermannum extitisse¹⁾, virum optimum veritatisque amantissimum, sed qui quum aliter dudum de Aeschyli tragoedia iudicaverit, tum iudicio suo non sine causa plurimum confidere solitus sit, nec facile concedat dissentientibus, me autem meosque mores ignoret, ut licuerit fortasse dubitare, id quod initio dissertationis suae significat, ex animone an consultius ratus ista scripserim. Is est Hermannus, cui me convictum

1) In dissertatione de Prometheo Aeschyleo Lips. a. 1845. edita.

manus dare haud puderet; is autem ego sum, qui auctoritate non facilius quam gratia movear, veritati omnium libentissime concedam. Itaque si vera Hermannum contra me disputasse viderem, publice me victum confiteri non sane cunctarer: nunc autem, quum re identidem
4 considerata non labefactatum meum de Aeschilo iudicium sed confirmatum sit, officii mei esse arbitror, ut causam semel susceptam tuear, neque alios in errorem induci talis viri auctoritate patiar.

Concedit Hermannus p. 4 verum esse, quod ego dixi, non debere tragoediam pugnare cum religione populari nec quae sancta et venerabilia sint, privare illa sanctitate atque in contemptum adducere; reprehendit tamen quod addiderim, non magis licere poetae tragico Iovem ut odio dignum tyrannum fingere, quam statuario in templo signum Iovis forma satyri aut vultu malevoli daemonis ponere: non enim comparari inter se ista posse, quia nec ridiculi quidquam in Aeschylei Iovis persona, ut in satyro, nec tetri, ut in malevolo daemone, inveniantur. Quasi vero ego dixerim Iovem in Aeschyli fabula aut mihi aut aliis ridiculum ad instar satyri aut tetrum ad instar mali daemonis visum esse. Hoc dixi, Iovem illum permultis saevum, ingratum, iniustum odioque dignum visum esse, — et fuerunt adeo, qui eum cum Satana compararent; — talem autem Iovem proponere non magis licuisse, quam aut ridiculum aut tetrum; nam pariter utrumvis religioni contrarium esse. Id autem cur Hermannus nec recte et cupidius iudicatum diceret, nulla profecto causa erat²⁾. Reprehendit porro Hermannus quod eodem loco a me scriptum est, non posse ab Aeschilo maximae temeritatis culpam averti, si in summo deorum exemplum proposuisset morum pravitatis, idque ait documento esse, aliter me de animo Iovis quam Aeschylum sentire, qui non putaverit se aliquid de maiestate Iovis detrahare. Possit haec facile aliquis in eam partem interpretari, quasi Hermannus pravitatem morum non alienam a maiestate Iovis Aeschilo visam esse censeat; sed quum statim addat, ne videri quidem pravae Iovis mores Aeschylum voluisse,

2) Ne quis forte credat me ambigue saltem loquutum esse, ut errari facile de sententia mea potuerit, adscribam ipsa verba, quibus p. 13 usus sum: „Was dem frommen Gemüthe ehrwürdig und heilig ist, das darf sie (die Tragödie) auf der Bühne nicht herabwürdigen, und dem Dichter war es eben so wenig erlaubt, hier den Zeus als einen hassenswürdigen Tyrannen darzustellen, als es dem Bildhauer erlaubt gewesen sein würde, im Tempel der Statue des Zeus eine Satyrgestalt oder das Antlitz eines boshaften Koboldes zu geben.“

ostendit se plane mecum sentire, et utrique nostrum pravum Iovem salva maiestate ab Aeschilo proponi non potuisse videri. Cur igitur me reprehendit? Propterea scilicet, quod ego in Prometheo pravae Iovis mores non quidem esse, sed videri tamen dixi, idque Aeschylum voluisse: ille contra ne videri quidem tales, aut, si videantur, noluisse tamen hoc Aeschylum contendit. Id vero fieri non potuit, nisi aut malus poeta ille fuit, aut aliter atque nos de bonitate et pravitate morum iudicavit. Tam malum poetam fuisse, ut, quod noluerit, invitus tamen commiserit, nemo facile credet: restat igitur alterum, apparetque, Hermannus non illud dicendum fuisse, aliter me de animo Iovis, sed hoc potius, aliter me de morum pravitate sentire, atque Aeschylus sentiat aut sentire ipsi videatur. Sed hoc quale sit, mox accuratius videbimus: nunc considerandum est, quam ob causam Aeschylum ne videri quidem in hac fabula pravae Iovis mores voluisse contendat. „Non tulissent hoc“, inquit, „aequo animo spectatores, nescientes in ea demum quae sequutura esset tragoedia Iovem qualis se re vera esset appariturum³⁾.“ Atqui hoc certe non nesciebant, sequutura esse tragoediam, quae exitum certaminis reconciliatunisque cum Iove Prometheum exhiberet, et spectaverant paullo ante aliam, in qua certaminis illius causa atque origo proposita erat. Nam trilogiam hanc igniferi, vincli et soluti Promethei nunc etiam Hermannus agnoscit. Itaque quum negat laturos spectatores fuisse talem sibi Iovem propositum, cuius mores summae pravitalis speciem haberent, quid aliud quam homines sibi fingit perquam imperitos, qui partem tanquam partem, non tanquam totum, aestimare nequiverint, ideoque, si quid esset in parte, quod per se solum displicere merito posset, non tulerint hoc propterea, quod exitum, licet mox cognitum iri scirent, atque etiam qualis futurus esset, facile suspicari possent, tamen quis esset futurus, nondum plane cernerent? Ego contra longe probabi-

3) Praeivit haec Iulius Caesar, vir doctissimus pariter et acutissimus, in censura libri mei *Diurnis antiquariis inserta*, ann. 1845 p. 329, illud maxime urgens, quod dixi p. 10, voluisse Aeschylum hac tragoedia animos spectatorum ita affici, ut saevum Iovem et crudelem sibi proponi crederent. Non quidem immerito Caesarem Hermannus circumspice considerateque adversus me disputasse dicit: verum tamen ita disputavit, ut maiore etiam circumspicione et consideratione adhibita facile redargui posse videatur, id quod ego facere conatus sum in epistola ad ipsum Caesarem scripta, et ab hoc in *Diurnis antiquariis* ann. 1846 publicata, quam etiam his vindictis nunc adiciendam putavi.

lius arbitror, Aeschyli spectatores, quum unam, et mediam quidem trilogiae fabulam spectarent, satis prudentes fuisse, ut quem ad finem omnis res tenderet expectandum partemque ex toto iudicandam esse recordarentur, praesertim praeparatis iam prima fabula animis, id quod, etiamsi factum esse in hac trilogia demonstrari nequit, potuisse tamen fieri apparet. Itaque ista, quam Hermannus attulit, causa obstare Aeschylō non potuit, quominus hanc quidem partem trilogiae ita componeret, ut, si quis eam solam intueretur, non posset non saevum Iovem et importunum, Prometheus autem propter egregia facinora iniusto supplicio affectum credere. Scilicet enim eo magis omnes in exitum intentos fore, quo suum utrique locum restitutum iri expectarent, tantoque altius veritatem in mentes eorum penetraturam, quanto propius errorem ipsi fuissent. Hinc apparet etiam, quod porro Hermannus ex his, quae ipse posuit, manifestum fieri autumat, hodiernas me aut christianas de bonitate et pravitate morum opiniones Aeschylō supposuisse, id ista quidem ratione, qua ne videri quidem pravae Iovis mores Aeschylum voluisse colligit, nequaquam confici posse. Ceterum ego semper veterum opiniones non aliunde quam ex ipsorum monumentis cognoscendas esse statui: Aeschylus autem quid de bonitate aut pravitate morum sentiat, omnia eius carmina tam liquido demonstrant, ut qui mediocriter modo attendat falli hac in re non posse videatur. Atque de humanis quidem moribus ipsum Hermannus hoc mihi concessurum esse arbitror: obloquetur autem de divinis, imprimis de iis, quos Iovi Aeschylus tribuerit. Nam in errorem me inductum esse ait Iovis nomine, cuius non distinxerim duplicem usum. „Significat enim,“ inquit, „nomen illud nunc unum ex diis, qui supremus habetur, nunc omnino divinam naturam, ut in Agamemnonis et Supplicum versibus, a quibus p. 21 profectus videtur Schoemannus. Ipsa id verba docent, Ζεὺς ὅστις πῶτ' ἐστίν. Illis in versibus Aeschylus, ut omnes antiqui, quum universe de deo loquuntur, summa id reverentia facit, aequae ut Christiani perfectissimum et sanctissimum omnisque labis expertum numen venerans. Valde ab eo deo diversus est is Iupiter, quem unius ex diis personam sustententem potentia quidem praevalidum, cetera autem homini similem iisdem quibus humanam naturam affectionibus animi obnoxium cogitabant. Hos non distinguens Schoemannus fieri non potuit, quin pugnare secum Aeschylum crederet, qui quem alibi ut sapientissimum et iustissimum gubernatorem mundi praedicaret, in Prometheus ingratum, iniustum, saevum,

crudellem fecisset. Itaque deum, qualem Christiani colimus, Aeschyli animo obversatum ratus, necessario in eam incidere opinionem debuit, ut ista, quae in Iove vituperanda putaret, re vera non vitia sed furto Promethei provocatam iustam dei iram esse statueret, idque ostensum esse crederet ea tragoedia, quae soluti Promethei nomen gerens illam quam integram habemus sequebatur.“ In hac omni disputatione equidem nihil veri inesse video praeter hoc unum, quod Iovis nomen duobus modis a veteribus usurpatum esse dicit: nam est hoc sane verissimum dudumque ab aliis observatum, ut ignorari a nullo possit, qui modo mediocriter sit in hoc litterarum genere versatus. Fuerunt proinde, qui duos Ioves facerent, unum naturalem, ut ait Lactantius⁴⁾, alterum fabulosum, h. e. unum qualem philosophi cogitarunt, totius mundi aut creatorem aut certe rectorem, cuius perfectissima esset vereque divina natura, alterum qualem poetarum fabulae impiae saepenumero et ridiculae proposuerunt, hominum simillimum nulliusque humanae labis expertem. Aeschyli autem Iupiter quantum distet a summo illo numine, quod Iovis nomine philosophi appellant, ego ipse compluribus libri mei locis indicavi⁵⁾. Nam neque absolutum esse docui neque creatorem mundi, sed generatum diis antiquioribus et certis fati legibus obnoxium et ne erroris quidem immunem, praepotentem quidem, non autem omnipotentem, et in universum ab humanae naturae similitudine, sicut ceteros deos populares, non magnopere abhorrentem, neque igitur labis omnis expertem, siquidem etiam error in labe ponendus est iraeque atque amoris affectus, quibus ille nequaquam caret: verumtamen non insipientem, non impotentem animi, non effrenatum libidine, denique non deteriorem viro bono et probo, sed omnes deos hominesque, sicut potentia et imperio, ita etiam sapientia et virtute longissime superantem⁶⁾. Talem Aeschyli Iovem quum plurimum ab illo vero deo, quem Hermannus in Agamemnonis et Supplicum canticis intelligi vult, tum etiam ab eo diversum esse apparet, quem fabulae vetustae, aut reapse aut specie saltem impiae 7

4) Instit. div. 1, 11, 37. Cf. Cudworth. system. intellect. c. IV. § 14 et 23. Valckenar. diatr. p. 37.

5) Vid. p. 37. 38. 49. 98. 109. 132. 143.

6) Cf. L. Preller in Encyclop. real. a Paulo edita, tom. IV. p. 594, quem mecum consentire tanto magis laetor, quanto maiorem in eo doctrinam et harum praecipue rerum, quae ad mythologiam religionesque pertinent, peritiam omnes agnoscunt.

et ineptae et Aeschyli quidem aetate prudentioribus omnibus summo-
 pere improbatæ, risu potius aut contemptu quam cultu et veneratione
 dignum proponebant. De illo autem Iove Aeschyleo, quamvis esset
 eo, quem philosophi dicebant, aliquanto inferior, potuerunt tamen
 profecto ea omnia prædicari, quæ Hermannus tantummodo de uni-
 versa divina natura aut de tali, qualem Christiani colimus, deo acci-
 pienda esse opinatur: in quo quantum aberraverit ab Aeschyli mente
 ipsa illa duo cantica manifestum facient. Nam in Agam. v. 155 sqq.
 apertissime indicatur, ante Iovem illum, quem chorus tam piis preci-
 bus invocatur, duos alios fuisse mundi dominos, Uranum primum,
 ὅστις πάροιθεν ἦν μέγας, v. 162, ac deinde Saturnum, ὃς ἔπειτ'
 ἔφην, v. 165, Iovem autem tertium extitisse, victorem decessoris, τρια-
 κτῆρα, et propterea ἐπινικίοις celebrandum, v. 167; ut iure mireris
 in re tam manifesta errorem cuiquam obiiici potuisse illa formula, qua
 chorus in invocando utitur, Ζεὺς ὅστις πᾶς' ἐστίν, quæ, etiamsi
 potuerit usurpari de illo Hermannii deo universe dicto, locum tamen
 habebat etiam in quovis uno de popularium deorum numero, et usurpa-
 batur ab hominibus religiosis, qui nomina deorum ab hominibus
 tantum imposita esse reputarent, neque sciri posse, acceptane diis et
 naturæ eorum convenientia essent, id quod etiam ipsi chori verba
 significant, εἰ τόδ' αὐτῷ φίλον κεκλημένῳ, τοῦτό νιν προσενέπω.
 In Supplicibus autem v. 519 sqq. eundem deum, qui ut ἀναξ ἀνά-
 κτων, μακάρων μακάριστος καὶ τελέων τελεώτατον κράτος invo-
 catur, in eodem cantico chorus progenitorem suum et Ius ἐφάπτορα,
 v. 530, appellat, multisque verbis Ius aerumnas, propter huius ipsius
 Iovis amorem exantlatas, auxiliumque tandem ab eodem ei latum com-
 memorat v. 566. Hinc apparet, unum ubi Aeschylus Iovem esse,
 Saturni et Rheæ filium, patris et Titanum victorem, Promethei adver-
 sarium, Ius amatorem, eundem denique, quem Prometheus in fabula
 cognomine maledictis insectatur exitiumque ei minatur ad exemplum
 eorum, qui ante ipsum regnaverint. Hic idem est, non alius, „de quo
 illis in versibus Aeschylus summa reverentia loquitur, aequè ut Chri-
 stiani, perfectissimum et sanctissimum numen venerans.“ Quodsi cui
 tamen pugnare inter se videntur hæc perfectissimi dei veneratio et
 ista rerum fabulosarum commemoratio, non intercedam equidem,
 quominus is Aeschylum repugnantia et parum convenientia componere
 et conciliare non recte conatum esse arguat: duos autem Aeschylus
 Ioves obtrudere nemo audebit, nisi qui eius in tractandis rebus divinis

rationem parum perspectam habeat. Deos ille omnes, quos populus publicis religionibus coleret, et esse deos credit et adorandos tanquam mundi rerumque humanarum praesides et moderatores, alium alio sapientia, virtute, potentia praestantiorum, honore tamen et reverentia dignos omnes. Atque hanc reverentiam et religionem non passim tantummodo inspersis dictis praeclaris, qualia etiam apud Euripidem multa sunt, hominum animis inculcat, sed est haec omnium eius tra-goediarum summa, omnisque earum descriptio et compositio huc per-tinet, non ut infinitam aliquam et absolutam naturam divinam, rerum omnium effectricem et moderatricem, sed ut hos ipsos deos, quorum nomina a maioribus tradita acceperat, quorum templa in urbibus con-
stituta erant, quos sacris et caerimoniis cives colebant, religiose vene-randos esse doceret. Huic autem consilio attemperavit etiam fabula-rum, quas proponeret, delectum et tractationem. Nam profecto Aeschylus non magis quam quisquam illa aetate, qui paullo supra vul-gum saperet, tam supersticiosus stulteque credulus fuit, ut quidquid de deorum rebus gestis vetustae fabulae narrarent, propterea quod anti-quitus traditum erat et credebatur fortasse ab aniculis, sibi quoque credendum et pro vero habendum esse statueret; plurima haud dubie ficta, plane certum et indubitatum fortasse nihil esse iudicabat. Sed ut tragicus poeta alias ex his fabulis, quas nec deorum maiestate indignas et populo utiles aut esse aut tractatione sua effici posse existimaret, asciscebant, alias autem spernebat, easque aut silentio praetermittebat aut etiam apertis verbis reiiciebat; in quo delectu dis-sentire fortasse aliquis a summi viri iudicio possit, ipsam autem quam tenuit rationem agnoscere debemus talem esse, quae ad religionem omnia et pietatem unice referat, nihilque admittat variandorum et or-nandorum carminum causa, quod ab illis seiunctum esse et deorum apud homines venerationi officere posse videatur. Itaque Iovem, ceterorum deorum longe praestantissimum, etiam ubi traditas de eo fabulas non spernit, non tamen propterea nihil diversum proponit ab isto fabuloso, quem sapientiores dudum spernere coeperant, utpote sola potentia et immortalitate, non vero sapientia et virtute quolibet me-diocri homine praecellentem: non magis autem absolutissimum et perfectissimum numen, qualem summum et unum verum deum esse debere philosophi intellexerunt, sed quasi mixtum utroque et tempe-ratum, quem, quum ab humanae naturae similitudine non nimis ab-

horreat, venerari tamen et adorare non solum propter potestatem, sed propter sapientiam, iustitiam, bonitatem deceat.

His in universum de Aeschyli Iove praemissis iam de Promethei fabula videndum est. In hac enim pravissimos Iovis mores plerisque visos esse nemo ignorat, neque Hermannus ipse olim aliter iudicavit. Nam crudelissimi tyranni exemplum in eius persona propositum esse dixit, idque apud Graecos offensionem habere potuisse negavit, ut in religionibus, quae totae ex huiusmodi fabulis essent compositae⁷⁾. Tantam igitur vir doctissimus apud Aeschylum eiusque aequales perversitatem religionis fuisse credidit, ut pravis deorum moribus non offenderentur, Iovemque crudelissimum tyrannum aequo animo ferrent. Nunc autem hactenus saltem mutavit iudicium, ut duos Aeschyli Ioves distingui velit, alterum fabulosum, qui salva religione etiam minus reverenter tractari potuerit, alterum perfectissimum et sanctissimum, summa semper cum reverentia memoratum: in Prometheo fabulosum istum proponi, ac ne hunc quidem tam pravum esse, quam plerisque visus sit, modo quis rem non ex hodiernorum theologorum aut ex philosophorum placitis, sed ex Aeschyli et eius aequalium opinionibus aestimare velit. Hoc igitur novum suum iudicium probaturus p. 5 ab exponendo fabulae argumento initium facit. „Quum Titanes,“ inquit, „inter se deliberarent, utrum Saturnum an Iovem regnare oporteret, Prometheus effecit, ut ereptum Saturno regnum traderetur Iovi: quo ille potitus, Titanibus in Tartarum detrusus, munia singulis diis sua assignavit.“ Poterat dicere, Prometheum illud a se effectum esse gloriari: nam facilius fieret Iovis defensio, si ille fortasse meritum suum supra verum extulisset; sed mittamus hoc, audiamusque reliqua. „Iovi, quum deletis hominibus aliud novum genus creare vellet, Prometheus miseritus hominum obstitit, subductumque clam ignem cum mortalibus communicavit, quo compotitos artes docuit, quibus ab agresti feritate ad commodae et iucundae vitae cultum eveherentur. Quapropter iratus Iuppiter eum in Scythiae deserto rupi affigit.“ Ita exposito fabulae argumento, „quid“, quaerit, „est in his, quod aut morum pravitatem Iovis arguat, aut probitatem suspectam reddat Promethei? Ingratus, inquit, Iuppiter est erga Prometheum, per quem est regnum adeptus. Prometheo ita videri non est mirum. Num vero, si regnat per Prometheum Iuppiter, propterea ferat adversantem

7) Dissert. de Aesch. Prom. solut. in Opuscul. tom IV. p. 256.

regnanti, nec puniat propter ignem clam surreptum datumque hominibus? Dominator mundi est Iuppiter, pro arbitrio suo cuncta regens, *παρ' ἑαυτῷ τὸ δίκαιον ἔχων*, asper novitate imperii, *ἅπας δὲ τραχὺς ὅστις ἂν νέον κρατῇ*, eoque inexorabilis, *ἀκίχνητα γὰρ ἦθεα καὶ κέαρ ἀπαράμυθον ἔχει*: ceterum nec fato maior nec futurorum omnium gnarus. Similia legimus in Eumenidibus v. 620.

τὰ δ' ἄλλ' ἄνω τε καὶ κάτω

στρέφων τίθησιν οὐδέν, ἀσμένῳ μένει⁸⁾.

Eiusmodi ingenium durum quidem est et violentum, sed nihil habet ignaviae, nihil quod indignum aut indecorum sit regi deorum. Severus est: severitas autem, etsi non amatur, tamen per se ne odii quidem causas habet. Cui traditum est rerum omnium arbitrium, iure suo postulat ut sibi obediat; iure suo etiam non obedientem punit: quod si Prometheo crudelissimas imponere poenas videbitur, non obliviscendum est immortales esse et qui punit et qui punitur, ut poenis quoque non potuerit Prometheus qualibus inter mortales affici. Sunt sane haec omnia verissima, sed sunt etiam adeo plana et perspicua, ut nihil eorum non sit a me quoque animadversum et expositum. Nam quod ingratus Iuppiter Prometheo videatur, non mirum esse, neque id permoveere nos posse ut idem iudicemus, monui libri mei p. 30, et in ipsa Aeschyli tragoedia ne eos quidem, qui Promethei supplicium aegre ferant, iniustitiam Iovi exprobrare ostendi p. 31. Durum illum dici et implacabilem adversus eos, qui imperio suo obnitantur; id vero necesse fuisse in novo imperio, quod debuerit contra quemvis rebellem fortiter stabiliri: pro arbitrio suo cuncta regere; sed iniustum illud arbitrium praeter Prometheum atque Io nemini videri: porro nec fato maiorem neque futurorum omnium gnarum, quemadmodum supra dixi p. 6, ita etiam in libro illo exposui. De sola crudelitate poenarum tacui, quippe quae, si non esset a iustitia seiuncta, vix videretur cul- 10
pari in deo contra deum posse; sed non aegre fero etiam huius rei excusationem ab Hermanno non praetermissam. Quid igitur differt inter me atque illum? Nihil profecto, nisi quod ille suum Iovem convenire Aeschyleae tragoediae, ego non convenire iudico. Huius igitur dissensionis causas, quoniam Hermannus aut non animadvertit aut dissimulavit, iam ego aperiam.

⁸⁾ Ita relaxit Hermannus vulgatam lectionem, *οὐδὲν ἀσμένῳ μένει*: parum probabiliter, meo quidem iudicio.

Regem nuper imperio potitum de amico, cuius auxilio regnum adeptus sit, propter factum aliquod, generoso quidem animi impetu, sed contra regis imperium commissum poenas repetentem gravissimas, non modo in theatro sed ne in vita quidem magnopere reprehendendum iudicabimus, quod regni firmandi curam potiore habuerit veteris amicitiae memoria. Verumtamen si factum illud amici saluberrimum patriae fuerit, sitque ille amantior populi, quam rex ipse, consulendumque populo etiam invito rege cum summo suo periculo certaue perniciæ statuerit, nonne amabimus, non admirabimur eius animi magnitudinem, non laudabimus, quod regis iram mereri quam deesse populo maluerit, denique, si optare iubeamur, non hunc quam illum regem factum malemus? Atqui talis plane conditio est Iovis et Promethei, si Hermannus audiamus. Regnat quidem Iupiter, sed dignior regno Prometheus est. Nisi forte nihil referre dicamus, quali sit aut rex erga populum aut Iupiter erga homines animo. Nam hoc quidem manifestum est, illum in Prometheo Iovem, in quo Hermannus quidquam tragoedia indignum esse negat, talem esse, quem nemo non victum a Prometheo quam victorem esse maluerit. Odit enim genus humanum, deletum contra fati leges cupit, quumque delere nequeat, a Prometheo impeditus, sortem certe hominum quam miserissimam manere, neque emergere eos ex abiectissima conditione et ad perfectionem naturae suae pervenire, sed brutorum instar omnibus humanae vitae subsidiis carere vult, illumque, qui miseritus hominum ignem iis artesque attulerat vitaeque melioris viam monstraverat, crudelissimo supplicio afficit, immemor veteris beneficii, quo victoria ipsi regnumque ab hoc hominum fautore partum est. Hunc talem Iovem non immerito a quibusdam cum Satana comparatum esse fatebimur. Nam odium certe generis humani in utroque par est, quamvis dispari potentia modisque diversis grassentur. Hermannus autem hunc suum Iovem tragoediae, et Aeschylae quidem, convenire iudicans quid aliud quam ipse sibi contradicit? quandoquidem professus erat, non debere tragoediam pugnare cum religione populari nec quae sancta et venerabilia essent privare illa sanctitate atque in contemptum aut odium adducere. Nisi forte odium nihil officere venerationi dicamus, religionemque veterum metum tantummodo fuisse odio mixtum. Nam dupliciter Iovis ne obtendat, et licuisse dicat poetae in altero impium esse salva alterius sanctitate, hoc quidem effugium superiore disputatione ereptum est.

Sequitur ut de Prometheo videamus, quem quidem ego, nostri

aevi sensus christianamque disciplinam adhibens ideo vituperasse dicor p. 5, quod quas artes hominibus impertivisset, eae omnes non ad morum probitatem atque animi virtutem, sed ad vitae necessitates et 11 commoditates spectarent, ita ut homines ad solum utilitatis studium informaverit eoque non de bonitate vitae cogitantes pellexerit ad vitium; in quo sim p. 54 usque eo progressus, ut Prometheus vel diabolo equipararem: quibus relatis exclamat indignabundus:

τῆμον Προμηθεῦ, τοῦ δίκην πάσχεις τάδε;

Iure indignari virum optimum faterer, si dixissem ego ista omnia, et ita dixissem, ut ab illo relata sunt, neque addidissem etiam alia quaedam, quae ille aut non animadvertit, aut quacunque de causa referre noluit, quamvis magnopere ad rem pertinentia. Nam quod p. 50—52 de artibus dixi non ad probitatem ac virtutem, sed ad necessitates tantum commoditatesque vitae spectantibus, non sane vituperandi causa dixi, sed ut beneficia Promethei ex vero aestimanda neque maius quam par esset pretium iis statuendum esse docerem. Hanc ob causam non sufficere haec omnia ad veram humanitatem monui, sed requiri maius quiddam atque divinius, quod non impertiverit hominibus Prometheus neque potuerit impertire, quoniam huius dispensator unus sit is, qui ἀριστοτέχνας πατήρ, δαμιοεργὸς δίκας τε καὶ εὐνομίας est⁹⁾, Iupiter et qui Iovis ministri ac socii sunt in vita hominum tuenda et regenda. Vituperavi autem p. 49 Prometheus propterea, quod opposuerit se Iovi in humani generis cura et tanquam educatione, cuius rectio et moderatio penes hunc unum esse deberet: vituperavi, quod ipse contra Iovis imperium suo modo hominibus consulere conatus sit, scilicet sapienterem se Iove et meliorem et hominum amantiorem esse ratus, quodque perstiterit in hoc consilio, quamvis admonitus, summa cum pertinacia:

τὸ μὴ εἰδέναι γὰρ μηδὲν ὧν ἡμάρτανεν

ἔκκανμα τόλμης ἱκανὸν ἔσχε καὶ θράσους.

Apparet autem, quo animo erga Iovem Prometheus fuit, eodem etiam homines ab eo institutos esse debuisse, itaque non amantes Iovem, non venerantes cum pietate, ut sapientem, iustum, bonum, patrem denique vitae suorum prospicientem bonaque omnia sapienter et iuste dispensantem, sed abhorrentes potius aut formidantes metu servili tanquam malevolum bonisque hominum invidentem, cuius asperitatem

9) Pind. fr. 29 p. 571 Boeckh.

et saevitiam anxie precibus et sacrificiis placare conarentur. Quodsi verum est, id quod est sane verissimum, ad omnem honestatem, iustitiam, temperantiam, omnem denique virtutem homines veteribus ac praecipue Aeschylo pervenire sine deorum auxilio non posse visos esse, neque existere unquam illas a pietate seiunctas, consequitur necessario, homines a Prometheo institutos similique erga deos animo impletos non potuisse pios deorumque amantes, ideoque ne virtutis quidem atque honestatis compotes esse. Atque hoc sensu in Prometheum convenire dixi nomen *διαβόλου*, p. 53, siquidem id nomen eum significat, qui alicuius animum ab altero abalienat. Id Hermannus in eam sententiam detorquere placuit, ac si plane Prometheum cum Satana comparassem, qui et ipse *διάβολος* a Christianis appellatur.

12 Ego abalienasse eum homines a diis dixi, eoque factum esse, ut a vera via illi aberrarent et in mala multa inciderent: Hermannus autem ita loquitur p. 6, ac si voluisse eum homines ad pravitatem pellicere dixerim. Quantum absim ab hac sententia, si minus omnis mea disputatio docebat, ex iis certe intelligi debuit, quae Themidem dicentem feci Prometh. solut. v. 608—618. 692—694, et quae huic Prometheus v. 741 respondet. Nam posteaquam exposuit Themis, omnes illas artes, quas Prometheus hominibus tradiderit, non obstitisse quominus hi pravi ac miseri evaderent, idque propterea evenisse, quod intempestive illas et praepropere tradidisset, poenitet Prometheum facti sui, et simulatque intelligere coepit, et sapientiam in Iove maiorem, nec minorem erga homines benevolentiam esse, odisse Iovem desinit reconciliarique cum eo cupit. Hinc manifestum est, quanta sit inter Prometheum et Satanam dissimilitudo, licet pariter uterque *διάβολος*, h. e. abalienator hominum a deo, dici potuerit. Alter enim non minore in homines quam in deum odio incensus est, alter, quum Iovem quidem ceterosque deos oderit, hominum tamen est amantissimus: alter sciens volensque homines ad pravitatem pellicit, quo eos miseros faciat, alter consultum hominibus vult, sed ignarus verae rationis ea iis beneficia tradit, quae videantur quidem non sint autem vere beneficia, sed pravitatis potius et malorum alimenta, scilicet si illa sola homines habeant, non adiunctis aliis bonis maioribus, de quibus non cogitaverat Prometheus neque impertire ipse ea hominibus potuerat. Hinc simul etiam illud intelligitur, quam vero Hermannus p. 6 me postulasse significet, ut morum virtutisque praecepta Prometheus traderet. Neque dixi unquam aliquid eiusmodi, nec potui profecto dicere, nisi

pugnare mecum ipse vellem. Negavi enim p. 16. 47. 51 Prometheum tribuere hominibus potuisse, quae a Iove tantum Iovisque amicis ad homines permanerent: neque postulavi igitur, ut tribueret ille, quae non poterat tribuere, sed hoc postulavi, ut ne ea quidem, quae poterat, hominibus impertiret contra Iovis imperium, neve opinaretur, quid conveniret iis tribui, et quando conveniret, se melius Iove perspicere. Sed operae pretium est ipsa Hermanni verba cognoscere. Nam postquam illud de morum virtutisque praeceptis, quasi meum errorem reprehendens, re vera autem nihil nisi suum prodens, proposuit, pergit deinde in hunc modum: „Id verso si fecisset Prometheus, (scil. ut morum praecepta traderet,) mirati essent spectatores supervacanea et quae nemo expectasset proferentem. Exemplis homines antiqui et monitis pro re ac tempore iactis ad virtutem instituebantur, non praecepta morum in doctrinae formam redacta ediscebant, aut, si quid huiusmodi, id poetarum carminibus expositum memoriae mandabant. Ita domi doctus scire unus quisque putabatur, quid fas et nefas, quid iustum et iniustum, quid aequum et iniquum, quid honestum et turpe, decorum et indecorum, bonum et malum esset, et recte quidem: est enim huius scientiae fons ratio, quae non aliunde accipitur, sed una cum homine nascitur, ut sine ea ne cogitari quidem homo possit.“ Viden quam diligenter summus vir provideat, ne quis persuaderi sibi patiatur Prometheum tanquam quendam ludi magistrum aut moralium professorem induci ab Aeschilo potuisse? Quis autem est, qui talia persuadere conetur? Me scilicet putabunt, qui librum meum non legerunt: qui autem legerunt, aut mirabuntur tam supervacaneam 13 Hermanni disputationem, aut etiam, si minus norint viri optimi animum, subesse nescio quid consilii suspicabuntur. Ceterum de morum disciplina apud veteres Graecos, et qua illi ratione homines ad omnem humanam civilemque virtutem efficacissime informari crediderint, quid ego sentiam non quidem ex iis, quae de Aeschili Prometheo commentatus sum, ubi nulla erat huius rei explicandae occasio, sed ex libro antiquitatum Graecarum ante hos octo annos edito intelligere Hermannus si volet poterit, neque inveniet in eo quidquam, quod culpae tanquam ex vano haustum possit. Quod autem de ratione dicit, omnis moralis disciplinae fonte, non aliunde accepta, sed una cum homine nata, ut sine ea ne cogitari quidem homo possit, est sane verum neque veteribus ignotum: vereor tamen magnopere, ut quid illis hac de re visum sit, Hermannus recte perspectum habeat. An forte facilius

veteres ad virtutem quam ad ignis artiumque inventionem sola natura et ratione duce perveniri potuisse crediderunt, ut ad haec quidem opus fuerit divino quodam praeceptore, ad illam ipsa natura suffecerit? Hermanno quidem ita videri necesse est: alioquin ignis artiumque monstratorem Prometheus non magis ferret, quam virtutis ac morum. Nam ignem quid opus fuit a Prometheo asferri, quem possent homines vel fulmine incensis arboribus¹⁰⁾ vel alio quolibet modo nancisci? artes autem quid attinebat ab illo monstrari, quarum nullam non paulatim „meditando extundere usus¹¹⁾“ et necessitas potuissent? Et tamen haec Aeschylus non ab hominibus inventa sed a Prometheo data esse voluit: scilicet mancā et debilem ratus humanam rationem auxilioque coelestium semper egentem. Eodem igitur modo inesse quidem in hominibus veteres intelligebant rationis facultatem eam, qua ad virtutem ac sapientiam eniti possent; sed hanc quoque per se solam mancā et debilem esse credebant, quae excitari alicui deorum auxilio deberet. Itaque omnem virtutem, omnem sapientiam, omnem morum probitatem et honestatem, quamvis natura facti ad eam homines et praeformati essent, emersisse tamen initio et magis paulatim perfectam esse non sine diis iudicabant. Diis auctoribus in societates coire, civitates condere iuris ac legum imperio parere homines didicisse¹²⁾: deorum beneficio fieri, si quis animi bonis praeter ceteros excelleret, regere sapienter populum, exempla edere fortitudinis, temperantiae, iustitiae posset¹³⁾: denique deos exorandos esse, non solum ut vitam et opes, sed ut *εὐαμοστίαν* atque *εὐθυμίαν* animi hominibus impertirent, tribuerentque *καλοῖς γενέσθαι τὰνδόθεν*¹⁴⁾: quandoquidem, ut ait Plato, nulla virtus in homine nisi *θελα μοίρα* emergit, quam sententiam Iustinus Martyr¹⁵⁾ non inepte comparat cum

10) Lucret. V, 1090 sqq.

11) Vergil. Georg. I, 133.

12) Cf. Soph. Oed. R. v. 863 sqq. Plat. Legg. I in. ibiq. Ast. p. 6. Demosth. or. ctr. Aristocr. § 70. Diodor. I, 94. Strab. X, p. 462. Aristid. Panath. p. 313. Clem. Alex. Strom. I, 26, 170. Platon. not. iur. et iust. ex Hom. et Hesiodi carm. p. 32 sqq. Wachsmuth. Antiquitt. I, 1 p. 87 et II, p. 113 ed. 2.

13) Pind. Isthm. III, 6. Ol. X, 10. IX, 30. V, 11. Simonid. ap. Plat. Protag. p. 339.

14) Plat. Phaedr. p. 279 B. cf. Clem. Alex. Strom. II, 5, 22. Pind. Ol. XIII, 115. Pyth. XI, 50.

15) Cohort. ad gent. c. 32, tom. I. p. 92 ed. Ott.

christiana doctrina *περὶ τῆς ἀνωθεν παρὰ Θεοῦ κατιούσης ἐπὶ τοὺς ἁγίους ἄνδρας δωρεᾶς, ἣν πνεῦμα ἅγιον ὀνομαζοῦσιν οἱ ἱεροὶ προφηταί.* Neque vero unus aut alter ita sentiebat e veteribus istis paganis, sed erat haec constans et infixa plerisque persuasio, cuius testes inde ab Homero et fabularum auctoribus usque ad Platonem plurimi produci possunt. Extitisse etiam non paucos qui aliter statuerent, quis aut nescit aut mirabitur¹⁶⁾? Neque intercedo equidem, quominus horum sententia hodie alicui verior esse videatur: est enim huic noviciae doctrinae, qualem plerique nunc amplectantur, aliquanto convenientior. Sed illud tamen non ferendum esse arbitror, si quis hanc sapientiam etiam veteribus illis, Aeschylo eiusque similibus obtrudens deinde sibi, ad Livii exemplum, antiquas res tractanti animum fieri antiquum gloriatur. Mihi crede, non antiquus iste animus, sed plane totus novicius est.

Nunc lo contemplanda crit, de qua quae Hermannus mihi obiecit, haec quoque recte examinata nihil nisi falsam de Iove Aeschyleo persuasionem penitus animo eius insedisse demonstrant. Fatendum est sane, permultas de amoribus deorum fabulas ita aut fictas ab auctoribus aut diffictas a posterioribus esse, ut religiosae deorum venerationi non possent non magnopere officere: verumtamen qui nihil aliud iis omnibus quam aniamtoriam quandam libidinem et intemperantiam significari contendat, haud minus profecto peccet, quam qui in nulla id commissum esse credat. Prohavi equidem, id quod alii quoque dudum intellexerunt, subesse huiusmodi fabulis, non quidem omnibus, sed tamen non paucis, eam sententiam, ut dii, quo genus humanum ad sui similitudinem extollerent, procreasse dicerentur ex mortalibus mulieribus filios, in quibus humana natura cum divina coniuncta esset, et qui ceteris aut exempla ederent ad imitandum, aut vitae eorum praeclaris factis et institutis prodessent. Id Hermannus neque auctore ullo testatum nec re comprobatum esse arguit, sed si quis homo alios virtute multum antecelleret, eum visum esse ab deo originem ducere, ut Tantalidas illos,

16) Novimus tamen huius contrariae sententiae ante sophistarum aetatem auctorem nullum: postea, labente vetere disciplina, latius serpsit. Huc pertinet, quod Cic. de N. D. III, 36 Academicum dicentem facit: „Virtutem nemo unquam acceptam deo retulit. Nimirum recte. Propter virtutem enim iure laudamur et in virtute recte gloriamur, quod non contingeret, si id donum a deo, non a nobis haberemus. Num quis, quod bonus vir esset, gratias diis egit unquam?“

οἱ θεῶν ἀγχίποροι
 οἱ Ζηνὸς ἐγγυς, οἷς ἐν Ἰδαίῳ πάγῳ
 Διὸς πατρὸς βωμός ἐστ' ἐν αἰθέρι,
 κοῦπω σφιν ἐξίτηλον αἶμα δαιμόνων.

Quid sit illud, quod re comprobatum esse negat, fateor me non satis intelligere. Nam quod totum fictum et commenticium est, qui potuit re probari? An forte hoc voluit, illos deorum filios non apparere
 15 ne in fabulosa quidem historia tales, quos merito quis dixerit divinam naturam humanae mixtam habere? Atqui hoc certe manifestum est, deorum filios ceteris mortalibus praestantiores creditos esse ideoque diis similiores. Qui si multa saepe faciunt, quae nobis quidem nequaquam divinae naturae convenire videantur, commune id habent cum parentibus. Non meliores deos aut deorum filios fingere fabularum auctores quam pro suo captu poterant: posteriores autem poetae fabulas ab ultima antiquitate traditas alii repetebant promiscue quales erant, aut exornabant etiam suo modo, nihil nisi voluptatem auditorum quaerentes, alii sanius iudicium ac delectum adhibebant, quaeque inepta et diis indigna viderentur, aut mittebant aut etiam apertis verbis reprobabant, ut *ἀοιδῶν δυστήνους λόγους*, cuius generis exempla apud Pindarum aliosque complura sunt¹⁷). In his etiam Aeschylum esse iam supra monui, qui quum in Supplicibus Iovem ut perfectissimum deorumque omnium maxime divinum, simul autem in eodem cantico ut Ius amatorem celebret, necesse est etiam amorem illum non libidinose, ut hominis intemperantis et nequam, sed dignum cogitaverit Iovis sui divinitate. Iam vero quam ob causam religiosi homines deos cum mulieribus concubuisse crediderint, duobus certe testimoniis discretis a me demonstratum est. Nam cum Alcmena Iovem congressum esse non libidinis explendae causa, sed ut filium procrearet semideum, et Diodorus testatur IV, 9, antiquiores auctores sequutus¹⁸), et Hesiodus poeta in Scuto Herc. v. 29.

17) Pind. Ol. I, 52. IX, 32. VII, 21. cf. Seebeck, über den religiösen Standpunkt Pindars, in Museo Naen. ann. 1844, p. 594 sqq. — Ita Aeschylus Eum. v. 5 aperte obloquitur Aegulae de Delphico oraculo per vim Themidi crepto, in Agamemnonis filiam iubente, in Prometheus fabulam de sacrificio Meconensi. Cf. etiam quae Aristophanes Ran. v. 1053 sqq. Aeschylum dicentem facit.

18) Hoc enim ipse significat. Simile de amoribus Iovis iudicium ex antiquioribus haud dubie auctoribus servavit schol. Pindar. Nem. VIII, 6: ὁ γὰρ Ζεὺς οὐ

ἔργα θεοῖσιν

ἀνδράσι τ' ἀλφειστῆσιν ἀρῆς ἀλκίτῃρα φντεΐσαι.

„At“, inquit Hermannus p. 8, „numquid hic de genere humano ad deos evehendo, et non de gignendo deorum atque hominum propugnatore dictum est?“ Dictum est, opinor, de generando homine divino, qualis generari nisi a Iove non potuerit; et causam eius generandi hanc fuisse, ut hominibus mala depelleret. Movit igitur Iovem humanae salutis cura: nam quod simul etiam diis ἀρῆς ἀλκίτῃρα generare voluisse dicitur, quod manifesto ad gigantomachiam pertinet, cuius Herculem socium fuisse fabulae ferunt, non spero a quoquam in eam sententiam detortum iri, quasi alioquin Iupiter Herculem non fuisset generaturus. Porro de evehendo ad deos genere humano fateor equidem nihil dictum esse, scilicet si quis haec ipsa verba a me demonstrari postulet. Sed quid est evehere homines ad deos? Hoc, nisi fallor: excitare, ut deorum quantum possint similes, gratique diis et 16 accepti fiant. Id autem per heroes, deorum filios, efficitur eo, quod hi exemplo suo ceteris virtutis viam monstrant, quamobrem etiam ipsi dii, a quibus ingeneratam heroes virtutem habent, facta eorum egregia montrasse hominibus dicuntur a poeta Homérico, hymn. in Sol. XXXI, 18:

ἡμιθέων ὧν τ' ἔργα θεοὶ θνητοῖσιν ἔδειξαν,

quod recte Ernestius interpretatur: proposuerunt hominibus tanquam παραδείγματα, exempla, ad quae se componerent. Hermannus autem quum fateatur p. 7, si quis homo alios virtute multum antecelleret, eum visum esse ab deo originem ducere, debebat etiam cur id ita visum esset quaerere. Nempe quia infixā haec erat veteribus persuasio, humanam naturam ipsam per se magnae cuiusdam et eximiae virtutis incapacem esse. Quamobrem quod Cicero ait, d. n. d. II, 65, neminem virum magnum sine aliquo afflatu divino unquam fuisse, hoc idem veteres illi sentientes pro afflatu stirpem atque generationem dixerunt. Nec latuit haec ratio viros doctissimos, quos in libro meo p. 143 laudavi: quodsi tamen Hermannum latuit, non certe ego in culpa sum.

μόνον δὲ ἐπιθυμίαν ἐμίγη τῇ Αἰγύπτῳ, ἀλλ' ἵνα καὶ περιμήνη τοὺς ἀρίστους ἐξ αὐτῆς, Αἰακὸν, Πηλεῖα, Ἀχιλλεῖα, Νηοπτόλεμον. Οὗτοι οἱ ἔρωτες ἄριστοι, οἱ μὴ μόνον ὀρεγόμενοι τῆς ἀπολαύσεως καὶ τῆς ὥρας αὐτῆς, ἀλλ' ἀποτελεσμαμάτων ἀξιολόγων καὶ ἔργων ἐπιφανῶν τελειουργοί. Add. quae de Iovis cum Themide concubita ex Pindaro refert Aristid. tom. II p. 142, laudatus a Prellero in Encyclop. real. tom. IV p. 613.

Quod autem in Epapho, Iovis et Ius filio, quidquam inesse negat, quod similiorem diis hominem, quam quemvis alium, prodat: respondebunt pro me Pindarus et Cicero, quorum alter, Nem. X, 5, multas in Aegypto civitates ab Epapho conditas esse testatur, alter, de re publ. I c. 7, nullam esse rem, in qua propius ad deorum numen virtus accedat humana; quam civitates aut condere novas, aut conservare iam conditas. Itaque si Epaphus rudes atque agrestes homines in Aegypto congregavit, civili societate coniunxit, legibus atque institutis a feritate revocavit, hoc, opinor, ne Hermannus quidem, quamvis magnifice de humana natura sentiat, cuiuslibet hominis fuisse contendet, sed eius, qui virtute et sapientia eximius esset: veterum vero, Aeschyli eiusque similitum seu pietas seu superstitio perfici talia nisi divino instinctu non posse credebatur, ideoque legum institutorumque civilium origines a diis, ut iam supra dixi, repetebat: unde apparet Epaphum re vera unum eorum fuisse, qui, illorum quidem iudicio, divini et deorum filii haberi deberent¹⁹⁾.

Dicendum aliquid etiam de Alcmena est. Reprehendit enim me Hermannus, quod hanc volentem cum Iove concubuisse finxerim contra notissimam fabulam, quae deceptam esse narrat mariti Amphitruonis specie a Iove assumpta. Ego vero nihil de Alcmena dixi nisi hoc unum, fuisse eam postremam mortalium mulierum, quas Iupiter amaverit, Aeschylumque, quum et Ionem, quae prima fuerit, et Alcmenae filium Herculem in Prometheo induxerit, simul primum initium generandorum a Iove heroum ad generis humani salutem, et ultimum eius rei saluberrimumque hominibus fructum proposuisse. Hermannus autem, opponi a me Alcmenam Iovi ut ultimam primae videns, hanc
 17 meani temporis comparisonem suo arbitratu etiam ad animum utriusque traxit, ut, quemadmodum primae postrema, sic etiam nolenti volens opponeretur. Hermannus, inquam, est haec oppositio, non mea: mihi ut eam tribueret, haud dubie aliquo errore factum est facile condonando, nisi adiuncta esset etiam criminatio. Nam postquam me dicentem fecit, quod non dixi, captiosa me fallacia id dixisse autumat. Abstinuisset, vellem, hoc genere pugnandi, et, si me refutare cupiebat, inspexisset saltem accuratius, quid scriptum a me aut non scriptum

19) Celsus ap. Orig. cfr. Cels. 1, 67 p. 125 ed. Lomm.: *οι παλαιοι μῦθοι Περσεΐ καὶ Ἀμφιτρωνὶ καὶ Ἀλκμή καὶ Μίνωι θεῶν σποράν γενέμεντες, [οἷς] οὐδ' αὐτοῖς ἐπιστεύσαμεν, ὅμως ἐπέδειξαν αὐτῶν [non αὐτῶν] ἔργα μεγάλα καὶ θαυμαστά ἀληθῶς τε ὑπὲρ ἄνθρωπον, ἵνα μὴ ἀπίθανοι δοκῶσι.*

esset. Etiam illud, quod eodem loco de Ione dicit, non a Iove hanc punitam esse, qui eam amare non desierit, sed per Iunonis iram in mala sua incidisse, ita dictum est, quasi a me aut ignoratum aut dissimulatum sit. Atqui ego hoc ipsum exposui p. 59, sed addidi praeterea, quod res postulabat, passum tamen esse Iovem, ut a Iunone illa cruciaretur, et posteaquam satis castigata esset, ipsum Iunonis iram flexisse. De Alcmena autem, etiamsi dixissem, quod Hermannus me dixisse sinxit, ne id quidem tali modo criminandum fuisse arbitror. Nam si Iovem illa pro marito suo habuit, certe volens amplexa est: quid autem factura fuisset, si verum scisset, neque narratur a veteribus, neque compertum esse Hermannus credo. Non improbabile tamen est, obtemperaturam fuisse Iovis voluntati, quandoquidem etiam postea, re comperta, neque ipsa indoluit neque maritus, sed laetati sunt Iovis favore, quemadmodum etiam aliae mulieres, velut Semele, illius amore et amplexu beatas se et honoratas censent. Ceterum etiam illud in ista fabula de fraude Iovis simulataque Amphitruonis persona, qui paullo attentius reputare velit, haudquaquam inepte aut impie fictum iudicabit: sed nolo ego hoc nunc exponere, utpote ad Aeschylum nihil pertinens, apud quem nulla sit illius rei mentio.

Restat ut de soluto Prometheo videamus, quem Hermannus, sua de Iove opinione deceptus, negat propterea solutum esse, quod destiterit a contumacia, peccasse se agnoverit, maiorem in Iove quam in se non solum potestatem sed etiam sapientiam, nec minorem humani generis caritatem esse intellexerit, ideoque dignum iudicaverit, cui cum ceteris diis omnique mundo et ipse pareret, sed propterea, quod Iupiter, fatali necessitate coactus, nisi cederet adversario, missaque superbia se feroci submitteret Promethei pertinaciae²⁰⁾, imminentem sibi cladem effugere non potuerit. Illic certaminis eventus quam dignus sit, non dico Iovis, sed cuiusvis etiam humani regis maiestate, quilibet sua sponte intelligit, neque eum Hermannus unquam Iove dignum iudicasset, nisi nimis hunc, ut fabulosum, ab Aeschylo contemptum et prorsus irreverenter tractatum esse crederet, in quo quantopere ab Aeschyli ratione aberraverit, satis a me demonstratum esse arbitror. Ostendi autem praeterea libri mei p. 26—28, ne Prometheo quidem satis dignum eiusmodi eventum iudicari posse: quam partem disputationis Hermannus intactam praetermisit, sive quod

20) Sunt haec ipsa Hermannii verba p. 11.

non haberet quae contra diceret, sive quod eam refutari non opus esse putaret. Ego autem ab iis, qui iudicare inter nos volent, nihil aliud
 18 peto, nisi ut cognoscant saltem ipsi, quibus uterque nostrum rationibus nitatur. Sed ne quid ego quoque de adversarii argumentis reticuisse dicar, Hermannus p. 11, ut ostendat dubitari non posse, quin Prometheus etiam in tertia trilogiae tragoedia perseveraverit in proposito, nec prius quam soluta essent vincula indicaverit, quae illa esset coniux, a cuius filio exutum iri deberet potestate sua Iovem, provocat ad v. 752, ubi quum quaesivisset Io, nullumne Iovi effugium fatalis sortis esset, respondet Prometheus,

οὐ δῆτα πλὴν ἔγωγ' ἄν ἐκ δεσμῶν λυθείς.

„neque isto solum versu“ inquit, „sed saepe et gravius etiam has minas eloquitur, ut v. 167—177. 186—192. 503—517. 887—920. 969—971.“ Eloquitur sane; sed eloquitur aliis locis etiam alias. Nam v. 757 non ante se solum iri affirmat, quam exciderit imperio Iupiter:

*νῦν δ' οὐδέν ἐστι τέρμα μοι προκαίμενον
 μόχθων, πρὶν ἄν Ζεὺς ἐκπέσῃ τυραννίδος.*

itemque v. 928 Iovis cladem atque exitium quasi utique eventurum praedicat:

*πταίσας δὲ τῷδε πρὸς κακῷ μαθήσεται,
 ὅσον τό τ' ἄρχειν καὶ τὸ δουλεύειν δίχα.*

nec minus diserte v. 941:

*δράτω, κρατέτω τόνδε τὸν βραχὺν χρόνον
 ὅπως θέλει· δαρόν γὰρ οὐκ ἄρξει θεοῖς.*

et v. 958:

*οὐκ ἐκ τῶνδε (περγάμων) ἔγω
 δισσοῦς τυράννους ἐκπεσόντας ᾗσθόμην;
 τρεῖσι δὲ τὸν νῦν κοιρανοῦντ' ἐπόψομαι
 αἰσχίστα καὶ τάχιστα.*

Haec qui audiverit, nonne coniici debere dicat, in postrema fabula Iovem imperio exutum, Prometheus autem a Iovis victore vinculis solum esse? At, inquit, pugnat hoc cum aliis Promethei praedictionibus, et scimus praeterea non evenisse. Sane non evenit, et pugnat cum aliis: verum quae causa fuit Aeschylo, sapientissimo poetae, ut talia tamen Prometheus iactantem faceret et cum eventu rerum et ipsa inter se pugnantia, nisi ut ne nimis fidei istis praedictionibus ha-

beremus? Quod quum ita sit, apparet profecto, ex illis quae Hermannus attulit laudquaquam liquere, quemadmodum et qua ratione Aeschylus in tertia fabula Prometheum solutum fecerit. Et expositum hoc a me est, iisdem versibus citatis, libri mei p. 23, quam partem Hermannus rursus quasi non scriptam silentio praeternisit. Nonne videbitur autem huiusmodi silentio et dissimulatione causae suae apud aequos iudices plus nocuisse quam profuisse? — Porro maiestati Iovis Hermannus eo consultum opinatur, quod non gratuito liberaverit Prometheum, sed dato sibi piamenti loco Chirone, qui illius solutionem immortalitatis suae iactura redimeret. Usus esse hac fabula Aeschylum ego quoque credo, ac proinde et ipse ea usus sum in eo quod 19 composui dramate v. 394 sqq., et qua ratione illud piamentum mihi interpretandum videretur exposui libri mei p. 147, quae hoc loco repetere nihil attinet²¹⁾. Sed Hermannum si audiamus, Iupiter eo necessitatis adactus fuit, ut piamentum illud specie magis quam re fuisse dicendum sit, solvendusque utique Prometheus fuerit, sive obiret mortem Chiro, sive non obiret: namque, nisi solveret Prometheum, ipsi imminere inevitabile exitium. Hoc, opinor, non maiestatis fuit, sed maximae vanitatis, si, qui reapse ad incitas redactus et plane victus erat, speciem tamen aliquam liberi arbitrii durae et ingratae necessitati praetextam cuperet. Neque magis honori Iovis consultum erit isto poenae simulacro, quod iniunctum Prometheo apud Aeschylum esse Athenaeus refert XV p. 674 D., ut coronam gestaret in vinculorum memoriam, cui addunt alii annulum cum lapide palae incluso in digito gestandum. Scilicet si poenam Iupiter remisit non tam sua voluntate, quam necessitate coactus, *ἐκὼν ἀέχοντι γὰρ θυμῷ*, quemadmodum Hermannus videtur, ista poenae admonitio nonne hoc effectura erat, ut meminisset simul Prometheus saevitiam adversarii sua constantia fractam, eumque, qui se dominum mundi gloriaretur, tamen, ne privaretur regno, ipsi sese submittere debuisse; cuius rei memoriam Iupiter, si non stultus erat, oblitteratam potius quam conservatam velle debebat.

21) Dissentit a me Hermannus p. 12 etiam de Apollodoro, cuius verba, II, 5, 11, 12: *παράσχε (Ἡρακλῆς) τῷ Διὶ Χείρωνα θνήσκειν ἄθανατον ἀντ' αὐτοῦ (τοῦ Προμ.) θύλοντα*, ego p. 48. not. sic interpretanda dixi, ac si, ex Apollodori quidem sententia, moriendum Prometheo fuerit, nisi Chiro eius vicem obiret. Ipse nihil aliud illis verbis significari vult, nisi mortem Chironis mercedem fuisse solutionis e vinculis. Atqui hoc si voluit Apoll., non ἀντ' αὐτοῦ sed ὑπὲρ αὐτοῦ dicere debuit.

Talia Aeschylum facere potuisse, sicut olim negavi, ita nunc quoque pernego, negabuntque, credo, omnes, qui qualem ille Iovem, non alium alibi, sed unum ubique et eundem cogitaverit, ex ipso intellexerunt. Et me quidem ut oppugnarem falsas opiniones, quarum multos magnosque patronos esse non ignorabam, nihil profecto aliud impulit, quam contracta per assiduam lectionem cum Aeschylo familiaritas, natusque hinc amor non poetae modo summi, sed viri sapientissimi, deorumque, quos coleret, maxima cum pietate reverentissimi. Quodsi in enarrando Aeschyleae fabulae argumento et consilio multa posuisse videor a vera religione, quam nos Christiani profiteamur, non nimis abhorrentia, culpandus tamen propterea non sum, nisi si demonstratum fuerit, abhorrere haec ab Aeschyli mente: sin conspirant autem et consentanea sunt iis, quae de diis rebusque divinis illum sensisse reliquae eius fabulae docent, non sane ego vituperandus sum, sed Aeschylus ipse, qui talia senserit, quae eum sensisse multi quum non animadverterint ipsi, tum aegre ferant ab aliis animadversa. Ego autem ut non irascor hebetioribus, ita ne dissensionem quidem et reprehensionem eorum, qui nihil nisi sua sibi convenientia probant, magnopere curo. Multa vident pictores in umbris et in eminentia, quae nos non videmus: multa, quae nos fugiunt in cantu, exaudiunt in eo genere exercitati²²). Eodem igitur modo etiam in rebus ad religionem spectantibus fieri potest, ut qui minus hoc genus attendere soliti sint, plurima non videant, quae aliorum oculos attendere haec et observare consuetos facile feriant. Neque illud recuso, quominus vere de me iudicasse Rauchensteinus, vir praestantissimus, censeatur, quum me, quae essent apud Aeschylum cum religione coniuncta, quasi per microscopium spectata enarrasse diceret. Nempe microscopium non ea nobis ostendit, quae nulla sunt, sed quae, quum adsint, facile tamen oculos fugiant, quique spernit microscopii usum, saepenumero non modo non videt, quae sunt, sed videtur etiam sibi videre, quae nec sunt neque esse possunt: id quod in hac Aeschyli fabula permultis accidit. Quodsi in hac enarranda, sicut in ea, quam ipse de soluto Prometheo composui, nonnunquam verbis atque genere dicendi usus sum hodiernae magis et christianae disciplinae quam veterum ethnicorum propriis, vel excusandum hoc vel etiam probandum esse arbitror. Nam et ipse, qui scribebam, hac disciplina innutritus eram, et legi me atque

22) Verba haec Ciceronis sunt, Academ. II, 7, 20.

intelligi ab iis cupiebam, qui eadem pariter imbuti essent: enarrandus autem mihi erat poeta, ethnicus quidem ille, sed in multis tamen magnisque rebus non nimis certe cum hac disciplina discordans, quamvis ea, quae sentiret, forma admodum dissimili multoque minus ad rem accommodata induens: quae formarum discrepantia quum apud plerisque recto rerum intellectui adeo offecisset, ut quae formis dissiderent, etiam reapse prorsus diversa esse crederent, non sane effecissem quod volebam, nisi rem ita, ut agnosci ab omnibus posset, hoc est exutam forma ethnico poetae propria, aliaque ad nostrorum hominum captum accommodatiore indutam proposuissem. Nam quod Hermannus me p. 10 quasi evocare Aeschyli manes et violento baptismo Christianos facere autumat: non moveor faciliis, sed argumenta requiro, quae a viro ingeniosissimo nulla aut certe non vera prolata sunt; quem quidem ob id ipsum, quod Christianum a me fieri Aeschylum suum queritur, vereor ne multi Christianorum illud, quod maxime sit christianae religionis proprium, quo eniti Aeschilo non magis quam cuiquam de veteribus contigerit, non satis cognitum habere dicant. Sed haec disputare non meum est: de meo autem Prometheo soluto, quemadmodum olim, quum eum ederem, ita etiam nunc profiteor, formam ei et colorem antiquitatis habitumque Aeschyleum deesse, et compluribus eum vitiis laborare, quae peritos non fugient, a me autem ut commemorentur nihil opus est. Ad duo tamen ab Hermannio mihi obiecta paucis respondere placet. Primum, quod negat tragoediam hanc nominari posse, quia metu et miseratione careat, iudicarunt contra alii, horum utriusque tantum inesse, quantum satis sit ad tragoediae nomen antiquo sensu tuendum. Nam et miseratione lectorem affici, quum Prometheus videat aerumnas suas et solum et cum Titanibus conquerentem, et metu, dum incertum sit, persuaderine sibi salubria consilia patiatur, an persistat in pertinacia exitiabili. Sed esto: verius iudicaverit Hermannus; mea nihil interest, qui nunquam adspiraverim ad poetae tragici laudem, et optaverim ipse, ut opus illud aliquis susciperet poetica facultate me magis pollens. Quod autem porro culpatur, omnes quas inducam personas spirare illam communis caritatis plenam virtutem, quam christiana doctrina praecipiat, nescio cur communem caritatem dicat, quae dicenda fuit reverentia Iovis, non ut potentissimi solum, sed ut optimi, h. e. ut sapientis et iusti et paterno erga homines amore praediti, qualem Iovem et ab Aeschilo et a quovis cordato illius aetatis ethnico creditum esse, satis, ut arbitror, demon-

stratum est. Non improbat Hermannus Herculis cum Christo comparisonem, quam Ioannes Diaconus instituit, a me p. 139 commemoratus; sed utitur hac occasione ut demonstret, quantum tamen intersit inter antiquam et christianam doctrinam. Id ego me non ignorare credo: sed multa tamen etiam conspirare video, videruntque ipsi apostoli et antiqui ethnicae superstitionis impugnatores Christiani, quorum plurimi talia ethnicos non ipsos excogitasse, sed a Moyse et prophetis accepisse crediderunt, quum contra ethnici de suorum scriptis multa ad Christianos fluxisse contenderent. Id autem, quod Hermannus tanquam proprium antiquitatis et a christiana doctrina maxime diversum memorat, illi quoque parti, qua ceteris animantibus similes sumus, ius suum esse concessum, hoc, quantum quidem ego sciam, ne a nostra quidem religione alienum est: verum non plus illi parti quam ius suum concedi debere, et summum in virtutibus locum obtinere pudorem, continentiam, temperantiam, etiam veteres illi intellexerunt. Quod autem addit tanquam consecrarium ex illo alteri parti concesso iure, fluctuare antiquorum virtutem cupiditatibus et modo huc modo illuc impelli, ut, si vincat melior pars, tamen non pudeat alteri quoque aliquid indulsisse: hoc alterum, indulgere aliquid corpori et cupiditatibus, ne Christiani quidem veremur aut vetamur; fluctuare autem et modo huc modo illuc impelli, neque coercere cupiditates ratione posse, veteribus non magis quam nobis decorum visum est. Caritatem autem communem amoremque etiam inimicorum praecipit quidem nobis lex divina, quam illi nondum noverant: sed prae se ferre hunc amorem quis nostrum ausit? Re vera, quod veteribus Hermannus proprium tribuit, amare amicum, inimicum odisse, idem etiam nos facimus, agnoscimusque hac in parte, sicut in aliis multis, vitam nostram doctrina deteriore esse. Sed quid, quaeso, haec omnia ad Aeschylum aut ad meam soluti Promethei tragoediam? Non enim ego tam ineptus fui, ut talia praecepta dari fingerem. De iustitia tantum, de pace, de concordia, de moderatione, de pietate Themis mea loquitur, quas virtutes qui a veteribus minoris quam a nobis aestimatas dicat, summam profecto iniuriam iis faciat. Hermannus autem quemadmodum illud in Ioanne Diacono probat, quod Herculem quodammodo cum Christo comparari posse dixit, ita etiam hoc recte factum agnoscere debebat, quod Prometheus idem cum Adamo composuit. Οὐκ ἄτοπον, inquit, καὶ ἐπὶ τοῦ προπάτορος ἐκλαβέσθαι τὸ νόημα, ὡς ἠπάτησε μὲν τὸν δημιουργὸν ὁ πρωτόπλαστος

τὴν ἐντολὴν παραβὰς, ἐξόριστος δὲ γέγονεν ἐκ τότε τῆς Ἑδέμ, καὶ — τὴν ἐπίπονον κληροῦται διαγωγὴν καὶ τὴν ἐς τὸ κλαν-
θμῶνος πέδον κατάκρισιν, — ἕως οὗ Ἡρακλῆς ἐλθὼν, ὁ ἐμὸς
Ἰησοῦς, τῶν δεσμῶν ἤλευθέρωσεν. Comparatur igitur hominis
ex Edem relegatio cum supplicio Promethei, peccatum autem huius
cum illius delicto: nec fugit, opinor, Ioannem, id quod neminem fugere
potest, quantum tamen differat inter hos duos, quippe quum alter sua 22
sponte deliquerit, sapientia sua et virtute nimium confisus, alter indu-
ctus sit a callido dei hominumque adversario: sed simul illud rectis-
sime animadvertit, typicam esse Promethei personam exemplumque in
eo proponi animi humani divino numini reluctantis,

ὅθ' ἡ φρόνησις τοῦ Θεοῦ μείζον σθένειν
ζητεῖ, τὸ γαῦρον δ' ἐν φρεσὶν κεκτημένοι
δοκοῦμεν εἶναι δαιμόνων σοφώτεροι.

Itaque illius adversus Iovem certamine repraesentatur humana arro-
gantia et superbia divino imperio renitens, nec mirum, qui Promethei
animi aliquam in se similitudinem habent, huic potius quam Iovi favere.
Aeschylum autem longe aliter et de Iove et de humana natura sensisse
omnis eius poesis clamat, ut manifestum sit, nihil eius animo fingi alie-
nius potuisse, quam istam solvendi Promethei rationem, quae Her-
manno placuit.

Scrib. Gryphiswaldiae a. d. IV. Id. Iul. MDCCCXLVI.

UEBER DEN PROMETHEUS DES AESCHYLUS.

An Herrn Professor Caesar.

Verehrtester Herr Professor!

Durch Ihre umsichtige und eingehende Beurtheilung meiner Arbeit über den Aeschyleischen Prometheus haben Sie mich zu wiederholter Erwägung und Prüfung der von mir aufgestellten Ansichten veranlasst, und da der Gegenstand, um den es sich handelt, Ihnen gewiss nicht weniger als mir der allgemeinen Theilnahme werth zu sein scheint, so befürchte ich keine Fehlbite zu thun, wenn ich Sie ersuche, den nachstehenden, zur Rechtfertigung und festeren Begründung meiner Ansichten bestimmten Bemerkungen einen Platz in eben der Zeitschrift zu gönnen, in welcher Sie Ihr Urtheil über mich gesprochen haben. Eine öffentliche Beantwortung dieses Urtheils scheint mir um so nöthiger, je mehr ich Grund habe anzunehmen, dass Viele ihm beistimmen, wie denn vor Kurzem auch der hochverehrte Meister unserer Studien, G. Hermann, dasselbe ganz zu dem seinigen gemacht, und zugleich durch weitere Ausführung einiger von Ihnen nicht besprochenen Punkte zu ergänzen unternommen hat. Ich lasse es dahin gestellt sein, ob Sie in dem, was H. vorträgt, wirklich eine Ergänzung in Ihrem Sinne finden mögen; was ich meinerseits dagegen einzuwenden habe, ist soeben in einer dem Lectionsverzeichnisse der hiesigen Universität für das künftige Wintersemester vorangeschickten Abhandlung, *Vindiciae Iovis Aeschylei*, von mir dargelegt worden, zu deren Vervollständigung nun der gegenwärtige Aufsatz dienen mag, insofern er diejenigen Punkte erörtert, die H. als von Ihnen hinlänglich erwiesen angenommen hat.

Als ein Hauptargument gegen meine Auffassung der Prometheus-trilogie machen Sie S. 329 d. Rec. zunächst den auffallenden Widerspruch geltend, in welchem die von mir angenommene Lösung des Kampfes mit dem Eindruck stehe, den das erhaltene Stück auf Jeden machen muss, der sich ihm „ohne eine durch andere Rücksichten bedingte Stimmung“ hingiebt, und den es mithin nach der Intention des Dichters auch zu machen bestimmt war. „Wie?“ sagen Sie, „des frömmsten Dichters Intention war es, das Wesen, welches er als das höchste, gerechteste, von allem Makel freie erkannte, als das ungerechteste und tyrannischste darzustellen, und zwar so, dass Niemand, der dem Sinn des Dichters folgte, es anders auffassen konnte? Trieb er da nicht ein gefährliches, seine Frömmigkeit sehr in Frage stellendes Spiel mit dem Volksglauben? trifft ihn da nicht der Vorwurf, den Herrn der Herren, der Seligen Seligsten zu einem blossen Bühnenzweck benutzt, und den Glauben an die Gerechtigkeit des höchsten Wesens auf eine höchst bedenkliche Weise erschüttert zu haben? Konnte er es wagen, ein Stück von dieser Tendenz, dessen endliche Auflösung im ganz entgegengesetzten Sinne der Zuschauer doch nicht ahnen sollte, dem an der herkömmlichen Religion gläubig oder abergläubig haftenden Publikum vorzuführen?“ Aber, frage ich dagegen, aus welcher Stelle meines Buches entnehmen Sie denn, dass, nach meiner Ansicht von der Intention des Dichters, der Zuschauer die endliche wahre Lösung gar nicht habe ahnen sollen? Sie berufen sich auf S. 10; aber dort ist ja blos von dem Eindruck die Rede, den der gefesselte Prometheus für sich allein betrachtet machen müsse, und folglich auch machen sollte? So lange man sich lediglich auf den Gesichtspunkt hält, sage ich Seite 12, auf den unsere Tragödie uns stellt, so lange kann man schwerlich eine andere Ansicht fassen. Ist denn aber dadurch die Ahnung einer Lösung im entgegengesetzten Sinne ausgeschlossen? oder war es überhaupt nur möglich sie auszuschiessen, bei Zuschauern die mit „einer schon durch andere Rücksichten bedingten Stimmung,“ mit der Ueberzeugung nämlich herantraten, dass der Gott in der That ein ganz anderer sei, als er hier zu sein scheine, dass er nicht bloss ihnen, sondern auch dem Dichter ein anderer sei, und dass sie jetzt nur erst einen Theil der ganzen Dichtung sähen, den Schluss aber, und mit ihm die befriedigende Lösung noch zu erwarten hätten. Ich könnte hinzufügen, dass sie auch schon durch das erste Stück der Trilogie auf die endliche Lösung vorbereitet

sein mochten: doch ich verzichte darauf, weil wir von diesem Nichts wissen, und weil mir auch das Angeführte schon vollkommen genügend scheint. Ein gefährliches Spiel mit dem Volksglauben aber würde Aeschylus nur dann getrieben, den Glauben an die Erhabenheit des Zeus würde er nur dann auf eine bedenkliche Weise verletzt haben, wenn er dem Eindrucke, den der gefesselte Prometheus machte, nicht wirklich eine Lösung im ganz entgegengesetzten Sinne hätte folgen lassen.

Ich wende mich nun zu Ihrer zweiten Einrede. Wie Sie nämlich soeben meine Ansicht als unverträglich mit der Frömmigkeit des Dichters dargestellt haben, so stellen Sie sie jetzt als unvereinbar mit den Forderungen der Kunst dar. „Allerdings,“ sagen Sie, „pflegte der Dichter die trilogische Compositionsart zu sichtbarer Darstellung der Conflictte zu benutzen, deren Lösung die höchste Aufgabe der dramatischen Kunst schien; aber es liegt in der Natur dieser Conflictte, dass es schwankend bleibt, auf welcher Seite das Recht liege, und die endliche Versöhnung eben in der Lösung dieses Zweifels, in der Ausgleichung der von beiden Seiten verfolgten einander gegenüberstehenden Rechte besteht. Hier dagegen wäre nach des Verfassers Ansicht in Wahrheit alles Recht nur auf der einen, alles Unrecht auf der andern Seite, der Dichter aber hätte, um dieses nachher hervortreten zu lassen, zuerst auf den Berechtigten den vollsten Schein des Unrechts geworfen, für den nicht Berechtigten die vollste Sympathie, die dem Rechte zu Theil wird, erweckt, und darin sollen wir seine „ungemeine Kraft und Kunst“ erkennen. Wir zweifeln sehr, ob das wahre Kunst wäre.“ Lassen Sie mich Ihnen gestehn, dass ein solcher Einwand mir noch unerwarteter und hofremdlicher war, als der obige. Das freilich war mir nicht unbekannt, was namentlich bei den Verhandlungen über die Antigone in den letzten Jahren vielfältig erörtert worden ist, dass die höchste tragische Wirkung aus der Darstellung solcher Conflictte hervorgehe, wo jede von beiden Parteien, in einseitiger Verfolgung dessen befangen, was ihr als Recht erscheint, eben in dieser Einseitigkeit das wahre Recht verkennt, und so gerade in demjenigen fehlt, worin sie am meisten recht zu thun glaubt; aber dass überall nur Conflictte dieser Art für die Darstellung der Tragödie geeignet, oder nur solche von den klassischen Tragikern dargestellt worden seien, — ich müsste besorgen, Sie zu beleidigen, wenn ich dies für Ihre Meinung ansähe. Ohne Zweifel meinten Sie wohl nur dies, dass, da einmal ein

solcher Conflict tragischer als jeder andere, und ein solcher auch namentlich für die trilogische Compositionsart vorzugsweise geeignet sei, man annehmen müsse, Aeschylus werde auch wohl den Conflict zwischen Zeus und Prometheus am liebsten in solcher Weise aufgefasset, und also Recht und Unrecht, Wahrheit und Irrthum zwischen beide Gegner möglichst getheilt haben. Mit andern Worten, ein Conflict zwischen dem höchsten Gott und dem Vertreter der Menschheit eignete sich Ihrer Meinung nach zu einer des Aeschylus würdigen trilogischen Darstellung nur dann, wenn auch dem höchsten Gotte sein Maass von Unrecht und Irrthum zugetheilt wurde, woraus denn folgen würde, dass Aeschylus entweder jenen Conflict gar nicht darstellen oder dass er ihn auf eine Weise darstellen musste, die sich mit seiner Verehrung des höchsten Gottes schwerlich vereinigen liess. Er konnte den Forderungen, die Ihre Poetik an ihn macht, nur genügen auf Kosten seiner Religiosität. Ihre Poetik, sage ich; denn dass die Poetik der Alten solche Forderungen wirklich gemacht habe, würde jedenfalls erst zu erweisen sein. Ich denke, den Alten schien auch ein Kampf, wo Irrthum und Schuld nur auf der einen Seite stehn, und eine Lösung, wo der Irrthum gebüsst und die verkannte Wahrheit anerkannt wird, ein würdiger und schicklicher Gegenstand tragischer Darstellung. Ein solcher Kampf nun und eine solche Lösung ist nach meiner Ansicht in der Prometheus-trilogie vom Aeschylus dargestellt worden: und wenn der Dichter es verstand, den Zuschauer selbst für die Seite des Unrechts und des Irrthums aufs lebhafteste zu interessiren, ihn auf einen Standpunkt zu stellen, dass er trotz seiner mitgebrachten andern Ueberzeugung dennoch nicht umhin konnte, auch mit dieser Seite lebhaft zu sympathisiren, und dass er also um so gespannter der endlichen Lösung und Beruhigung entgegensehn musste, das sollte nicht wahre Kunst sein? Ich zweifle sehr, dass eine Theorie, die dies läugnen möchte, die wahre sei. Doch mag man darüber denken wie man wolle, wer die Kunst nicht anerkennt, der wird doch wenigstens die Kraft des Dichters anerkennen müssen, eine Kraft, die sich an Ihnen selbst wie an so vielen Andern aufs glänzendste bewährt hat. Denn was anders als eine Wirkung seiner mächtigen Kraft ist es, dass Sie an dem Standpunkte, auf welchen der gefesselte Prometheus Sie gestellt hat, so fest halten, dass Sie so ungerne ihn aufgeben, ihn, wenn nicht ganz, doch wenigstens theilweise behaupten wollen?

Unmittelbar an jenen Einwand von Seiten der Kunst knüpfen Sie

nun die folgende Bemerkung: „Auch fühlt Hr. S. bei dieser Ansicht selbst die Nothwendigkeit, in unserm Drama wenigstens Andeutungen des erst im folgenden Stück in sein rechtes Licht zu setzenden richtigen Verhältnisses zu finden; aber eben dadurch kommt er mit sich selbst in einen gewissen Widerspruch. Zwar hebt der Vf. S. 31 alle Züge hervor, welche die Ansicht, dass Zeus im Unrecht sei, als nicht bewiesen darstellen sollen, und behauptet, bei der entgegengesetzten Auffassung gehe man von einer Ansicht aus, die noch erst des Beweises bedürfe; aber er selbst hat ja gesagt, dass eben diese Vorstellung bei dem Hörer zu erwecken die Absicht des Dichters gewesen sei.“ Das habe ich allerdings gesagt, aber nicht, dass die Absicht des Dichters sich darauf beschränkt habe. Er erweckte jene Vorstellung vielmehr nur deswegen, um dem Falschen nachher das Wahre desto wirksamer gegenüberzustellen. Und wenn es nun in der That auch schon in unserer Tragödie an Andeutungen des Wahren nicht fehlt, so war doch für den Erklärer wohl auch die Nothwendigkeit vorhanden, diese nicht unbeachtet zu lassen, und ich würde gerechten Tadel verdienen, wenn ich sie übersehn hätte. Dabei soll ich nun aber in eine offenbare Inconsequenz verfallen sein, indem ich S. 33 sage, man thue dem Okeanos Unrecht, wenn man in ihm nur furchtsame Unterwürfigkeit und ein kraftloses Wohlmeinen finden wolle, dem es an Energie gebreche, das Würdige und Grosse zu thun, da ich doch vorher S. 11 gesagt habe, er erscheine nach dem ersten Eindrucke als ein gutmüthiger Schwächling, der die sittliche Grösse seines Freundes gar nicht zu begreifen im Stande sei. Meine Inconsequenz wird also wohl darin bestehn, dass ich, nachdem ich vorher den ersten Eindruck geschildert, nachher das Ergebniss einer von der Gewalt dieses Eindruckes nicht mehr befangenen, besonneneren Betrachtung ausspreche, und dadurch jenen als Täuschung bezeichne. Mit welchem Rechte aber Sie darin eine Inconsequenz finden, gestehe ich nicht einzusehn.

Hierauf beginnen Sie, meiner Ansicht die Ihrige entgegenzustellen. Sie erkennen an, dass der Eindruck, den die Tragödie, für sich betrachtet, mache, dem Prometheus günstig sei; jedoch nicht in dem Maasse, dass gegen den Prometheus gar kein Bedenken erhoben werden könnte, ganz in Uebereinstimmung mit meiner S. 30 gegebenen Auseinandersetzung: „aber,“ setzen Sie hinzu, „auf der andern Seite können wir eben so wenig zugeben, dass der Wahrheit nach alles Recht auf Seiten des Zeus sein könne; sonst dürfte, wie schon bemerkt,

das vorliegende Stück nicht überwiegend den entgegengesetzten Eindruck machen.“ Das haben Sie allerdings vorher bemerkt, aber Sie haben es nicht bewiesen: denn Ihre Behauptung, dass dies keine wahre Kunst gewesen sein würde, kann doch unmöglich als ein Beweis gelten sollen. Aus dieser unbewiesenen und unerweislichen Behauptung nun, und aus Ihrer Ansicht über die allein zulässigen tragischen Conflictte folgern Sie denn weiter, dass auch in diesem Kampfe des Prometheus auf beiden Seiten eine einseitige Verfolgung des Rechtes bis zum Uebermaass, eine *ὑβρις*, stattfinden müsse, welche, wenn sie nicht ausgeglichen werde, beide Theile nicht zum Ziele führe; die Ausgleichung aber müsse in dem Zurückführen beider Theile auf das rechte Maass bestehn, und das Verhältniss werde wohl ein ähnliches sein, wie wir es in einer andern, ihren Stoff aus derselben mythischen Sphäre entlehrenden Composition unsers Dichters, in der Orestia erkennen. Im Prometheus nämlich sei dem Zeus eine ähnliche Stellung gegeben, wie den Eumeniden in dem Schlussstücke der Orestia: Zeus sei hier nicht der höchste Gott des Volksbewusstseins, nicht der sonst vom Aeschylus so erhaben geschilderte; sondern, wie in den Eumeniden, so führe uns auch im Prometheus der Dichter die Zeit der noch unentwickelten Weltordnung vor; wie jene finstern Urmächte ihr Wesen einer Veränderung und Läuterung unterwerfen müssen, um in der bestehenden sittlichen Weltordnung eine Stelle zu finden, die jeden Streit im Reiche der Götter aufhebe, so sei auch dieser Zeus in seiner schroffen Opposition gegen das höhere Göttergeschlecht ein selbst der Entwicklung fähiges, der Läuterung bedürftiges Wesen, und der Dichter begehe keine Sünde, wenn er diesen in einem gehässigen Lichte erscheinen lasse. Den Process, den er mit den Eumeniden vornahm, habe er wohl auch bei dem höchsten Gotte, der nicht minder als ein gewordener gedacht wurde, sich erlauben dürfen. Dies ist, wie Sie selbst nicht unbemerkt lassen, auch Dissens Ansicht, gegen die ich meine Einwendungen S. 29 meines Buches vorgetragen habe. Die eine dieser Einwendungen ist: es sei kein triftiger Grund vorhanden, dem Aeschylus eine solche Vorstellung von einem noch unvollkommenen, der Entwicklung und Läuterung bedürftigen Zeus zuzuschreiben. Dissen gehe nämlich davon aus, dass im gefesselten Prometheus Zeus doch wirklich tyrannisch handle, womit er nichts anders meinen könne, als dass die Bestrafung des Prometheus, so unverhältnissmässig für das Vergehen, ein Uebermaass tyrannischer Gesinnung zu verrathen

scheine. Nun sehen wir aber aus den vorhandenen Ueberresten des gelösten Prometheus, dass Zeus nach den Jahrhunderten, die seit der Handlung des gefesselten verfließen sind, noch eben so hart ist als vorher. Denn nicht nur lässt er die Strafe des Prometheus fort dauern, sondern er hat sie sogar noch verschärft durch den Adler, der an seiner Leber nagt. Dies deutet, sage ich, auf keine Sinnesänderung, und ich halte mich [deswegen] überzeugt, dass Zeus dem Aeschylus in seinem Thun und Wollen unwandelbar und ewig sich selber gleich blieb, und dass mithin, wenn der Zeus des gefesselten Prometheus ein Tyrann war, auch der des gelösten es gewesen sei, und wenn dieser nicht, dann ebensowenig auch jener. Dem letzten Theile dieser Argumentation werfen Sie S. 334 eine *petitio principii* vor: ich habe darum jetzt eine Causal-conjunction eingeschaltet, die ich früher gespart hatte, in der Meinung, dass der Zusammenhang auch ohne sie nicht verkannt werden könnte. Ist nun etwa meine Folgerung nicht richtig? Ist Zeus, wie er zu Anfang des gelösten Prometheus erscheint, weniger hart als im gefesselten? Und wenn er dies nicht ist, was haben wir denn für einen Grund zu der Annahme, dass Aeschylus im gelösten den höher entwickelten und edleren, im gefesselten aber den noch unvollkommenen der Entwicklung und Läuterung bedürftigen Zeus hat darstellen wollen? Der Grund, sagen Sie, müsse sich aus Ihrer bisherigen Darstellung ergeben: wahrscheinlich wohl aus Ihrer Behauptung über die Natur der tragischen Conflict; denn Alles, was Sie ausserdem sagen, kann doch nur die von mir selbst S. 29 anerkannte Möglichkeit einer solchen Ansicht von Zeus erweisen, keineswegs aber, dass Aeschylus sie wirklich gehabt, oder, wenn er sie hatte, dass er sie in dieser Trilogie dargestellt habe. — Meiner andern Einwendung, dass ich mir nicht denken könne, wie Aeschylus die im Laufe der Zeit eingetretene Umwandlung des Zeus auf angemessene Weise in seiner Tragödie habe darstellen können, setzen Sie Folgendes entgegen: „Wie der Dichter die Sinnesänderung des Zeus eintreten liess, wissen wir freilich nicht, weil wir überhaupt sehr wenig von dem gelösten Prometheus wissen; das hindert aber die Vermuthung, dass eine solche eingetreten sei, ebensowenig, als der Verfasser durch die eiserne Consequenz und Starrheit des Prometheus in unserem Stücke sich gehindert gesehen hat, dessen Sinn im folgenden beugen zu lassen.“ Hiergegen erlaube

ich mir zuvörderst zu bemerken, dass meine Einwendung nicht war, *wir wüssten nicht*, sondern ich *könne mir nicht denken*, wie Aeschylus die Umwandlung des Zeus aus einem grausamen Tyrannen in einen sittlich erhabenen Herrscher schicklich habe darstellen, d. h. namentlich wie er sie habe motiviren können. Die Umwandlung des Prometheus aus einem trotzigem Gegner in einen Freund und Verehrer des Zeus lässt sich begreifen als Folge einer Belehrung über seinen früheren Irrthum, wie sie ihm in meinem Versuche stufenweise durch die Titanen, die Gāa, den Herakles, endlich durch die Themis zu Theil wird; und dann erscheint er mir in dieser Umwandlung, in dieser Bereitwilligkeit, dem jetzt erst richtig erkannten sich unterzuordnen, grösser und edler, als in seinem früheren Trotze: womit übrigens nichts von dem zurückgenommen sein soll, was ich selbst über die mir sehr wohl bekannten Mängel jenes Versuches gesagt habe. Ebenso wird in den Eumeniden die Umwandlung der Erinyen durch den weisen Zuspruch der Zeustochter Athene motivirt, indem diese ihnen das Vorgegangene in seinem wahren Lichte zeigt, und sie überzeugt, dass ihnen dadurch ihr altes wohlbegründetes Recht nicht genommen, dass sie auch fernerhin als mächtige und ehrwürdige Gottheiten bestehen und geachtet werden sollen.

Wenn Sie daher sagen, „auf ähnliche Art wie in den Eumeniden dürfen wir uns also auch wohl hier die Versöhnung der streng zürnenden Macht denken,“ so könnte es scheinen, als ob Sie auch über dem Zeus, wie über den Eumeniden eine höhere Weisheit annehmen, durch die er belehrt und somit umgestimmt würde. Das ist nun aber doch Ihre Meinung nicht; vielmehr „nachdem der Sturm sich gelegt, die Verhältnisse sich geordnet, die Berechtigung des Zeus zur Weltherrschaft von Göttern und Menschen, also auch vom Prometheus, anerkannt ist,“ soll der streng zürnende versöhnt sein. Aber, mein Verehrtester, Versöhnung des streng zürnenden, und Umwandlung aus einem grausamen Tyrannen, wie Zeus im gefesselten Prometheus erscheint, in einen sittlich erhabenen Herrscher, wie ihn der Menschenfreund Prometheus ehren und lieben konnte, oder, um mich Ihres eigenen früheren Ausdruckes zu bedienen, Entwicklung und Läuterung des noch unvollkommenen zu dem vollendeten obersten Gotte der gegenwärtigen Weltordnung, das sind doch zwei gar sehr verschiedene Dinge. Zürnen gegen einen Empörer, Strafe verhängen über den eigensinnig Trotzenden, durfte doch wohl auch der schon vollkommen

entwickelte Zeus; und dass Zeus auch damals schon, als er scheinbar tyrannisch den Prometheus strafe, nicht unversöhnlich war, hat ja Aeschylus selbst durch den Mund des Okeanos ausgesprochen. Sie meinen freilich S. 332, das sei eine schwach begründete Meinung des guten Alten; aber warum? Hat doch Okeanos, der nach Prometheus' eigener Aussage V. 331 Alles gemeinschaftlich mit ihm unternommen hatte, an sich selbst schon die Erfahrung von der Versöhnlichkeit des Zeus gemacht. Aber freilich, er hat sich nicht trotzig gegen ihn aufgelehnt, sondern der höheren Macht und Weisheit unterworfen: darum ist er ungestraft geblieben: und auch Prometheus' Strafe, weiss er, wird aufhören, sobald er sich selbst erkennt, sobald er aufhört zu trotzen und sich dem Zeus unterordnet. Das ist nun freilich dem Prometheus noch nicht möglich, dem widerstrebt sein Stolz, und die hohe Meinung, die er von sich selbst, die geringe, die er vom Zeus hat: aber liegt denn nun die Schuld nicht bloss an ihm? kam es nicht bloss darauf an, dass er sich selbst erkannte, wie Okeanos ihm V. 310 empfiehlt; und bedurfte es deshalb einer „wesentlichen Modification des Charakters des Zeus,“ wie Sie meinen? Das einzige vielmehr, dessen es bedurfte, war die Sinnesänderung des Prometheus, die dieser freilich jetzt noch nicht über sich gewinnen kann, die aber in dem folgenden Stücke doch nothwendig eingetreten sein muss: und es fragt sich also bloss, wie der Dichter dieselbe hier habe motiviren können. Nach meiner Ansicht nur so, dass er den Prometheus seines früheren Irrthums inne werden, ihn sowohl sich selbst und seine That, als auch den Zeus und dessen Wesen und Gesinnung, die er vorher verkannt hatte, im wahren Lichte erkennen liess, wobei denn Zeus derselbe blieb, der er von Anfang an gewesen war, und sein Verfahren gegen den Prometheus nicht als eine ὑβρις des noch unentwickelten Gottes, sondern als ein Akt der, wenn auch streng, doch nicht unverdient strafenden Gerechtigkeit erschien: nach Ihrer Ansicht dagegen so, dass Zeus wirklich ein anderer wurde, als er gewesen war, und Prometheus dem Vollkommenen die Ehre erwies, die er dem Unvollkommenen verweigert hatte. Für diese Ansicht, die, wie ich gezeigt zu haben glaube, durch Nichts bisher von Ihnen vorgebrachtes begründet ist, führen Sie nun S. 333 auch noch Folgendes an: „Wäre,“ sagen Sie, „der Zeus im Prometheus nicht dieser unentwickelte Gott, so konnte bei ihm selbst die Befürchtung nicht vorhanden sein, noch einmal entthront zu werden: er konnte nicht mit den gestürzten Göttern

in eine Kategorie gebracht werden;“ und S. 335: „der ganze Conflict beruht darauf, dass Prometheus wirklich auf ein Wissen pochen kann, das den Zeus von ihm abhängig macht. — Ist Zeus, wie Hr. S. will, als ewig derselbe und unwandelbar in der ganzen Composition des Dichters aufgefasst, so kann er nicht von den Drohungen des Prometheus so geängstigt sein, wie er in den Worten des Hermes erscheint.“ Aber lassen Sie mich zunächst einmal fragen, woher Sie denn eigentlich wissen, dass Zeus wirklich seinen bevorstehenden Sturz befürchte, dass er wirklich nur aus solcher Furcht den Hermes absende, um den Prometheus zur Entdeckung des Geheimnisses zu vermögen, von dem die Fortdauer seiner Herrschaft abhängt? Weil Prometheus es sagt und glaubt? Dass dies nichts beweisen könne, ist wohl augenfällig; und überdies habe ich in meinem Buche S. 22, 23 die Voraussagungen des Prometheus näher beleuchtet, und gezeigt, wie wenig ein sicheres Wissen aus ihnen hervorgehe. Auch berufen Sie selbst sich nicht auf diese, sondern nur auf die Sendung des Hermes, durch welchen Zeus dem Prometheus befiehlt, ihm die Ehe kund zu thun, von der er prahle, und wer jenen vom Throne stürzen solle. Ist es nun etwa von selbst klar, dass Zeus solchen Befehl nur aus Furcht habe erlassen können? Mir scheint das keineswegs so ganz unzweifelhaft. Zeus konnte den Befehl auch deswegen erlassen, damit der Hass und Trotz des Prometheus sich in seiner vollen Grösse zeige, ganz ebenso wie er in der Theogonie bei dem Opfer zu Nekone nur deswegen sich unwissend stellt, damit Prometheus seinen beabsichtigten Trug vollführe, und so seine Gesinnung vollkommen offenbar werde. Und ich sehe nicht, durch welchen Grund Sie mich nöthigen könnten, dem Zeus des Aeschylus lieber jene Furcht, als dieses Motiv zuzuschreiben. Aber ich will Ihnen freiwillig einräumen, was Sie verlangen: Zeus soll wirklich die Möglichkeit einer Entthronung gefürchtet, wirklich kein Mittel gewusst haben, die Gefahr abzuwenden, wenn Prometheus es ihm nicht entdeckte: daraus würde denn doch nur folgen, dass Zeus weder allmächtig und vom Schicksal unabhängig, noch allwissend und seiner eigenen Moira vollkommen kundig sei. Dies habe ich selbst S. 38 auseinandergesetzt. Meinen denn Sie nun etwa, er sei nur zu Anfang noch nicht allmächtig und allwissend gewesen, aber es nachher bei weiterer Entwicklung geworden? Ich meines Theils meine, dass der Zeus der Volksreligion, der Zeus, wie Aeschylus ihn auffasste, auch in seiner höchsten Entwicklung immer nur relativ, nicht absolut der höchste

gewesen sei. Als ein gewordenes, nicht ursprünglich vorhandenes Wesen, als ein Erzeugniss von Ursachen, die vor ihm da waren, ist auch er von einer ausser ihm seienden Nothwendigkeit abhängig, derselben, die ihn selbst und Alles von Anbeginn hat entstehen lassen. In dem Gebiete zwar, welches ihm in der von jenen uranfänglichen Ursachen ausgegangenen Entwicklung der Welt zugefallen, ist er der oberste Herrscher: aber er hat in eben dem, woher er seinen Ursprung hat, auch seine nothwendige Beschränkung, und dies ist seine Moira: und so ist es denn auch wohl möglich, dass, obgleich er innerhalb seines Gebietes Alles weiss und vermag, doch die Moira, von der er selbst abhängt, ihm nicht vollständig klar und offenbar ist. Zu einer höhern Idee des Zeus hat sich Aeschylus schwerlich erhoben, und von solcher Idee konnte die Möglichkeit einer Entthronung durch einen Grösseren niemals ausgeschlossen werden, worüber ich ebenfalls S. 109 und 136, 137 ausführlich gesprochen habe. Ihrem Zeus nun aber soll diese Möglichkeit nur in seinem früheren unvollkommenen Zustande drohen, später nicht mehr, und Sie wollen also mit Ihrem entwickelten und vervollkommenen Zeus viel höher hinaus, rücken ihn dem Gott des Christenthums viel näher, als ich, den Sie beschuldigen, christliche Ansichten in den Aeschylus hineinzutragen.

Ein fernerer Punkt, den ich zu erledigen habe, betrifft die Aeusserungen der Nebenpersonen in unserer Tragödie, von denen keine, wie Sie S. 332 richtig bemerken, selbst diejenigen nicht, die entschieden auf der Seite des Zeus stehn, Gründe vorzubringen vermögen, welche den Prometheus im Unrecht erscheinen zu lassen geeignet wären, woraus denn folgen soll, dass auch nach der Intention des Dichters Prometheus nicht ohne Weiteres als strafbarer Empörer, Zeus als unfehlbarer Weltregent aufgefasst werden dürfe. Was Sie hinzufügen, der ganze Gang des Stückes bringe nichtsdestowenigen den Eindruck hervor, dass Prometheus bei dem sich immer steigenden und zuletzt nur noch auf seine Kunde von dem bevorstehenden Sturze des Zeus übermüthig trotzendem Starrsinn nicht beharren könne; sei er auch nicht eigentlich im Unrecht, so sehe man doch, dass hier der Punkt sei, wo er werde umkehren müssen: dies muss ich bekennen, nicht zu verstehen. Woraus sieht man denn, dass er nicht beharren könnte? Weil Zeus ihn in den Tartarus zu schleudern droht? Er lässt sich ja hinabschleudern. Weil er nicht vermögen wird, die Qualen des Tartarus, oder was ihm nach dem Wiederaufsteigen aus diesem bevorsteht,

länger zu ertragen, auch nicht so lange, bis der von ihm vorausgesehene Mächtigere kommen und den Tyrannen entthronen wird? — Ich wünschte, Sie hätten hier Ihre Meinung mit Ihren Gründen etwas deutlicher auseinandergesetzt, statt sich bloss auf den *Eindruck*, auf ein *Man sieht doch* zu berufen, was für denjenigen, der nun einmal nicht sieht und auf den der Gang des Stückes diesen Eindruck nicht hervorbringt, — und dass sich Viele und keinesweges geringe Leute in diesem Falle befunden haben, kann Ihnen ja nicht unbekannt sein, — unmöglich die Stelle von Gründen vertreten kann. — Hinsichtlich aber der Aeusserungen der Nebenpersonen, aus denen Sie einen Beweis zu Gunsten des Prometheus entnehmen zu können meinen, erlauben Sie mir mit meiner Antwort hierauf zugleich das zu verbinden, was ich gegen eine frühere Stelle Ihrer Recension zu sagen habe, wo Sie den von mir behaupteten höheren sittlichen Adel des Zeus und den Irrthum und die Schuld des Prometheus ebenfalls durch die Aeusserungen der Nebenpersonen zu widerlegen suchen. „Welche der in dem vorliegenden Stücke auftretenden Personen erkennt den höheren sittlichen Adel des Zeus an?“ fragen Sie mich S. 337. Ich frage dagegen: welche, ausser dem Prometheus, leugnet ihn? Dass Hephästos nur von der Härte und Strenge des neuen Regiments redet, Okeanos als Motiv seines Rathes an den Prometheus, sich zu unterwerfen, nur die Furcht vor noch härteren Strafen geltend macht, kann doch nicht als Beweis dienen sollen, dass auch in der That der Zeus in diesem Stücke von dem Dichter nur als der Mächtigere, nicht als der Bessere gedacht worden sei. Denn welchen Grund konnte Aeschylus haben, jenen Personen das richtige Verständniss und Urtheil in den Mund zu legen? Gebot ihm nicht vielmehr seine Kunst, in dieser Tragödie, die den Widerstand des Prometheus auf seinem höchsten Punkte darstellen und die Theilnahme des Zuschauers für den menschenfreundlichen Götterfeind in Anspruch nehmen sollte, Alles zu vermeiden, wodurch jener Widerstand sogleich als ein unberechtigter erscheinen und die Theilnahme für ihn beeinträchtigt werden musste? — „Wer schreibt,“ fragen Sie weiter, „dem Zeus die Absicht zu, nach Vertilgung des vorgefundenen Menschengeschlechtes ein anderes und besseres zu schaffen?“ Niemand allerdings von den im vorhandenen Stück auftretenden Personen; und dennoch drängt uns Alles zu dieser Annahme. Wer spricht überhaupt von der beabsichtigten Vertilgung und der Erschaffung eines neuen Geschlechtes? Nur Prometheus. Und welchen Grund

schreibt er dem Zeus zu? Gar keinen. Wir haben deswegen zwischen folgenden drei Möglichkeiten wählen. Entweder Zeus wollte das Menschengeschlecht vertilgen um ein besseres zu schaffen, oder er wollte es vertilgen, weil es aus der Zeit der ihm verhassten Titanenherrschaft stammte, oder endlich, er wollte es vertilgen aus einer unmotivirten Zerstörungslust: denn eine vierte Möglichkeit, er habe ein schlechteres Geschlecht erschaffen wollen, darf ich wohl mit Stillschweigen übergehen. Das erste nun von jenen dreien wollen Sie nicht zugestehn, weil es nicht ausdrücklich bezeugt ist. Aber ist denn das zweite oder dritte bezeugt? Wenn Sie also eins von diesen beiden annehmen, so können Sie es nur in Folge Ihrer anderweitig bestimmten Ansicht über den Charakter des Zeus thun. Wollen Sie nun etwa das dritte? dann haben Sie einen nicht bloss unentwickelten, der Vervollkommnung bedürftigen, sondern Sie haben einen böartigen Zeus, der ganz offenbar an sittlichem Werthe weit unter seinem Gegner steht, und der nicht bloss der Vervollkommnung, sondern einer gänzlichen und radikalen Umwandlung bedürfen wird, um der Weltherrschaft werth zu sein. Oder wollen Sie lieber das zweite? Ich denke, Ihr Zeus erscheint nicht weniger böartig, wenn er die Menschen bloss aus solchem Grunde, als wenn er sie aus gar keinem Grunde vertilgen will. Es dürfte also doch wohl die erste Annahme die einzig zulässige sein. — Ihre letzte Frage ist: „wo ist es auch nur angedeutet, dass Prometheus, der wiederholt als Wohlthäter der Menschen gepriesen wird, dies nicht auf die rechte Art gewesen sei?“ Allerdings nirgends: nirgends aber auch, dass er es auf die rechte Art gewesen sei. Die Stellen, wo von seinen Wohlthaten gegen das Menschengeschlecht geredet wird, — diejenigen abgerechnet, wo er selbst sich preist, die, wie Sie zugeben werden, hier nicht in Betracht kommen dürfen, — sind folgende. Erstens, in den Worten des Kratos V. 7 bis 9, wo der Feuerraub als eine ἀμαρτία bezeichnet wird: zweitens, in den Worten des Hephästos V. 30, wo ihm ein Ueberschreiten der Gebühr Schuld gegeben wird: drittens, in den Worten des Kratos V. 82, wo seine That als eine ὕβρις bezeichnet wird: viertens in den Worten der Okeaniden V. 251, wo die blinden Hoffnungen, die Prometheus den Menschen eingeflösst, ein μέγ' ὀφέλημα genannt werden: fünftens, in den Worten derselben V. 450 folg., wo seine That als eine eigenwillige, aus übergrosser Vorliebe für die Menschen hervorgegangen, bezeichnet wird: sechstens, in den Worten der Io V. 596, wo Prometheus als Wolthäter des ganzen

Menschengeschlechts anerkannt wird: siebentens endlich, in den Worten des Hermes V. 925, wo seine That, ähnlich wie von Kratos, als ein *ἐξαμαρτεῖν εἰς θεοὺς* bezeichnet wird. Die Aeusserungen des Kratos und Hermes werden Sie natürlich, als parteiisch und einseitig, nicht gelten lassen, und ich gebe sie Ihnen gerne Preis, wogegen Sie mir denn auch zugesteln werden, dass ich dem Urtheil der Io kein allzugrosses Gewicht einräume. Es bleiben also nur Hephästos und die Okeaniden übrig. Den ersten bezeichnen Sie selbst S. 332 als theilnehmend für den Prometheus, der der wiederholten Ermahnungen von Seiten der rohen Gewalt bedürfe, um das ihm aufgetragene Werk zu vollführen, dem er widerstrebend seine Hände leiht, und der nur die Härte und Strenge eines neuen Regiments als Grund für die harte Bestrafung, nur die bittere Nothwendigkeit, den Willen des Vaters zu vollführen, als Grund für seinen Antheil an dieser Bestrafung anzuführen vermöge. Nicht weniger gross ist die Theilnahme der Okeaniden, die sie theils durch Klagen über die Härte des Zeus, theils dadurch an den Tag legen, dass sie den Titanen, auch als der Abgrund ihn verschlingt, nicht verlassen wollen. Und dennoch billigen weder sie noch Hephästos die That des Prometheus; beide vielmehr tadeln sie als ein Ueberschreiten der Gebühr, ein eigenwilliges, übermässiges Streben für die Menschheit. Der eigentliche Sinn und Gehalt dieses Tadels bleibt freilich unklar: klar aber ist doch soviel, dass er die Auflehnung des Prometheus gegen den Willen des Zeus betrifft. Ob diese Auflehnung bloss als unklug gegen den Mächtigeren, oder ob sie auch als unsittlich gegen den Weiseren und Besseren getadelt werde, ist nicht deutlich. Wer nun aber, wie Sie, einen noch unvollkommenen und unentwickelten Zeus annimmt, der muss sich natürlich die untergeordneten Götter noch unvollkommener denken, und kann ihnen kein anderes Motiv als das der furchtsamen Klugheit zutrauen, die da räth, dem Mächtigeren zu gehorchen, wer er auch sei. Steht es aber so um die Nebenpersonen des Stückes, wie können Sie denn verlangen, dass die rechte Würdigung der That des Prometheus, wie ich sie mir denke, durch Andeutungen in den Reden dieser Nebenpersonen hätte begründet werden sollen, die ja zu solcher Würdigung durchaus unfähig sein mussten. Gewiss, diese Würdigung musste anderswoher genommen werden, und konnte nirgendwo anders hergenommen werden, als aus dem, was uns sonst über des Dichters religiöse Weltansicht, über sei-

nen Glauben von Zeus und dessen Verhältniss zur Menschheit bekannt ist.

Sie tadeln mich S. 338, dass ich mich für meine Auffassung der durch Prometheus dem Menschengeschlechte zu Theil gewordenen Güter auf den Platonischen Protagoras berufen habe. „Wer berechtigt uns,“ sagen Sie, „Plato und Aeschylus auf eine Linie zu stellen, und das religiöse Bewusstsein und die Mythenauffassung des einen nach dem rücksichtlich des Charakters der Zeit und der Individuen so wesentlich verschiedenen Standpunkte des andern zu messen?“ Darauf könnte ich mehreres erwiedern, was mich jetzt zu weit führen würde: darum hier nur soviel. Ich denke, meine ganze Darstellung S. 50 ff. muss zeigen, dass jene Auffassung unabhängig von Plato sei. Versuchen Sie es nur einmal und streichen in meiner Einleitung S. 50, 2 die Worte „mit dem Platonischen Protagoras,“ S. 51, 14 die Worte „wie Protagoras es nennt,“ und S. 52 unten die ganze Stelle „Klarer noch tritt dies beim Platonischen Protagoras hervor“ sammt dem folgenden Satze fort; ich bin überzeugt, Sie werden finden, dass mein Raisonnement auch ohne alle Berufung auf Plato's entsprechende Ansicht vollkommen bestche, wie ich mich denn auch hinsichtlich der höheren, sittlichen Güter, die den Menschen auch nur von den Göttern kommen können, ja nicht auf Plato, sondern auf Aeschylus selbst und seine Zeitgenossen, Simonides und Pindar, berufen habe. Dass Prometheus, der götterfeindliche Titan, diese Güter den Menschen gegeben habe oder habe geben können, werden Sie nicht behaupten: auch das werden Sie wohl eingestehn, dass ein Leben nur mit den Mitteln zur Befriedigung der niedern Bedürfnisse, aber ohne jene sittlichen Güter, kein der Menschheit wahrhaft entsprechendes, und Prometheus, so gut er es auch mit den Menschen meinte, doch, wenn er sie den Göttern entfremdete, von denen, nicht nach mir oder nach Plato, sondern nach Aeschylus, Simonides, Pindar, jene Güter stammen, nicht unbedingt als Wohlthäter der Menschheit angesehen werden konnte. — Sie sagen ferner: „Nicht das bestreiten wir, dass Aeschylus, wie die auf gleicher geistiger Höhe stehenden Zeitgenossen, die Gottheit in höchster ethischer Vollendung aufgefasst, dass er in ihr die Quelle der Tugend gesehn habe; aber dass es seine Absicht gewesen sei, in der Mittheilung jener auf die äussere Existenz gerichteten Güter das Verbrechen des Prometheus zu bezeichnen, weil er sie dadurch vom rechten Wege abgeleitet, und ihn zum Verführer der Menschen eben deswegen zu

stempeln, weil er sie klug und nicht gut gemacht, das ist es, was wir nicht zugehen können.“ Ich habe in der Vorrede den Wunsch ausgesprochen, dass man bei dem Widerspruche, den ich voraussah, sich nicht verdriessen lassen möge, meine Behauptungen und die Auseinandersetzung ihrer Gründe überall im Zusammenhange zu prüfen; und diesen gewiss billigen Wunsch wiederhole ich auch jetzt. Solche Prüfung wird zeigen, dass auch ich die Schuld des Prometheus gar nicht in die Mittheilung jener Güter an und für sich, sondern vielmehr darin gesetzt habe, dass er, um meine eigenen Worte S. 49 zu wiederholen, dem Zeus in demjenigen widerstrebt habe, worin dieser allein zu gebieten hatte, in der Führung und Erziehung des Menschengeschlechts, dass er (S. 47) die Rathschlüsse des Zeus in selbstgefälligem Dünkel auf seine bessere Einsicht gemeistert, als ungerecht und tyrannisch gescholten, und durch keckes Eingreifen zu stören und zu vereiteln unternommen habe. Sie wird ferner zeigen, dass ich die Richtung auf das Niedere ebenfalls nicht an sich, sondern nur deswegen getadelt habe, weil sie einseitig war und eben um dieser Einseitigkeit willen, die das Höhere ausschloss, die Menschen vom wahren Wege abführte, woraus denn auch klar ist, dass, wenn ich den Prometheus als Verführer der Menschen bezeichne, ich dabei nur die nothwendige Folge seines Eingreifens in die göttliche Führung des Menschengeschlechtes, nicht eine auf Verführung und Verderben gerichtete Absicht meine. Prometheus ward der Verführer der Menschen vielmehr aus Irrthum, weil er die nothwendigen Folgen seiner Handlung nicht vorhersah, und dieser Irrthum hat seine Quelle in selbstgefälliger Ueberschätzung seiner eigenen Weisheit und Einsicht, dass er besser als Zeus zu wissen meinte, was den Menschen, und wann es ihnen fromme und nöthig sei. Dies Alles scheint mir nun aber so einfach und nahe liegend, dass ich mich nur darüber wundern kann, wenn man dem Aeschylus die Fähigkeit absprechen will, es von seinem Standpunkte aus ebensogut zu erkennen. Sie indessen gestehn ihm S. 339 doch wenigstens eine Ahnung davon zu, und nehmen somit zurück, was Sie S. 329 ausgesprochen, dass Ihnen meine Ansicht Nichts als ein Phantasiebild, eine Illusion scheine. Es käme demnach bloss darauf an, uns über den grössern oder geringern Grad von Klarheit zu verständigen, mit welcher Aeschylus sich das, was nach Ihrem eigenen Eingeständniss in seiner eigenen Weltanschauung begründet war, zum Bewusstsein gebracht habe. Sie reden nun so, als ob ich ihm vollkommen entwickelte, christliche Ideen

von einer der Menschheit anhängenden Sündhaftigkeit, welche nur durch Hingabe an die göttliche Gnade zur Erlösung gelange, zugeschrieben habe. Was ich aber wirklich gesagt habe, ist nur dies, dass Aeschylus eine den Göttern befreundete Gesinnung der Menschen für die nothwendige Bedingung ihres Glückes angesehen, dass er geglaubt habe, wie alle andere Güter, so kämen auch die höchsten Gaben der Sittlichkeit und Tugend nur von den Göttern. Und ich sollte meinen, dies haben auch Sie wohl im Aeschylus gefunden, und Sie werden mir beistimmen, wenn ich sage, dass, wer es nicht gefunden, auch gar nicht verdiene, dass man über den Aeschylus mit ihm rede. In diesem Sinne aber, und nur in diesem, nicht in dem christlichen, den Sie meinen, ist Alles das gedacht, was ich über die That des Prometheus, über seine Verführung der Menschen und über die Art der Versöhnung mit dem Zeus vorgebracht habe. Findet man darin etwas dem Christlichen Analoges, eine Vorahnung des Christenthums, gleichsam eine *fides implicita*, um mit Hieronymus zu reden, so habe ich Nichts dagegen: Alles wahrhaft Religiöse ist dem Christenthum verwandt.

Soll aber damit gemeint sein, dass es eben deswegen nicht antik, oder — da das Antike gerade in dieser Beziehung eine ebenso grosse Mannichfaltigkeit von Standpunkten zeigt, als die neueste Zeit, — dass es nicht Aeschyleisch sei, so hoffe ich dagegen gezeigt zu haben, dass wenigstens die Einwendungen, die Sie vorgetragen haben, meine Ansicht, sofern sie nur unentstellt und im Zusammenhange aufgefasst wird, nicht treffen oder widerlegen. Dass übrigens meine eigene Nachdichtung des gelösten Prometheus in Ton und Haltung vielmehr modern als Aeschyleisch sei, habe ich selbst ausdrücklich genug gesagt; aber von dieser Nachdichtung handelt es sich auch gar nicht, sondern lediglich von meiner Einleitung und der dort S. 63 ff. gegebenen Entwicklung. Dass aber Sie, mein Verehrtester, es vorgezogen haben, zu der Dissen'schen Ansicht über die Art, wie Aeschylus den Conflict zwischen Zeus und Prometheus gefasst und die Lösung gegeben habe, zurückzukehren, wundert mich um so mehr, weil Sie mir dadurch in Widerspruch mit eben den Forderungen zu gerathen scheinen, die Sie gegen mich haben geltend machen wollen. Sie verlangen nämlich, ich hätte mich bei der Reconstruction des gelösten Prometheus durchaus nur an die Andeutungen halten sollen, die sich im Gefesselten finden, und Sie tadeln es mehrmals, dass ich mich weiter umgesehen und von meiner anderweitigen Kenntniss, oder, wenn Sie

wollen, von meiner Vorstellung über den religiösen Standpunkt des Aeschylus ausgegangen bin. Wollen wir nun aber diesen Standpunkt ausser Acht lassen und die Reconstruction des gelösten Prom. lediglich von dem Gefesselten aus unternehmen, so müssen wir, wenn wir consequent sein wollen, nothwendig zu einem derartigen Ergebniss kommen, wie es Gravina, Schütz u. A. und am schroffsten Bellmann aufgestellt haben: Zeus muss ein undankbarer, hassenswürdiger Tyrann sein, wie Prometheus ihn schild, da nirgends in unserm Stücke sich eine Aeussderung für das Gegentheil findet; er muss im Gelösten entweder gestürzt werden oder sich vor dem Prometheus demüthigen; denn dies wird ja ausdrücklich im Gefesselten vorausgesetzt, und von Anerkennung eines Unrechts von Seiten des Prometheus, von einer Ausgleichung, bei der auch Er gegen Zeus gefehlt zu haben gestände, ist in dem erhaltenen Stücke gar nichts angedeutet. Sie müssen also dies von anderswoher erschliessen, sei es aus Ihrem Kunstgesetze über die Natur der tragischen Conflict, sei es aus Ihren Ansichten über die Religion des Dichters. Damit haben Sie also sich ebendasselbe erlaubt, was Sie mir nicht erlauben wollen, und also selbst das Fundament Ihrer Critik verläugnet. Sie haben durch die That anerkannt, dass man sich nicht lediglich an den Gefesselten halten dürfe. Nur soweit soll man doch nicht gehn, als ich gegangen bin, so sehr Unrecht soll doch Prom., so ganz Recht Zeus nicht haben. Deshalb also greifen Sie zu der Vorstellung von einem in dem vorhandenen Stücke noch unvollkommen, nachher aber entwickelten und geläuterten Zeus, und schreiben diese unbedenklich dem Dichter als die Grundidee seiner Dichtung zu, ohne dazu, wie ich glaube gezeigt zu haben, durch irgend eine bei ihm selbst vorkommende Aeussderung berechtigt zu sein. Dass an und für sich betrachtet der Zeus des Volksglaubens, als ein gewordener, solche Vorstellung nicht ausschliesse, habe ich schon bemerkt, und ich könnte Ihnen selbst einige sprechende Belege dafür geben, dass Manche im Alterthum ihn sich in der That als einen solchen gedacht haben, der erst allmählich herangereift, und nach Ablegung jugendlicher Fehler und Mängel mit der Zeit zu dem erhabensten Wesen geworden sei; aber dem Aeschylus dürfen wir doch diese Vorstellung nicht so ohne Weiteres leihen, noch sie zur Erklärung seiner Dichtung gebrauchen, ausgenommen wenn es gar keine andere mögliche Erklärungsart gibt. Da es nun aber eine solche allerdings gibt, so bedarf es für ihre Auffassung positiver Beweise, die Sie nicht gege-

ben haben und nicht geben können. — Und worin soll denn eigentlich Ihrer Meinung nach das Unrecht, die *ὑβρις* des noch unentwickelten Zeus bestanden haben? Lag darin ein Unrecht, wenn er dem untergeordneten Titanen nicht gestattete, im dünnkelhaften Vertrauen auf besseres Wissen und Wollen seinen Geboten zuwider das zu thun, was Er nicht gut hiess? Hatte Prometheus ein Recht des Widerstrebens gegen ihn? musste Zeus ihn gewähren lassen, seinen Trotz, seine Lästerungen ertragen, ohne ihn dafür zu strafen? Das werden Sie nun wohl nicht verlangen; aber Sie werden vielleicht das Unrecht des Zeus eben darin finden, dass, was Prometheus wollte, Er nicht wollte; in welchem Falle Sie denn nothwendig den Prometheus für den Weiseren und Besseren erklären müssen; oder, wenn dies nicht, vielleicht darin, dass Zeus nicht lieber durch Güte und Belehrung den Prometheus von seinem Vorhaben abzubringen gesucht habe. Dann würde Ihnen aber obliegen zu zeigen, dass Prometheus schon damals, als seine That mit ihren Folgen noch ungeschehen war, der Belehrung empfänglich, und bereit gewesen sein würde, seine vermeintliche Weisheit der höhern des Zeus unterzuordnen, was, wie Sie eingestehn werden, durchaus im Widerspruch mit seinem Character steht. Oder sollte etwa das Unrecht des Zeus nur in dem Uebermaass und der Härte der Strafe bestehn? So hätte denn auch im gelösten Prom. die Ausgleichung wohl darin bestehn müssen, dass er dem Prom. wegen dieses Uebermaasses eine Genugthuung gegeben, sich mit den Umständen, den noch ungeordneten Verhältnissen des neuen Regiments, seiner eigenen noch jugendlich unentwickelten Natur entschuldigt, etwa auch für die Zukunft grössere Mässigung und königlicheres Handeln verheissen hätte. Und ein solches Bild des höchsten Gottes, ein solches Stück aus seiner Jugendgeschichte, einen in jugendlicher *ὑβρις* das Maass überschreitenden, allmählich erst, einem schwachen Sterblichen gleich, zur Besonnenheit gelangenden Zeus, der, wenn er seinen Feind nicht versöhnte, nothwendig seinen Thron verlieren musste: dies seinen Zuhörern vorzuführen, das, meinen Sie, hätte sich mit der Religiosität des Aeschylus besser vertragen, dadurch würde er weniger „den Glauben an die Gerechtigkeit des höchsten Wesens auf eine höchst bedenkliche Weise erschüttert“, weniger „ein gefährliches, seine Frömmigkeit sehr in Frage stellendes Spiel mit dem Volksglauben getrieben haben“, als wenn er, wie ich es mir denke, zuerst zwar ein falsches, einseitiges, unwahres Bild hinstellte, unmittelbar darauf aber

die Wahrheit in desto hellerem und wirksamerem Lichte zeigte? — Ich sollte meinen, die Antwort könne nicht zweifelhaft sein. Und so glaube ich denn, dass Alles, was Sie gegen meine Auffassung des Prom. vorgebracht haben, sich mit gleichem oder grösserem Rechte gegen die Ihrige wenden, von gültigen Gründen aber, wie ich sie für die meinige aufgestellt, sich Nichts für die Ihrige vorbringen lasse. Möge nun die Sache nochmals Ihnen und allen unbefangenen und vorurtheilslosen Forschern zur allseitigen Erwägung empfohlen sein.

Greifswald.

Schömann.

EMENDATIONES AGAMEMNONIS AESCHYLEAE.

3 Quum Aeschyleam Agamemnonem hoc semestri auditoribus nostris praelegeremus, ne saepius ac diutius quam vellemus in emendandis locis corruptis, qui plurimi sunt in hac fabula, morari cogeremur, hanc rationem inire placuit, ut de huiusmodi locis iudicium nostrum inter praelegendum paucis tantum verbis significaremus, accuratiorem autem disputationem proximae scriptioni academicae reservaremus, quae hibernarum scholarum indici praemittenda esset. Sic enim et nostrae et auditorum commoditati melius consulere videbamur, quam si intermisso identidem interpretationis cursu ad criticas quaestiones deverteremus, animosque totos modo in praestantissimae tragoediae virtutibus defixos subito ad minutum hoc et spinosum genus disputandi avocaremus, ac pro summi poetae versibus libriorum errores codicumque sordes tractaremus. Quamvis enim multas corruptelas superiorum criticorum sollertia iam sustulerit, ad quorum disputationes remittere auditores liceat, restant tamen non pauciores, quae quum nondum a quoquam emendatae, partimque ne animadversae quidem sint, aut intactae et tanquam desperatae relinqui, aut aliter quam a superioribus factum est tentari debeant. Harum unam atque alteram sic ego mihi emendasse video, ut de emendationis veritate dubitari a peritis certe non posse confidam; in aliis, si minus ipsam veritatem assequutus esse, propius tamen fortasse quam superiores ad eam accessisse iudicabor. Quoniam autem non doctis solum et peritis, sed tironibus quoque nunquam antehac in Aeschyli lectione versatis haec disputatio scribenda fuit, accuratius nonnunquam et copiosius etiam talium emendationum rationes exponendae esse videbantur, quae apud doctiores nulla demonstratione egerent. Tirones vero ante omnia

docendi sunt, quam multis quamque gravibus omnis generis corruptelis omnes fere Aeschyli tragoediae affectae sint, quamque multae saepenumero mutationes in paucorum verborum ambitu faciendae sint, ad speciem fortasse audaces, reapse autem certae et necessariae. Nam non solum levius illud et tralaticium genus vitiorum in Aeschyli codicibus corrigendum est, quod litterarum aut syllabarum similium permutatione aut prava vocabulorum coniunctione, aut verborum ac versuum vel omissione vel transpositione aliisque eiusmodi erroribus constat, a quibus ne attentis quidem librariis satis tuti esse solent, praesertim quum describunt quae ipsi non intelligunt, id quod in Aeschyli fabulis saepenumero accidisse nemo mirabitur; sed alia multa sunt aliquanto graviora et ad emendandum difficiliora. Horum primum genus e scripturae compendiis ortum est. Apparet enim in eo codice, unde nostri omnes derivati sunt, saepenumero non integra vocabula omnibus litteris perscripta fuisse, sed partem quandam, modo extremam modo mediam, omissam et siglis tantum notatam¹⁾, quae ubi aut deessent aut negligerentur aut secus acciperentur, permultos pepererunt librariorum errores, eosque nonnunquam tales, ut omnis locorum sententia mutaretur et perverteretur. Peius etiam genus corruptelarum, et quod facilius fallere possit, ex interpretamentis natum est, quum quae aut obscurae alicuius aut inusitatae dictionis explicandae causa ab aliquo enarratore adscripta erant, post a librariis pro emendationibus haberentur expulsisque genuinis in orationem poetae inferrentur²⁾. Accessit denique correctorum mala sedulitas, qui quum vi-

1) Tironum causa aliquot decurtatorum vocabulorum exempla apponam ex huius ipsius fabulae codicibus superstitibus enotata, unde cognoscent saltem quale sit hoc genus corruptelarum. Sic igitur *λέλει* v. 39. pro *λέλειεν* est in cod. Flor. *πάλιντροπ.* pr. *πάλιντρόποις* v. 745. in Fara., *πρόπαρ.* pr. *προπάροιθ'* v. 952. in Flor. *ταλάιν* pr. *ταλαίνας* v. 1102. in Ven. et Flor. *νύμφ.* pr. *νύμφας* v. 1136. in liadem. Imprimis saepe vocabulorum exitus propter compendia permutati sunt, ut v. 115. *βοσκομένην* in Fara. pro *βοσκομένους*, v. 435. *ἐχθρῶν* pr. *ἐχθρά* in eodem, v. 717. *πικροῦ* pr. *πικράς* in Flor. ne de his dicam, ubi similitudo litterarum permutationis causa fuit.

2) Hinc est quod v. 110. omnes codices habent *δίκας πράκτορι* pro eo quod Hermannus verissime restituit *πράκτορι ποινῆς*, item v. 98. *εἰπεῖν* pro *αἰνεῖν* (*αἰνεῖ*) Flor. et Fara. v. 103. *θυμοφύρον* pr. *θυμοβόρον* Med. v. 184. *ἀργεῖον* pr. *ἀργύρον* omnes, v. 202. *αὐδᾶ* pr. *ὄργᾶ* Guelph. et Fara., v. 267. *ἀγγέλου* pr. *ἀγγάρον* omnes, v. 403. *δόξαι* pr. *δοκαί* omnes, v. 405. *παρὰλλαιξασα* pr. *παράλλαγῃ* omnes, v. 527. *τυράνων* pr. *κοιράνων* Flor., v. 1097. *τόπτε* pr. *θενεῖ* omnes, v. 1123. *δῆγματι* pr. *δάκει* omnes.

tiosa, aut quae ipsi vitiosa esse crederent, corrigere pro capto suo conarentur, nimis saepe ex mediocri et sanabili vulnere ulcus fecerunt longe malignius, tantoque ad curandum difficilius, quanto tectius est falsamque sanitatis speciem prae se fert. Atque hae omnes corruptelarum causae non raro in uno eodemque loco concurrerunt, ut non unum atque simplex vitium extiterit, sed multa inter se coniuncta aliaque ex aliis nata, quorum nisi caput et fontem detexeris, medicinam frustra tentes. — Haec igitur corruptelarum genera in Aeschyli codicibus omnia, et creberrime quidem, deprehendi periti non ignorant, imperiti docendi sunt. Et poterunt doceri e superiorum criticorum commentariis, eo maxime, quem e Godofredi Hermanni schedis ante biennium M. Hauptius edidit, in quo et codicum scripturas omnes accurate consignatas, et genera vitiorum plerumque indicata, multa etiam egregie emendata videbunt. Ac licet ne Hermannus quidem omnia aut animadverterit aut recte tractaverit, nihilo minus tamen longe omnes superasse dicendus est, qui nostra memoria partim in Britannia partim in Germania Aeschilo emendando operam dederunt.

5 Sed nobis nunc in Aeschyleis locis tractandis hunc ordinem sequi placeat, ut a facillioribus, quorum simplex corruptela certa quae emendatio est, ad difficiliora graviusque corrupta progrediamur.

Promptissima emendatio est vers. 1203. ed. Herm., ubi chorus, postquam Cassandram audivit de coena Thyestae liberisque ad vescendum patri propositis vera praedicantem, haec ait:

τὴν μὲν Θυέστου δαῖτα παιδείων κρεῶν
 ξυνῆκα καὶ πέφρικα, καὶ φόβος μ' ἔχει
 κλύοντ' ἀληθῶς οὐδὲν ἐξηκασμένα,

Quid autem significare dicemus haec οὐδὲν ἐξηκασμένα? Stanleyus quidem, quum vertit non ex coniectura prolata, οὐδὲν pro οὐ dictum esse statuit, verbo ἐξεικάζειν autem eam significationem tribuit, qua simplex quidem εἰκάζειν dicitur, ut sit coniecturam capere ex notis quibusdam atque indiciis, nunquam autem illud compositum. Nam ἐξεικάζειν semper est i. q. ἐξομοιοῦν, assimilare, simile facere, ἐξηκασμένος i. q. ὁμοῖος, quemadmodum ab Aeschilo Sept. ctr. Theb. v. 426 fulmen Iovis dicitur οὐδὲν ἐξηκασμένον μισημβρινοῖσι θάλαππεσιν τοῖς ἡέλοις: haudquaquam simile meridianis Solis caloribus. — Schützius autem, qui locum sic convertit: metus me occupat, vera te dicere, haud conie-

cturas proferre audientem, de verbo *ἐξεικάζειν* in eodem quo Stanley error versatur, sed adverbium *ἀληθῶς* cum *κλέοντα* coniunctum sic accepisse videtur, quasi *ἀληθῶς κλέειν* idem sit atque *ἀληθέα κλέειν*. Hoc refutare non opus est. Diversam ab utroque, sed non meliorem viam Blomfieldius iniit: nam οὐδὲν *ἐξηκασμένα* significare putat non modo levi similitudine expressa, ut subaudiri necesse sit sed prorsus assimilata atque congrua. Quinam igitur? Nempe veritati rerum. Et fortasse hanc veritatis significationem invenire sibi visus est in adverbio *ἀληθῶς*, quasi *ἀληθῶς ἐξηκασμένα* idem sit quod *ἀληθέσιν ἐξηκασμένα*. Quid plura addam? Certum est Aeschylum scripsisse *ἀληθῶς οὖσιν ἐξηκασμένα*, et οὐδὲν pro οὖσιν librariis deberi. Nam *ἀληθῶς ὄντα* sunt res vere gestae, vaticinia autem rebus vere gestis congrua easque, ut gestae erant, sic referentia, recte dicuntur *ἀληθῶς οὖσιν ἐξηκασμένα*.

Non minus certa emendatio est v. 1211, ubi Cassandrae, vaticinia sua a choro non recte percepta videnti, haec verba in codicibus tribuuntur:

ἡ κάρτ' ἄρ' ἄν παρῃσκόπεις χρησμῶν ἐμῶν.

Piget superiorum conamina referre, quorum nemo in constructione verbi *παρῃσκόπειν* cum genitivo casu offendisse videtur, licet nulla sit huius defendendae ratio. Unus Musgravius accusativum requiri intellexit, proposuitque *ἡ κάρτ'* (voluit *κάρτ'*) *ὄρον παρῃσκ.* Aeschylus autem scripsit

ἡ κάρτα νοῦν παρῃσκόπεις χρησμῶν ἐμῶν,

unde postquam *καρταναν* factum est, correctores alterum ἄν in ἄρ' mutarunt. Quodsi qui forte sint, qui νοῦν v. mentem vaticiniorum sibi probari postulent, hi Fischerum adeant, ad Aristoph. Plut. v. 55, ubi legitur: *πυθοίμεθ' ἄν τὸν χρησμὸν ἡμῖν* (vulgo *ἡμῶν*) *ὅτι νοεῖ*.

Versuum 1243 et 1244 ordinem in codicibus turbatum rectissime Hermannus restituit:

ὁμῶμοται γὰρ ὄρκος ἐκ θεῶν μέγας,
ἔξῃσιν νιν ὑπτίασμα κειμένου πατρός.

sed quae ab eodem interpretatio proposita est, Opusc. II. p. 61, vereor ut teneri possit: magnum enim ab diis dictum est iusiurandum, revocaturam eum esse necem prostrati patris. Immo

non hoc solum dii iurarunt, rediturum in patriam Oresten, sed perfecturum vindictam necis paternae: *πράξειν νιν ὑπτίασμα κειμένου πατρός*. Nam *πράττειν* pro *πράττεσθαι* etiam alibi Aeschylus dixit, Eum. v. 614: *φράζειν Ὀρέστη τῷδε τὸν πατρός φόνον πράξαντα μητρὸς μηδαμοῦ τιμὰς νέμειν*. — In proximo versu

τί δῃτ' ἐγὼ κάτοικος ὧδ' ἀναστένω;

Hermannus *μέτοικος* scripsit, quemadmodum iam ante H. L. Ahrens coniecerat. Respici enim ait ad v. 1234, ubi Cassandra se ab Apolline e patria deductam esse queritur ad mortem Argis obeundam, confir-mari-que emendationem etiam proximis versibus, ubi opponantur *τῇ μετοίκῃ* illi, qui in patria interempti sint. Atqui vix credo eam, quae captiva in peregrinam terram deducta sit, recte *μέτοικον* dici potuisse, quum praesertim non habitatura ibi, sed statim moritura sit³⁾: neque rationem video, cur facillimam Scaligeri emendationem *κάτοικτος* spernamus. Nam id quidem nemo dubitabit, quin prorsus personae suae convenienter Cassandra dicere possit: quid ego sic lamentabilis conqueror? An forte hoc ipsum huic emendationi offecit, quod nimis facilis ideoque parum sagax visa est? Certe sagacius Auratus *πρόοικτος* coniecisse dicitur. Nempe sic est nonnunquam vir summus, ad instar venatoris illius Callimachei, *τὰ μὲν φεύγοντα διώκειν οἶδε, τὰ δ' ἐν μέσση κείμενα παρπέταται*. Nam hoc non credo eum movisse, quod *κάτοικτος* alibi non legitur. Ne *ἔποικτος* quidem alibi legi arbitror, quam uno Aeschyli loco, Ag. v. 1582; neque tamen propterea a quoquam in dubium vocatum est.

Versuum 1282 sqq. in codicibus haec forma est:

7 *ἤλιπ' δ' ἐπεύχομαι
πρὸς ὕστατον φῶς, τοῖς ἐμοῖς τιμαόροις
ἐχθροῖς φρονεῖναι τοῖς ἐμοῖς τίνειν ὁμοῦ
δοῦλης θανούσης εὐμαροῦς χειρώματος.*

quae quum manifesto corrupta aliterque ab aliis tentata sint, Hermannus

3) *Μετοίκους* Reisigius, enarr. Oed. Col. p. CXXV, recte monet a poetis generatim dici eos, qui sedibus suis mutatis alieno in loco habitent; sed hoc ipsum, ut habitent ibi, non negligendum est. Quamobrem non recte puto ab eodem Reisigio et ab Hermanno in Ag. v. 57 *τῶν δὲ μετοίκων* de pullis vulturum accipi e nido abreptis, licet praecorrit hanc explicationem scholiastes. Intelligendi sunt ipsi vultures in altissimis locis aduantes et in summo aethere volitantes, ideoque caelestium deorum quodammodo inquilinae.

ingeniosissimam quidem, sed audaciorē tamen quam opus erat conjecturam proposuit. Nam Agamemnonis quoque mentionem fieri debuisse censuit, ne Cassandra suam a regis causa seiungeret ac futuros illos ultores non Agamemnonis sed ipsius poenas ab intersectoribus repetituros esse diceret. Igitur versum aliquem de Agamemnone excidisse statuit, quumque apud Hesychium ἀσκέοις ex Aeschyli Agamemnone citetur, quod vocabulum in superstitionibus fabulae partibus nusquam legitur, id in hac ipsa Cassandrae oratione commodissime usurpari potuisse ratus, verbis aliquot transpositis integroque versu addito sic locum refinxit:

ἡλίου δ' ἐπεύχομαι
 πρὸς ὕστατον φῶς βασιλέως τιμαόρου
 Ἰσας δίκας φανέντας ἀσκέοις ὁμοῦ
 ἐχθροῖς φονεῖσι τοῖς ἐμοῖς τίνειν ἐμοῦ
 δούλης θανούσης εὐμαροῦς χειρώματος.

Vix autem vix videtur Aeschylus post possessivum ἐμοῖς statim otiosum illum et supervacaneum genitivum ἐμοῦ additurus fuisse: deinde, quum aliae multae magnaeque sint huius fabulae lacunae, Hesychianum illud ἀσκέοις facile potuit in alia quapiam parte legi: denique Agamemnonis hoc loco mentionem necessariam fuisse non existimo. Nam de hoc quidem eiusque ultione Cassandra iam ante quantum satis fuit dixerat; nunc de semet ipsa loquens non vituperanda est, si ultores illos, licet ipsos quidem unius regis mors ad vindictam vocatura sit, tamen solum tanquam suae caedis vindices memorat. Immo videtur mihi hoc Aeschyleae arti magis consentaneum, quippe quem alias quoque semper de una quaque re separatim dicere videam, neque facile miscere, quae quamvis reapse coniuncta, efficacius tamen singulatim proponi intelligat. Itaque omni additamento abstinendum esse puto, locumque, paucis verbis leniter mutatis unoque versu transposito, sic scribendum:

ἡλίου δ' ἐπεύχομαι
 πρὸς ὕστατον φῶς, τοῖς ἐμοῖς τιμαόρους,
 δούλης θανούσης, εὐμαροῦς χειρώματος
 ἐχθροῖς, φονεῖσι τοῖς ἐμοῖς τίνειν ὁμᾶ.

Et ὁμᾶ pro ὁμοῦ scribendum esse iam Stanley vidit, quod vocabulum, licet alias apud epicōs tantum lectum, alienum tamen a tragicorum sermone nemo dicet, praesertim Aeschyli, qui etiam alia quae-

dam epica ascivit, a ceteris tragicis, quantum quidem constet, non usurpata.

Illi loci, quorum facilis et, nisi me animus fallit, certa emendatio fuit, ex uno omnes episodios sunt, in quo Cassandrae persona inducitur; quo episodio nihil quidquam excellentius, nihil ad animos auditorum vel horrore vel admiratione vel misericordia permovendos efficacius a quoquam ullius aut gentis aut aetatis poeta factum est. Et prospera quadam fortuna accidit, ut haec pars tragoediae, sicut longe ceteris praestantior est, ita etiam corruptelis paucioribus et levioribus tantum afficeretur. Restant tamen nonnullae in eius parte priore, de quibus, antequam ad reliquam fabulam accedam, dicendum esse videtur. — Primum igitur v. 1009—1011 Clytaemnestra Cassandram ut regias aedes secum introcat hortata sic loquitur:

ἀλλ' εἴπερ ἔστι μὴ χελιδόνος δίκην
ἀγνώτα φωνὴν βάρβαρον κεκτημένη,
ἔσω φρενῶν λέγουσα πείθω νιν λόγῳ.

Hoc ἔσω φρενῶν plerique cum λέγουσα coniungentes interpretantur: ita loquens ut intelligat ac mente percipiat. Sed nullum extat loquutionis hoc sensu usurpatae exemplum: nam quae ab Hermanno afferuntur, Soph. Phil. v. 1325, γράφου φρενῶν ἔσω, et Eurip. Med. v. 316, ἔσω φρενῶν ὁρῶδιά μοι, longe diversam significationem habere apertum est. Klausenius cum Bothio ἔσω φρενῶν i. q. φρονίμως, prudenter, esse voluit, Schützius denique verba sic construxit, φωνὴν βάρβαρον ἔσω φρενῶν κεκτημένη: quorum utrumvis pariter insolens et improbabile est. Mihi Aeschylus scripsisse videtur εἰ σωφρονεῖ, idque mutatum esse vel librariorum errore vel correctorum inscitia, quibus duplex illa protasis, εἴπερ et mox εἰ, offensioni fuerit. Sunt autem huius generis exempla non admodum rara, quum priori conditioni subiungitur altera, quo indicetur, quod prius positum est, ad id quod in apodosis dicitur efficiendum ita demum valere, si accedat etiam altera conditio, quemadmodum hoc loco non satis est intelligere Cassandram quae Clytaemnestra dicat, nisi etiam recte sapiat, ut id, quod intellexerit illam dicere, etiam faciendum sibi statuatur neque contumaciter respuat, κακῶν φρενῶν κλέουσα, ut paullo post Clytaemnestra ait v. 1023. Exemplum duplicis protasos ex utriusque linguae scriptoribus suppeditabunt Heindorf. ad Plat. Phaed. p. 51 sq. Ellendt. Lex. Soph. 1 p. 493. Madvig. ad Cic. de fin. p. 332.

V. 1085 vaticinantis de regis caede Cassandrae verba haec leguntur:

ἃ ἃ ἰδοὺ, ἰδοὺ· ἄπεχε τῆς βοῆς
τὸν ταῦρον· ἐν πέπλοιςιν
μελαγκέρῳ λαβοῦσα μηχανήματι
τύπτει.

Pro μελαγκέρῳ alii μελάγκερων scripserunt, idque nonnullis placuit, Agamemnonein cum tauro comparari credentibus nigris cornibus praedito. Mihi hoc perineptum videtur: nec minus ineptum, quod in altera lectione epitheton illud ad μηχανήματι appositum ideo putant, quo indicetur ictibus ferri Agamemnonein quasi nigris cornibus peti. Repudiatur ista interpretatio vel hoc uno argumento, quod μηχανήμα non de ictibus ferri dici potuit, sed tantum de artificio, quo virum Clytaemnestra irretiverat, h. e. de ἀπείρῳ illo ἀμφιβλήστρῳ, ut alibi vocatur. Huic autem epitheton a cornibus ductum nullo modo convenire apparet, sed debetur illud librariis, quibus, quum antea vaccam et taurum nominari viderent, nunc quoque horum cornua obversa-⁹ bantur. Aeschylum autem scripsisse credo μελαγκότῳ μηχανήματι. Nam ut atrocem iram μέλανα κότον dici potuisse nemo ambiget, sic illud atrocis irae artificium recte μελάγκοτον μηχανήμα dici potuisse manifestum est: neque dubitari de hoc adiectivo propterea debet, quod aliud eius exemplum fortasse non extat. Pro τύπτει autem Hermannus Θένει scriptum fuisse suspicatur propter strophicum versum 1076, qui ab iambo, φόνου, incipit; sed debuit potius Θενεῖ, quoniam praesens Θένω nullum est. Nam quod statim subiungitur πίτνει, praesens post futurum in prophetica oratione neminem offendet; τύπτει autem ex interpretatione illatum est, cuius generis sat multa sunt in Aeschyli codicibus exempla, unumque et alterum mox a nobis tractabuntur.

In proximis chori versibus 1092 sqq.

κακῶν γὰρ διαί
πολυπεῖς τέχναι θεσπιφδοί
φόβον φέρουσιν μάθ' εἰν,

parum credibile est φόβον μάθ' εἰν dici potuisse pro eo quod est metus sensum percipere. Credibilis est Aeschylum scripsisse φόβον φέρουσιν μάταν: timorem afferunt, quo nihil tamen proficitur, quemadmodum τὸ μάταν ἄχθος supra v. 154 de sollicitudine

dicitur, qua quis incassum nulloque cum fructu angitur. Et talia futurorum malorum praesagia etiam v. 246 chorus recusavit.

V. 1096. Cassandra canit sortem suam conquerens:

ὦ ὦ τάλαινας κακόποτμοι τύχαι.

τὸ γὰρ ἐμὸν θροῶ πάθος ἐπεγχεάσα.

quorum versuum alter, quum antistrophico v. 1106 una syllaba longior sit, ab Hermanno mutatus est, prima persona θροῶ in secundam θροεῖς, participio autem ex feminino ἐπεγχεάσα in masculinum ἐπεγχεάς mutato. Id probari nullo modo potest. Nam chorus nihil nisi de vaticiniis Cassandrae dixerat infaustis sibi que auditu ingratis, quod profecto non erat sortem illius conqueri. Immo recte se habet θροῶ: incipit enim ipsa nunc iam sua mala lamentari. Sed ἐπεγχεάσα ex interpretatione irrepsit pro eo, quod Aeschylus scripserat, ἐπεγχετόν: meam calamitatem, inquit, Agamemnonis calamitati admixtam. Scilicet quia in fatis fuit, ut una cum Agamemnone ipsa quoque periret, propterea huius sorti suam admixtam dicit. Sed interpretes, quasi diceret se, postquam Agamemnonis sortem quæsta sit, nunc adiecturam suae sortis querimoniam, ἐπεγχεάσα adscripserunt. Similiter participium pro nomine verbali irrepsit v. 405, παραλλάξασα pro παραλλαγή, et Choeph. v. 65 καθαίροντες pro καθαροίσις, quod recte Hermannus restituit. — Neque erat, quod in proximo versu,

ποῖ δὴ με δεῖρο τὴν τάλαιναν ἤγαγες;

pro secunda persona tertia ἤγαγεν scriberetur. Vera est codicum scriptura: obversatur enim Cassandrae animo Apollo, quem appellaverat supra v. 1032 et 1036, ab eoque se huc deductam quæsta erat v. 1046; neque opus erat nunc quoque diserte eundem nominari, quandoquidem nemo facile tam tardus est, quin etiam sine nomine quis intelligendus sit perspiciat.

10 In chori verbis v. 1112:

τὰ δ' ἐπίφοβα δυσράτην κλαγγῇ

μελοτυπεῖς ὁμοῦ τ' ὀρθίοις ἐν νόμοις,

illud ὁμοῦ τ' falsum esse non potest dubitari; sed non minus falsa est Hermanni emendatio: μελοτυπεῖς ὁμοῦ στένοισ' ὀρθίοις ἐν νόμοις. Sic enim ille scripsit, integro pede ad versum addito, propterea quod etiam in strophæ v. 1102 sic ab Aeschylō scriptum fuisse coniecit: ἀκόρετος βοῶς φιλοίκοις τάλαιναις θρεσίν. Et leguntur sane hæc duo epitheta in cod. Ven. et Flor.; sed veram scripturam servavit cod. Farn., in quo solum φιλοίκοις extat, omissio eius interpreta-

mento *ταλαίνοις*. In Mediceo *φεῦ ταλαίνας* aut *φεῦ ταλαίνοις* esse dicitur, ortum, ut arbitror, ex *φιλταλαίνοις*, quum scriba a vero vocabulo ad eius interpretamentum aberraret et sic utrumque in unum conflaret. In antistrophico autem sine dubio scribendum est

μελοτυπεῖς ἄμουσ' ἐν ὀρθίοις νόμοις.

Nam *ἄμουσα* Cassandrae vaticinia dicuntur eadem ratione, qua Sphingis infausta aenigmata *ἀμοιρόταται* *ῥῶδαι* apud Euripidem, Phoen. v. 814. *Ὀρθίοις* disyllabum est per synizesin.

Mox Cassandra, postquam vetera Pelopidarum scelera commemoravit, chorum compellat interrogans: *ἤμαρτον, ἦ θηρῶ τι τοξότις τις ὥς; ἢ ψευδόμαντις εἰμι θυροκόπος φλέδων;* h. e. quid ais? veraxne tibi esse videor, an mendax et vana? atque his deinde subiungit v. 1155:

*ἐκμαρτύρησον προὔμοσας τό μ' εἰδέναι
λόγῳ παλαιᾷς τῶνδ' ἁμαρτίας δόμων.*

quae verba quin corrupta sint dubium esse non potest. Absurdum est enim postulare, ut chorus iuratus testimonium dicat, ipsam ea, quae cecinerat, fama accepisse, *λόγῳ εἰδέναι*: nam neque scire chorus potest, famane accepta an divinitus inspirata cecinerit, et si cecinit fama accepta, non iam vales, qualem se esse affirmat, sed nihil diversa a quovis relatore veteris memoriae videbitur. Atque etiam si cum Hermanno scribas *τὸ μὴ εἰδέναι*, partem quidem corruptelae, nondum tamen totam sustuleris. Nam *προὔμοσας τὸ μὴ εἰδέναι* non is dici potest, qui alterum, sed is tantum, qui semet ipsum nescire aliquid iurat: ut nihil dicam de mirifica talis iuris iurandi postulatione. Aeschylus scripsit *ἐκμαρτέρησον προὔμοσάσῃ μὴ εἰδέναι* — h. e. tu mihi testis esto (scil. utrum vera an falsa sim), postquam tibi affirmavero, me nihil istarum rerum fama compertum habere. Scilicet haec affirmatio in his ipsis verbis inest. Ad loquutionem conferri potest v. 1143: *καὶ μαρτυρεῖτε συνδρομῶς ἔχρος κακῶν βινηλατούσῃ τῶν πάλαι πεπραγμένων.* — *Ἐκμαρτερεῖν* pro *μαρτυρεῖν* de praesentis, non, ut in forensi sermone, de absentis testimonio non solum Aeschylus dixit Eum. v. 453, sed etiam Aeschines in Timarch. p. 126 (§ 107), ubi recte scholiastes interpretatur *ἐκφῆναι διὰ μαρτυρίας*. — Respondet chorus: *καὶ πῶς ἂν ὄρχοι πῆγμα γενναίως παγὲν παιώνιον γένοιτο;* h. e. non sibi opus esse significat Cassandrae affirmatione, quoniam nihil ex eo solatii percepturus sit, si de veritate eius praedictionum sibi persuasum fuerit.

Nam manifestum est, tanto maiorem eius sollicitudinem fieri debere, quanto minus de veritate praedictionum illarum dubitare liceat. Παί-
 11 ονιον de eo, quod sollicitudinem consolatur, eodem modo dictum est, atque supra v. 99: παίων τε γενοῖ τῆσδε μερίμνης. — Sequuntur deinceps haec:

Θαυμάζω δέ σε
 πόντου πέραν τραηῖσαν ἀλλόθρονον πόλιν
 κυρεῖν λέγουσαν, ὥσπερ εἰ παρεστάτεις.

Sed πόλιν in versu secundo ineptum est: neque enim de civitate, sed tantum de regia domo Cassandra dixit. Ἀλλόθρονος ipsa est, pro πόλιν autem scribendum πάνν, coniungendumque cum verbis sequentibus. Librariis haec collocatio adverbii fraudem fecit. Neque ferendum fuit, quod codices in primo versu habent, Θαυμάζω δέ σου. Huiusmodi constructionum deliciae grammaticorum acumini admodum placere solent; ab Aeschyli ingenio abhorrent.

V. 1166. Postquam Cassandra se ab Apolline amatam esse dixit, chorus interrogat:

ἦ καὶ τέκνων εἰς ἔργον ἦλθετον νόμῳ;

fueruntque qui illud νόμῳ satis defendi posse crederent Homérico illo, ἦ Θέμις ἀνθρώπων πέλει, ἀνδρῶν ἠδὲ γυναικῶν, aliisque similibus. Sed aliud est νόμος, aliud Θέμις vel δίκη. Neque Butleri coniectura, ἦλθέτην ὁμοῦ, vera est, sed scribendum γάμῳ, quod vocabulum non solum de iustis nuptiis, sed de amatoria consuetudine saepissime a tragicis usurpari nemini ignotum esse debet.

In Cassandrae verbis v. 1187:

οὐκ οἶδεν οἷα γλῶσσα μισητῆς κυνὸς
 λέξασα κάκτείναςα παιδρόνους, δίκην
 Ἄτης λαθραίου, τεύξεται κακῇ τέχῃ.

omnes, quod sciam, παιδρόνους de simulata laetitia acceperunt. quemadmodum etiam in Eum. v. 622 εὔφροσιν non unus aut alter interpretum, sed plerique omnes de simulata benevolentia dictum esse opinantur. Scilicet licuisse poetae illud ipsum omittere, quod maxime ad rem pertineret, atque sic contrarium eius dicere, quod intelligi volebat. Quumque videam hodieque esse, qui in Eum. istam interpretationem tueantur, neque audiant verum docentes me ad h. l. et Bernhardium Syntax. p. 83, iisdem etiam illud παιδρόνους numquam non satis placiturum esse certo scio. Qui autem saniore iudicio sunt, malent, opinor, mecum scribere παιδόνους, eadem significatione qua

μελανόφρων et *κελαινόφρων* (Eum. v. 451), quemadmodum etiam *φραισχίτων* pro *μελαγχίτων* Aeschylus dixit Choeph. v. 1046.

Haec sunt quae in Cassandrae episodio non improbabili mihi emendasse videor: nunc de proxima parte fabulae videbimus, cuius item aliquot vulnera curanda erunt, sed nec nimis gravia illa, nec admodum sanatu difficilia. Ac primum quidem in Clytaemnestrae verbis, quae post perpetratae regis caedem in scenam prodians loquitur, v. 1332 sq.:

πολλῶν πάροιθεν καιρίως εἰρημένων
τάναντι' εἰπεῖν οὐκ ἐπαισχυνθήσομαι.
πῶς γάρ τις ἐχθροῖς ἐχθρὰ πορσύνῃ, φίλοις
δοκοῦσιν εἶναι, πημονὴν ἀρχίστατον
φράξειεν ὕψος κρείσσον ἐκπιδίματος;

scribendum utique cum Hermannō *πημονῆς ἀρχίστατ' ἂν*: sed quod 12 idem in versu tertio *πῶς* pro *πῶς* scripsit, nollem factum⁴⁾. Vulgatae lectionis sententia haec est: non me pudet nunc aliter loqui, atque olim tempori serviens (*καιρίως*) dissimulanter loquuta sum: quo enim modo possit aliquis insidias inimicis insuperabiles struere, scilicet nisi sic, ut ego, in tempore dissimulet? Reticetur autem haec conditio, utpote facile e contextu subintelligenda, usitato Graecorum more in huiusmodi enuntiationibus post *γάρ* et *εἰπεῖ*, quum superius dictorum ratio redditur, ubi noster sermo aliquod adverbium, ut *scilicet* vel *autem*, usurpare solet ad omissionem protasin significandam. Quodsi Aeschylō quoque scribere placuisset: *πῶς γάρ τις ἄλλως ἐχθρὰ μηχανούμενος ἐχθροῖς, φίλοις δοκοῦσιν εἶναι, πημονῆς ἀρχύστατ' ἂν φράξειεν*; nemo profecto haesisset. Sed de ista omissione res in vulgus nota est et iam in scholasticis libris tradita, ut a Krügero in gr. gr. § 54, 12, 9 p. 173 ed 1. et Naegelsbach. ad II. 1, 223.

V. 1362 in oratione Clytaemnestrae, qua choro caedem regis haud inultam fore minanti respondet, haec leguntur:

λέγω δέ σοι
τοιαῦτ' ἀπειλεῖν ὥς παρσκευασμένης

4) Olim in Opusc. 1 p. 98 vir summus *πῶς* retinuerat, scripserat autem *πημονῆς ἀρχυστάτων φράξει' ἂν ὕψος* —, quod cur postea repudiaverit periti sua sponte intelligent, minus periti cognoscere poterunt ex Elmsleii annotatione ad Eurip. Med. v. 416.

ἐκ τῶν ὁμοίων χειρὶ νικήσαντ' ἐμοῦ
 ἄρχειν· ἐὰν δὲ τοῦμπαλιν κραίῃ θεός,
 γλώσει διδαχθεὶς ὅψ' ἐ γούν τὸ σωφρονεῖν.

Qualem fere sententiam contextus postulet, non obscurum est: talem scilicet: suadeo tibi huiusmodi minis tum demum uti, si me superaveris imperiumque nactus fueris; quibus dein apte opponitur: sin contra deus fecerit, (nempe ut ego te superem,) sero sapere disces. Sed in codicum scriptura neque sententia neque constructio verborum iusta agnosci potest. Primum enim haec verba ὡς παρεσκευασμένης ἐμοῦ ἄρχειν, quae nihil aliud significare possunt, quam: ut quae parata sim imperare, hoc loco prorsus inepta esse apparet. Qui potuit enim Clytaemnestra chorum ad minandum provocans hac ratione uti, quod ipsa ad imperandum parata esset? Deinde, etiamsi aliquis ista ὡς παρεσκευασμένης ἐμοῦ ἄρχειν ferri posse censeat, tamen quid sibi velint haec, quae interposita sunt, χειρὶ νικήσαντ' nemo dixerit. Nam sive dativum, νικήσαντι, esse statuis, sive accusativum, νικήσαντα, pariter et collocatio verborum et sententia perversa est. Nam quod Hermannus hanc stribliginem ferendam tamen putat atque sic interpretandam: iubeo te talia minari, ut me parata imperare mihi, qui vicissim me vi vicerit, idque esse: minitare, si libet; ego parata sum, si, quemadmodum ego nunc potentior sum, sic tu me viceris, fere imperium: equidem ista latina non minus quam graeca perverse dicta esse arbitror. Quis enim unquam dixit: parata sum mihi imperare aliquem pro eo quod est parata sum alicuius imperium ferre aut alicui parere:
 13 παρεσκευασμένη εἰμὶ ἄρχειν τινὰ ἐμοῦ pro ἄρχεσθαι ὑπό τινος?
 — Aliorum conamina referre nolo. Emendationem locus postulat haudquaquam difficilem:

λέγω δέ σοι
 τοιαῦτ' ἀπειλεῖν ὡς παρεσκευασμένη
 ἐκ τῶν ὁμοίων χειρὶ νικήσαντ' ἐμοῦ
 ἄρχειν —.

h. e. age vero, minare mihi, quippe quum te paratum esse videam in certamine aequis viribus suscipiendo me superare. Et apparet hoc „quippe quum“ cum acerba quadam irrisione dici: nequaquam enim senes illos tantum valere iudicat, ut certamen „cum aequis viribus inire victoriamque sperare possint. Ἐκ τῶν ὁμοίων non est vicissim, quemadmodum Hermannus voluit, sed, ut

dixi, aequis viribus s. opibus, eadem vi praepositionis, quae est infra v. 1608: *ἐκ τῶν δὲ τούτου χρημάτων πειράσσομαι ἄρχειν πολιτῶν*. Significatur enim id, quo quis adiuvatur tanquam instrumento rei alicuius efficiendae.

Paullo post, v. 1396, Clytaemnestra dicit:

οὐ μοι φόβον μέλαθρον ἔλπις ἐμπατεῖ.

Infinitivum *ἐμπατεῖν* restituendum esse dudum alii viderunt, sed inceptam hoc loco domum formidinis Hermannus demum removit, scripsitque οὐ μοι φόβον μέλαθρ' ἂν ἔλπις ἐμπατεῖν. Mihi tamen probabilius est ab Aeschilo scriptum esse οὐ μοι φόβους μέλαθρον ἔλπις ἐμπατεῖν. Pluralem illum habet etiam Sophocles, Oed. R. v. 917: ἀλλ' ἔστι τοῦ λέγοντος, ἂν φόβους λέγῃ: neque opus fuit ἂν particula, quae rem a conditione suspensam, hac autem impleta certo expectandam significaret. Cf. Thucyd. I, 127: νομίζοντες ἐκπεσόντος αὐτοῦ ῥῆον σφίσι προχωρεῖν τὰ ἀπὸ των Ἀθηναίων, quo loco, quum commemorata sit conditio, ἐκπεσόντος αὐτοῦ, magis etiam ἂν in apodosi desiderari possit. Et similia exempla omissae huius particulae apud inf. praes. aor. et fut. post verba sperandi et expectandi sat multa sunt. Vid. Brem. ad Demosth. Olynth. I in Schaeferi appar. crit. I, p. 204 sq.

In eadem Clytaemnestrae oratione haec leguntur, de Cassandra una cum Agamemnone interfecta, v. 1409.

κεῖται φιλήτωρ τῷδ'· ἐμοὶ δ' ἐπήγαγεν
εὐνῆς παροψώνημα τῆς ἐμῆς χλιδῆς.

Parum probabiles priorum coniecturas merito Hermannus sprexit, sed ne ipse quidem probabiliorē attulit, εἰχῆς pro εὐνῆς, quod accipi voluit de voto Clytaemnestrae, cuius ea compos facta esset interfecto Agamemnone. Vellem autem addidisset etiam, in hac duorum genitivorum compositione utrum horum ab altero regi vellet, et quid esset aut εὐχὴ τῆς ἐμῆς χλιδῆς aut ἐμὴ χλιδὴ εὐχῆς: nam utrocuque modo haec construantur, non videtur apta huic loco sententia evadere. Retinendum puto vocabulum a codicibus traditum, casu tantum mutato, et in superiore versu pronomine possessivo pro personali posito: ἐμῇ δ' ἐπήγαγεν εὐνῇ παροψώνημα τῆς ἐμῆς χλιδῆς: hanc caram suam amasiam, inquit, adduxit Ag. lecto meo tanquam condimentum deliciarum mearum. Lecto meo, h. e. meis et Aegisthi nuptiis, quae quidem aptissime hoc loco commemorantur post commemoratos paullo ante Agamemnonis et Troianarum mulierum 14

amores, v. 1401, quos ipsa ulta erat Aegistho in lectum suum recepto, par scilicet pro pari referens Agamemnoni. Neque dubitari potest, quin Aeschylus Clytaemnestram, licet initio fortassis odio tantum mariti Aegistho se dederit, mox tamen etiam amore huius captam esse voluerit, quo pertinent in Choeph. v. 590 sqq. *γυναικῶν ἔρωτες πατόλμοις ἄταισι σύννομοι*, et *Θηλυκρατὴς ἀπέρωτος ἔρωσ*: quin ipsa se, quod tamdiu viro carendum esset, caelibis vitae taedio ad adulterium illectam esse fatetur v. 908 ⁵).

Mox in commaticis chori canticis 1449 sqq. haec leguntur:

*ἦ μέγαν οἴκοις τοῖσδε
δαίμονα καὶ βαρύνην αἰνεῖς.*

quorum versuum priorem corruptum esse antistrophus arguit, penthemimeres dactylicum, *ὡς μὲν ἀναίτιος εἶ*, pro quo qui aut *εἶ σὺ* aut *ἔσσι* scripserunt, non tamen restituerunt legitimam apud Aeschylum aequabilitatem numerorum, quum in strophico spondeus sit pro dactylo antistrophii. Itaque Hermannus scribendum censuit

*ἦ μέγα δώμασι τοῖσδ'
αἶμονα καὶ βαρύνην αἰνεῖς,*

in quibus *μέγα* pro *μάλα* accipi, *δαίμονα* autem ex ante dictis subaudiri vult: parum, ut mihi videtur, probabiliter. Duae se offerunt faciliores emendandi viae: altera, ut statuamus codicum lectionem ortam esse ex interpretamento alicuius adiectivi ab Aeschylō positi, velut *ἦ μέγαν αὐτογενῆ δαίμονα* h. e. *συγγενῆ*, quemadmodum *συγγενὴς πότμος* dicitur a Pindaro Nem. V, 40. Isthm. I, 40, aut *ἦ μέγαν οἰκίδιον δ.*, quemadmodum *κατοικίδιοι δαίμονες* dici solent, aut etiam *ἦ μέγαν ἐγγενέταν δ.*, ut apud Apollonium Rh. IV, 1549 *δαίμονες ἐγγενέται* dei indigenae sunt, potuitque haud dubie etiam *αἰστωρ domesticus ἐγγενέτης* dici. Altera via haec est, ut scribatur *ἦ μέγαν ἐν μελάθροισι δαίμονα*, eamque, ut facillimam, equidem praeferam. Potuit autem vulgata existere vel ex correctione, quum oblitterata praepositione *ἐν* turbatum metrum aliquis restituere quadamtenus saltem conaretur, vel etiam sic, ut vocabulum ab interprete adhibitum a librariis per errorem pro genuino poneretur. Tertiam quandam coniecturam, quae nescio cui in mentem venit, *ἦ μέγαν Ἀτρεΐδαις*, cur spernendam ducam, non opus est exponere.

⁵) Ab Homero quoque et Pindaro et Sophocle rem sic proponi monui in comm. ad Eum. p. 56. 57. Addi poterat etiam Eurip. Orest. 26. 27. et 568.

Paullo post, item in commaticis, v. 1479, codices haec habent:

βιάζεται δ' ὁμοσπόροις
ἐπιρροαῖσιν αἱμάτων
μέλας Ἄρης· ὅποι δὲ καὶ προσβαίνων
πάχνα κοιροβόρῳ παρέξει.

Προβαίνων iam dudum Canterus reposuit, *πάχνα* Hermannus, *cruo-*
rem hoc vocabulo significari credens, sententiamque sic interpretans:
et quoquo progrediens nativoro cruori eas exhibebit, nempe
ὁμοσπόρους ἐπιρροὰς αἱμάτων. „Ὅποι δὲ καὶ *προβαίνων*“, in-
quit, „idem est atque ὅποι δ' ἂν καὶ *προβῇ*“. Id mihi perquam in- 15
credibile videtur, et *πάχνα* de cruore inauditum certe ac sine exemplo.
Aeschylum scripsisse suspicor:

— — ὅμοια δ' αὖ *προβαίνων*
ποινᾷ κοιροβόρῳ παρέξει.

h. e. et porro progrediens similia rursus exhibebit, perse-
quendo poenam liberorum devoratorum. *Ποινὰ κοιροβόρος*
est *ποινὰ κοῦρων βρωθέντων*, ut *εὐάγων τιμὰ* apud Pindarum Nem.
X, 71 est *τιμὰ ἀγώνος καλοῦ*, similiaque apud Matthiaeum, gr. gr.
§ 446 not 3. c. Ὅμοια postquam in ὅποι corruptum fuit, etiam δ'
αὖ a correctoribus metri causa in δὲ καὶ mutatum est.

V. 1491. Clytemnestra propter mactatam Iphigeniam iure oc-
cisum Agamemnonein arguit:

ἀλλ' ἐμὸν ἐκ τοῦδ' ἔρνος ἀερθὲν
τὴν πολυκλαυτὸν τ' Ἰριγένειαν
ἀνάξια δράσας ἄξια πάσχω
μηδὲν ἐν Ἄιδου μεγαλαυχέτω
ξιφοδιλίτῳ
θανάτῳ τίσας ἅπερ ἤρξεν.

Correxerunt *τὴν πολυκλαίτην Ἰριγένειαν* Porsonus, *τῆς πολυκλαί-*
της Ἰριγένειας Hermannus, propterea scilicet, quia postremam huius
nominis syllabam in accusativo produci non posse statuebant; neque id
iniuria, quamquam Dindorfium, virum praestantissimum, aliter iudicare
video. Sed mederi huic incommodo, simulque planiorem verborum
constructionem et sententiam restituere licebit uno versu transposito
et participio *πάσχω* in verbum finitum mutato:

ἀλλ' ἐμὸν ἐκ τοῦδ' ἔρνος ἀερθὲν,
τὴν πολυκλαύτην Ἰριγένειαν,
μηδὲν ἐν Ἄιδου μεγαλαυχέτω.

Cum acerbissima ironia haec dicta esse apparet: nolo eum gloriari apud inferos de filia mea, Iphigenia, a se mactata. Verbum *μεγαλαυχεῖν* sic cum accusativo participii constructum nihil offensionis habet. Sequitur

ἄξια δράσας ἄξια πάσχει
 ξιφοδηλήτῳ
 θανάτῳ τίσας ἅπερ ἤρξεν.

Nam ἄξια δρ. pro ἀνάξια δρ. scribendum omnes intellexerunt, estque hoc cum eadem ironiae acerbitate dictum; praesens autem tempus πάσχει propterea, quod nunc quoque apud inferos Agamemno poenam a se exactam, scelus non inultum esse aegre fert.

V. 1562 narrat Aegisthus, ut patri suo Thyestae ab Atreo liberorum mactatorum carnes in convivio pro epulis appositae fuerint, absconditis extremitatibus, ille autem sic deceptus execrabilem dapem voraverit:

τὰ μὲν ποδὶ ῥῆ καὶ χερῶν ἄκρους κτένας
 ἔθρουπτε ἄνωθεν ἀνδρακάς καθήμενος,
 ἄσημα δ' αὐτῶν αὐτίκ' ἀγνοίᾳ λαβὼν
 ἔσθει βορὰν ἄσωτον, ὡς ὄρεας, γένει.

Duo manifestissima in hoc loco vitia dudum ab aliis correctae sunt, primum ἔθρουπτε, quod in ἔκρουπτε mutandum, deinde ἄσημα δ' αὐτῶν, pro quo, mutata simul interpunctione verborum, ἄσημ' ὃ δ' αὐτῶν — scribendum fuit. Sed restant duo alia ἄνωθεν et καθήμενος. Nam hunc singularem vel ipsum adverbium ἀνδρακάς refutat, siquidem ἀνδρακάς καθῆσθαι de uno graece non magis, quam viritim sedere latine dici potest⁶⁾. Et Hermannus quidem καθήμενος scripsit, accusativum, καθήμενος, propterea repudiandum autumans, quia non id egisset Atreus, ut convivas celaret, sed ut coram convivis Thyesten. Atqui arbitror tamen etiam convivas pariter omnes celandos fuisse, quorum profecto nemo, si vidisset abscissas puerorum extremitates, taciturus fuit. Itaque haec quidem repudiandi accusativi causa nulla fuit, neque vero dativus illo sensu, ut esset coram convivis dici potuit. Tamen dativum et ipse probo, sed construendum illum cum proximo adiectivo ἄσημα. Ἄνωθεν qui probarunt, de loco sedendi, acceperunt. Sed ad celanda, quae celari Atreus volebat, nihil intererat

6) Futilis est annotatio in cod. Farn.: ἀνδρακάς ἀντὶ τοῦ καθ' ἑαυτόν.

superiore an inferiore loco, ἄνωθεν an κάτωθεν sederet, praesertim quum singulae separatim convivis mensae appositae essent. Hoc enim significat adverbium ἀνδρακάς, fuitque is mos aetatis heroicae, ut ex Homero constat. Cf. Plutarch. Quaest. sympos. II, 10, 1 et Nitzsch. ad Od. tom. 1. p. 27. Itaque incredibile est, otiosam istam et supervacaneam loci designationem ab Aeschylo esse; debetur librariis veram lectionem corruptentibus, quae fuit ἀνευθεν, quemadmodum iam Blomfieldius suspicatus est, citato loco Homérico ad rem comprobendam accommodatissimo. II. XXII. 367: ἡ ῥα καὶ ἐκ νεκροῦ ἐρέσσατο χάλκεον ἔγχος, καὶ τόγ' ἀνευθεν ἔθηκε. Idem significat χωρίς in Herodoti narratione de simili quadam Astyagis atrocitate, I c. 119: τοῖσι μὲν ἄλλοισι καὶ αὐτῷ Ἀστυάγει παρετιθέατο τράπεζαι ἐπιπλέαι μηλείων κρεῶν Ἀριάγῃ δέ, τοῦ παιδὸς τοῦ ἑωτοῦ, πλὴν κεφαλῆς τε καὶ ἄκρων χειρῶν τε καὶ ποδῶν ταῦτα δὲ χωρὶς ἔκειτο ἐπὶ κανέῃ κατακεκαλυμμένα.

In eadem Aegisthi oratione v. 1568 haec sunt de Thyeste, postquam rem cognoverit:

μόρον δ' ἄφερτον Πελοπίδαις ἐπείχεται,
λάκτισμα δείπνου συνδίκως τιθεὶς ἀρᾷ.

Versum secundum Abreschius, Animadv. in Aeschyl. lib. II, c. 23 p. 399 sic convertit: despectum in convivio detestans ac diris devovens, additque deinceps: „poterat eodem, opinor, sensu scribi τιθεὶς ἀρὰν.“ Hoc Hermannus recepit, et mirum est non ab omnibus receptum esse, qui de sententia loci idem atque Abreschius sentirent. Nam ἀρᾷ τιθέναι τι, aliquid diris devovere, graece non dici certum est:^{6a}) alterum illud, ἀρὰν τιθέναι h. e. ἀρὰν ποιεῖσθαι, potuit fortasse videri pro ἀρᾷσθαι dictum esse, et ἀρὰν τιθέναι τι pro ἀρᾷσθαί τι eodem modo, quo supra, v. 781, ἀνδρὸν θνήσκει Ἰλίου φθορὰς ψήφους ἔθεντο pro φθορὰς ἐφηφίσαντο. Utque multa, alias incredibilia, in Aeschylo tamen credibilia visa sunt, sic potuerunt fortasse etiam ἀρὰν τιθέναι τι (v. ἀρᾷσθαί τι) ferendum putare pro eo quod est: 17 aliquid cum execratione exprobrare. Iam vero quid est λάκτισμα δείπνου? Impiam hospitalis mensae violationem, inquit Schützius, elegantius quam Abreschius, sed sensu non diverso, conferrique iubet locum iam ab hoc citatum, Lycophr. v. 137, ubi de

6a) Tamen fuit qui hoc crederet, comparans hanc locutionem cum ea, quae est apud Archilochum: τοῖς θεοῖς τίθει τὰ πάντα.

Paride dicitur: ἔτλης θεῶν ἀλοιτὸς ἐκβῆναι δίκην, λάξας τράπεζαν κάνακνυπώσας θέμιν. Itaque voluerunt illi λάκτισμα δείπνου idem esse quod ἀτίμωσιν τραπέζας, quemadmodum Aeschylus supra loquutus est v. 677; quodque de Paridis iniuria recte dicitur, idem etiam de Atrei facinore dici potuisse opinati sunt. Miror Schütziū, elegantis alioquin ingenii virum, et hoc nomine ceteris interpretibus plerisque longe praestantiozem, non persensisse, quam hoc incredibile et poeta vel mediocri, nedum Aeschylō, indignum esset. Namque Paridis peccatum, quamvis vituperabile et iusta deorum animadversione dignum, tamen, si cum Atrei facinore comparatur, leve et humanum videri debet. Ille, alienae mulieris amore captus, hospitii ius violavit; Atreus, fratris odio inflammatus, sanctissima naturae iura conculcavit, innocentī puerorum sanguine se polluit, filiorum viscera patri comedenda dedit, denique id sceleris commisit, cuius atrocitatem nullo satis gravi verbo notare licet, quod omnem humanitatis captum excedit, adeo ut Sol ipse, qui tot hominum scelera quotidie intuetur, tamen hoc conspecto oculos obvolvissē dicatur. Et Thyesten, tam immani facinore laesum, nihil aliud conquestum esse, quam mensae hospitalis aut potius convivii violationem? idque non aliquem de trivio versificatorem, sed Aeschylum, omnium, quotquot fuerunt, poetarum longe principem sic fecisse? Absit ab illo dedecus hoc; absint interpretes talia ferentes! Satiū profecto fuerat, illos audire, qui Thyesten comperto facinore exsilire de sede mensamque eversam pedibus conculcare fecerunt, quae sententia, quamvis manifesto falsa neque ullo modo ex Aeschyli verbis elicienda, tamen, si rem ipsam intuearis, minus inepta minusque hoc poeta indigna videri debet. Quid autem Aeschylus dixerit, statim patet. Nota sunt ex Homero ἀναθήματα δαιτός, μολπή καὶ φάρμαγξ, quum vel cantor aliquis epulantes cantu suo oblectat, vel ipsi quoque convivae per vices canunt: eaque coenae oblectamenta ἀκροάματα sunt vel ἀκούσματα, quod vocabulum apud Atticos magis quam illud alterum usitatum fuisse grammatici testantur. Nunc autem, in hoc infausto Atrei convivio, pro cantu hilari et delectabili dira Thyestae vox audita est, quum iustam domui perniciem imprecaretur,

ἄκουσμα δείπνου συνδίκως τιθεῖς ἄρᾶν.

Nullo amplius verbo opus est. Tantum de adverbio συνδίκως addam, non videri id mihi, cum Hermanno, trahendum ad proximum versum, οὕτως ὀλέσθαι πᾶν τὸ Πλεισθένους γένος, et significare i. q. communiter, communi iustitia, sed esse potius i. q. πρεπόντως. Nam

σύνδικον, praeter vulgares significationes, etiam id esse puto, quod alicui recte et condecorer conveniat: neque enim diversae stirpis sunt *δίχη* et *decei*. Sic Pindarus, quum phormingem dicit Apollinis et Musarum *σύνδικον κτέανον*, non communem his sed aptam atque decentem dicit, atque sic Aeschylus, quum Thyesten pro acroamate convivii diras devotiones *συνδίκως* inelamasse dicit, id eum iuste reique atroci condecorer fecisse dicit, potuitque eodem sensu etiam *ἐνδίκως* dicere.

Perpetrato facinore ab Atreo sese adhuc parvulum cum patre terra 19 expulsum esse Aegisthus memorat v. 1573:

*τρίτον γὰρ ὄντα μ' ἐπὶ δέκ' ἀθλίῳ πατρὶ
συνεξελαύνει τυτθὸν ὄντ' ἐν σπαργάνοις.*

Tredecim Thyestae filios fuisse nemo memorat: tres tantum aut a nonnullis quattuor fuisse dicuntur. Neque ipsum per se credibile est, duodecim ab Atreo mactari potuisse. Recte igitur Emperius locum corruptum esse iudicavit; sed quae ab eo correctiones proponuntur, in Diurn. antiquar. ann. 1835, una p. 635, *τρίτον γὰρ ὄντα μ' ἔλιπε καὶ θλίῳ πατρὶ συνεξελαύνει*, altera p. 1000, *μ' ἐπὶ δέσ' vel ἐπὶ δέ' ἰθὺ πατρὶ*, harum neutram probabilem esse quilibet haud dubie Hermannus assentietur. Ipse Hermannus scripsit: *τρίτον γὰρ ὄντα μ' ἐπίδεχ' ἀθλίῳ πατρὶ*, novum et inauditum vocabulum commentus *ἐπίδεξ*, idque passive dictum suspicatus „de eo, qui post alios acceptus sit, ut hic de Aegistho post mactatos fratres patri nato.“ Ad hoc genus coniecturae non facile confugiendum est, nisi quum ceterae viae aut emendandi aut interpretandi frustra tentatae sunt. Hoc autem loco permirum est nemini in mentem venisse *τρίτον γὰρ ὄντα μ' ἔτι*, praeterquam uni G. C. W. Schneidero, qui anno 1839 Agamemnonem cum commentario edidit sane futilissimo et absurdissimis nugis referto, quae causa fuisse videtur, ut nemo eum inspicere aut quae ab homine tam imperito et insulso prolata essent repetere voverit. Haec tamen coniectura nequaquam spernenda erat. Duobus pueris mactatis, tertius adhuc superstes erat: id et conveniebat dici et dicitur aptissime: *τρίτον γὰρ ὄντα μ' ἔτι*. *Δεκάθλιος* autem non est verendum ne quis cum eodem Schneidero itidem ut *τρισάθλιος* dictum esse credat. Scribendum erit *δισαθλίῳ*. Nisi quis forte hoc propterea spernat, quod nimis facile inventu est. Nam sunt sane nonnulli tam inepte fastidiosi, et illius, cuius supra mentionem feci, venatoris similes, ut quae in medio

posita sunt arripere nolint, longius remota quaerant, scilicet sagacitatis laudem ex his maiorem fore rati.

Aliquanto plus negotii facessunt priores tragoediae partes inde a parodo chori usque ad quartum s. Cassandrae episodium, in quibus praeter leviores quasdam corruptelas non pauca tam graviter affecta sunt, in melicis praesertim, ut de certa atque indubitabili emendatione, nisi quando meliores codices reperti fuerint, desperandum esse videatur. Dicam nunc non quidem de omnibus, sed de praecipuis, versuum ordinem sequens. Itaque in anapaesticis v. 97 sqq. ubi chorus Clytaemnestram alloquitur:

τούτων λέξας ὅ τι καὶ δυνατόν
καὶ θέμις αἰνεῖν
παίων τε γενοῦ τῆσδε μερίμνης,

non offendor equidem liberiore verborum structura, qua praeter necessitatem τὲ particula addita est⁷⁾, sed infinitivum illum αἰνεῖν permu-
19 tandum esse aio cum verbo finito αἰνεῖ. Tulerunt infinitivum qui αἰνεῖν idem quod λέγειν, δηλοῦν aliaque indicandi verba significare posse crediderunt, quod mihi secus esse videtur, quaeque ad probandam istam sententiam afferunt, omnia diversi generis sunt. Velut quod a Klausenio citatur, Ag. v. 1449, ἡ μέγαν — δαίμονα καὶ βαρύνησιν αἰνεῖς, licet potuisset etiam λέγεις dici, tamen αἰνεῖς fortiolem habet praedicandi notionem, quae in altero non inest. Choeph. v. 187, ἐγὼ δ' ὅπως μὲν ἄντικρυσ τὰδ' αἰνέσω — est i. q. approbem, de coniectura ante proposita. Ib. v. 276 Hermannus recte scripsit τὰς δ' αἰνῶν νόσους, αἰνῶν autem non est simpliciter dicens, sed denuntians, praedicens. In incerta fabula fr. 305. γένος μὲν αἰρεῖν ἐκμαθὼν ἐπίσταμαι Αἰθιοπίδος γῆς, eodem sensu αἰνεῖν dictum est, quo εἵχεσθαι apud Homerum. Choeph. v. 549, αἰνῶ δὲ κρύπτειν τὰσδε συνθήκας ἐμάς, est i. q. παραινῶ, iubeo, suadeo, quemadmodum Suppl. v. 165, αἰνῶ φυλάξαι τὰμ' ἔπη δειλτουμένας et Soph. Phil. 1380, ὦ δεινὸν αἶνον αἰνέσας, τί φῆς ποτε; Denique

7) De hac anacoluthia satis ab Hermanno dictum est, et video Doederlinum quoque, qui alia non pauca exempla interpretando removit, huic loco pepercisse, Lectt. Hom. spec. II, p. 9. Naekius ad Valer. Cat. p. 299 etiam latina quaedam huius generis exempla habet, in quibus Vergilianum illud Aen. IX, 401: Suspi-
ciens altam lunam et sic voce precatur, ubi deletam ab Heynio copulam Wagnerus et nuper Paldamus noster restituerunt.

nullum locum inveniri arbitror, in quo non adiuncta huic verbo appareat aliqua aut praedicandi et laudandi, aut approbandi, aut suadendi, praecipendi, admonendi significatio, vel, ut una definitione omnia complectar, *αἰνεῖν* non est dicere simpliciter vel indicare, sed semper habet aliquam iudicii ac voluntatis adsignificationem, quae eadem est etiam in substantivo *αἶνος*. Hinc fabulae *αἶνοι* dicuntur, quoniam hoc genus narrationum semper aliquid praecepti in se habet: et Ulixis quoque narratio, Od. XIV, quam manifestum est eo consilio narrari, ut admoneatur Eumacus vestem argenti praebendam esse, propterea ab Eumaeo, mentem Ulixis perspiciente, *αἶνος* dicitur, v. 508. Quum autem *αἶνος* de threno dicitur, velut Ag. v. 1513 manifestum est, hic quoque significationem alicuius praedicationis obtinere. — Hinc igitur apparere puto, nostro loco *αἰνεῖν* ferri non posse, sed scribendum esse, *ὁ τι — Θέμις αἰνεῖ* h. e. quod Fas te dicere vel iubet vel approbat sive sinit.

Omnium vexatissimus locus est v. 105:

— — ἔτι γὰρ θεόθεν καταπνέει
πειθῶ μολπὰν ἀλλὰν σύμμετος αἰών.

de quo si diversas interpretum sententias omnes percensere vellem, liber mihi conscribendus esset. Tenuerunt nonnulli codicum lectionem, quam Klausenius sic interpretatur: dii me ad canendum suscitaverunt iustique temporis adventu fiduciam suppeditaverunt. De iusto tempore mox: nunc de iusta verborum constructione videndum erit. Unum habemus nominativum, *αἰών*, verbum item unum *καταπνέει*, accusativos autem ab hoc verbo pendentes tres *πειθῶ*, *μολπὰν*, *ἀλλὰν*. Non poterunt igitur, qui rectae constructionis leges servare volent, aliter haec accipere, quam ut *αἰών* sive tempus inspirare dicatur fiduciam, cantum, robur. Additum adverbium *θεόθεν* significabit, hoc fieri divinitus. Quid igitur? deorumne numine hanc vim tempori tributam esse dicemus, ut illa tria inspiret? an *θεόθεν* ad unum accusativum *πειθῶ* pertinere censebimus, ut significetur, fiduciam illam, quam tempus inspiret, divinitus inditam esse? Sic ergo dii potius quam tempus eam inspirare dicendi erant, idque Klausenius quoque sensisse quodammodo videtur, quum in interpretando deos tanquam subiectum enuntiationis ponat. Quamquam qua ratione reliqua verba construxerit, nullo modo perspicitur. Certissimum est autem, rectam sanamque eorum constructionem nullam esse. Schützius in ed. minore ann. 1800 edita *πειθῶ* nominativum esse statuit, lo-

cumque sic convertit: adhuc enim fiducia divinitus immissa cantum inspirat, potentiam vero aetas congenita, additque in parenthesi: quia illud, quod narraturus sum, ipse vivendo attigi. Omitto durissimum prorsusque incredibile asyndeton: nam debebat *ἀλλὰν δὲ σύμφ. αἰών* dici: omitto magis incredibile obscuritatem dicendi, ut *σύμφυτος αἰών* sit vitae tempus rei gestae aequale; tantum de potentia illa quaeram, quae qualis sit. Nempe eam Schützius intelligit, quam chorus ipse paullo ante significavit, quum dixit *κέρως εἰμι θροεῖν*. Atqui hoc significat potius fas est me dicere; aut si maxime potestatem significari dicas, interest tamen aliquid inter potestatem et potentiam, neque unquam ququam, qui quidem graece sciat, eiusmodi canendi potestatem *ἀλλὰν* dici potuisse concedat. Bothius, quemadmodum ex Dindorfii annotatione video, (nam ipsius Bothii editionem inspicere non potui,) scribi voluit: *ἔτι γὰρ θεόθεν καταπνεῖει πειθῶ μολπῶν ἀλλὰ σύμφυτος αἰών*, idque convertit: nam adhuc viribus coniuncta aetas divinitus inspirat fiduciam canticorum: neque aliter O. Müllerus in Script. minor. 1 p. 277, cuius haec est conversio: denn noch haucht mir durch Götterhülle die Zuversicht der Lieder das der Kraft nicht gestorbene Alter ein. Atqui primum *ἀλλὰ ξύμφυτος αἰών* nullo modo dici potuit aetas senilis adhuc vicens viribus, sed ea demum aetas, cui robur natura sua insitum est, qualis est virorum, non senum, ex quibus chorus constat. Deinde robusta aetas nullam potest inspirare fiduciam, nisi talium rerum, ad quas robore opus est. Num igitur robore opus est ad rerum memoriam cantu repetendam? Non est verendum, ne quis lateribus tamen robustis opus fuisse dicat ad laborem canendi perferendum. Porro quid sibi vult illud *θεόθεν*? An peculiari quodam divino auxilio opus fuit ad istam fiduciam, quam quilibet satis robustus ex ipso robore suo capere posset? Divinitus indita illa potius fiducia vilebitur, si quis aliquid supra vires suas atque robur tamen fidenter suscipit. Denique *πειθῶ μολπῶν* non potest significare fiduciam ad canendum: neque enim unquam *πειθῶ* cum genitivio rei de tali fiducia dicitur, qua quis ad suscipiendam rem impellitur. Neque igitur Franzii ratio probari potest, qui *πειθῶ μολπῶν* eodem sensu dictum, *ἀλλὰν* autem de expeditione bellica accipit, ut *αἰών ἀλλὰ σύμφυτος* sit tempus huic bello satis praefinitum, quod quum nondum praeterierit, hinc fiduciam canendi senibus inspirari, quia sperent scilicet adhuc victoriam post certum tempus promissam.

Hermannus recte quidem intellexit, *πειθὼ μολπᾶν* isto sensu dici non potuisse, ideoque *πειθὼ* nominativum esse statuit et verbi *καταπνέει* subiectum, cui pro obiecto *μολπᾶν*, accusativo casu, adiungit, sed de reliquorum verborum sententia non magnopere a Franzio discrepat. Nam *ἀλλάν* et ipse de bello, *αἰῶνα ἀλλᾷ σύμφετον* de tempore accipit quod bello satis praelinitum sit, constructionem vero hanc esse putat, ut *ἀλλᾷ σύμφετος αἰὼν* per appositionem adiectum sit ad *πειθῶ*, quo significetur id quo nitatur ea fiducia. De huiusmodi appositione quid alii sensuri sint nescio: mihi quidem vix credibilis esse videtur. Deinde, ut possit *ἀλλά* de bello accipi, — quamquam locorum, ubi sic accipi potest, velut Sept. ad. Theb. v. 855 aliorumque ab aliis citatorum diversa tamen ab hoc nostro ratio est; sed hoc nunc disputare non vacat, — certe *ἀλλᾷ σύμφετον αἰῶνα* „satis usitato genere 21 dicendi,“ ut Hermannus autumat, de tempore satis ad bellum perficendum destinato dici potuisse nunquam credam, neque quae ab Hermannus ad comprobendam hanc interpretationem exempla afferuntur quidquam similitudinis habere existimo. Horum alterum est Soph. Oed. Col. v. 7: *στέργειν γὰρ αἱ πάθαι με καὶ χρόνος ξιγῶν μακρὸς διδάσκει*: atqui aliud est *ξιγῶν*, aliud *σύμφετος*, aliud est tempus cum re coniunctum, sive per quod ea res permansit, aliud autem tempus rei nondum peractae sed adhuc peragendaes satis praelinitum. Alterum exemplum est Oed. R. v. 1082: *οἱ δὲ συγγενεῖς μῆνες με μικρὸν καὶ μέγαν διώρισαν*, ubi *συγγενεῖς μῆνες* sunt menses vitae meae aequales, qui me nascente coeperunt, quasi mecum nati sunt, unaque mecum adoleverunt creveruntque, non autem menses vitae meae satis praeliniti. *Σύμφετον* autem, praeter propriam significationem, de eo dicitur, quod cum altero natura sua coniunctum est, vel quod alteri congruum atque consentaneum est, ut aut consequatur ex eo, ut ex causa effectus, aut signat alterum, ut effectum causa *). Ita-

8) Sic infra, v. 141, Iphigeniae sacrificium Calchas dicit *νικέων τέκτονα σύμφετον*, ex quo Clytaemnestrae odium erga maritum quasi naturaliter ortum est. Magnopere enim falluntur, qui hoc per hypallagen dictum volunt pro *νικέων συμψύτων*, idque de odiis inter cognatos interpretantur. Neque enim cognati (*σύμφετοι*) inter se fuerunt Agamemnon et Clytaemnestra. Rectius hypallagen esse dicemus in altero, quod ibi additur, epitheto *οὐ δεισιγρόφα*. Nam expectari potius debebat *νικέων οὐ δεισιγρόφων*. Sed haec hypallage neque dura neque insolens est, similiaque exempla complura tractata sunt ab Ellendtio, Lex.

que ἀλκῇ σύμφυτος αἰών, si unquam aliquid, hoc quidem certe, quod viri doctissimi voluerunt, significare nunquam poterit. Manifestum est igitur aliquam corruptelam subesse, idque etiam Schützium, non quidem anno 1800 sed tamen anno 1784, quum priorem de maioribus, editionibus rursusque anno 1811, quum alteram publicaret, persensisse video. Scripsit enim in utraque πειθῶ — ἀλκῇ σύμφυτος αἰέν. Neque tamen hoc αἰέν verum esse puto, sed scripsisse Aeschylum arbitror

ἔτι γὰρ θεόθεν καταπνέει

πειθῶ μολπὰν ἀλκῇ σύμφυτον ἔδειν.

h. e. adhuc enim divinitus fiducia inspirat mihi cantum fortitudini congruum (h. e. qualem sortes canunt)^{8a)} canendum. Nam μολπὰ ἀλκῇ σύμφυτος est i. q. μολπὰ ἄλκιμος. Corruptela nata est ex unius litterae δ omissione: quippe postquam αἰέν pro αἰδεῖν scriptum fuit, id a librariis aut a correctoribus in αἰών mutatum est.

In eodem cantico v. 115 haec sunt de duabus aquilis gravidam leporem devorantibus:

βοσκόμενοι λαγίναν ἐρικύματα φέρματι γένναν
βλαβέντα λοισθίων δρόμων.

Et φέρματι etiam in Mediceo legi Franzius et Hermannus aiunt, quum alii φέρματα ex eo codice enotarint, ut a Turnebo scriptum est. Debebat utique hoc reponi, itemque ἐρικίμονα, quod in Flor. et Farn. 22 extat, pro ἐρικύματα. Dativus correctoribus debetur, qui gravidam leporem non putabant φέρματα dici potuisse vel propter numerum pluralem, quum non plus una esset, vel propter ipsam formam vocabuli, quae id potius, quod gereretur in utero, quam matrem in utero gestantem significare videretur. Atqui huius formae vocabula non raro etiam activam significationem habent, velut ὄμμα est quod videt, non quod videtur, ἔχμα apud Hom. quod retinet, non quod retinetur, μέλιγμα, id quod placat aliquem, non quod placatur, μνημα, quod monet, non quod

Soph. II, p. 84, qui unus omnium subtilissime de hac figura exposuit. — Ceterum quoniam versus 141 mentionem feci, addam obiter, non videri mihi aliquid excidisse; sed si quid tamen exciderit, id neque μῆνιν, cum Lachmanno, neque φῶτος, cum Hermanno, sed infinitivum potius χρᾶναι esse crediderim, pendentem illum a σπινδομένη.

8a) Hoc ne de robusta voce acciperetur non verebar: et tamen id censori cuidam accidisse video. Idem etiam ΑΙΔΕΙΝ in ΑΙΩΝ corrumpi nunquam potuisse tanquam de tripode pronuntiavit.

netur, *δορυφόρημα* dicuntur οἱ *δορυφοροῦντες*, quiu *λάλημα* apud Soph. Ant. v. 320 est ὁ *λαλῶν*. Pluralem autem huiusmodi abstractorum saepenumero etiam de uno dici videmus, velut *Πιτθέως παιδεύματα* de Ippolyto apud Eurip. Hipp. v. 11. *συγκοιμήματα* de una uxore apud eundem Androm. v. 1274, *τεχνήματα* de uno poculo Soph. Phil. v. 36; aliaque apud Wakefield. Silv. crit. IV p. 48, Porson. append. ad Toup. p. 402 et ad Eur. Or. v. 1051, qui usus quum non una ubivis ratione explicandus sit, hoc quidem loco pluraliter *φέρματα* una lepus propterea dici potuisse videtur, quia plures in utero fetus gestabat, ideoque non simpliciter sed multipliciter *φέρμα* erat. Scribendum igitur: *λαγίνας ἐρικύμονα φέρματα γέννας*: idque iam Pri-enium voluisse video ⁹⁾.

Cantat deinde chorus, ut angantur improbi scelerum conscientia 23 utque deorum castigatione etiam repugnantes ad sanam mentem revocentur, v. 166 sqq.:

στάζει δ' ἐν θ' ὕπνῳ πρὸ καρδίας
μνησιπήμων πόνος, καὶ παρ' ἄκοντας ἤλθε σωφρονεῖν.

Mirum est codicum scripturam ἐν θ' ὕπνῳ tamdiu ab editoribus tolerari potuisse, licet copula τὲ nullam aptam explicationem admittat: nam quod quis fortasse dicat, respondere ei proximum καί, ineptum est. Recipienda igitur est Emperii emendatio ἀνθ' ὕπνου, qua recepta etiam hoc intelligitur, qua ratione verbum στάζει ab Aeschilo usurpatum sit, quod Klausenius mirifice interpretatur de sanguine incitato, nuper autem nonnemo corrigendo remove conatus est. Nempe στάζειν eleganter de somno dicitur, quem solent poetae cum rore comparare fessis corporibus instillato eaque recreante. Ὑγρὸς γὰρ ἐστὶν ὁ ὕπνος, inquit Orus in Etymol. M. p. 80, 33, eoque refert Homericum illud νήδυμος ἀμφιχυθείς, cuius similia ἐπὶ γλυκὺν ὕπνον ἔχειεν aut περὶ δ' ἀμβρόσιος κέχυνθ' ὕπνος Heynius ad Verg. Aen. III, 510, comparavit cum latini poetae dictione: fessos sopor irrigat artus. Et frequentatur maxime a latinis poetis haec imago, ut Verg. Aen. I, 692: Venus Ascanio placidam per membra quietem

9) De versibus 127 et 137 dixi Gottingae in conventa philologorum ann. 1852, quae, quoniam disputatio mea in Actis eius conventus edita est, repetere hoc loco nolo. Tantum dico, in altero versu οἰκτῶ mihi pro οἰκῶ scribendum videri, alterum autem locum sic relegendum: *τερπνὰ τούτων, αἰτῶ, ξύμβολα κρῖναι, δεξιὰ μέν, κατάμομφα δὲ φάσματ' Ἀτρεΐδαιν*.

irrigat. Sil. Ital. X, 355: oculisque quietem inrorat. Alia dabunt Barth. ad Stat. Theb. II, 144. Burm. ad Valer. Flacc. II, 16. VIII, 72. Drakenborch. ad Sil. Ital. VIII, 121. notavitque ad Stat. VI, 27 scholiastes: sic somnus a pictoribus simulatur, ut liquidum somnum ex cornu super dormientes videatur effundere. — Improbis autem, inquit Aeschylus, non somnus instillatur in praecordia, sed pro somno cura et sollicitudo. *Πρὸ καρδίας* enim est i. q. in praecordia, quorum etiam graecum nomen *τὸ προ-κάρδιον* est. — Sequitur deinceps

*δαιμόνων δέ που χάρις βίαιος,
σέλμα σεμνὸν ἡμένων.*

Sic enim, *βίαιος*, scribendum est, non *βιαίως* cum codicibus, neque *βίαια* cum Hermanno, qui hoc pro adverbio esse et cum secundo versu coniungi voluit, prioribus numeris et minus apta sententia. Nam *βιαίως ἴσθαι* de eo demum aliquis dicet, quem significare vult sedem per vim occupatam tenere, id quod etiam si potuit de diis iunioribus dici, qui veteribus pulsus regnum obtinuerunt, tamen ut hoc loco commemoraretur nihil opus fuit. Contra aptissime *χάρις βίαιος* dicitur hoc genus beneficii divini, quum homines malis admoniti ad sanam mentem revocantur, ut *ἄκοντες σωφρονεῖν* discant habeantque, ut paullo ante dictum est, v. 164, *τῷ πάθει μάθος*. Et ut *χάρις βίαιος*, sic etiam *εὐμενὴς βία* dicitur Suppl. v. 1038. Quae una causa Hermanno obstitit, quominus verum agnosceret, metrica fuit. Nam quum in antistropho v. 178 *παλιρρόθοις* legatur, in strophico amphibrachyn necessarium esse credidit. Sed correxerunt illud Ahrensius et Franzius, alter *παλιρρόχοις* scribens, alter, hoc non improbo, etiam *παλιρροίβοις* proponens. Quidni autem *παλιρροίοις*? Nam omnes tres formae pariter et solitariae et ad analogiam recte factae sunt. Ceterum *βίαιος* etiam feminino genere dici nemo sibi probari postulabit. De numeris autem dubitare, qui aures habent, non poterunt, quin rectius prior versus in *βίαιος* finiatur, quam alter a *βίαια* incipiat.

Recte autem Hermannus scripsit v. 184:

- 24 *τρίβη κατέξαινον ἄνθος Ἀργούς,*
pro eo, quod codices habent, *Ἀργείων*, quod ex interpretamento ortum est numerosque corrumpit. Nam corripi mediam syllabam, id quod nonnulli voluerunt, non licet. Sed in antistrophis v. 196. 7 minus probo quod ab Hermanno scriptum est

μιαίνων παρθενοσφάγοισιν

πέλας πατρίους χέρας θέεθροις.

Codices habent *μιαίνων παρθενοσφάγοισιν θέεθροις πατρίους χέρας βωμοῦ πέλας*. Non dubito autem, quin hoc *βωμοῦ πέλας* a correctore sit, qui quum excidisset praeposito *πρό* ante *βωμοῦ*, sarcire lacunam conaretur, inductus etiam fortasse corrupta strophici versus lectione *Ἀργείων*, si eodem quo recentiores quidam errore id pro cretico habuit. Sed etiam *θέεθροις* aliquo casu inductum est pro vera scriptura *ῥοαῖς*, quam reponendam esse strophicus versus demonstrat. Denique in strophā cur Aeschylum *τρέβω*, insolitam hoc sensu formam, praetulisse alteri *τρέβῃ* censeam, nullam causam video. Nam codicum nostrorum in huiusmodi re nulla auctoritas est.

In eadem antistropho, ubi Agamemnonis verba referuntur de postulato filiae sacrificio anxie deliberantis, haec leguntur v. 199 sqq.:

πῶς λιπόνανς γένωμαι ξυμμαχίας ἀμαρτῶν;

παισανέμου γὰρ θυσίας παρθενίον θ' αἵματος ὀργῇ
περιόργως ἐπιθυμεῖν θέμις· εἰ γὰρ εἴη.

de quorum lectione atque interpretatione multa a multis admodum inter se diversa prolata sunt, quae repetere et confutare longum est. Mihi quidem non dubium est, quin hoc a choro dicatur: Agamemnonem, posteaquam aliquamdiu incertus animi fluctuaverit, postremo concedendum esse sociorum voluntati filiamque immolari debere statuisse: neque enim nefas haberi posse, quod tam vehementer id ab exercitu flagitaretur, quandoquidem aliter placari Diana obstaculumque ab ea expeditioni obiectum removeri non posset. De sententia, quin aptissima sit, nemo facile ambiget. Immo necesse fuit hoc dici, non nefariam Agamemnoni visam esse sociorum flagitationem; nam sic demum intelligi potest, cur concedendum esse, quamvis aegre, tandem tamen animum induxerit. Ad infinitivum *ἐπιθυμεῖν* subaudiendam aliquis dixerit *τὴν ξυμμαχίαν* superius nominatam: nam significari *τοὺς ξυμμάχους*; ego tamen Aeschylum subiectum disertius significasse credo, sic: *ὀργῇ περιόργω σφ' ἐπιθυμεῖν θέμις*. Sed postrema tria verba haud dubie corrupta sunt. Hermannus quidem ea sic explicari posse autumat, ut subaudiatur sententia, ad quam causalis particula *γὰρ* referatur, nempe: sic fiat. „Ita“, inquit, „quod brevissime dixit poeta, accipiendum est hunc in modum: nam, quoniam evitari non potest, optandum ut bene vertat.“ Ergo, quamvis subaudias illud sic fiat, nondum tamen procedit interpretatio

nisi etiam amplius aliquid subaudiatur. Tale artificium interpretandi non vereor ne multis placiturum sit: mihi quidem perquam improbabile videtur. Suspiscabar aliquando Aeschylum scripsisse: *εἰ δ' ἄρ', εἰεν*: quod si ita est, age — esto — fiat! Nam *εἰ δ' ἄρα* sic elliptice usurpatur, ubi, quid subaudiendum sit, e superioribus obscurum esse non potest, ut hoc loco *εἰ δ' ἄρα θέμις ἐστί*. Sic Demosthenes loquitur, Mid. p. 559, 26: *ἐπεὶ περικαυθεῖς τὰ ὄντα ἴσως μὲν οὐκ ἂν ἐβρίζοι· εἰ δ' ἄρα, ἐλάττονος ἄξιός ἔσται*. Nunc autem nihil mutandum esse iudico praeter unam litteram: pro γάρ enim τᾶρ scribendum est. Nam τᾶρα h. e. τοῖ ἄρα usurpatur, ubi aliquid consequens esse cum quadam asseveratione ponitur, ut hoc loco: quandoquidem fas est sacrificium ab exercitu flagitari, ergo optandum est certe, ut bene eveniat. Quam saepe τᾶρ et γάρ permutentur a librariis nemo nescit. Cf. Ellendt. Lex. Soph. I p. 215.

In postrenis huius cantici verbis, v. 240.

*πέλοιτο δ' οὖν τὰπὶ τοῖτοισιν εὐπραξίς, ὥς θέλει
τόδ' ἄγχιστον Ἀπίας γαίης μονόφρουρον ἔρως,*

quid sit illud ἄγχιστον ἔρως non intelligo. Schützius quidem cum aliis Clytaemnestram designari putans, „chorus“ inquit „de regina loquitur, quam propius ad se accedere videt.“ At quis unquam alterum propius accedentem huiusmodi adiectivo, superlativo praesertim, designavit? Scholiastes τὸ συγγενικὸν interpretatur, videturque de senibus accepisse terrae ipsius, quam tuentur, utpote patriae suae quasi proximis cognatis. Blomfieldius contra eos designari credit, ad quos absente rege haec tutela proxime pertineat. In cassum laborant qui explicare inexplicabilia quovis modo conantur. Aeschylus scripsit *ἐπιστατον*, unde *ἄμιστον*, hinc *ἄγγιστον* et *ἄγχιστον* ortum est. Designant autem his verbis senes semet ipsi, utpote absente regi soli ad terram tuendam una cum regina relictī. Et comparari aptissime possunt cum illis Persarum senibus, qui a Xerxe in Persia relictī curas suas et consilia cum Atossa communicant, ipsique de se dicunt *τάδε μὲν Περσῶν* — *πιστὰ καλεῖται*. Nam quod Hermannus his Argivis obicit, stolidam et importunam esse iactationem, si *μονόφρουρον ἔρως* se dicant, qui paullo ante (v. 82) ipsi se *ὄναρ ἡμερόφραντον ἀλαίνειν* dixerint: non reputavit scilicet vir summus, illo loco tantummodo de bellico robore sermonem fuisse: hoc sese carere dixerunt, ad arma gerenda invalidos, puerorum adeoquo umbrarum similes. Nihilominus tamen iidem consilio satis valere possunt, et ut *πρόβου-*

λοι rei publicae praeesse. An vero, si Clytaemnestram cum Hermanno designari sumimus, plus bellici roboris in muliere quam in senibus fuisse dicemus?

In oratione Clytaemnestrae v. 271 sqq.:

ἱπερτέλης τε, πόντον ὥστε κοτίσαι,
 ἰσχὺς πορευτοῦ λαμπάδος πρὸς ἡδονήν
 πεύκης τὸ χρυσοφεγγές, ὥς τις ἥλιος,
 σέλας παραγγείλασα Μακίστου σκοπαῖς.

probandum est quod Hermannus scripsit σκοπαῖς: sed in explicanda totius loci structura frustra laboravit. Desideratur utique verbum finitum, idque intelligens Bambergerus sagacissima coniectura παραγγάρευσε pro παραγγείλασα proposuit. Id quum explicatum esset adscripto verbo usitato παρήγγειλε, hoc ipsum a librariis illius loco scriptum, ac dein a correctoribus metri causa in παραγγείλασα mutatum esse perquam veri simile est. Nisi quis forte illud potius πρὸς ἡδονήν in versu secundo vitiatum esse credat, permutandumque cum aliquo verbo finito, velut προηλάθῃ. Id mihi olim in mentem venit, ante quam Bambergeri emendationem nossem: nunc nescio an haec praefenda sit. — In eadem Clytaemnestrae oratione v. 259, quod 26 codices habent ὠτρυνε θεσμόν μὴ χαρίζεσθαι πινός, Hermannus cum aliis compluribus mutavit in μὴ χατίζεσθαι, quod interpretatur: ne desideraretur h. e. ne destitueret expectantes. Mihi probabilius videtur Aeschylum scripsisse μὴ χρονίζεσθαι, ne tardaretur. Cf. Sept. ad Thieb. v. 54: καὶ τῶνδε πύστις (sive πίστις) οὐκ ὄκνη χρονίζεται, in quo versu item χαρίζεται pro χρονίζεται scriptum est in Stobaei codice A., Floril. VII, 86.

Sequitur chori stasimum, praestantissimum illud quidem, sed aliquot locis adeo a librariis corruptum, ut plane intelligi nequeat. Primum in strophā prima, postquam dictum est, impios esse qui res humanas a diis respici et male facta puniri negent, haec leguntur, v. 358:

πέφονται δ' ἐγγόνους
 ἀτολμήτων ἄρη
 πνεόντων μεῖζον ἢ δικαίως.

Hermannus edidit: πέφονται δ' ἐγγόνοις ἀτολμήτως Ἄρη πνεόντων μ. ἢ. δ. idque interpretatur: apparuit natis intolerabiliter maiorem quam fas erat Martem spirantium. Quid apparuerit, e superioribus intelligi vult, nempe divinam male factorum animadversionem. Atqui haec nunc quidem non natis sive posteris (ἐγγόνοις),

sed ipsis qui deliquerunt apparuit. Loquitur enim chorus de Paride et Troianis: hos Iovis vindictam expertos esse, horumque exemplo patelli, non impunita esse hominum male facta. Itaque etiamsi verum est, maiorum delicta saepenumero a posteris demum lui, tamen in hoc contextu hanc sententiam non aptam esse apparet. Deinde haud scio quam recte illud *Ἀρη πνεόντων* de Paride atque Troianis dici potuerit. Nam Martem spirare dicuntur, qui ferocia aut odio instigati vim et arma spectant bellicae et certaminum cupidi sunt et hostilia perpetrant, quemadmodum infra v. 1194 Clytaemnestram videmus *ἄσπονδον Ἀρη φίλοις πνέουσιν*; Paridis autem et Troianorum delictum non ex tali ferocia aut odio natum erat, sed ex illius libidine, horum nimia securitate, quam diuturna felicitas opumque affluentia pepererat, *φλεόντων δωμάτων ἑπέρφειν*, ut est v. 361. Itaque recte Emperius *Ἀρη* ab hoc loco alienum esse intellexit, scripsitque *ἀρά*, quo vocabulo recepto iam aptum habemus enuntiationis subiectum: *πέφονται ἀρά*, apparuit perniciēs: quo sensu id vocabulum non solum ab epicis sed etiam ab Aeschilo usurpatur Suppl. v. 76. Merito hanc amici emendationem probavit doctissimus Bambergerus in programme gymn. Brunovic. a. 1835 edito p. 14, idemque pro *ἐγγόνους* non *ἐκγόνους*, quod propter eam quam exposui rationem improbandum est, sed *ἐκγονος* reponi voluit, ut dicatur perniciēs male factorum (*ἀτολμήτων*) progenies. Neque sane vituperanda est haec coniectura, sed probabilius tamen et minus etiam a librorum lectione distans est *ἐγγὺς οὔτ'*, unde quam facile *ἐγγόνους* fieri potuerit ipse aspectus docet. Atque habemus sic etiam accuratorem numerorum aequabilitatem: nam antistrophicus quoque versus 375, *μελαμπαγῆς πέλει*, in longam syllabam exit; eamque rem in Aeschilo haud parvi faciendam esse periti sciunt.

Longe corruptissima autem et plane pro desperata habenda est eiusdem stasimi strophæ secunda v. 394. Sed de hac antequam disputo, de antistrophæ videndum est, quæ, quamquam et ipsa non
 27 incorrupta, paullo certior tamen medicinam admittere videtur. Leguntur ibi v. 410 in codicibus hæc: *τὸ πᾶν δ' ἀφ' Ἑλλάδος αἶας στρομεμένοις πένθεια τηλεικάρδιος δόμων ἐκάστου πρέπει*. quæ qui scripserunt, *στρομεμένοις* haud dubie accipi voluerunt de iis, qui e Graecia in bellum profecti essent. Sic scholiastes: *τῶν συνηγμένων ἀπὸ τῆς Ἑλλάδος ἀπάντων τοῖς οἴκοις ὁδυνηρὰ πένθησις διαπρέπει*: neque aliter recentiores, velut Klausenius, qui vertit: omnino

vero iis, qui e Graecia profecti sunt, domi uniuscuiusque ortus est luctus animum affligens, et Schützius: propter eos qui e Graecia profecti sunt etc. Atqui hos si designare Aeschylus voluit, articulum participio addi necesse fuit; ne de casu dativo dicam, cuius commode explicandi nullam rationem video. Nam quod Schützius ei causalem significationem tribuit, habeat sibi. Scholiastes legisse videri possit *συνορμένων* et mox *δόμοις*; sed huic non multum tribuendum est. Aeschylum autem scripsisse crediderim *συνορμένα*, quod quum in vetusto codice, nostrorum omnium fonte communi, per compendium scriptum esset, hinc error describentibus obiectus, ut *συνορμένοις* ponerent, idque de militibus in bellum profectis acceptum necessario etiam alteri corruptelae ansam dedit, ut *ἀφ' Ἑλλάδος αἶας* scriberetur pro eo, quod scribendum erat, *ἐφ' Ἑλλάδ' αἶαν*. Possit etiam *ἀν' Ἑλλάδ' αἶαν* coniici; sed illud praefero propter faciliorem mutationem. Itaque versus habebimus hosce:

*τὸ πᾶν δ' ἐφ' Ἑλλάδ' αἶαν
συνορμένα πένθεια τλησικάρδιος
δόμων ἐκάστου πρόπει.*

Omnino autem per Graecam terram coortus luctus corda mordens unius cuiusque domus conspicuus est. Numeri concinni, sententia apta. Nam *τὸ πᾶν*, adverbii instar, omnino, in universum, recte dicitur propterea, quod, quum antea de unius Menelai eiusque domus dolore dictum esset, nunc ad universae Graeciae dolorem transitur: *ἐφ' Ἑλλ. αἶαν* dictum, ut *ἐπὶ γαῖαν εἰσὶ δύο* ap. Hes. O. et C. v. 11. et *ἐπ' ἀπείρονα γαῖαν* aliquoties apud Homerum.

Haec si non improbabiler restituta sunt, etiam de strophicis coniecturam audere licebit. In codicibus scriptum est: *πάρεστι σιγᾶς ἄτιμος ἀλοῖδορος ἄδιστος ἀφαιμένων ἰδεῖν*, nullis numeris nulla-que sana sententia. Iambicos versus restitui antistropha postulat, unde apparet non posse aut *σιγᾶς* aut *σιγῶς* aut *σιγῶν* scribi, quae omnia ab uno aut altero critico proposita sunt, sed *σιγᾶς* librarium errori deberi, nato illi ex geminatione duarum primarum litterarum vocabuli sequentis. Deinde in *ἀφαιμένων* syllabam secundam *ει* esse debere iam alii intellexerunt. Quenam autem probabilis verborum sententia fuisse videbitur? Cantat chorus, qualis dolor in domo Menelai excitatus fuerit propter Helenae fugam. Lamentabantur, inquit, domestici prophetae: *ὠὼ, ὠὼ δῶμα, δῶμα καὶ πρόμοι, ὠὼ λέχος καὶ στίβοι φιλόνορες*. His, opinor, non incommode talis sententia

subiungi potuit: *πάρεστι σῖγ' ἀτίμως — δόμους — ἀφειμένους ἰδεῖν*: licet videre domum silentio (h. e. sine valedictione) contumeliose desertam. Sic *σῖγ' ἀτίμως* coniunguntur etiam in Choepli. v. 86, et omnis enuntiatio comparari potest cum Eum. v. 168: *πάρεστι γὰς ὁμηγερέων προσδρακῖν αἱμάτων βλοσυρὸν ἀρόμενον ἄγος ἔχειν*. De duobus vocabulis, *ἀλοιδορος* et *ἄδιστος*, quid faciam nescio. Interim amplector Hermannii coniecturam, qui pro
 28 *ἄδιστος* reposuit *αἰσχιστ'*, in *ἀλοιδορος* autem, quod miris modis alii interpretari conati sunt, duo vocabula latere arbitror, alterum illud quod supra scripsi *δόμους*, alterum *ἔλαι* h. e. *ἄλα*, quo nomine fortasse desertricis Helenae fuga invidiose designari potuit. Sic versus existunt hi

*πάρεστι σῖγ' ἀτίμως
 ἄλα δόμους αἰσχιστ' ἀφειμένους ἰδεῖν.*

strophicis, quos supra posui, duobus prioribus ad amussim exaequati.

Initium antistrophae secundae in codicibus hoc est, v. 402 sqq.:

*ὄνειρόφαντοι δὲ πενθήμονες
 πάρεσι δόξαι φέρονσαι χάριν μεταίαν.
 μάταν γὰρ εἴτ' ἂν ἐσθλά τις δοκῶν ὄρᾱν,
 παραλλάξασα διὰ χειρῶν
 βέβακεν ὄψις κτλ.*

Hermannus in versu secundo *πάρεσιν δόξαι* reposuit, vere haud dubie, nisi quod *δοκαί* potius scribendum fuisse Dindorfius monet; in quarto *παραλλαγαῖσι*, si minus vere, haud procul tamen a vero. Sed in constructione versus tertii et sequentium expedienda falli videtur. Nam quod ait *μάταν* coniungendum esse cum *βέβακεν*, reliqua autem brevius dicta esse pro *εἴτ' ἂν ἐσθλά τις δοκῶν ὄρᾱν ὄρᾱ*: haec brevis inaudita atque incredibilis est, nec puto recte *μάταν* cum *βέβακεν* coniungi posse propter sententiam. Scripsisse Aeschylum suspicor:

*μάταν γὰρ ἤκτι' ἂν ἐσθλά τις δοκῶν ὄρᾱν,
 παραλλαγῇ δὲ διὰ χειρῶν
 βέβακεν ὄψις —.*

In eiusdem cantici antistrophæ tertia v. 449, ubi in codicibus scriptum est,

βάλλεται γὰρ ὅσσοις Διόθεν κεραυνός.

ὅσσοις Hermannus in hanc sententiam interpretatur, ut lumine oculorum et vita privari dicantur quos Iovis fulmen feriat. Id non magis

credo, quam quod Klausenio placuit, fulmen oculis Iovis emissum dici. Scribendum erit *ὄξυς*.

Denique in epodo v. 454 codices habent:

*πόλιν δίκηι θεὰ βάξις· εἰ δ' ἐτητύμως,
τίς οἶδεν; ἢ τοι θεῖόν ἐστι μὴ ψέθος;*

Hermannus *ἐτητύμος* scripsit, cum Aurato, et *εἰ τι* pro *ἢ τοι*. Est autem vel sic perquam inelegans oratio: verusne sit rumor, quis scit? nisi divina aliqua fraus est. Nam quum prius illud verusne sit rumor, quis scit? ostendat eum, qui sic interrogat, de veritate rumoris dubitare, non conveniebat huic dubitationi illud nisi —, h. e. conditionem negativam adiungi, quasi aliquid illi dubitationi opponeretur. Nam nisi sic demum recte diceretur, si superiora verba confidentiani, non dubitationem significarent. Accedit, quod etiam *μὴ* loco insolito positum iustam offensionem habet. Itaque scribendum est: *οὐδ' ἐτητύμως τίς οἶδεν, ἢ τι θεῖόν ἐστιν ἢ ψέθος*. Nam *ἐτητύμως εἰδέναι* 29 proba loquutio est, qua utitur Aeschylus etiam infra v. 1255: *ἢ — ἢ* pro *πότερον* — *ἢ* non solum epici dicunt, de quibus nemo dubitat, sed etiam tragici, de quibus sine causa Hermannus controversiam movit ad Elmslei edit. Medae, in Opusc. III p. 196. Aeschylus certe hunc usum etiam Doederlinus concedit ad Soph. Oed. Col. v. 80.

Sequitur alterum episodium, a. v. 480 ad v. 659, cum narratione nuntii, in qua pauca quaedam et leviora vitia emendanda nobis relictasunt. Primum enim v. 615,

*εὐφημον ἡμᾶς οὐ πρέπει κακαγγέλη
γλώσση μιᾶναι· χωρὶς ἢ τιμὴ θεῶν.*

vereor ut probari possit Hermannii iudicium, qui postrema verba convertit praemium sine diis est, sententiamque hanc esse vult: „praemium accipit malorum in re laeta nuntius tale, cui non favent dii.“ Certe graviter vituperandus foret poeta, si talem sententiam, malis nuntiis mala praemia contingere, tam perplexe eloqui voluisset. Rectius Stanleius alique sententiam hanc esse iudicarunt: honorem diis alias aliis habendum esse h. e. suo cuiusque tempore, nec propitiis et infestorum numinum honores miscendos atque confundendos. Eam sententiam Aeschylum sic eloquutum esse credo: *χωρὶς ἢ τιμὴ* (vel quod verius puto, *αἱ τιμαὶ*) *θεοῖς*: diis sui cuique separatim honores habendi, alio tempore iis, qui propitii sunt, laeto animo grates agendae, alio tempore illis, qui mala immittunt, planctus et lamenta debentur. — Terminationum permutatio etiam v. 618 vitium

perperit. Neque enim dubito, quin, cum Blomfieldio, scribendum sit πόλει μὲν ἔλκος ἔν τῷ δήμιον τυχόν, non τυχεῖν, ut codices habent. Duo πῆματα ἄπεικτα nuntius commemorat, alterum publicum, universae civitati grave, τὸ δήμιον τυχόν, alterum singulis familiis dolendum, πολλοῖς πολλῶν ἐξανισθéntας δόμων. Nam ἐξανισθéntας pro ἐξαγισθéntας, quod in codd. est, confidenter reponendum esse aio. Quodsi in superiore membro τυχεῖν dixisset, debuit etiam in altero membro infinitivum ἐξανισθῆναι, non ἐξανισθéntας dicere, nisi forte gratum facere grammaticis quibusdam, voluit, ut hoc quoque mutatae subito structurae exemplum aliis a se collectis adderent. Sed hi contenti esse poterunt eo, quod paullo infra v. 624—626 sibi oblatum vident. — Denique v. 623 παιᾶνα τόνδ' Ἐρινύων non potest verum esse. Neque enim ea, quae in superioribus versibus conditionaliter dicta sunt, ἥταν δ' ἄπεικτα πῆματ' ἄγγελος ἤρρη, pro pacane Furiarum haberi possunt. Scribendum igitur παιᾶνα τῶν Ἐρινύων. Codicum scriptura hinc orta est, quod quum τόν pro τῶν scriptum esset, correctores fulciendi versus gratia illud δ' addiderunt. Articulus autem tanto minus offendere debet, quod Ἐρινύων nomen appellativum magis quam proprium est. Vid. quae dixi ad Eum. p. 63. Cf. Prom. v. 940: οἱ προσηκυνοῦντες τὴν Ἀδράστειαν σοφοί.

- 31 In secundi stasimi strophæ secunda v. 697 sqq. Aeschylum scripsisse suspicor:

πολέα δ' ἔσχ' ἐν ἀγκάλαις νεοτρήρου τέκνου δίκαν,
φαιδρωπὸν ποτὶ χεῖρα σαίνοντα γαστρὸς ἀνάγκαις.

Codices habent φαιδρωπὸς εἰ σαίνων τε, quam lectionem qui tueri volent, his necesse erit aut ἔσχε scribere cum prioribus, aut ἔσχε cum Hermannō neutrali significato dictum statuere, quod quam durum sit in hoc contextu neminem fallere potest. Accedit quod in codicum scriptura non recte separatim ponuntur quae res ipsa coniungi postulat. Nam non aliud est φαιδρωπὸς ποτὶ χεῖρα, aliud autem σαίνων, sed catulus ille leonis ποτὶ χεῖρα σαίνει φαιδρωπὸς, ad manum domini hilariter adulans accedit. Vulgatae lectioni nihil praeter codicum auctoritatem patrocinatur, quae quanti facienda sit, in his praesertim fabulae partibus, ubi Mediceus deficit, peritis exponi non opus est. — Neque recte Hermannus v. 693 ὥδ' pro οὕτως scripsisse puto. Mutanda potius fuit antistropha, v. 700 sqq. in hunc modum: χρομισθεῖς δ' ἀπέδειξεν ἔ — θος τὸ πρὸς τοκέων χάριν — γὰρ

τροφεῦσιν ἀμείβων —. Ad eundem modum etiam strophae versus dimetiendi erunt.

Quarta huius cantici strophæ tam misere corrupta est, ut emendari, nisi quando integriores codices opem tulerint, vix posse videatur. Sed quemadmodum in desperatis aegrotis medici tentare tamen aliquam medicinam solent, sic in huiusmodi locis non invidendum est critico, si coniecturam, quamvis ancipitem, non tamen absurdam periclitetur. In primo quidem versu,

φιλεῖ δὲ τίχτειν ὕβρις μὲν παλαιὰ νεάζουσιν ἐν κακοῖς
βροτιῶν ὕβριν,

nihil offensionis est; in proximis autem,

τότ' ἢ τόθ' ὅταν τὸ κύριον μόλῃ
νεαρὰ φάους κότον,

postrema tria verba plane sensu cassa esse apparet, neque priora satis sana esse videntur. Primum enim ipsa hæc loquutio ὅταν τὸ κύριον μόλῃ certe insolens est et sine exemplo, neque id quod Hermannus posuit, ἔστ' ἂν ἐπὶ τὸ κύριον μόλῃ, multum probabilitatis habet. Quid est enim ἐπὶ τὸ κύριον μολεῖν, de insolentia dictum? Porro autem illud quoque vix credo ab Aeschilo dictum esse, insolentiam solere novam ex se insolentiam parere τότ' ἢ τότε, h. e. serius ocus, quemadmodum recte hæc formula ab interpretibus accipitur. Nam insolentiae propriam hoc esse puto, ut nullo non tempore insolenter agat. Sed serius ocus exitium insolentes consequitur, ubi fatalis terminus advenerit. Itaque si scribamus τότε δ' ἢ τότε, ἦν τὸ κύριον μόλῃ τέλος —, et loquutionem habebimus usitatam, (κύριον τέλος est Eum. v. 534. τέλος μολεῖν dicitur Sept. Theb. v. 348), neque vero nimis audacter aut additum versui breve vocabulum, quod excidere facile potuit, aut τότε δ' ἢ pro τότ' ἢ repositum, aut ἦν pro ὅταν scriptum videbitur. Nam hoc quidem ὅταν facile ex interpretamento irrepere potuit, praesertim si statuas, in cod. ἂν scriptum fuisse, quod aliquoties pro illo altero etiam in tragicorum codicibus inveniri constat, potuitque interpretationem postulare videri, ne haberetur pro 32 particula potentiali. Versus autem est iambicus trimeter, ut antistrophus v. 741, quamquam non plane iisdem pedibus incedens. Sed hoc postea curabitur: nunc videamus tria illa inexplicabilia νεαρὰ φάους κότον. Hermannii sententia, qui κότον delevit, ut ex interpretamento illatum ad δαίμονα, v. 783, adscripto, haud facile cuiquam probabitur, siquidem neque opus fuit ulla huius vocabuli interpretatione, neque

apparet, qua ratione aliquis *δαίμονα* interpretari *κότον* potuit. h. Non magis probabile est *νέα* *ῥαφή*, quod ille pro *νεαρά φάους* posuit. Voluit nimirum novam insolentiae machinationem significari. Atqui *ῥαφή* de dolosis callidisque consiliis, maximeque de clandestinis dicitur, quae minus insolentiae, h. e. feroci et protervo animo, quam fraudulento ac malitioso convenire videntur. Sed ipsum illud, quod in codicibus scriptum est, *φάους* contrarii vocabuli, *σκότον*, iam superiores quosdam criticos admonuit, idque mihi quoque verum esse videtur. Pro *νεαρά* reponendum erit *νεαρόν* aut, quod mihi aptius esse videtur, *νέατον*. Illis igitur receptis versus habemus hosce:

τότε δ' ἢ τότ', ἦν τὸ κέριον μόλη τέλος,
νέατον φάους σκότον,

pendetque accusativus a verbo *τίκτειν* in versu primo. Reliqua sic restituenda erunt:

δαίμονά τιν' ἄμαχον ἀπόλεμόν τ',
ἀνίερον θράσος μελαίνας μελάθροισιν ἄτας,
εἰδομένην τοκεῦσιν.

in quibus nihil a codicibus discessi, nisi quod in versu primo *δαίμονά τιν'* pro *δαίμονά τε τόν* scribendum, in fine versus autem *τ'* addendum fuit. Codicum scripturam vitiosam esse vel hinc intelligi potest, quod sic ille *δαίμων* distingui videtur a mentis occaecatione, quam insolentia ad extremum parere dicta est, quum dubitari non possit tribus his nominibus *σκότον*, *δαίμονα*, *θράσος ἄτας*, unam eandemque rem designari. Nam ipsa illa mentis occaecatio daemonis instar homines in perniciem abripit, ipsa nihil aliud est, quam Ates temeritas. Post *ἀπόλεμον* autem cur *τ'* addiderim, ex antistrophe patebit, quam nunc adscribam sic ut debet emendatam.

Αἶκα δὲ λάμπει μὲν ἐν δυσκάπνοις δώμασιν, τὸν δ' ἐναΐσι-
μον τίσι βίον·
τὰ δὲ χρυσόπαστ' ἔδεθλα σὺν πίνῳ χερῶν
παλιντρόποις λιποῦσ'
ῥμμασιν ὀσιότροπα προσέβα,
δύναμιν οὐ σέβουσα πλούτου παρὰσημον αἴνῳ·
πᾶν δ' ἐπὶ τέρμα νωμῶ.

In versu secundo codices habent *τὰ χρυσόπαστα δ' ἐσθλά* aut *τὰ χρυσόπαστ' ἐσθλά*: *ἔδεθλα* autem scribendum esse iam Auratus coniecit, receperuntque Schützius et Hermannus, ut evidentissime verum. Particulam *δέ* transponi necesse fuit, quo versus strophico

exaequaretur, eaque transpositio tanto minus improbabilis videri debet, quod in codice Farn. particula post *χρυσόπαστα* plane non comparet. Porro codices habent *παλιντρόποις ὄμμασι λιποῦσ'*, quae item ³³ responsionis causa transponenda fuerunt ¹⁰⁾. Eandem ob causam pro *ῥισα* scripsi *ῥσιότροπα*, vocabulum licet alias fortasse non lectum, recte tamen formatum, ut *ῥσιότροπος*, *καχότροπος*, *αἰολότροπος* et similia: quam facile autem duae syllabae postremae propter sequens *προς* — excidere potuerint, in aperto est. Denique quod in codicibus legitur *τοῦ* post *προσέβα*, articulum huc ex sequente versu venisse Hermannus censet, quum supra scriptus esset ad *πλούτου*: idque haud dubie verum est.

In anapaestis chori Agamemnonem advenientem salutantis quod legitur v. 769, *Θράσος ἐκούσιον ἀνδράσι θνήσκουσι κομίζων*, Hermannus interpretando tueri conatus est: dictum enim esse acerbè de mortifera expeditione, vexisse Agamemnonem (ad Troiam) spontaneam audaciam mori volentibus viris. Ego mihi haec non minus quam graeca obscura esse fateor, quum neque qui sint illi mori volentes viri intelligam, quibus Agamemno spontaneam audaciam ad Troiam vexerit, neque volentes mori propterea iam morientes dici potuisse credam. Verissime alii emendarunt *Θράσος ἀκούσιον*: et *Θράσος* quidem etiam in cod. Flor. scriptum est; reliquerunt autem ineptum illud *θνήσκουσι*, pariterque de morituris aut mori non recusantibus dici potuisse opinati sunt. Mihi persuasum est Aeschylum tam mirifice non loquutum esse, sed sic potius: *Θράσος ἀκούσιον ἀνδράσιν ἀποκνοῦσι κομίζων*. h. e. audaciam involuntariam afferens (s. iniungens) viris detrectantibus, ut significetur cives etiam invitos a rege coactos esse ad expeditionem. Ex *ἀποκνοῦσι* quum *ἀποθανοῦσι* factum esset, hoc correctores propter metrum ferri non posse intelligentes in *θνήσκουσι* mutarunt. Coniciat aliquis *ἀνδράσιν ὀκνοῦσι*, quum facilius etiam *ὀκνοῦσι* in *θανοῦσι* corrumpi potuerit, et sic *θνήσκουσι* a correctoribus poni; sed non credo tamen ab Aeschylō primam illius verbi syllabam in thesi productam esse.

In proximo diverbio Clytaemnestrae et Agamemnonis, quod illam

10) Ne sic quidem plane respondet strophico antistrophus, si *νέστον* v. *νεκρὸν* pro anapaesto habetur. Sed licuit, opinor, Aeschylō hoc per synizesin pro iambo usurpare, quod genus synizeseos, quamvis raram, non tamen inauditum esse Hermannus monet, Elem. doctr. metr. p. 53.

codices v. 851 dicentem faciunt, εἴ τε δημόθρους ἀναρχία βουλὴν καταρρίψειεν, non credo sic ab Aeschylō scriptum esse. Interpretes quidem βουλὴν de senatu quodam accipiunt, cui regnum absente rege tuendum fuerit; sed id si intelligi Aeschylus voluisset, paullo disertius haud dubie eloquutus foret. Scripsisse eum suspicor βουλὴν κακὴν ῥάψειεν. — Neque incorrupta sunt Agamemnonis verba v. 899: γνῶμην μὲν ἴσθι μὴ διαφθεροῦντ' ἐμέ. Quippe γνῶμην διαφθερίζειν vix recte dicitur, qui alteri concedens non perseverat in sententia, sed is potius qui alteri persuadet, ut deterius consulat. Itaque scribendum erit: γνῶμην μὲν ἴσθι μὴ διαφθεροῦσ' ἐμήν. — Proxima verba Clytaemnestrae v. 900: ἡὔξω θεοῖς δείσας ἄν' ὧδ' ἔρδειν τάδε, plerique sic interpretati sunt: vovistine diis metuens sic facturum te ista? aut etiam, quoniam sic ἄν particula non conveniret sententiae, sublato signo interrogationis, in hunc modum: vovisses haec ita facere, si aliquid metuisses. Neutram interpretationem ferri posse recte Hermannus monuit. Immo ridicula est sententia, si ὧδ' ἔρδειν τάδε accipitur de recusatione Agamemnonis, quum se negat per stragula incessurum esse. Nam id se non
 24 facturum vovere sic demum potuisset, si praevidisset fore ut stragula sibi redeunti substernerentur. Hermannus scripsit δείσασαν, restituto signo interrogationis, sed interpretatione nulla addita: neque ego exputare possum, quid hoc significare voluerit. Aeschylum autem scripsisse aio: εὗξαι θεοῖς δείσας· σὺ δ' ὧδ' ἔρδειν τάδε. h. e. precibus placa deos si eos (eorum animadversionem) metuis; sed fac quod te iubeo. Conformationem orationis, haud raram illam in huiusmodi adhortatione, quae ante dictis opponitur, comprobabunt aliquot exempla. Hom. Od. XXII, 431: μήπω τήνδ' ἀνέγειρες· σὺ δ' ἐνθάδε εἰπὲ γυναιξίν. Hesiod. O. et D. v. 402: χρήμα μὲν οὐ πρήξεις· σὺ δ' ἐτώσια πόλλ' ἀγορεύσεις. Soph. El. v. 394: ταῦτα μὲν μέθες· σὺ δὲ τεμοῦσα κρατὸς βοστρύχων ἄκρας φόβας — δός. Eur. Tro. 420: ἔπου δέ μοι πρὸς ναῦς· σὺ δ' ἦνίκα' ἂν σε Λαρτίου χρήζη τόκος ἄγειν, ἔπεςθαι. Et in ipsa hac Agam. v. 1019: εἰ δ' ἄξυνήμων οὔσα μὴ δέχει λόγον, σὺ δ' ἀντὶ φωνῆς φράζε καρβάνη χειρὶ. — Paullo post interroganti Agamemnoni: ἦ καὶ σὺ νίκην τήνδε δῆριος τίεις; respondet Clytaemnestra v. 910: πιθοῦ· κράτος μέντοι πάρες γέκων ἐμοί. In interrogatione illa qui scribendum censuerunt ἦ οὐ καὶ σὺ —, sententiam non recte percepisse videntur. Hoc dicit Agamemno: Num vere tu hanc vi-

ctoriam contentione dignam aestimas? Itaque ἢ οὐ alienum est: καὶ autem non ad σὺ pertinet, ut sit tu quoque, sed ad δῖος τῆς, estque sic dictum, ut in convertendo id quod supra posui „vere“ usurpari debeat, de quo usu, quoniam obiter exponi non potest, consulendi erunt Doederlinus ad S. Oed. Col. 147 et Ellendt. Lex. Soph. I, p. 889. Hinc apparet etiam σὺ non acuendum sed encliticum esse. De constructione verbi τῶ cum genitivo, quem pretii vocare solent, non opus est dici. Iam vero quid ad hanc interrogationem Clytaemnestra? Respondetne quod interrogata est? Immo pergit instare: parere sibi Agamemnonem iubet. Atqui, dicat aliquis, eo ipso, quod hoc iubet, respondet etiam quodammodo ad illius interrogationem, quippe quum iterata hac compellatione satis appareat, eam victoriae cupidissimam esse. Est hoc pessimum genus corruptelarum, quae aliqua veri specie fallere indiligentes, ab iis autem, qui minus recto iudicio utuntur, etiam defendi possint. His itaque illud πεθοῦ non invidimus. Qui autem Aeschylum recte norunt, ab eoque non id, quod aut tolerabile aut excusabile, sed quod ubique optimum reiue convenientissimum sit, dici solere sciunt, hi, opinor, librariorum errorem agnoscent, Aeschylumque scripsisse credent τί δ' οὐ; Quidni? nempe: quidni victoriam contentione dignam aestimem? quod idem est ac si respondeat: sane dignam aestimo. Similiter τί δ' οὐχί in responsione a Clytaemnestra usurpatur etiam v. 262. Atque sic demum etiam illud adversativum μέντοι in proximo membro recte se habere intelligetur. Nam postquam victoriam vel contentione dignam sibi videri dixit, apte adiungit: verum tamen tu mihi eam volens, ἐκών, h. e. sine contentione concede.

Restat stasimum tertium; nam huius quoque aliquot vulnera graviora curam nostram postulant. Statim in prima strophā, v. 950 sqq., quae in codicibus extant: χρόνος δ' ἐπεὶ (ἐπὶ Farn.) πρυμνησίων ξυνεμβόλοις ψαμμίας ἀκάτας (ἀκάτα Flor.) παρήβησεν (παρήβησ' Farn.) εὖθ' ὑπ' Ἴλιον ὤρτο ναυβάτας στρατός. haec quid significare possint difficile dictu est. Nam etiamsi χρόνος δ' ἐπεὶ dictum videri possit pro χρόνος δ' ἐστὶν ἐπεὶ — diu est, ex quo —, deest tamen sic verbo παρήβησε suum subiectum. Sin quis verba construat in hunc modum: ἐπεὶ δὲ χρόνος παρήβησεν, εὖθ' ὑπ' Ἴλιον ὤρτο στρατός i. e. postquam tempus exolevit, quum exercitus adversus Ilium profectus est, non modo absonam habemus sententiam dictionemque mirificam, sed deest etiam huic

protasi apodosis sua. Nam sequitur nihil nisi hoc: *πεύθομαι δ' ἂν ὀμμάτων νόστον αὐτόμαρτες ὦν*, quod pro apodosis illorum accipere nemo sanus volet. Recte igitur Hermannus illud *χρόνος δ' ἐπεὶ* corruptum esse intellexit, reposuitque *χρόνος δέ τοι*. Hoc, ut maxime probabile, accipimus: reliquorum emendatio, quae minus prospere viro summo successit, nobis sic perficienda esse videtur, ut scribamus

*χρόνος δέ τοι προμνησίων ξυμβολαῖς
ψαμμιᾶν ἀκάτων παρήβησεν, αἶσθ' ὑπ' Ἴλιον
ὤρτο ναυβάτας στρατός.*



Verbum *παρήβαν* licet insolentius non tamen incommode usurpatum est de tempore quasi exolescente atque consenescente. Nam quemadmodum et *ζῶν χρόνος* dicitur et *γηράσκων*, Soph. Trach. v. 1159. Aesch. Prom. v. 985. Eum. v. 283, quidni etiam *ἀκμάζων*, *ἡβῶν*, *παρήβης*? Bello Troiano tempus suum fuit fati destinatum: itaque fuit hoc tempus bello quasi congenitum, ut *συγγενεῖς μῆνες* apud Sophoclem dicuntur, de quibus supra dictum est, et una cum bello tempus quoque tum viguit tum consenuit atque exolevit. Ad bellum eiusque aerumnas significandas percommode memorantur navium in littore stationes: has enim, ut maxime aerumnosas, etiam nuntius conquestus erat v. 533 sqq. Dicuntur autem hae stationes *ξυμβολαὶ προμνησίων ψαμμιᾶν ἀκάτων*, quoniam subductae in littoris arenam naves eiectionis retinaculis religantur. Nam quemadmodum Pers. v. 391 *κώπης ξυμβολή* de remis dicitur, qui multi simul in aquam incidunt, sic etiam *προμνησίων ξυμβολαί* recte dici potuit de retinaculis multarum navium simul in littus coniectis ibique alligatis h. e. de multarum navium statione in littore: quamobrem J. G. Schneideri coniecturam in lex. gr. propositam recipere non dubitavi. Cum dativo casu, *ξυμβολαῖς*, construitur illud *χρόνος παρήβησε* eodem modo, quo apud Eurip. Ion. v. 353: *χρόνος δέ τις τῇ παιδί διαπεπραγμένῳ*; aut apud Herod. II, 124: *χρόνον ἐγγενέσθαι τριβομένῳ τῇ λαῶ*, aliaque similia ap. Valck. ad Herod. II, 2. — *Ἀκάτας*, quod codices habent, mutandum fuit in *ἀκάτων*, partim quod illa altera forma nominis parum auctoritatis habet, partim etiam quod pluralis numerus aptior hoc loco quam singularis est quum de *ξυμβολαῖς*, coniunctis multorum funium eiectionibus, multarum itaque navium stationibus sermo sit. Et apparet etiam, quomodo altera forma inducta sit. Nam si ab Aeschilo *ψαμμιᾶν* scriptum, id autem in *ψαμμίας* corruptum fuit, consentaneum fuit etiam *ἀκάτας* huic adiectivo

accommodari. Denique εἰς ἑπ' Ἴλιον ὄρτο ναυβάτας στρατός dubitari non potest quin falsum sit. Nam tum quidem, quum exercitus ad Ilium profectus est, non exolevit aerumnarum tempus, sed fuit hoc ipsum eius initium. Itaque scribendum fuit αἰς εἰς ἑπ' Ἴλ. ὦ. ν. στρ., pronomine ad ψαμμιῶν ἀκάτων relato.

Non levior est corruptela strophae secundae, v. 968 sqq., quamquam huius bonam partem iam superiores critici emendarunt: restat tantum ut perficiatur emendatio. In codicibus hi versus leguntur:

μάλα γάρ τοι τᾶς πολλᾶς ὑγιείας

ἀχόρεστον τέρμα. νόσος γὰρ γείτων ὁμότοιχος ἐρείδει.

quorum prior quas ob causas mutari debeat, quoniam neminem latere ³⁶ potest, a nobis nunc exponi non opus est. Requiruntur autem duo dochmii, et quidem huius formae, alter , alter ; nam in antistropho v. 981 dubitari non potest quin aut cum Porsono scribendum sit τὸ δ' ἐπὶ γᾶν ἄπαξ πεσὼν θανάσιμον, aut servato eo verborum ordine, qui in codicibus est, τὸ δ' ἐπὶ γᾶν πεσὼν γ' ἄπαξ θανάσιμον, inserta particula post πεσὼν, quod genus emendandi, licet paene infamatum nonnullorum criticorum abusu, hoc tamen loco nihil offensionis habet ¹¹⁾). Itaque alter dochmius in stropa hic erit: μάλα γέ τοι τὸ τᾶς — de quo nemo dubitat: alterum ut efficiamus, pro adiectivo πολλᾶς aliud iustae mensurae vocabulum quaerendum erit, nec dubito quin Aeschylus ἄγαν scripserit, cuius interpretamentum πολλᾶς librariorum errore invectum est. In nomine ὑγιείας aut corripienda pronuntiando syllaba penultima, ut in δειλῆιος, γεραιός aliisque nonnunquam fieri constat, aut scribendum cum Franzio ὑγιείας, aut cum Hermannō ὑγιῆας. — In versu secundo ἀχόρεστον τέρμα, etiamsi id cum Hermannō in malam partem interpretemur, tamen nihil aliud significare poterit quam cuius homines supra modum cupidi sint satiarique eo nunquam possint, quemadmodum infra v. 1304, τὸ γὰρ εὖ πράττειν ἀχόρεστον ἐφ' ἑκάστω βροτοῖσιν. Sic autem non potuit causalis enuntiatio subiungi, νόσος γὰρ γείτων ὁμότοιχος ἐρείδει. Absurde enim hoc diceretur, homines valetudinis propterea supra modum cupidos esse, quod morbus ei vicinus esset, quae res restringere potius cupiditatem deberet. Quamobrem probandum videri possit quod Schützins proposuit, ἀπά-

11) Multo minus aptam particulam esse post adiectivum in v. 965, qui ab Hermannō sic scriptum est: μάλα γέ τοι τὸ πολλός γ' ὑγιῆας — neminem fugiet.

ρεστον τέρμα: nimiae valetudinis et prosperitatis exitus ingratus: nam in propinquo sunt morbus et calamitas. Sed supersederi tamen hac coniectura potest, dummodo pro γάρ causali reponatur adversativum δέ, quod a librariis non semel cum illo permutatum esse constat. Nam sic et sententiae consulitur et numerorum aequabilitati, siquidem brevem post νόσος syllabum requiri antistrophi comparatio docet. — Iam sequuntur in codicibus haec:

καὶ πότμος ἐνθυποῶν ἀνδρὸς ἔπαισεν ἄφαντον ἔρμα.

ad quorum constructionem nihil desiderandum esse Hermannō concedimus: nam παίειν hoc sensu cum solo accusativo, licet rarius, non tamen inauditum est; sed deesse aliquid nobis videtur quum ad numerorum rotunditatem, tum vero ad sententiam. Quippe non quaevis prospera fortuna ad scopulum impingit, sed ea tantum, quae immodica est aut qua quis non recte utitur. Id ipse Aeschylus testatur v. 731: οἴκων ἐνθυδίκων καλλίπαις πότμος αἰεὶ. et Eum. v. 521: ἐκὼν δ' ἀνάγκας ἄτερ δίκαιος ὧν οὐκ ἄνολβος ἔσται. Deinde credo equidem Aeschylum etiam ἔρμα illud, ad quod nimia aut improba felicitas impingat, quale sit paullo disertius indicasse. Postremo, si quis tamen haec potuisse saltem omitti contendat, utpote ex ante dictis intelligenda, etiam antistrophi, de quibus statim dicendum erit, fidem faciunt aliquid hoc loco excidisse. Commodissime et ad sententiam et ad numeros explendos scribi poterit:

37 καὶ πότμος ἐνθυποῶν ἀνδρὸς ὑπὲρ τὸ μέτρον
θᾶσσον ἔπαισε πρὸς ἄτας ἄφαντον ἔρμα.

Et hoc quidem πρὸς ἄτας etiam Prienius addi voluit, in Museo Rhen. vol. VII ann. 1850 p. 388.

In antistrophe primi duo versus nihil difficultatis habent. Nam quod ambigi potest, utrum πεσόν γ' ἅπαξ an ἅπαξ πεσόν legendum sit, nullius momenti est, sed proxima statim verba, ut in codicibus scripta sunt, τίς ἂν πάλιν ἀγκαλέσαιτ' ἐπαείδων, duo non ambigua habent corruptelae indicia. Primum enim πάλιν abest a Farn., et recte abest: nam poetae nihil opus fuit hoc supervacaneo additamento: interpres id adscribere potuit, quo planiorem faceret vim verbi ἀγκαλέσαιτο. Deinde quod in eodem Farn. extat τίς τ' ἀγκαλέσαιτ', demonstrat ἂν ab eo, qui hunc codicem scripsit, non lectum esse neque necessariam in tali interrogatione particulam esse evincunt exempla a Reisigio de ἂν part. p. 132, ab Hermannō Opusc. IV p. 140 et 157 et a Maetznerō ad Antiph. p. 130 collecta: sed non mirum,

additam a correctoribus omissam aegre ferentibus. Aeschylum scripsisse arbitror *τίς δ' ἀγκαλέσαιτ' ἐκασίδων*, repetita coniunctione δέ, cuius repetitionis exempla non absimilia vid. ap. Buttmann. in excurs. XII ad Demosth. Mid. p. 152 et ap. Ellendt. in Lex. Soph. p. 392. Sic demum iusta existit huius versus cum strophico aequabilitas, quam neglexisse Hermannum miror, ex cuius descriptione strophicus v. 970 a spondeo *γείτων*, antistrophus autem ab anapaesto *πάλιν ἀγκ.* incipit. Sequuntur deinceps in codicibus haec: *οὐδὲ τὸν ὀρθοδαῖ τῶν φθιμένων ἀνάγειν Ζεὺς αὐτ' ἔπασ' ἐπ' εὐλαβεία*: sic enim est in Flor., in Farn. autem *αὐτ' et ἐπ' ἀβλαβεία γε*. — Fuerunt qui illud *ἐπ' εὐλαβεία* sibi intelligere viderentur: scilicet — multi enim admirabiles Aeschylo contigerunt interpretes. Alii utrumvis, *ἐπ' εὐλαβεία* vel *ἐπ' ἀβλαβεία γε*, ex interpretamento irrepsisse credunt; quamquam quale hoc et quorum verborum interpretamentum fuerit difficile dictu est. Ceterum ne omissis quidem his verbis sana sententia evadit, etiamsi forte quis insuper corrigat *οὐδὲ — Ζεὺς ἂν αὐτ' ἔπασεν*. Nam foret hoc: neque Iupiter rursus cohibuisset eum, qui defunctos ab inferis arte sua revocare potuit: cuius apodoseos si protasin quaeras, nihil invenias nisi hoc: si quis defunctos in vitam revocaret, aut ut, liberales simus, si liceret defunctos in vitam revocare. Non invidemus si cui hoc placeat. Hermannus quidem, qui olim similem quandam coniecturam tentaverat, postea rectiore iudicio usus eam spernendam esse intellexit, expunctaque negatione *οὐδέ*, expuncto etiam adverbio *αὐτε*, expunctis denique verbis *ἐπ' εὐλαβεία* v. *ἐπ' ἀβλαβεία γε*, scripsit *Ζεὺς δὲ τὸν ὀρθοδαῖ τῶν φθιμένων ἀνάγειν ἔπασεν*. Et *αὐτε* quin recte expunctum sit non dubito: videtur enim *αὐτέπασσε* ex *ἀπέπασσε* ortum esse; *οὐδέ* autem non deleri sed mutari debuit cum *εἷς*: nam *οὐ* et *εἰ*, *δέ* et *γέ* facillime inter se permutantur. In reliquis non recidendum aliquid sed addendum potius erat: nam ut in strophā, sic etiam in antistrophā aliquot verba interciderunt. Scripsisse Aeschylum videtur:

εἷς τὸν ὀρθοδαῖ τῶν φθιμένων ἀνάγειν

Ζεὺς ἀπέπασσε τέχνας οὐκ ἐπ' ἀβλαβεία.

Sic enim et numeros habemus strophico versui exaequatos, et aptam sententiarum connexionem. „Quis“, inquit, „mortuum hominem 36 revocare in vitam possit? quandoquidem eum, qui unus olim hac arte pollebat, ut ab inferis mortuos reduceret,

(apparet Aesculapium designari,) Iupiter artem suam exercere vetuit, non cum impunitate. h. e. non sine poena, ὥστε μὴ ἀβλαβῆ εἶναι. Cf. Theogn. v. 757: Ζεὺς μὲν τῆσδε πόλλος ὑπείρεχοι αἰθέρι ναίων αἰεὶ δεξιτέρην χεῖρ' ἐπ' ἀπημοσύνη. — In reliqua parte antistrophae recte Hermannus cum Schützio scripsit: προφθάσασα καρδίαν γλῶσσα πάντ' ἂν ἐξέχει, pro eo quod codices habent, καρδία γλῶσσαν ἂν τὰδ' ἐξέχει. sed quae praecedunt, εἰ δὲ μὴ τεταγμένα μοῖραν μοῖραν ἐκ θεῶν εἶργε μὴ πλέον φέρειν, non video qua ratione defendi possint. Schützius quidem, in editione anni 1811, priorem μοῖραν fatum, alteram autem Clytaemnestram esse vult, Parcae comparatam. Id mihi perabsurdum videtur. In editione minore ann. 1800 verterat: nisi Parca Parcam divinitus constitutam cohibuisset, quod quid sit non intelligo, neque si quis sortem pro Parca substituat, satis perspicio, qua ratione sors divinitus constituta sorte cohiberi dicatur. Non deerunt fortasse ingeniosiores, qui qualemcunque tamen sententiam aliquo modo extendant, laudentque etiam fortasse poetam propter argutum genus dicendi. Mihi huiusmodi argutiae longe abhorrere videtur ab Aeschyli grandiloquentia, proboque quod Blomfieldius et Boissonadius scripserunt μοῖρα μοῖρά μ' ἐκ θεῶν. Nam talis anadiplosis hoc loco non potest non perapta videri ¹²).

Scrib. Gryphiswaldiae die S. Ioannis. MDCCCLIV.

12) Sero animadverti emendationem versus 203 (p. 24.), ὅργῃ περιόργωσ' ἐπιθυμῶν, occupatam esse a Bambergere in progr. ann. 1835. Tanto magis eam veram esse confido. Nam formam adiectivi περιόργος defendi non opus erit, apud eos certe, qui adverbium περιόργως, non περιόργως, scripserunt. Et formantur eodem modo εὐόργος et δύσοργος. — De vers. 1241 sqq. (p. 6. 7.) itemque de v. 197 (p. 24.) admoner ab amico, horum quoque emendationes occupatas esse ab Hartungo.

AD SOPHOCLES AIACEM.

Quod apud Terentium legimus de hominibus sapientiae suae plus 3
justo confisis, facere eos intelligendo ut nihil intelligant, id nobis saepe-
numero in quosdam veterum scriptorum interpretes convenire visum
est, quorum ut quisque et ab ingenio et a doctrina instructissimus vi-
deri vult, ita difficillime adducitur, ut aliquid etiam a se non satis intel-
ligi confiteatur, quaeritque potius artificium aliquod, quo, quae non
assecutus sit, videatur tamen explicuisse. Ex hoc genere exemplum,
unum de multis, nunc Vobis, Commilitones, proponere decrevimus,
quo, si nihil aliud, hoc certe discatis, non temere ubique magnis istis
interpretandi artificibus fidem habendam esse.

Apud Sophoclem in Ajace Agamemnon Teucrum objurgans, quod
nimis magnifice et cum ipsius Agamemnonis ceterorumque ducum
contemptu Ajacis virtutem praedicaverit, haec ait vv. 1236. 1237. Br.

ποίου τέτραγας ἀνδρὸς ὥδ' ὑπέρβονα;

ποῖ βάντος, ἢ ποῦ στάντος, οὔτερ οὐκ ἐγώ;

h. e. de quali viro crepas tam magnifica?

quo profectus ille est, aut ubi constitit, ubi non ego?

Quibus verbis nihil aliud dicit Agamemnon, quam non esse quod
Ajacis virtus tanquam incomparabilis praedicetur, quippe qui nihil nisi
secum una gesserit, nullum in proelium profectus sit, nusquam adver-
sus hostes constiterit, nisi cum Agamemnone. Atque hanc esse ho-
rum versuum mentem neminem vestrum non statim intellecturum
confidimus, neque quisquam adhuc aliter interpretatus est, praeter
unum editorem, eumque omnium longe celebratissimum, qui alterius
quidem versus explicationem proponit plane diversam. Pro *ποῖ* enim,
quod a Brunckio et Erfurdio duorum codicum testimonio receptum

est, ποῦ esse restituendum; ποῦ autem hic non proprie *ubi*, sed, ut solitum in indignatione, fere idem quod πῶς esse. Jam totum versum ita convertit: *quomodo profectus ille est aut constitit alicubi, ubi non ego steterim?* Ac ne quis putet non multum interesse inter utramque interpretationem, illud *ubi non ego steterim* eam vim habere monet, ac si dictum sit: *ubi ille ac non ego potius steterim.* Quodsi hoc in illius locum substituamus, haec erit sententia: *quomodo constitit ille alicubi, ubi ille steterit, ac non ego potius?* Id vero quum fieri nullo modo possit, ut consistat aliquis aliquo loco, ubi tamen non hic ipse, sed potius alius quispiam consistat, apparebit haud dubio nihil aliud dictum esse his verbis, nisi Ajacem nusquam constitisse. Consitebimur, arbitror, hoc omnes; nisi tamen mirahimur istam sane mirificam perplexitatem sermonis, quae quasi dedita opera sententiam loquentis obscuret audientemque ludificet. Quotum enim quemque in ipso Atheniensium theatro fuisse putamus, qui, quum haec audiret, non ita potius acciperet, uti nos supra interpretati sumus, ut negaret Agamemnon Ajacem quidquam sine se gessisse, non autem, ut nihil eum gessisse contenderet. Quodsi quaerat aliquis, quid permoverit subtilissimum interpretem, ut tam miram rationem comminisceretur, permovit eum versus 1281, ubi Teucer ad Agamemnonis criminationem respondens,

οὐχ ὅδ' ἦν, αἰ, Ajacem designans, ὁ δρῶν τάδε,
ὃν οὐδαμοῦ γῆς οὐδὲ συμβῆναι ποδὶ;

His enim verbis quum manifesto ad illa, quae supra adscripsimus, responderi videatur, id quod etiam vetus scholiastes animadvertit; haeserunt in iis alii quoque interpretes; nimirum quod hic responderi videatur ad aliquid quod Agamemnon re vera non dixerit. Et Musgrave quidem ab emendatione auxilium satis infeliciter petentem nihil nunc moramur: Erfurdtius autem se plane assentiri Triclinio profiteatur, cujus haec est ad hunc locum adnotatio: *φασὶν ἐνταῦθα, ὡς συκοφαντεῖ Τεῦκρος Ἀγαμέμνονα. οὐ γὰρ ἐν τοῖς πρῶτον αὐτοῦ λόγοις πρὸς τοῦτον τοιοῦτόν τι εἴρηται, ἀλλ' ἔφη· ποῦ βάντος ἢ ποῦ στάντος, οὐπερ οὐκ ἐγώ; φαιμέν οὖν ὅτι, ὥσπερ κατὰ τὰς ἐριδας συμβαίνει προφέρειν ἔσθ' ὅτε τὸν ἀντίδικον ἀπολογούμενον τῷ προηγουμένῳ τῆς δίκης τοιαῦτα, ἃ οὐδέποτε' αὐτὸς ἐρῶν ἐλάττω, οὕτω κἀνταῦθα.* — Schneiderus denique hanc esse v. 1281 sententiam putat, ut Ajacis opera, quam in proeliis ediderit, nullius pretii fuisse dicatur. At enim ne hoc quidem responsum aptum foret Agamemnonis criminationi, qui nihil nisi negaverat Ajacem quidquam sine

se gessisse; quantum pretii Ajacis operae statuendum esset, non dixerat. Neque verum est, quod Schneiderus credit, οὐδαμοῦ cum quo- 6 libet verbo conjunctum aliquod vile ac sine pretio designare. Quem enim auctorem citat, Erfurdium ad Antigon. v. 183, is quidem verba quae ibi exstant: τοῦτον οὐδαμοῦ λέγω, infinitivum εἶναι supplendum esse monens, recte explicat: *in nullo honoris loco esse dico*. Est enim οὐδαμοῦ εἶναι, φαίνεσθαι, νομίζεσθαι idem atque Latinorum *nullo numero v. loco esse v. haberi*, quem usum, praeter eos, quos Erfurdius laudat, illustravit Heindorfius ad Plat. Georg. p. 34; quis autem inde colligat συμβαίνειν οὐδαμοῦ esse: *operam dare quae nullius sit pretii?* — Nos quidem cum Erfurdio Triclinii rationem probamus, ita tamen ut paullo accuratius explicandam putemus; quod prius quam faciamus, de ista altera explicatione pauca addenda esse videntur. Ait enim vir acutissimus esse hunc locum, si quidem sua sententia probanda sit, iis adnumerandum, in quibus ad primam speciem abundanter posita videatur particula οὐ. Ac sane potuit etiam ita dici: ποῦ βάντος ἢ ποῦ σπάντος, οὐπερ ἐγώ; sed diversa tamen sententia. Negaret enim ita Agamemnon, Ajacem quoquam profectum esse et usquam constitisse, ubi ipse stetisset; nunc autem, e nostri quidem interpretationis sententia, non esse contendit ubi Ajax constiterit, ac non potius ipse. Quamohrem abundare negationem nemo dixerit, qui hanc interpretationem probet, sed potius deesse adverbium μᾶλλον. Hoc vero omitti nullo modo potuit, quum omnis sententiae vis in eo posita sit, ut se potius Agamemnon quam Ajacem alicubi constitisse dicat. Nam quod monet interpres pronomen ἐγώ voce erigendum esse; quamvis erigamus, nihil tamen proficimus, nisi suppleatur illud μᾶλλον, quo omisso quid sibi velit οὐπερ οὐκ ἐγώ nemo recte perspicere potest. At doctissimus interpres non μᾶλλον suppleri, sed pleniorē hujusmodi locutionem cogitari vult: πῶς γὰρ ἔβη ἢ ἔστη, οὐπερ οὐκ ἐγὼ σταίην, ἀλλ' ἐκείνος; Atqui hoc ipsum ἀλλ' ἐκείνος, sine quo 7 verba illa ad istum modum intelligi prorsus non possunt, eo minus supplendum poëta auditoribus relinquere debuit, quo minus quidquam inesset in ipso orationis tenore, quod tale supplementum flagitare videretur. Haec est enim bene loquendi lex, ut nihil reticeatur, nisi quod omissum esse ex ipsa orationis connexionē pateat. Nostro autem loco ne hic quidem ipse vir sagacissimus de tali supplemento cogitaturus erat, nisi versu 1281, h. e. post interjectos versus quattuor et quadraginta, in ea verba incidisset, quae ut ad illa priora aliquo modo

adaptaret, hoc suum artificium commentus est, magnopere, ut arbitror, et a Sophoclis elegantia et a Graecae linguae consuetudine alienum. Nam quod confert Thucydidis locum III, 36: *μετάνοια ἦν αὐτοῖς καὶ ἀναλογισμός, ὥμῶν τὸ βούλευμα ἐγνώσθαι, πόλιν ὅλην διαφθεῖραι μᾶλλον, ἢ οὐ τοὺς αἰτίους*, quod idem esse dicit atque: *οὐ τοὺς αἰτίους, ἀλλὰ μᾶλλον πόλιν ὅλην*: hic quoque ratio eum fefellisse videtur. Nolumus quidem illud nimis urgere, quod Reisigius monuit ad Sophocl. Oed. Col. comm. crit. p. 238, ne hoc quidem *ἀλλὰ μᾶλλον πόλιν ὅλην* sententiae satisfacere, nisi etiam *μόνον* ad *οὐ τοὺς αἰτίους* suppleatur; quippe tota urbe eversa necesse fuisse ut etiam soutes perirent; sed prudentissime nobis de hac formula *μᾶλλον ἢ οὐ* Buttmannus disseruisse videtur ad Demosthenis Midian. p. 144. 145. „Quippe,“ ait, „qui dicit, *τοῦτο μᾶλλον ποιῶ ἢ ἐκεῖνο*, affirmatione ad *τοῦτο* relata, mente negat idem respectu *ἐκεῖνο*: quod sufficit usui ad effingendam formulam *μᾶλλον ἢ οὐκ ἐκεῖνο*.“ Consentit cum Buttmanno etiam Aug. Matthiae gr. Gr. p. 505. ed. sec.; eademque etiam Schaeferi sententia esse videtur, qui in not. ad Demosth. orat. in Timoth. p. 1198, 15 apte comparavit Gallorum atque Italarum idioma, *ne* et *non* ponentium post *plus que* et *più che*. Aliam viam ingreditur Reisigius l. l., rursus aliam Eduardus Haenisch ad Lysiae amatorium p. 46; sed de his nunc accuratius disputare non vacat. Restat enim ut videamus de vera ratione versusum Sophocleorum inter se conciliandorum, qua de re probari nobis Triclinii sententiam supra diximus, paullo tamen accuratius explicandam. Nempe dixerat Agamemnon Ajacem nusquam fuisse, nisi ubi ipse quoque fuisset. Hoc Teucer in eam sententiam detorquet, quasi Ajacem Agamemnon usquam fuisse negaverit. Scilicet Agamemnonem nusquam fuisse indicare vult. Quodsi Agamemnon nusquam fuerit, Ajax autem nusquam nisi ubi Agamemnon, efficitur Ajacem non magis usquam fuisse. Atque hoc ita planum atque facile videtur, ut verbum non amplius addendum sit.

Quod reliquum est, monendi nobis estis, Commilitones, ut feriarum, quas proxime instare nostis, otio bene ac salubriter h. e. in honesta animi atque corporis recreatione, non per desidiam atque ignaviam consumpto, ad hibernas scholas, quas Vobis indicimus, tempestive redeatis, oblatisque discendi opportunitatibus naviter atque industrie utamini. Valete.

Scr. Gryphiswaldiae m. Augusto a. MDCCCXXVIII.

AD EURIPIDIS MEDEAM.

Rem nobis facere videmur nec Vobis, Commilitones, ingratam, 3
neque a nostro officio alienam, si, quemadmodum aliquoties iam fecimus,
in prooemiis scholarum indici praemittendis argumenta tractamus ex
ipso scholarum nostrarum orbo desumpta, quo aut quae coram Vobis
proposita sunt, uberius et accuratius scripto explicata recognoscatis,
aut ad ea, quae mox audituri estis, praeparatis auribus mentibusque
veniat. Hanc ob causam, quum nuper in Euripidis Medea nonnullis
Vestrum interpretanda versati simus, hujus nunc fabulae locos aliquot
difficiliores tractare placuit, de quibus aut ab Elmsleio, primario Me-
deae editore, aut ab iis, qui post Elmsleium in hac fabula operam collo-
carunt, dissentiendum nobis esse videtur. — Statim in prologo v. 10 sqq.

οὐδ' ἔν — κατέκει τήνδε γῆν Κορινθίαν
ξὺν ἀνδρὶ καὶ τέχνουσιν, ἀνδάνουσα μὲν
φυγῇ πολιτῶν ὧν ἀφίκετο χθόνα κτλ.

hanc scripturam ab Elmsleio receptam non quidem praeferimus vul-
gatae *φυγῇ*, probabilem tamen et ipsam, rationibusque non satis validis
a Matthiaeο damnatam esse censemus. Nam quum Elmsleius vesti-
gium huius scripturae apud scholiastam sibi deprehendere visus esset,
id vestigium Matthiaeus nullum esse contendit, si modo verba scholiastae
recte accipiantur. Quod enim is dicat τὸ δὲ ἀνδάνουσα, ὅρθῃ ἀντὶ δο-
τικῆς, ἀντὶ τοῦ ἀνδανούσῃ, hoc tantum sibi velle, quum proprie
exilium Medae, non haec ipsa, placere Corinthiis dici debuisset (ἀν-
δανούσῃ *φυγῇ*,) poetam inversa dictione non exilium, quod debebat,
sed Medeam propter exilium placuisse dicere. Tale iudicium qua ra-
tione scholiastae tribui possit fatemur nos non intelligere. Est enim
illud ipsum quod ex vulgata scriptura Euripides dicit, Medeam Corin-

thiis placuisse, adeo proprie ac rei convenienter dictum, ut pro eo alterum istud, ut exilium ejus, non ipsa, Corinthiis placuisse dicatur, nemo facile requirat nisi qui sensu communi careat. Quamobrem grammatici observationem, nominativum pro dativo positum esse, equidem non ad hanc quam codices habent lectionem pertinere credo, sed cum Elmsleio statuo eum *ἀνδάνουσα φυγή* legisse, eaque verba in hunc modum accepisse, quasi pro *ἀνδανούση φυγῇ* dicta essent, nominativo absolute
 4 aut per quandam *ἀντίπτωσιν* posito. Ac ne quis obiiciat eum, ut nunc quidem verba eius scripta extant, solius participii, non etiam, ut deberet, substantivi mentionem facere: dubitari non potest quin hoc scholium cum aliis non paucis e vetustioribus commentariis excerptum sit ab homine satis indocto, qui quum lectionem hodie vulgatam in suo exemplo inveniret, ideoque *φυγῇ* non *φυγή* scriptum videret, huius vocabuli mentionem in describendo scholio omittendam duceret. — Quodsi de antiquitate illius lectionis non videtur dubitari posse, iam de interpretatione videndum est: quam quidem Elmsleio minus bene cessisse indicamus. Per appositionem enim haec verba *ἀνδάνουσα φυγή* dici existimat eadem ratione, qua infra v. 1217: *κείνται δὲ νεκροὶ παῖς τε καὶ γέρον πατήρ πέλας, ποθεινὴ δακρύοισι συμφορά*, et Heraclid. v. 70: *ἰκέται δ' ὄντες ἀγοραίου Διὸς βιαζόμεσθα καὶ στέφη μαινέται, πόλει τ' ὄνειδος καὶ θεῶν ἀτιμία*: quorum locorum hanc rationem esse apparet, ut quae per appositionem adiecta sunt, de toto enuntiato priore praedicentur. Scilicet illud ipsum, quod pater cum filia exanimatus iacet, casus dicitur lacrimabilis, huiusque praedicati causa ac ratio in eo ipso quod enuntiatum erat posita est: itemque quod supplices violantur ac certa polluantur, hoc ipsum eiusmodi est, ut urbis dedecus ac deorum iniuria dici possit. At vero in eo, quod Medea Corinthum concesserat, nihil est cur hoc exilium Corinthiis placere dici possit; quamobrem tali appositioni, qualem Elmsleius statuit, locum non fuisse arbitror. Et tamen, quum neque ad *ἀντίπτωσιν* neque ad absolutos nominativos confugere liceat, per appositionem illa verba dicta esse oportet, verum ita ut haec appositio non ad totum enuntiatum, sed ad subiectum tantummodo pertineat. Subiectum autem grammaticè quidem Medea est: sententiam si spectes, non haec sola est, sed simul etiam maritus ac liberi. Nam *Μήδεια ξὺν ἀνδρὶ καὶ τέκνοισι* quid est aliud quam *Μήδεια καὶ ὁ ἀνὴρ καὶ τὰ τέκνα*? Quod quum ita sit, potuit etiam apponi nomen collectivum, ad Medeam simul cum

marito ac liberis pertinens, quale est hoc ipsum *φυγή*, quod saepenumero sensu colectivo dicitur, ut *φυγάδας* significet, e. c. Thucyd. VIII, 64: *καὶ γὰρ καὶ φυγὴ αὐτῶν ἔξω ἦν — καὶ αὕτη μετὰ τῶν ἐν τῇ πόλει ἐπιτηδείων ἔπρασσε κτλ.* Xen. Hell. V. c. 2, 9: *καὶ γὰρ συγγενεῖς πολλοὶ ἔνδον ἦσαν τῶν φευγόντων καὶ — — κατὰγειν ἐβούλοντο τὴν φυγὴν.* Isocr. de Big. p. 351: *στρατηγίσαντες τῆς φυγῆς.* Plura vid. ap. Sturz. Lex. Xen. h. v. Schaefer. ap. Ast. addend. ad Plat. Legg. p. 115, 11, eundemque ad Plutarch. tom. V. p. 286. — Hac igitur ratione illud *ἀνδρόνισσα φυγή* probabiliter explicari posse videtur; quamquam, ut iam ante dixi, non eo haec nunc a me disputata sunt, quo commendarem hanc lectionem prae ea quam codices nostri omnes offerunt, sed ut tolerari tamen et ipsam posse ostenderem. — Qui sequitur genitivus *πολιτῶν*, pro quo dativum dederunt Barnesius, Brunckius, Porsonus, etiamsi plane similibus exemplis muniri non potest, non tamen videtur contra rationem attractionis positus esse, quamobrem assentiendum est Matthiaco, nihil mutandum pronuntianti. Erunt quidem fortasse, qui plane similem dicant locum Sophoclis Electr. v. 652: *φίλοισί τε ξυνοῦσαν οἷς ξένειμι νῦν, εὐήμεροῦσαν, καὶ τέκνων ὅσων ἐμοὶ δίσνοια μὴ πρόσσεσιν.* quandoquidem Herimannus „haec“, inquit „proprie ita dici debebant, καὶ τέκνοις (ξυνοῦσαν), ὅσων ἐμοὶ δύνωια μὴ πρόσσεσι, sed per attractionem τέκνων ὅσιον iuncta sunt“. Nobis tamen hic genitivus non tam per attractionem quam partitiva significatione positus esse videtur, ut plena loquutio subsit haecce: *καὶ τέκνων τοῖτοισ, iis ex liberis meis*, potuissetque genitivus poni etiam si non ὅσιον sed ὅσοις aut ὅσα sequeretur, velut in tali sententiae conformatione: *καὶ τέκνων ὅσοις ἐμοῦ δύνωια μὴ πρόσσεσι — aut ὅς ἐς ἐμὲ μὴ μῖσος ὥπλισε.*

Paullo infra, v. 16, haec verba *καὶ νοσεῖ τὰ φίλτατα* novissimus editor, Pflugk, interpretatur: *et discrimen adest carissimi pignoris.* „*Τὰ φίλτατα*“, addit, „alibi eximie dicuntur parentibus liberi, cf. Hemsterhus. ad Lucian. T. 1 p. 177. Valck. ad Phoen. 437; sed et maritus uxori, ut Herc. F. 514; denique proximus quisque et maxime dilectus.“ ex quibus verbis non satis perspicui potest quo sensu id vocabulum hoc loco accipi velit: nam discrimen quidem adest et liberis et marito et ipsi quoque Medae. Vereor autem ut *νοσεῖν* de discrimine et periculo recte acceperit: nam quum *νοσεῖν* dici soleat quidquid deteriore ac non eo quo debebat statu est, hoc quidem loco *τὰ φίλτατα νοσεῖ* commodissime accipiemus de uxore et marito, qui

quum deberent inter se amici esse, alienato et infesto animo erant. Erit igitur *ροσεῖν* hic quoque idem fere quod *στασίαζειν* vel *διχοστατεῖν* v. 15; quemadmodum frequentissime hoc verbum usurpari satis constat. Vid. quae laudantur a Baehrio ad Plutarch. Philopoem. p. 6. *Τὰ φίλτατα* autem de iis, qui se invicem amare debebant, etiamsi quam maxime infesti sint, eodem modo dicitur ut Androm. v. 176: *διὰ φρόνον δ' οἱ φίλτατοι χωροῦσιν*. Aesch. Cho. 228: *τοὺς φιλήτατους γὰρ οἶδα κῆν ὄντας πικροῦς*.

V. 44 speciosissimam Mureti coniecturam

*οὔτοι ῥαδίως γε συμβαλὼν
ἔχθραν τις αὐτῇ καλλίνικον ᾄσεται*

pro codicum scriptura *οὔσεται* Porsoni exemplo a ceteris editoribus receptam unus quod sciam Pflugkuis repudiavit: et recte, meo iudicio. Quamquam quod hic exemplum affert ad probandam loquutionem *καλλίνικον φέρεσθαι*, Pindar. Nem. III, 27: *καματωδέων δὲ πλαγῶν ἄκος ἔγυιρὸν ἔν γε βαθυπέδῳ Νεμέα τὸ καλλίνικον φέρει*, possit, qui pertinacius obniti velit, interpretando remove. Licebit enim coniungere *ἄκος τὸ καλλίνικον*, *medelam illam praeclarae victoriae* h. e. quae constat praeclara victoria, qua ratione admissa non iam *τὸ καλλίνικον* sed *ἄκος* a verbo *φέρει* pendet, neque illud substantivi instar est, sed adiectivum substantivo iunctum. Sed est tamen illa loquutio eiusmodi, quae ipsa se etiam sine exemplis facile tueatur: me autem ut *οὔσεται* servandum iudicem, non solum codicum consensus permovet, sed haec quoque ratio, quod *καλλίνικον ᾄδειν* non ipsius victoriae esse arbitror, sed eorum qui victoriam ei gratulantur, concelebrant, laudant. Ita Herc. F. v. 689: *τὰν Ἡρακλέους καλλίνικον ἀείσω μολπᾶν* chorus dicit Herculis victorias celebraturus, et Electr. v. 866: *ἀλλ' ἐπάειδε καλλίνικον ᾠδὴν ἐμῷ χορῷ*, exhortatio est chori ad celebrandam Orestis de Aegistho victoriam. Neque quod Herc. F. v. 180 de Hercule dictum est *τὸν καλλίνικον μετὰ θεῶν ἐκώμασε*, quidquam facere potest ad contrariam sententiam probandam. Quippe aliud *ᾠδή* est, aliud *κῶμος καλλίνικος*, pompa propter victoriam ducta, in qua etiamsi cantantur haud dubie *ᾠδαὶ καλλίνικοι*, cantantur tamen non ab ipso victore, sed a comitantibus cantoribus ac choreutis. Non magis huc pertinet locus ab Elmsleio laudatus Phoen. v. 1719: *μοῦσαν ἐπὶ καλλίνικον ἔβαν*: significat enim non *cecini* sed *adeptus sum*, *merui* laudatorem victoriae cantum.

V. 139: οὐδὲ σπνήδομαι, ᾧ γίναται, ἄλγεσι δώματος,
ἐπεὶ μοι φίλια κέκρανται.

6

Miror Matthiarum ἐπεὶ μὴ scripsisse. quum μὴ in tali orationis tenore neque rationem habeat et classicorum certe scriptorum usu respuatur: nam Plutarchi, Luciani ac similium, quorum exempla ab Hartungio subministrata nuperus grammaticae graecae compositur attulit, nullam in tali re auctoritatem esse apparet. Proximum *φιλία* pro *φίλια* etiam contra codices a Porsono et Elmsleio receptum laudo propterea quod *φιλία*, etsi ipsum per se satis bonum, hoc tamen loco aliquam ambiguitatem haberet propter praegressum substantivum ἄλγεσι. Et versum quoque aptiorem esse puto glyconicum, quam compositum ex iambis et ithyphallico, qualis hic foret, altera arsi soluta. Nam quod Hermannus commendat ἐπεὶ μοι φίλον κέκρανται, quamquam et codicum numero et scholiastae quoque testimonio probatum, vix credo graece dici δῶμα κέκρανται φίλον, *domus amica facta est*. Habet enim *κράινω* hanc vim ut significet aut *efficere ut existat* quod antea non fuit, aut *perficere, ad exitum et eventum perducere*, nunquam autem ad qualitatem tantum rei pertinet, ut sit *aliquid tale vel tale reddere*. Itaque et εὐχάς, ἀράς, ἐέλδωρ *κράινειν* dicitur et ἔριν, ἔχθραν, *φιλίαν κράινειν*: sed ἄνδρα ἀνδρὶ ἐχθρόν, δῶμά τι φιλον *κράινειν* non dicitur.

Vers. 210: οἶδα γὰρ πολλοῖς βροτῶν σεμνοῖς γεγῶτας. Non debbat Elmsleius scholiastae obloqui, idem hoc significare docenti quod *σεμνοῖς νομιζομένους*: quin illud ipsum, quod Elmsleius ponit, *σεμνοῖς ὄντας*, si poeta scripsisset, eodem sensu accipiendum foret. Nam non de moribus, quos quis vere habeat, sed de iis, quos hominibus habere videatur, Medeam loqui ea quae sequuntur manifestum faciunt οἱ δὲ — δύσκληϊαν ἐκτίσαντο καὶ φρενίαν, h. e. δύσκληϊαν φρενείας, et v. 214 δίκη γὰρ οὐκ ἔνεσι' ἐν ὀφθαλμοῖς βροτῶν, ὅστις πρὶν ἀνδρὸς σπλάγχνον ἐκμαθεῖν σαφῶς, σιγῇ δεδορκῶς. Et *σεμνὸν γενέσθαι* de eo, qui non quidem reapse superbus sit, sed ab hominibus tamen pro superbo habeatur, non magis mire dictum videri potest, quam *σεμνότητά λαβεῖν* v. *κεκτήσθαι* eodem sensu dictum, quemodmodum v. c. *καλίαν ἀντιλαβεῖν* apud Thucydidem III, 58 non is dicitur, qui reapse malitiam in se suscipit, sed qui malitiae infamiam contrahit, aut ὅστις τὰ μὴ προσόντα κέχτηται κακὰ apud Eur. Hel. 281, qui vitia, quae non habet, habere tamen creditur, aut τὴν δυσσέβειαν εἰσεβοῦσ' ἐκτησάμην ap. Soph. Antig. 924: *κακὰ πρὶς*

essem impietatem nata sum, h. e. impietatis crimen in me coniectum est. — Matthiacus autem, qui *σεμνοῦς γεγῶτας* convertit: *magnam de se existimationem conciliant*, loci rationem non satis perspectam habuisse videtur. Non enim de magna existimatione, sed de vitii suspicionem Medea loquitur, omnisque sententiae tenor hic est, ut causam exponat, cur foras progressa sit, contra scilicet quam ipsius animus et patrius mos, quippe Asianae mulieris, ferebat. Egressa sum, inquit, ne vos me vituperetis: scio enim quam prompti homines ad vituperandum esse soleant quamque facile vitia alteri asstant. Duo autem potissimum genera vitiorum commemorat, ea scilicet, quorum crimen sibi, si non egressa foret, maxime timendum fuisse videbat, superbiae aut ignaviae. *Σεμνός* autem saepenumero *superbum* significat aut eum qui affectata quadam gravitate et dignitatis ostentatione conspicuus est. Conf. Hippolyt. v. 92, quem locum iam Elmsleius contulit, *μισεῖν τὸ σεμνὸν καὶ τὸ μὴ πᾶσιν φίλον*, cui mox v. 94 *τὸ εὐπροσ-τὴ ἥγορον* opponitur. Add. Muret. Var. Lectt. p. 234 Wolf. et Spanhem. ad. Aristoph. Nub. v. 48.

Vers. 279: *συμβάλλεται δὲ πολλὰ τοῦδε δαίματος*. Matthiacus genitivum propterea positum esse credit, quia poeta, quum *συμβάλλεται* scriberet, cogitavit de *σινάρασθαι*, *συλλαμβάνεσθαι* *τινός πράγματος*, *adiuvare*, cuius vis in *συμβάλλεσθαι*, *conferre ad aliquid*, quodammodo insit. Quod comparat haec inter se, non potest reprehendi: modo ne genitivum ad *συμβάλλεσθαι* positum ex quadam permutatione notionis explicandum putasset. Est enim eadem utrobique structurae ratio, ut genitivus partitivus sit, pendeatque a subaudienda partis notione, quemadmodum ipse in grammatica p. 633 et 624 rectius quam in comment. ad h. l. exponit. Mirifice rem perturbat Pflugk, confundens primum Musgravii rationem a Matthiae in prima grammaticae editione p. 434 adoptatam cum altera, quam *δεύτεραι φρονίδες σοφώτεραι* suppeditarunt, (nam Musgravius quidem hunc genitivum comparat cum eiusmodi exemplis quale est *προφέρειν ὁδοῦ* — *ἔργον* ap. Hesiod. O. et D. v. 179. *τοῦ πολέμου καλῶς καθίστασθαι* ap. Thuc. III, 92 et similibus, in quibus vis genitivi haec est, ut notionem eius cui additur vocabuli quodammodo definiat commemorata re ad quam illa pertineat, quae vis a partitiva significatione sane diversa est.) dein ipse genitivum a *πολλὰ* pendere statuens, ut *πολλὰ τοῦδε δαίματος συμβάλλεται* significet: *multae huius timoris causae conveniunt*: quasi *συμβάλλεσθαι* sit i. q. *συνέ-*

χρῆσθαι. Veram rationem praeter Lysiae locum iam a Matthiaeo grammat. p. 634 commemoratum aperient duo alii, alter Isocratis, in quo, pariter ut apud Lysiam, plena est loquutio, de permutat. p. 75 Orell. μέρος τι συμβεβλημένος τοῦ μὴ κατὰ τρόπον γινώσθῃναι περὶ αὐτῶν, alter Aristotelis, in quo, sicut apud Euripidem, partis notio non verbis expressa sed facile subaudienda est, de generat. animal. V c. 7. p. 164. Bekk. τοῦ δὲ φέσει τὰ τοιαῦτα συνίστασθαι ξυμβάλλεται καὶ ἡ θερμότης τοῦ τόπου, quod plenius dictum foret τι v. μέρος τι συμβάλλεται, quemadmodum nostro loco πολλὰ ξυμβάλλεται μέρος τι τοῦδε τοῦ δείματος: multa sunt, quae partem (suam quidque) huius umoris mihi conferant.

Vers. 480.

οὐδ' ἔχω μαθεῖν,

ἢ θεοὺς νομίζεις τοὺς τότ' οἷα ἄρχειν ἔτι,

ἢ καινὰ κείσθαι θέσμι' ἐν ἀνθρώποις τὰ νῦν.

Ita libri omnes, nisi quod in Puteano εἰ θεοί' scriptum est. Hoc Reiskius, Musgravius, Porsonus dederunt, ac praeter hos etiam Bothius et Pflugkii; alteram scripturam Elmsleius revocavit, probatque etiam Matth. in commentario, licet in ipso fabulae contextu εἰ ediderit. Hermannus ad Soph. Oed. Colon. v. 80. vehementer se dubitare ait de veritate huius usus ἢ particulae, idque cur faciat in censura Medaeae Elmsleianae aperuisse. Sed haec ipsa censura nihil nisi argumenta ab Elmsleio prolata non satis esse ad probandum idonea demonstrat, atque quum nihil neque facilius neque frequentius sit commutatione particularum εἰ et ἢ, eiusmodi exempla postulat, in quibus aut certo non esse εἰ positum credi possit, aut neutra particula in priore membro inveniat: rationes vero, cur ἢ in priore membro pro εἰ poni non putuerit, atque, si utraque particula in codicibus extet, εἰ utique s praeferrī, si ἢ tantummodo scriptum sit, hoc corrigi debeat, nullas exponit. Quod ad exempla attinet, sunt quaedam HomERICA, qualia Hermannus requirit, in quibus certo non esse εἰ positum credi possit, quippe quum non ἢ monosyllabum, quod potuisset pro εἰ per errorem substitui, sed ἢ disyllabum habeant, velut Iliad. X, 308: ἔκ τε πυθέσθαι ἢ φυλάσσονται νῆες θοαὶ ὡς τὸ πάρος περ, ἢ ἦδη χεῖρεςσιν ἐφ' ἡμετέρῃσι δαμέντες φύξιν βοιλάτουνσι μετὰ σφίσιν. XIII, 327: ὄφρα τάχιστα εἶδομεν ἢ τῷ εἶχος ἠρέξομεν ἢ τις ἡμῖν. XVII, 180: καὶ ἴδε ἔργον, ἢ πανημέριος κακὸς ἔσσομαι, ὡς ἀγορεύεις, ἢ τινα καὶ Λατῶν — σχίσω ἀμυνόμεναι. Od. I, 175: καὶ μοι τοῦτ' ἀγόρευσον ἐτήτυμον, ὅτ' εὖ εἰδῶ, ἢ νέον

μεθέπεις ἢ καὶ πατρῷός ἐσσι ξείνος. His exemplis accedit grammaticorum auctoritas, velut Odyss. IV, 712 ubi vulgo scribitur: οὐκ οἶδ' εἴ τις μιν θεὸς ὥρσεν ἢ καὶ αὐτοῦ θυμὸς ἐφορμήθη, ἴμεν ἐς Πύλον, Aristarchum ἢ τις scripsisse scholia cod. Ambr. Pal. Harl. docent, eademque ἢ pro εἰ positum in huiusmodi enuntiatis indirectam interrogationem aut dubitationem habentibus diserte agnoscunt ad I, 175. III, 72. 172. Neque rationem ob stare arbitror, siquidem ἢ primitiva significatione non διαζευκτικὸν est sed ἐρωτηματικόν, et mutato tantum accentu ex ἢ ortum, id quod ipse Hermannus agnoscit diss. de ellipsi et pleonasm. Opusc. I p. 209. Quod si ita est, etiam in priore bimebris enuntiationis membro non minus recte quam in posteriore ponetur, ac ne a simplici quidem interrogatione indirecta arcendum erit, quemadmodum Odyss. XVI, 138 ἀλλ' ἄγε μοι τόδε εἰπὲ καὶ ἀτρεκέως κατάλεξον, ἢ καὶ Λαέρτη αὐτὴν ὁδὸν ἄγγελος ἔλθω; ubi tamen olim et εἰ et ἢ quoque scriptum fuisse schol. Harl. ostendunt: et Iliad. VIII, 111. ὄρρα καὶ Ἐκτωρ εἴσεται ἢ καὶ ἐμὸν δόρυ μαίνεται ἐν παλάμῃσιν, quemadmodum pro vulg. εἰ καὶ scholiornm auctoritate Spitznerus scripsit. Tragicis vero poetis, ut in aliis rebus multis, ita in hoc quoque ἢ particulae usu interrogativo, licebat haud dubie a vulgari suae aetatis consuetudine recedere et ad epicorum exemplum orationem conformare: librariis autem pronior profecto lapsus ab ἢ ad εἰ quam contra fuit. Quamobrem etiam in hoc Medae versu et ubicunque in similibus tragicorum locis ἢ pro εἰ libri aut omnes aut meliores offerunt, mutatione abstinendum erit.

Vers 487: ἄγ' ὥς φίλῳ γὰρ ὄντι σοι κοινώσομαι,
δοκοῖσα μὲν τί πρός γε σοῦ πράξιν καλῶς;
ὅμως δ', ἐρωτηθεὶς γὰρ αἰσχίων φανεί.

Ita Elmsleius scribendum intellexit e codicum fere omnium lectione μὲν τι, quam scholiastam quoque in exemplo suo habuisse verba eius ostendunt, quum altera μή τι, quam Musgr., Pors., Matth., Pflugk., receperunt, admodum exiguae sit auctoritatis. Quamquam quod hanc Elmsleius ne graecam quidem esse contendit, facile erat ad refutandum, refutatumque est ab Hermann. Sed Elmsleii lectionem commendat primum ὅμως δέ versu proximo, quippe quod concessivam particulam μὲν in priori membro flagitare quodammodo videatur: deinde aliquanto fortior et vividior existit oratio figurata, quum interrogatio pro negatione ponitur: exempla autem huius usus, si quae ab Elmsleio

proferuntur, minus apta videbuntur, accommodatiora ad tuendam huius loci scripturam subministrare poterit Matth. ad Phoeniss. v. 578.

Vers. 718 sqq. 9
 τοῖτοῖς δ', ὀρχήοισι μὲν ζυγίς,
 ἄγορσιν οὐ μεθεῖ' ἄν ἐκ γαίας ἐμέ·
 λόχοις δὲ σιμβὰς καὶ θειῶν ἀνώμοτος,
 φίλος γένοι' ἄν κάπικηρυκέμασιν
 τάχ' ἄν πίθοιο.

Consenserunt fere editores post Musgravium omnes in constituenda huius loci lectione ea quam proposui; et duo certe primi versus, si codicibus aliquid tribuendum est, vix videntur aliter scribi posse: nam μὲν versu primo, et οὐ versu secundo omnes tenent. Tertio autem versu ἀνώμοτος non extat nisi in tribus Parisinis supra scriptum: ceteri omnes ἐνώμοτος habent: quamquam illud et sententia postulare videtur et scholiastae quoque prioris auctoritas comprobatur: ait enim: μὴ ὁμόσας δὲ φίλος γένοιο αὐτοῖς διὰ τοῦ ἐπικληρυκέματος. Versu quarto κάπικηρυκέμασι in codicibus extat omnibus: olim tamen etiam κάπικηρυκέματα lectum esse, scholia demonstrant. Denique versu quinto pro τάχ' ἄν, quae Wyttenbachii coniectura est, codices omnes οὐκ ἄν habent, quod quidem cum hoc qui nunc est loci contextu non magis quam ἐνώμοτος conciliari posse videtur. Nam quum satis manifesta sit duorum membrorum haec oppositio, ut altero dicatur, quid Aegeus facturus sit, si iure iurando Medae se obstrinxerit, altero, quid, si se non obstrinxerit, apparet, postquam iuratus eam non traditurus esse dictus est, nunc hoc sequi debere, iniuratum eum facilius adversariorum postulatis cessurum h. e. Medeam ipsis traditurum esse. Tamen codicum lectioni ἐνώμοτος et οὐκ ἄν πίθοιο accedit etiam alterius scholiastae auctoritas, hos versus in hunc modum interpretantis: εἰ δὲ ἔλθοις εἰς τὴν σύμβασιν τῶν ἐμῶν λόγων καὶ συνθήκας ἐνωμότους ποιήσαιο πρὸς ἐμέ, εὐ οἶδα ὅτι μοι φίλος γένοιο καὶ ἐπίκουρος ἀσφαλής, καὶ οὐκ ἄν τὴν πρὸς ἐκείνους φιλίαν προκρίναις. ἐπικληρυκέματα γὰρ εἰσι τὰ διὰ τῶν κηρυγμάτων γιγνόμενα πρὸς φιλίαν. καίτοι οὖν ἡ λέξις ἀντὶ τῆς φιλίας. τῇ δὲ εὐθείᾳ ἀντὶ δοτικῆς κέχρηται. ἔδει γὰρ εἰπεῖν καὶ τοῖς ἐπικληρυκέμασιν οὐκ ἄν πίθοιο. Hac scholiastae explicatione tanquam certissimo fundamento nisus Hermannus posteriorum trium versuum lectionem eam quam vel codices offerunt vel scholiasta probat servandam, priores autem duos in contrariam eius quae nunc inest sententiam refigendos statuit. Nam

quum opposita inter se haec duo membra esse agnoscat, non sint autem inter se opposita *ὀρκίοισι μὲν ζυγείς* et *θεῶν ἐνώμοτος*, neque *ἄγουσιν οὐ μεθεῖ' ἄν ἐκ γαίας ἐμέ* et *ἐπικτηρυεύμασιν οἷα ἄν πίθοιο*, alteram enuntiationem ex affirmativa negativam facit, *μὲν* in *μὴ* mutato, alteram ex negativa affirmativam, pro *οὐ μεθεῖ' ἄν* scribens *ἄν μεθεῖ' ἄν*. — Nobis, ut verum fateamur, neque illud satis caute factum videtur, quod e scholiastae interpretatione hanc quam ipse rep̄ni vult lectionem, non autem eam, quae in codicibus extat, illi observatam fuisse concludit; neque, si maxime scholiastam ita legisse constaret, meliorem hanc lectionem iudicamus ea, quae ab editoribus probata est. Nam quae statim subiunguntur verba Medae *τάμὰ μὲν γὰρ ἀσθενῇ*, quum causam indicent, cur timendum sibi sit, ne ab Aegeo deseratur, necesse est hunc eam timorem
10 in eo, quod proxime praecessit membro, eloquentam esse. Quodsi Hermannii emendationem probes, perversa erit sententiarum consequutio: primo loco timorem eloquetur, secundo loco spem ac fiduciam, tertio loco causam timoris. Atque hoc iam Schaeferus animadvertit: „nam“, inquit, „quod continuo sequitur *τάμὰ μὲν γὰρ ἀσθενῇ* clarissime ostendit in Medae responsione meliorem feminae conditionem debere praecedere, sequi deteriolem.“ Deinde non recto Medea diceret Aegeum sibi amicum fore iure iurando dato: nam amicus quidem iam erat, atque id modo illa verebatur, ut satis firmus foret et hanc amicitiam pluris faceret quam adversariorum interpellationes. — Sed ne hoc quidem constat, scholiastam ita legisse: potuit illud ipsum legere, quod in codicibus scriptum est, et nihilo tamen minus locum ita ut fecit interpretari. Nam quod Hermannus incredibile dicit, grammaticos qui hanc interpretationem in medium attulere — novimus tamen nos quidem unum tantummodo — adeo caecos fuisse, ut non modo oppositionem membrorum corruere in codicum scriptura non animadverterent, sed ne illud quidem viderent, ineptissime idem eidem opponi, *ὀρκίοισι μὲν ζυγείς* et *λόγοις δὲ συμβὰς καὶ θεῶν ἐνώμοτος*, eodemque modo etiam utramque apodosin idem continere: scio ego sane ut quisque ipse est acutissimus, ita difficillime alios hebetes credere, sed tamen causam nullam video, cur grammaticum istum acutiorem fuisse sumat, quam aut olim Josuam Barnesium, aut nostra memoria Fridericum Henricum Bothium, quorum alter, codicum lectionem sequens et versionem loci adscribens hancce: *his enim, si iure iurando mihi devinctus fueris, abducere volentibus me ex agro non permittes nec trades:*

verbis vero compositione facta et dis iure iurando obstrictus, amicus mihi eris et inimicorum meorum legationibus non parebis, sensum loci hac versione satis expeditum esse autumat; Boethius autem etiam disertius „nihil omnino“, inquit, „hic mutandum est, modo ne quæras oppositionem verborum τούτοις — ἐμέ et sequentium λόγους-πίθοιο, quæ nihil aliud sunt quam ἐπεξηγήσεις, affirmato quippe eo, cuius contrarium Medea negavit in prægressis, qua figura nihil usitatus in rebus quæ nostra interest ut recte constituentur stabilianturque.“ His itaque duumviris si scholiastam tertium adiuvas, nullum in eius interpretatione indicium inesse videbis lectionis ab ea quam codices offerunt diversæ. Non magis autem illud probò, quod Hermannus e scholiastæ verbis καὶ οὐκ ἂν τὴν ἐκείνων φιλίαν προκρίναις, eum non οὐκ ἂν πίθοιο, sed οὐκ ἂν προθεῖο scriptum invenisse concludit. Nam si ita legisset, non potuisset ἐπικηρυκεύματα pro ἐπικηρυκέμασι, εὐθεῖαν (voluit, opinor, αἰτιατικὴν) ἀντὶ δοτικῆς positam dicere, neque accusativum per omissionem præpositionis διὰ explicare. Utraque enim explicatio ostendit verbum ab eo lectum esse eiusmodi, cui accusativus non recte adiungeretur, quale verbum non προθεῖο sed πίθοιο est. Hoc unum igitur ambigi poterit, utrum quod ille legit ab Euripide scriptum an vitiatum fuerit. Atque πιθέσθαι ἐπικηρυκεύματα non opinor scribi potuisse, licet πάντα, ταῦτα, πολλὰ πιθέσθαι recte dicatur: restat igitur ut aut ἐπικηρυκεύματα aut πίθοιο vitiatum sit: si πίθοιο, potuit hoc ex πίθοι σε mutatum esse eo fortasse facilius, quo rarior est activæ formæ ἐπιθον usus; si ἐπικηρυκεύματα, non potest hoc nisi ex ἐπικηρυκέμασι depravatum esse: idque ego, quum codices consentiant, verum esse arbitror. Item ἀνώμοτος, non ἐνύμοτος, scribi cum tribus codd. Paris. oppositionis ratio flagitat, eademque οὐκ ἂν tolerari non posse demonstrat. Praestat tamen fortasse κείνων quam τάχ' ἂν 11 reponere: nam ἂν quidem semel positum sufficiebat (vid. ad Isae. p. 371. Herm. ad S. Electr. v. 790 et de partic. ἂν p. 192 sqq.) pronomen vero, ad φίλος γένοι' ἂν non minus quam ad ἐπικηρυκεύμασι pertinens, paene necessarium videtur. — Quæ autem Hermannus huic lectioni obiicit, facile videntur removeri posse. Primum hæc verba λόγους δὲ συμβὰς καὶ θεῶν ἀνώμοτος negat sic intelligi posse, ut sententiarum in hac lectione connexio postulat, si nudis tantum sermonibus tecum conveneris neque deos testes adhibueris, ac συμβῆναι λόγους significare vix aliud quam dictis alterius accedere h. e. facere quod

alter postulet. Scilicet ita Hermannus visum est quum censuram Elmsleii scriberet; ad Vigerum autem p. 759 *λόγοις συμβῆναι* convertit *colloqui cum aliquo*. Nobis neutrum verum esse videtur; sed quum *συμβαίνειν* sit i. q. *σύμβασιν ποιῆσθαι*, h. e. *compositionem facere, pacisci*, (vid. Abresch. Diluc. Thucyd. p. 244.) *λόγοις* autem dubitari nequeat dici posse pro *διὰ λόγων*, nihil obstandi arbitramur quominus h. l. interpretemur: *si nudis verbis pepigeris*. At, inquit, *λόγοις* sic nude positum non potest hanc vim habere ut *nuda verba* significet. Sane quidem in ipso vocabulo per se spectato non iust haec vis, et sunt *λόγοι* verba etiam iurati: sed nostro loco, quum opponantur inter se *ὀρκίοισι μὲν ἔργεῖς* et *λόγοις δὲ συμβάς*, manifestum sit non alios *λόγους* cogitari debere quam qui non sint cum iure iurando coniuncti h. e. *nuda verba*, quod quo minus dubium esse possit ipse Euripides cavet additis verbis καὶ θεῶν ἀνώμοτος; nam qui *λόγοις καὶ ἀνώμοτος συμβῆναι* dicitur, hunc apparet dici verbis tantummodo et sine iure iurando pactum esse.

Vers. 831: πῶς δ' ἥμινα προσβαλοῦσα
τέκνοις ἄδακρυν μοῖραν
σχίσεις φόνον;

Rectissime cum Hermannus haec verba ita interpretabimur: *πῶς σχίσεις μοῖραν τὴν σὴν ὥστε ἄδακρυν φόνον εἶναι*; Alii *μοῖραν φόνον* pro *φόνον* dici putant eadem circumloquutione qua *μοῖρα θανάτου* v. 957 aliaque similia dicuntur: quo sensu autem *φόνον ἄδακρυν σχίσεις* accipi velint, non exponunt. Nobis haec loquutio aut id significare videtur, quod Hermannus merito absurdum dicit, *caedem s. caedis sortem inhibebis sine lacrimis* h. e. *sine lacrimis temperatura es a caede*: aut nihil omnino significare. Nam quod illi fortasse crediderunt *φόνον ἔχειν* de eo dici posse, qui caedem perpetrare sustineat, id manifesto falsum est. Sed Hermannus etiam *φόνου* cum *φόνον* permutari iubet, quod extat sane in aliquot codicibus, ipsique vel propterea praeferendum videtur, quia, si *φόνου* legatur, statim sequentibus verbis *οὐ δύνασαι*, rudis existat hiatus, quem ab Euripide admissum credi non posse. Esse autem *ἄδακρυν μοῖραν σχίσεις φόνον* idem quod *οὐ δακρύσεις φόνον*, figura dicendi tragicis satis usitata, de qua videndi sint Porson. ad Eur. Phoen. v. 300. Seidler. ad Iph. Taur. 1061. ipse ad Viger. p. 899. Aptissime comparari posse Aeschylum in Agam. v. 822: *δίκας γὰρ οὐκ ἀπὸ γλώσσης θεοὶ κλύοντες, ἀνδροθνήτας Ἰλίου φθορὰς ἐς αἵματηρόν τεῦχος οὐ διχορρόπως*

ψήφους ἔθεντο, i. e. φθορὰς ἐψηφίσαντο. Ita hic ἄδακριν μοῖ-
 ραν σχήσεις φόνον idem esse ac ἀνέξει μὴ δακρύουσα τὸν φό- 12
 ρον vel πῶς σχήσεις μοῖραν τὴν σὴν ὥστε μὴ δακρύουσαν εἶναι
 τὸν φόνον. Nam ἄδακριν μοῖραν poetam dicere ut effectum com-
 plectatur, quum satis fuisset dicere σχήσεις δάκρυα. Simillime So-
 phoclem in Electra v. 241 γονέων ἐκτίμους ἴσχυουσα πτέρυγας ὄψι-
 τάτων γόνων. Ut Euripides φόνον scripserit, ita Sophoclem potuisse
 etiam γονέας scribere. — Haec ille: quae ego me nec satis omnia in-
 telligere et quae intelligam qua ratione probari possint non perspicere
 fateor. Figura illa dicendi, quam significat, ea est, quum loquutio ali-
 qua ex verbo et verbi obiecto composita ita usurpatur, quasi sit ipsa
 unius verbi transitivi instar, ideoque aliud etiam praeter illud quod in
 ipsa loquutione iam inest obiectum, et quidem accusativo casu, adiun-
 gitur. Fit autem hoc duobus modis, quorum utriusque rationem at-
 que indolem probe perspectam habere oportet, ut quam late pateat
 quibusve finibus inclusa sit illa figura cognoscamus neque dici posse
 opinemur quae rectae rationi adversantur. Et primum quidem genus
 hoc est, quum verbi eius, quod est in illa loquutione, significatio, sive
 haec transitiva est seu intransitiva, addito aliquo nomine substantivo
 ita quasi temperatur, ut existat nova quaedam actionis transitivae no-
 tio, cui obiectum aliquod accusativo casu adiungi possit; velut in illo
 quod Hermannus usurpavit Aeschylī exemplo verbum τίθεσθαι quum
 actionem significet ponendi, haec significatio addito substantivo ψῆφον
 ita temperatur et cum substantivi notione coalescit, ut existat nova
 notio actionis transitivae ψηφίεσθαι, cui iam recte accusativus
 φθορὰς adiungi potest. Simili ratione γόνους θησόμεθ' ἢ πάσχομεν
 Euripides dixit Orest. v. 1119, quia θέσθαι verbum cum substantivo
 γόνους coalescit in unam notionem verbi γοῶσθαι: et ἐξάρχειν quum
 solum exordiri significet, addito autem substantivo μολπήν actio si-
 gnificetur cuius exordium fiat, utrumque coalescit in notionem actionis
 transitivae exordientiae, ut sit exordientem canere, quam ob causam
 Aeschylus dicere potuit μολπὴν ἐξάρχειν θεούς, similiterque Euripi-
 des Orest. v. 949: κατάρχομαι στεναγμὸν ἄταν, et Androm. 1201:
 δεσπότην γόοις κατάρχειν h. e. δεσπότην κατάρχοντα γοῶσθαι.
 Porro verbum τεθνάναι adiuncto substantivo τῷ δέει temperatur
 ita, ut existat notio timendi paene ad mortem, quamobrem dici potest
 τεθνάναι τῷ δέει τοὺς πολεμίους, cuiusmodi exempla sunt ap.
 Demosth. Phil. I p. 53, 10. de fals. leg. p. 366, 25. Schaef. App. crit.

μ. 603. Eadem ratione Sophocles Oed. Col. v. 223 dicit *δέος ἴσχετε μηδὲν ὄσ' αὐδῶ*, quia *ἔχειν* et *δέος* coalescunt in notionem verbi *δεδιέναι*, et paullo audacius Euripides in Bacch. v. 1281: *λέγ' ὥς τὸ μέλλον καρδία πῆδημι' ἔχει*, pro *δέος πῆδημα* ponens, ut effectum timoris, quemadmodum *τρόμος* saepenumero dicitur. Est igitur ἡ *καρδία πῆδημα ἔχει* i. q. ἡ *καρδία πιηδᾶ*, quemadmodum ἡ *καρδία τρόμον ἔχει* i. q. ἡ *καρδία τρομεῖ*: quod quum *πῆδημα* ut *τρόμος* pro eo, cuius effectus est, h. e. pro timore dicatur, consequitur etiam *πῆδημα ἔχειν* ut *τρόμον ἔχειν* eodem sensu quo *δέος ἔχειν* usurpari et cum accusativo eius rei quam quis timet construi posse. Porro quum *μοχθεῖν* sit *laborare*, haec significatio addito substantivo *θεραπεύμασι* ita temperatur, ut alia existat haec: *μοχθηρῶς θεραπεύειν*, quamobrem Euripides dicere potuit Phoeniss. 1590: *ἂ πόδα σὸν τυφλόπουν θεραπεύμασιν αἰὲν ἐμόχθουν*. Alique passivorum quorūque verborum significatio ita potest addito substantivo temperari, ut existat actionis transitivae notio, velut ad *τήκεσθαι*, *consumi*, si addas dativum *γόοις*,
13 ut sit *lamentis consumi*, hinc notio evadit *lamentandi adeo ut consumaris*, ac proinde accusativus addi poterit eius rei, quam quis lamentatur, quemadmodum Euripides dixit Orest. 850: *τὸ μέλλον ἐξετηκόμην γόοις*. Haec omnia exempla hoc inter se commune habent, quod accusativus adiungitur non a verbo ipso ac solo per se spectato pendens, sed ab ea actionis notione, quae existit e verbi cum substantivo coniunctione; differunt autem inter se eo, quod in aliis substantivum illud actionem transitivam indicat, quae ipsa sua vi accusativum regere videri possit, ut *θεράπευμα* aliaque verbalia, in aliis non est eiusmodi substantivum, sed accusativus manifesto non nisi ab ea notione pendet, quae e coniunctione verbi et substantivi enascitur, velut in *ψηφρον θέσθαι Ἰλίου φθοράς*. Sunt etiam pauci aliquot loci, in quibus ne haec quidem verbi cum substantivo coniunctio sufficit ad efficiendam notionem actionis transitivae quae accusativum regat, sed adiectivum etiam adiungi necesse est, veluti in Soph. Electr. 1370: *ἥ σε λιπαρεῖ προὔστην χερσί*; neque enim licuit dicere *ἥ σε προὔστην χερσί*, nisi adiungeretur adiectivum *λιπαρεῖ*, quo adiuncto enascitur transitiva huius loquutionis notio et constructio eadem quae verbi *λιπαρεῖν*. — Sequitur secundum huius figurae genus, de quo pauca monere satis erit. Pertinent enim huc eae loquutiones, qualis est ap. Sophoclem Trachin. v. 59: *πολλὰ μὲν σ' ἐγὼ κατεῖδον ἤδη πανδάκνυτ' ὀδύρ-*

ματα τὴν Ἡράκλειον ἐξοδὸν γοωμένην, in qua uterque accusativus ὀδύρματα et ἐξοδὸν a verbo γοωμένην sed dispari ratione pendet. Nimirum cuilibet verbo transitivo duo accusativi adiungi possunt, quorum alter ipsam actionem, cuius iam in ipso verbo inest significatio, disertius eloquatur, quale est γοᾶσθαι γόνον, — quod genus obiectum internum brevitatis causa appellare licebit — alter autem rem aliquam externam designet, ad quam illa actio pertingat, quale est γοᾶσθαι τὸν ἄνδρα: utroque autem obiecto adiuncto talis quaedam loquutio existet πολλοὺς γόνους τὸν ἄνδρα σου γοωμένην. Jam vero potest fieri, et sit non raro, ut interni obiecti loco non id nomen ponatur, quod eiusdem ac verbum ipsum stirpis sit, sed aliud, eiusdem tamen aut similis significationis, et quod possit cum illo salva sententia permutari, veluti quum pro γόνους γοᾶσθαι dicatur ὀδύρματα γοᾶσθαι, quemadmodum a Sophocle factum est. Ex hoc genere apparet esse παιᾶνα ὑμνοῦσα τὸν Λάττους γόνον ap. Eurip. Hercul. F. 683. ἐπεφήμεσθε παιᾶνα Λιδὸς κόραν Iph. Aul. 1468. λιγυρὰ δ' ἄχρεα βοᾷ τὸν προδότην Med. 208, aliaque multa quorum ratio non obscura est. — Jam ut ad nostrum Medae locum revertamur, loquutionem istam μοῖραν ἴσχειν ἄδακρυν φόνον ad hoc secundum genus nullo modo pertinere manifestum est; videndum igitur erit, num forte ad primum genus pertineat. Ex hoc autem genere illum quidem Aeschyli locum, quem Hermannus aptissime comparari posse dicit, prorsus alienum esse iudico. Apud Aeschylum enim e verbis ψήφον θέσθαι emergit notio verbi ψηφίζεσθαι: sed ex μοῖραν ἴσχειν qualis tandem actionis transitivae notio emergere possit, cui accusativus φόνον recte adiungatur? Nempe non solum μοῖραν ἴσχειν sed μοῖραν ἄδακρυν ἴσχειν considerandum est, ut apud Soph. Electr. non solum προὔστην χειρὶ sed λιπαρεῖ προὔστην χειρὶ. At plurimum tamen inter utriusque loquutionis rationem interesse arbitror: nam quum dativi illi λιπαρεῖ χειρὶ quodammodo adverbii vice fungantur verbi quae notionem ita temperent, ut abeat in transitivi λιπαρεῖν significationem, contra in ἴσχειν μοῖραν ἄδακρυν, cohibere sortem expertem lacrimarum hoc inest: cohibere sortem ut sit lacrimarum expertis, vel quemadmodum Hermannus ipse explicat ἴσχειν τὴν μοῖραν ὥστε ἄδακρυν εἶναι, indicaturque effectus verbi ἴσχειν, h. e. indicatur qualis fiat sors per eam actionem, quam ἴσχειν verbum indicat. Quod si in hac qualitate inest notio actionis transitivae, cui obiectum accusativo casu adiungi possit, apparet tamen hunc accusativum, si adiungatur, nullo modo pendere a verbi notione sub-

stantivo et adiectivo adiuncto temperata, sed tantummodo ab adiectivo qualitatem illam indicante, ut plane diversum sit hoc genus ab ea figura de qua supra exposuimus. Veluti si dictum foret ab Euripide *πῶς βιώσει ἄδακρυς τὸν φόνον*, nemo, opinor, dixerit accusativum propterea positum esse, quia *βιώσει ἄδακρυς* idem significet quod *οὐ δακρύσεις*, sed verbum et adiectivum seiungenda esse videbit, et accusativum tantummodo ab adiectivo pendere propterea quia hoc ipsum idem significet quod *οὐ δακρύουσα*. Hanc ob causam si quis vel hanc structuram *βιώσει ἄδακρυς φόνον* vel illam *σχίσεις μοῖραν ἄδακρυν φόνον* probare velit, ei nihil nisi hoc probandum erit, adiectivum *ἄδακρυς* cum accusativo construi. Id ego etiamsi potuisse fieri non nego — quemadmodum *ἀνήκοος* nonnunquam cum accusativo construi notum est — tamen ut factum a Graecis esse credam, certa exempla expecto, qualia donec proferantur, nolim in ambigua loci Euripidei scriptura accusativum genitivo praeferre. Neque hiatum aegrius toleraverim quam structuram inauditam: qui tamen si sit adeo intolerabilis, leniri poterit si cum Musgravio et Elmsleio ἤ pro οὐ scribatur.

Vers 1052.

ἀλλὰ γὰρ ἐστὶν
μοῦσα καὶ ἡμῖν ἢ προσομιλεῖ
σοφίας ἔνεκεν· πάσαισι μὲν οὐ.
παῦρον γὰρ δὴ γένος ἐν πολλαῖς
εὖροις ἂν ἴσως
κοῦκ ἀπόμουσον τὸ γυναικῶν.

Ita hunc locum Hermannus scribi iubet ex Porsoni coniectura, nisi quod *κοῦκ*, a Porsono in *οὐκ* mutatum, servandum ipsi videtur: certissime enim, inquit, eadem ratione *παῦρον κοῦκ ἀπόμουσον* dictum est, qua usitatissimum illud *πολλὰ καὶ μεγάλα*. At nobis haec ratio, qua *πολλὰ καὶ μεγάλα* dici solet, ab ea, quam noster locus postulat, prorsus diversa esse videtur. Nam *πολλὰ καὶ μεγάλα* dicuntur quae simul et multa et magna vel multa eaque magna sunt, ad quod exemplum si de mulierum genere Euripides dixisset *παῦρον κοῦκ ἀπόμουσον τὸ γυναικῶν*, paucas easque sapientes mulieres esse dixisset. Non autem hoc aut voluit aut potuit, sed ex mulieribus quamvis multis paucas tantummodo sapientes esse. Itaque non coordinata inter se sunt illa adiectiva, quemadmodum ea quae copula iunguntur, sed subordinatum alterum alteri, quum *παῦρον* ex universa mulierum multitudine partem aliquam exiguam eximat, quae *οὐκ ἀπό-*

μινσος sit; in quali subordinatione copulativae particulae locum non
 esse apparet. Ita si velis aliquem dicere non multorum verborum esse,
 sed pauca eaque vera dicere, in qua sententia coordinata haec adiectiva
 erunt, hunc recte οὐ πολλῶν λόγων εἶναι dices, ἀλλ' ὀλίγα καὶ ἀληθῆ
 λέγειν: contra si quem multa quidem, sed in his pauca tantummodo
 vera proferre dicas, dices cum Euripide Iph. Aul. 957: ὅς ὀλίγ' ἀληθῆ, 15
 πολλὰ δὲ ψευδῆ λέγει, ubi manifestum est non potuisse ὀλίγα καὶ
 ἀληθῆ dici, non magis quam nostro loco παῦρον κοῦκ ἀπόμουσον
 ea qua Hermannus voluit ratione. Sed non magis etiam si cum Por-
 sono οὐκ non κοῦκ legas sententia loci constabit, quae non potuit nisi
 ita fere efferrī: ἐν πολλαῖς παῦρον ἂν εὔροις τὸ οὐκ ἀπόμουσον
 vel παῦρον ἂν εὔροις γένος οὐκ ἀπόμουσον. Nunc autem quum
 τὸ γυναικῶν dictum sit, apparet non de parte tantummodo sed de
 universo genere aliquid praedicari. Itaque retinendum quidem censeo
 κοῦκ ἀπόμουσον, hoc tamen non coniungendum cum παῦρον δὲ
 γένος, sed cum superioribus πάρεστι μοῦσα καὶ ἡμῖν, ut eadem
 haec sententia in fine periodi repetatur, illa autem verba πᾶσαισι μὲν
 οὐ· παῦρον — εὔροις ἂν ἴσως pro parenthesi interposita sint.
 Idem etiam Pflugkium sensisse eius interpunctio ostendit. Sed versu
 quarto παῦρον δέ τι δὴ legendum videtur, quod supra scriptum est in
 cod. Rom. A. Ceteri pronomina omittunt: γάρ ex coniectura Porsonus
 scripsit.

Scrib. Gryphiswaldiae a. d. VII. Id. Mart. MDCCCXXXVI.

OBSERVATIONES IN THEOPHRASTI OECONOMICUM ET PHILODEMI LIB. IX DE VIRTUTIBUS ET VITIIS.

5 Non immerito Socrates apud Ciceronem ¹⁾ dicitur primus devocasse philosophiam de caelo et in urbibus collocasse, et in domos quoque introduxisse et coëgissee de vita et moribus rebusque bonis et malis quaerere. Quamvis enim multi etiam ante Socratem enumerari possint,

qui quid sit pulchrum, quid turpe, quid utile, quid non,
vel praeceptis vel exemplis propositis docuerint, idque Homerum adeo *planius ac melius Chrysippo et Crantore* fecisse Horatius iudicet ²⁾, tamen qui subtiliorem docendi rationem artemque disserendi his rebus adhibuerit e veteribus illis vix quemquam invenimus. Nam ne de poetis loquar illoque genere praeceptorum, quod per Hesiodi imprimis et gnomiorum carmina sparsum est, etiam septem illos qui dicuntur sapientes non tam philosophos quam viros prudentes fuisse comperimus, qui absque subtiliori arte ac disciplina breviter ac simpliciter praeceperint, quae multiplex rerum usus et experientia non vulgaris suppeditasset ³⁾: quae autem Pythagoras eiusque discipuli ⁴⁾, aut Eleaticorum

1) Tusculan. V, 4. Cf. Acad. poster. 1, 4.

2) Epist. 1, 2 v. 3. 4.

3) *Λαταμάθοι ἂν τις αὐτῶν τὴν σοφίαν τοιαύτην οὖσαν, δῆματα βραχέα ἀξιωμαζόμενα ἑκάστη ἐρημένα.* Plat. Protag. p. 343 B. Ex his quae ad domesticam administrationem pertinent Plutarchus proposuit Sept. Sap. conv. c. 12 et hinc desumpta Stobaeus Flor. 83, 14 tom. III p. 176 Gaiss. Chilonem imprimis Diog. Laert. tom. I p. 46 Huchn. praecepisse memorat: *μανθάνειν τῆς αὐτοῦ οἰκίας καλῶς προστάτειν.*

4) De veterum Pythagoreorum disciplina ethica, imprimis politica, praeter eos

principes Parmenides et Zeno⁵⁾ de vita et moribus paullo subtilius philosophati sunt, haec et pauca fuerunt nec magni ad eam quae postea extitit morum doctrinam momenti, et uberioribus Socratis et Socraticorum disputationibus mox plane obscurata. Socratem vero ipsum de omni hominum vita civili ac domestica omnique genere officiorum subtiliter et accurate disputantem Platonis nobis et Xenophontis libri repraesentant, quamquam admodum plerumque dissimili ratione, in qua dissimilitudine uter illorum ad magistri sententiam propius accesserit vix satis certo ubique dignosci potest⁶⁾. Sed unum est harum disputationum genus, quod apud Platonem obiter tantummodo et carptim, multo autem copiosius et accuratius apud Xenophontem tractatur, de administratione domestica, estque Xenophontis de ea libellus, qui Oeconomicus inscribitur, sane praestantissimus et Socratis sapientia, meo quidem iudicio, aliquanto dignior, quam plerique eorum sermonum, qui in Memorabilium libris referuntur. Post Xenophontem primus Aristoteles⁷⁾ paullo accuratius hanc moralis philosophiae partem tractasse, et quae ab illo fusius ac liberius disputata erant, subtiliore quadam et severiori disserendi ratione usus, ad iustae artis formulam et descriptionem revocasse videtur: sed de duobus, qui hodie Aristotelis nomen praeferunt, oeconomicis libellis alterum subditicium et ab illius ingenio non minus quam aetate alienum esse nunc quidem satis inter omnes constat⁸⁾; alter utrum ab ipso Aristotele an ab eius auditore

quos citavimus in Antiquitt. i. p. Gr. p. 92, 4 cf. H. Ritter, *Geschichte der Pythag. Philosophie* p. 38 sqq. et p. 52. Ipsum Pythagoram Iamblichus cap. 30 dicit οὐδὲν ἥσσαν θανυσσῆναι διὰ τὴν οἰκονομίαν ἢ τὴν φιλοσοφίαν, idemque cap. 17 in classibus discipulorum etiam πολιτικούς et οἰκονομικούς fuisse perhibet. De recentiorum Pythagoreorum scriptis oeconomicis cf. not. 9.

5) Utrumque Eleatis leges scripsisse memorant Strab. VI p. 252. Plutarch. cfr. Colot. c. 32 et Diog. Laert. IX, 23 (tom. II p. 348) e Speusippo. — E sophistis praecipue Protagoras commemorandus est, quem Plato Protag. p. 319 A. docuisse testatur εἰδούσαν περὶ τε τῶν οἰκείων, ὅπως ἂν τις ἄριστα τὴν αὐτοῦ οἶκον διοικοῖ, καὶ περὶ τῶν τῆς πόλεως, ὅπως τὰ τῆς πόλεως δυνατάτατος ἂν εἴη καὶ πράττειν καὶ λέγειν.

6) Tractavit hanc quaestionem C. A. Brandis, *Grundlinien der Lehre des Sokrates*, in Museo Rheno ann. 1827. Vid. impr. p. 122 sqq. et p. 129.

7) Aequalis Xenophontis fuit Antisthenes, cuius *Oikonomikós* commemoratur a Diogene Laertio VI, 16 (tom. II p. 11.); Aristotelis aequalis Xenocrates, cuius item *Oikonomikós* nominatur ab eodem IV, 12 (tom. I p. 268).

8) Conf. Niebuhr. opusc. philol. I p. 412 sqq. Ceterum ne pertinet quidem

Theophrasto scriptus sit, controversum est. Reliquorum autem philosophorum oeconomica scripta, praeter pauca recentiorum imprimis Pythagoreorum fragmenta⁹⁾, plane perierunt, ac nuper demum unam quasi ex magno naufragio tabellam fortuna nobis retulit, Philodemi Epicurei, Ciceronis aequalis, de administratione rei familiaris disputationem, maioris operis de virtutibus oppositisque vitiis particulam, in Herculani rudieribus repertam, non admodum illam quidem vel dissecrendi subtilitate vel orationis elegantia commendabilem, verumtamen in tanta aliorum de hoc argumento scriptorum iactura haudquaquam sane contemnendam. Ediderunt hanc Franciscus Iavaronius et Carolus Maria Rosinius in voluminum Herculansium tomo tertio, Neapoli ann. MDCCCXXVII, et post hos Carolus Goettlingius, una cum Aristotelio et anonymi oeconomico, Ienae ann. MDCCCXXX. Et de Neapolitanis quidem editoribus nunc dicere nolo, nec satis tuto possum, quum ipsam eorum editionem nunquam viderim: popularis autem noster quum praecclare de tribus illis opusculis vel illustrandis vel emendandis meruerit, permulta tamen aliis facienda reliquisse iudicandus est: neque id mirum, in Philodemo praesertim, plurimis et maximis in papyro lacunis aliisque mendorum generibus misere foedato, quae lectionem in nulla non pagina plus semel impediunt sententiamque scriptoris obscurant. Ilanc ob causam quum nos et olim nonnihil curae his libellis impenderimus, et hoc ipso tempore ad lectionem eorum revocati simus, non ab re visum est aliquot emendationis nostrae et interpretationis specimina publice proponere. Sed Philodemi quum tripertita sit disputatio, verseturque primum in Xenophontis, deinde in Aristotelis, vel, ut ipse ait, Theophrasti oeconomico iudicando, postremo autem

hic libellus ad eam quae vere dicitur oeconomiam, quum nihil de domestica administratione praecipiat, sed tantummodo varia artificiorum exempla proponat, quibus civitates earumque principes uti sint ad angustias aerariorum sublevandas.

9) Pleraque horum apud Iohannem Stobaeum servata sunt, e Brysonis, personati haud dubie, *Οικονομικῇ* (Floril. tit. 85, 15) Callieratidae libro *περὶ οἴκου εὐδαιμονίας* (ib. 70, 11. 85, 16. 17. 18), Hieroclis *οικονομικῇ* (ib. 85, 21), non diverso, ut arbitror, a libro *περὶ οἰκῶν* s. π. *οἴκων*, quem ipso citat in fr. libri *περὶ γάμου* ib. 67, 22. — Aliquot loci a Stobaeo etiam e Dionis oeconomico excerpti sunt (tit. 42, 12. 62, 46. 74, 50. 85, 12. 13), qui quia Chrysostomus ait, non dubium videtur. Plurimi autem non de omni administratione domestica, sed de una alterave parte scripserunt, veluti de coniugio, de liberorum educatione, de servorum tractatione, de divitiis rectoque earum usu, de apparatu domestico (*περὶ οὐκῶν*), quos percensere longum est.

loco propria Epicureorum oeconomiae praecepta edat, nos nunc in ea potissimum parte continebimur, quae ad Theophrasti oeconomicum pertinet, simulque Philodemi de auctore libelli testimonium contra Goettlingium tueri conabimur; quae contra Xenophontem disputantur, nunc quidem plane praetermitteremus; de propriis Philodemi praeceptis pauca quaedam delibabimus.

Exorditur Theophrastus a discrimine civilis et domesticae administrationis, easque non eatenus solum inter se differre ait, quatenus quae subiecta utrique sunt, civitas et domus, inter se distent, sed etiam eo, quod in altera plurimum, in altera unius sit imperium: *ἡ μὲν πολιτικὴ ἐκ πολλῶν ἀρχόντων ἐστίν, ἡ οἰκονομικὴ δὲ μοναρχία*. Conspirare haec cum iis quae Aristoteles docet Polit. I, 2 p. 11, 21 et III, 10 p. 103, 2, iam Goettlingius monuit. A Philodemo autem p. 45, 13 Goettl. totum hoc exordium reprehenditur, primum quia supervacaneum fuerit de politicae et oeconomicae discrimine exponere: *οὐδὲν γὰρ εἰς οἰκονομικὴν τὸ διαφέρειν τῆς πολιτικῆς*; deinde quod ne verum quidem sit politicam neutiquam, oeconomica vero utique unius administrationem esse, neque unquam esse in utraque, quae ad alterius similitudinem accedant: *καὶ ἔτι ψεῦδός ἐστι τὸ τὴν πολιτικὴν πάντως μὴ μοναρχίαν εἶναι, καὶ τὸ τὴν οἰκονομικὴν πάντως μοναρχίαν, καὶ μήποτε ἀναλογοῦντα εἶναι περὶ ἑκατέραν*. Pro *καὶ ἔτι* in editionibus legitur *καὶ εἰ*, quod ferri non posse mihi quidem certissimum videtur. Nam quod Goettlingius nos ad notulam suam in Arist. Polit. p. 285. remittit, ubi *καὶ εἰ* apud Aristotelem saepius pro *καὶ εἰ* inveniri docet: ego ne hoc ipsum quidem *καὶ εἰ* huic loco convenire arbitror, quum nulla sit inter hanc periodum eamque quae praecessit, quae paullo ante a me adscripta est, conditionalis vel concessiva connexio, sed hoc unum aptum, ut postquam prius Theophrasti propositio tanquam supervacanea reprehensa est, nunc altera reprehensio per continuativas particulas adiungatur. Quodsi tamen illud *καὶ εἰ* in papyro plane ac certo scriptum extat, necesse erit negativam particulam addi: *καὶ εἰ μὴ ψεῦδός ἐστι*, ut haec sit Philodemi sententia: supervacaneam utique esse istam de discrimine politicae et oeconomicae disputationem, etiamsi non falsum sit quod dicatur. Sed vix tamen credo, hoc a Philodemo concessum esse, quum praesertim sit haud dubie in illo placito, quod reprehendi posse videatur, ipsaque illa verba *καὶ μήποτε ἀναλογοῦντα εἶναι περὶ ἑκατέραν* vix possint alio consilio addita videri, quam quo facilius Theophrasteae sententiae falsitas

patesceret. Nam si simpliciter assentiebatur Philodemus Theophrasto, quid opus erat ad sententiam eius hoc etiam addere, nunquam esse in politica administratione, quod ad domesticae, neque in domestica, quod ad politicae administrationis similitudinem accederet? Hanc enim eius verborum sententiam esse non dubito. Contra si reprehendere Theophrasti placitum voluit, non inepte haec addidisse videri debet, quum saepenumero accidat et in civitatum administratione ut imperium unus, sicut in domo pater familias, exerceat, et in domestica, ut haec non unius domini, sed multorum, qui parere domino deberent, voluntate et arbitrio regatur. Ceterum nihilo minus Theophrastum facile defendi posse apparet. Non enim respicienda philosopho nisi ea vel civitas vel domus erat, quae recte et rationi convenienter constituta est. Domum autem ab aliis praeter unum patrem familias gubernari non minus contra rationem est, quam civilem administrationem omnem unius imperio regi. Scilicet civilem administrationem cum Aristotele et Theophrasto non dicimus nisi eam, quae est liberae civitatis, in qua necesse est imperium inter plures partitum esse: quodsi contra est, non iam est libera civitas dicenda, neque administratio civilis s. *πολιτική*, sed *μοναρχική*, h. e. aut *βασιλική* aut *δεσποτική* aut *τυραννική*. — Atque etiam alteram Philodemi reprehensionem, quod supervacaneum fuisse dicit illa exponi, removeri posse iudicamus. Tetigit enim illa Theophrastus propterea, quod arctissima sane intercedit inter politicam et oeconomiam coniunctio, pertinetque haud dubie aliquid ad utriusque vim et naturam rectius perspicendam, ut quid commune inter se habeant, quid sibi quaeque proprium, intelligatur.

- 9 Ait porro Theophrastus, quum politicae artis sit et constituere initio civitatem et constitutam recte administrare, hinc apparere, oeconomicae quoque utrumque esse, et ut paret domum, et ut paratam administret. Hoc qua ratione consequatur ex illo altero non accuratius demonstrat: neque id opus fuisse Philodemus censet. — Sequitur deinde definitio civitatis: esse eam multitudinem domuum cum agris rebusque ad usum necessariis talem, quae sibi ipsa ad bene vivendum sufficere possit: hinc consequi ut domestica administratio prior sit civili, siquidem domus ipsa prior sit civitate, utpote e domibus exorta: *δηλον ὅτι πρότερον γενέσκει ἢ οἰκονομικὴ πολιτικῆς ἐστὶ καὶ γὰρ τὸ ἔργον· μόριον γὰρ οἶκός ἐστιν*. In his quod domus eiusque administratio *γενέσκει* prior esse dicitur civitate et administratione civili, pugnare Goettlingio videbatur cum Arist. Polit. I, 2 p. 4,

22 et 29, ubi civitas *φύσει* prior esse dicitur singulis hominibus, quemadmodum totum prius sit partibus suis; unde consequi intelligebat etiam domo civitatem priorem habendam esse. Sed mutavit postea vir doctissimus iudicium, et recte quidem. Nam aliud est *φύσει πρότερον εἶναι*, aliud *γενέσει*. Ac *φύσει πρότερον* totum partibus suis qua ratione dicatur non obscurum est, breviterque etiam a nobis expositum in Antiquitt. iur. publ. Gr. p. 57, 4; *γενέσει* autem prius esse dicitur, non quod ipsa natura ac notione, sed quod existentia prius est priusque in conspectum venit: quamobrem in civitatem ac domum illud ipsum cadit, quod de alio rerum genere Aristoteles profitetur Phys. VIII, 7, *τὸ τῇ γενέσει ὕστερον τῇ φύσει πρότερον εἶναι*.

Iam ad ipsam oeconomicam eiusque opus scriptor accedens, primum quae sint partes domus exponit: *μέρη δὲ οἰκίας ἀνθρωπιάς τε καὶ κτήσις ἐστίν*. — *Ἀνθρωπον* Philodemus de domino s. patre familias accepisse videtur, unde nata est speciosa huius loci reprehensio, de qua mox dicemus. Sed Theophrastus haud dubie singulari numero usus est ad genus universe designandum; intelligi autem voluit quicumque in domo homines sub patris familias administratione et potestate vivunt. Quamquam dubitarit forsitan aliquis, utrum servos quoque *ἀνθρώπου* nomine comprehenderit, an, quum opponat *ἄνθρωπον* et *κτῆσιν*, servos huic potius accensuerit: siquidem servi sunt *κτῆματα*, et *κτῆσις* nihil aliud est quam *κτημάτων* universitas. Cf. Arist. Polit. I, 2 p. 6, 17 ed. Goettl.: *τὸ κτῆμα ὄργανον πρὸς ζωὴν ἐστί, καὶ ἡ κτῆσις πλῆθος ὀργάνων ἐστί, καὶ ὁ δοῦλος κτῆμά τι ἔμψυχον*. Attamen nostro quidem loco servos a reliqua *κτῆσει* seiunctos et *ἀνθρώπου* appellatione comprehensos credo, primum propterea, quod etiam postea, cap. 5 init., a reliquis *κτῆμασιν* distinguit *τὸ βέλτιστον καὶ ἡγεμονικώτατον· τοῦτο δὲ ἦν ἄνθρωπος* h. e. *δοῦλος*: deinde quia hoc ipso capite, paucis post versibus, ubi de hominibus in domo loquitur, uxorem dicit *πρῶτον τῶν ἐλευθέρων*, non *τῶν ἀνθρώπων*, quod fecisset, opinor, nisi tacite *ἄνθρωπον* in duas species, alteram *τῶν ἐλευθέρων*, alteram *τῶν δούλων*, divisisset. Quamquam hanc divisionem quod tam obscure significavit non iniuria reprehendas. Ceterum conferenda cum hoc loco sunt quae Aristoteles disputat Polit. I, 2 in. et Callicratidas *περὶ οἴκων εὐδαιμονίας* apud Stobaeum Floril. tit. 85, 16 tom. III p. 170. Gaisl.: *τῶν δὲ μερέων*

αὐτοῦ (scil. τοῦ οἴκου)¹⁰⁾ δύο πρᾶτα καὶ μέγιστα, ἄνθρωπος καὶ κτᾶσις, τὸ κυβερνῶμενον καὶ τὰν χρᾶσιν ἐμπαρεχόμενον· et paullo post: τῶν δὲ συμπλαρούντων τὸν οἶκον ἀνθρώπων τοὶ μὲν συγγενές τοι δὲ οἰκῆοι.

Sequuntur deinceps apud Theophrastum haec: ἐπεὶ δὲ πρῶτον ἐν τοῖς ἐλαχίστοις ἢ φύσιν ἐκάστου θεωρεῖται, καὶ περὶ τῆς οἰκίας ἂν ὁμοίως ἔχοι· ὥστε καθ' Ἡσιόδον δέοι ἂν ὑπάρχειν

οἶκον μὲν πρῶτα γυναῖκά τε βοῦν τ' ἀροτῆρα.

τὸ μὲν γὰρ τῆς τροφῆς πρῶτον, τὸ δὲ τῶν ἐλευθέρων. — Quod ait unius cuiusque rei naturam primo in minimis eius partibus cognoscendam esse, conspirat cum iis, quae Aristoteles aliquoties praecepit (vid. Goettling. annot. p. 69.); quod autem adiungit ὥστε — δέοι ἂν ὑπάρχειν, sane obscurius dictum est propter nimiam brevitatem. Voluit autem hoc haud dubie: *itaque, quia domus quoque natura in minimis eius partibus cognoscenda est, ponamus has, quas Hesiodus commemorat, tanquam minimas.* Sed quum tria Hesiodus nominet, οἶκον, γυναῖκα, βοῦν ἀροτῆρα, Theophrastum nunc ita loqui videmus, quasi duo tantum sint: τὸ μὲν γὰρ τῆς τροφῆς πρῶτον, τὸ δὲ τῶν ἐλευθέρων: id quod iam e veteribus nonnullos permovit, ut priorem tantum versiculi partem a Theophrasto positam fuisse crederent, omissis verbis βοῦν τ' ἀροτῆρα, quae quidem etiam a Philodemi exemplo abfuisse statim videbimus. Verum poterat, opinor, Hesiodus Theophrasto tribus illis nominibus duas tantum res significasse videri, siquidem οἶκον intellexit res ad victum necessarias, quo pertinent habitatio cum agro quem colas cuiusque proventu alaris, cui rei quum βοῦν ἀροτῆρα adhiberi necesse sit, licebat sane utrumque τροφῆς nomine comprehendere. Itaque ego integrum versiculum retinendum esse censeo.

Nunc Philodemi censuram audiemus. Probat is primum quod de partibus domus, itemque quod de cognitione rerum in minimis partibus dictum est: τῶν δ' ὑπὲρ τῆς οἰκονομικῆς, αἰτ, ἴδιον τὸ μέρη λέγειν τῆς οἰκίας ἄνθρωπον καὶ κτήσιν, ἴδιον δὲ καὶ τὸ τὴν ἐκάστου φύσιν ἐν τοῖς ἐλαχίστοις θεωρεῖσθαι, διὸ καὶ τῆς οἰκονομικῆς, καὶ ἄξιον ἐπιζητεῖν. Hoc igitur et proprium oeconomicae dicit, et dignum quod quaeratur. In proximis vero offendit: [πᾶς]

10) Vulg. ante Gaisf. αὐτῆς, quod ferri non posse manifestum est, quum nulum aliud quo referatur nomen praecesserit quam συγγενικά κοινωνία. Αὐτῶν autem, quod Gaisf. e duobus codd. dedit, plane non habet quo referatur.

[δ' ἐπε]ξενυκται τούτο[ις]· ὥστε καὶ θ' Ἡσίοδον δέοι ἄν ὑπάρ-
 [χει]ν „οἶκον μὲν πρ[ώτ]ιστα [γυ]ναικά τε.“ τὸ μὲν γὰρ τῆς
 τροφῆς πρῶτον, τὸ δὲ τῶν ἐ[λευ]θέρων; εἰ μὴ κτήσις, ὥς
 γε καὶ τροφή, γαμετή, καὶ ταῦ[τα] σ[υ]νοικονομοῦσα. Apparet verba
 illa, βούν τ' ἀροτῆρα, a Philodemo non lecta esse apud Theophrastum:
 nam casu aut etiam consulto haec eum omisisse nemo credit. Ceterum
 in scribendo et interpungendo hoc loco a prioribus editoribus disce-
 dendum iudicavi. Hi enim verba illa καὶ ἄξιον ἐπιζητεῖν a superioribus
 divulsa cum sequentibus coniunxerunt: καὶ ἄξιον ἐπιζητεῖν πῶς
 ἐπέξενυκται —, quod non debuisset fieri sententiarum nexus demon-
 strat. Nimirum Philodemus, postquam probavit nonnulla, nunc his
 alia opponit, quae improbanda ipsi videntur: quamobrem non recte
 oratio procederet per καί, particulam copulativam, sed requiritur ne-
 cessario adversativa, ἀλλ' ἄξιον ἐπιζητεῖν aut ἄξιον δ' ἐπιζητεῖν,
 non autem καὶ ἄξιον ἐπιζητεῖν. Quam autem nos post πῶς inse-
 ruimus litteram δ', eadem quae primas proximi verbi litteras lacuna
 papyri hausit. Interrogativam orationis conformationem in huiusmodi
 reprehensionibus aptissimam esse nemo non sentit; et utitur eadem
 Philodemus continuo in proximis, καὶ πῶς p. 46, 5. 7. 11. 15. 19. 20,
 καὶ τί v. 10, καὶ διὰ τί v. 13, 18. 24. Praeterea ex τοῦτο, quod in
 papyro comparet, cur τοῦτόγε potius quam τοῖτοίς Neapolitani edi-
 tores et Goettlingius facerent, nulla causa erat: in extrema autem pe-
 riodo quum dederint καὶ ταῦ[τα] μ[ε]ν οἶκονομοῦσα, quid hoc μὲν
 significare voluerint prorsus non intelligo. Sententia Philodemi satis
 plana est. Reprehendit primum illud ὥστε — δέοι ἄν ὑπάρχειν, ut cu-
 ius cum superioribus connexio non appareat: neque id iniuria, siquidem
 paullo propter brevitatem obscurius Theophrastum loquutum esse ne-
 gari non potest, quemadmodum iam supra diximus. Deinde quum duas
 partes domus poni videret, ἄνθρωπον et κτήσιν, ἄνθρωπον autem
 de patre familias acciperet, non poterat non in eam sententiam induci,
 ut quidquid praeter patrem familias in domo est, γαμετήν non minus
 quam τροφήν, in κτήσει numerari putaret, id quod merito absurdum
 esse censebat. Atque hoc est quod dicit, εἰ μὴ κτήσις, ὥς γε τροφή,
 καὶ γαμετή: nisi forte in possessione, sicut victus, ita etiam uxor est:
 quod ironice dictum apparet pro eo, quod proprie dici poterat: siquidem
 in possessione sane uxor non est numeranda. Addit autem καὶ ταῦτα
 συνοικονομοῦσα: quum praesertim socia sit mariti in domo admini-
 stranda: quo magis scilicet rei absurditas manifesta fiat. Apparet autem

hanc omnem reprehensionem niti falsa illa vocabuli *ἄνθρωπος* interpretatione, mirorque hoc a Goetlingio non perspectum, qui quum et ipse *ἄνθρωπον* patrem familias dici credat, et tamen contra Philodemum disputet, pugnat profecto secum ipse, et ad defendendum Theophrastum ea profert, quae nihil pertineant ad rem. Sed haec nunc accuratius exagitare longum est.

Proxima Theophrasti verba in hunc modum resingenda sunt: *ὥστε δέοι ἂν τὰ περὶ τὴν τῆς γυναικὸς ὁμιλίαν οἰκονομήσασθαι καλῶς· τοῦτο δὲ ἐστίν, ὅποیان τινὰ δεῖ ταύτην εἶναι παρασκευάσαι: necesse est consuetudinem cum muliere recte instituere, h. e. talem, qualem eam esse oportet, efficere.* Vulgo scribitur *τὸ ποίαν τινὰ δεῖ*: sed interrogativum pronomen *ποίαν* in tali contextu poni non potuit, in quo nulla est neque directa neque indirecta interrogatio, sed relatio tantummodo ad subaudiendum pronomen qualitatis demonstrativum, quasi dicas *τοιαύτην τινὰ, ὅαν δεῖ*.

Sequitur locus de *κτῆσει*: cuius quidem praestantissimum genus esse dicitur ex agri cultura; huic proximum quodcunque ex terrae proventu victum praebeat, veluti *ἡ μεταλλευτική*. Vituperantur artes selulariae, ut quae corpus animumque corrumpant, laudatur agri cultura tanquam roboris et fortitudinis procreatrix. Huic similes sententias quum apud alios multos, tum apud Aristotelem invenias: sed nostro scriptori maxime Xenophontis oeconomicum obversatum esse credo, cap. 4, 2. 5, 1—17. 6, 5. 8—10; et quod hic 6, 10 *ἔξω τῶν ἐργμάτων τὰ ἐπιτήδεια* agricolis esse dicit, iisdem fere verbis apud Theophrastum legimus, *μόνων γὰρ τοῦτων τὰ κτήματα ἔξω τῶν ἐργμάτων ἐστίν*.

Exponitur deinde paullo accuratius, quomodo hominibus in domo agendum sit, ac primum quidem cum uxore. Huius quoque de coniugio disputationis bona pars e Xenophontis oeconomico ducta est, imprimis quae p. 5, 26 et deinceps leguntur, e Xenoph. c. 7, 19—30. Alia ex Aristotele sunt, de naturali studio similibus sui procreandorum, p. 5. 5 sq., e Polit. I, 1 p. 2, 14; de diversa ratione coniungendi maris et feminae inter homines quam apud bestias, p. 5, 10 sq., ex Ethic. Nicom. VIII, 14 p. 148, 3 sq.; denique de perpetuitate animalium οὐ κατ' ἀριθμόν, ἀλλὰ κατὰ τὸ εἶδος, p. 5, 22, e libro de gener. animal. II, 1 p. 731 extr. Bekk. — In his omnibus Philodemus nihil notavit, nisi quod initio dicitur *τῶν περὶ τοὺς ἀνθρώπους ἡ κατὰ γυναῖκα πρώτη ἐπιμέλεια*: neque enim opus esse ad bene beateque

vivendum, ut quis matrimonium contrahat, neque omnino coniugalia praecepta ad oeconomiam, quae vulgo dici soleat, pertinere. Atque hoc quidem quale sit alibi videbimus: illud alterum autem ex Epicuri sententia dictum est, quippe qui, ut est apud Diog. Laert. X, 119 tom. II p. 571, in διαποριῶν libro μὴ γαμήσειν μηδὲ τεκνοποιήσειν τὸν σοφὸν statuerit, in libro de natura autem, κατὰ περιστάσιν ποτε βίου γαμήσειν καὶ διατραπήσεσθαι.

Sequuntur apud Theophrastum praecepta coniugalia haec: πρῶτον μὲν οἷν νόμοι πρὸς γυναῖκα καὶ τὸ μὴ ἀδικεῖν. Coniiciebat aliquis scribendum esse: πρῶτος μὲν οἷν νόμος πρὸς γυναῖκα κείσθω, [aut κείται] μὴ ἀδικεῖν. Ego vulgatam lectionem servari posse puto. Νόμοι πρὸς γυναῖκα eodem sensu dicuntur, quo τὰ πρὸς τὴν γυναῖκα δίκαια in personatae Theanus epistola p. 228 (in I. C. Wolf. mull. graec. fragm. Lond. 1739.). Ait igitur certas quasdam conversandi cum uxore normas ac leges esse debere, earumque unam et praecipuam hanc, μὴ ἀδικεῖν, ne iniuria afficiatur: quemadmodum non raro generis alicuius universi commemorationi una quaedam et praecipua species per solam copulam adiungi solet. Vid. quae diximus ad Plut. Ag. p. 75. — Ex iniuriis deinde unam nominatim commemorat: ἀδικία δὲ ἀνδρὸς αἱ θύραζε συνουσίαι γινόμεναι. Hanc enim lectionem nemo non praeferet alteri, quae in aliquot codicibus extat, αἱ θύραζε συνοῦσαι γυναῖκες. Goettlingius eandem utrique sententiam subesse credit, ut significantur mulieris conversationes extraneae, quibus maritus iniuria afficiatur, comparatque cum Theophrasti praecepto hoc Hesiodi, μηδὲ γυνή σε νόον πύγοστόλος ἑξαπατάτω αἰμύλα κωτίλλονσα, τειν διγῶσα καλιν, quod mihi prorsus ab hoc loco alienum esse videtur. Non enim de mulieris erga virum, sed de viri erga mulierem iniuriis Theophrastum loqui omnis loci contextus manifestum facit. Sunt igitur αἱ θύραζε συνουσίαι γινόμεναι adulteria viri et amatoria consuetudo cum extraneis mulieribus, quemadmodum etiam lavaronius intellexit p. 166 ed. Goettl.; neque θύραζε συνουσίαι pro θύρασι dictum peritos offendere potest. Συνουσίαν autem ut συνεῖναι de amatoria consuetudine dici notum est, utiturque hoc verbo de Alcibiadis adulteriis Plutarchus vit. Alcib. c. 8: (ἡ Ἰππαρέτη) λυπομένη ἐπ' αὐτοῦ περὶ τὸν γάμον ἑταίραις ξέναις καὶ ἀσταῖς συνόντος. — Proximorum Theophrasti verborum scriptura apud Goettlingium haud dubie corrupta est: περὶ δὲ ὁμιλίας μήθ' ὥστε δεῖσθαι ὥσως παρόντος,

μήθ' ὥς ἀπόντος ἀδυνατεῖν ἰσχυάζειν. Nam quem Goettlingius sensum esse dicit, ὥστε δεῖσθαι ἴσως καὶ ἄλλης ὁμιλίας παρόντος ἀνδρός, neque ipsum, qualis sit, satis intelligo, et quonam interpretandi artificio inventus sit, nolo quaerere. Bekkerus ita scripsit: μήθ' ὥστε δεῖσθαι, μήθ' ὥς ἀπόντων ἀδυνατεῖν ἰσχυάζειν, quae nihilo magis intelligere possum. Illud tamen recte factum, quod verba ἴσως παρόντος, ex uno codice a Goettlingio recepta, rursus eiecit. Manifestum enim vel ipsum illud ἴσως facit, esse hanc coniecturam alicuius, qui corrupto loco subvenire conaretur. Ἀπόντος contra, quod in duobus codicibus pro ἀπόντων legitur, non erat spernendum. Persanatum locum habebimus negativo pronomine μηδέν vel potius 14 μηθέν¹¹⁾ ante alterum μήθ' inserto, quod quam facile excidere potuerit apertum est. Hoc igitur inserto, ut sit μήθ' ὥστε δεῖσθαι μηθέν, μήθ' ὥς ἀπόντος ἀδυνατεῖν ἰσχυάζειν, sententia haec est: oportere uxorem nec plane non requirere maritum, neque absentiam eius non posse aequo animo ferre. Atque hoc ipsum voluisse philosophum proxima statim verba liquido demonstrant: ἀλλ' οὕτως ἐθίζειν, ὥστε ἱκανῶς ἔχειν καὶ παρόντος καὶ μὴ παρόντος. De loquutione μηδέν δεῖσθαι, non requirere, non desiderare vid. quae conguessi ad Plutarch. Ag. c. 4 extr. Pro ὥς ἀπόντος poterat sane concinnius scribi ὥστ' ἀπόντος, et foret hoc utique reponendum, si in vetere scriptore Attico versaremur, a quorum consuetudine ὥς pro ὥστε dictum abhorreere videtur (cf. Saupp. ad Lycurg. p. 94.); nunc autem neque hic usus particulae offendere potest, cuius etiam duo in hoc libello exempla extant, p. 7, 8 et p. 9, 13, et concinnitatem in tali qualis haec est scriptiuncula neglectam esse non mirabimur. — Quae deinceps adduntur de ornatu mulierum rursus e Xenophonte ducta videntur, Oecon. 10, 1 sqq.

Hinc pergit ad πεημάτων curam, quorum quum praestantissima et maxime necessaria pars homines, i. e. servi sint, de horum tractatione diligentius praecipit. Esse horum duo genera, villicos (ἐπιτρόπους) et operarios (ἐργάτας): illos, quorum opera liberaliora sint, statim puerulos apta disciplina ab hero instituendos esse: in quo consentit cum Xenophonte, apud quem Oecon. 12, 3. 4 Ischomachus interrogatus a Socrate, πότερον, ὅταν δεθῇς ἐπιτρόπον, καταμαθὼν ἐάν που ἢ ἐπιτροπικὸς ἀνὴρ, τοῦτον πειρᾷ ὠνεῖσθαι — ἢ αὐτὸς παιδεύεις

11) Vid. Lebeck. ad Phryn. p. 182.

τοὺς ἐπιτρόπους; respondet: αὐτός, νῆ Δία, ὦ Σώκρατες, πειρῶμαι παιδεύειν, atque deinceps rationes, cur ita faciat, prudenter exponit, quas si Philodemus reputasset, non reprehendisset fortasse Theophrastum, ut facit p. 46: καὶ διὰ τί παῖδας κελεῖει παρασκευασμένον τρέφειν καὶ παιδεύειν, οἷς τὰ ἐλευθέρια τῶν ἔργων προστακτέον, μᾶλλον ἢ πεπαιδευμένους ἐπ' ἄλλων ἡγορασμένους; Ita enim scribendum censeo pro eo quod editum est ἡγμένους, ex male intellecto scripturae compendio. Iustior videri potest altera reprehensio, quod non recte servos primam et maxime necessariam partem possessionis Theophrastus dixerit, contra quam Hesiodus: nam hic primum posuit βοῦν ἀροτῆρα. Neque enim negari potest, esse domum etiam sine servis posse, quemadmodum Aristoteles ipse Polit. I, 1 p. 3, 5 significat: ὁ γὰρ βοῦς ἀντ' οἰκέτορ τοῖς πένησιν ἔστιν. At enim nunc de οἰκίᾳ τελείῃ h. e. de domo bene et commode instructa agitur, quae servis carere non posse videbatur, quo plus hero ad negotia liberaliora otii suppeteret. Cf. Arist. Pol. 1, 2 in.: οἰκία δὲ τέλειος ἐκ δοῦλων καὶ ἐλευθέρων. — Tractationem servorum porro hanc esse debere praecipit, ὡς μήτε ὑβρίζειν ἔαν, μήτε ἀνιέναι, καὶ τοῖς μὲν ἐλευθεριωτέροις τιμῆς μεταδοτέον, τοῖς δ' ἐργάταις τροφῆς πλήθος. Merito in his Bekkerus offendit: nam 15 ἀνιέναι non recte ita per disiunctivas particulas τῶ ὑβρίζειν ἔαν tanquam diversum opponi videtur, quum alterum alteri coniunctissimum sit, et servos suos qui ἀνίσχιν, i. e. nimis laxè habet, hoc ipso lascivos fieri patiatur: ἀνιέμενοι γὰρ ὑβρίζουσιν καὶ τῶν ἴσων ἀξιοῦσιν ἑαυτοὺς τοῖς κειρώσις, ut ait Aristoteles Polit. II, 6 p. 53, 28. Maluit igitur Bekkerus μηδὲ ἀνιέναι, ut copula τέ, quae est in μήτε ante ὑβρίζειν posito, referatur ad proximam demum enuntiationem καὶ — μεταδιδόναι. Sed alio ducere videtur Philodemus, qui p. 47 in. de nostro loco iudicium profert, τὸ δὲ μήθ' ὑβρίζειν ἔαν τοῖς δοῦλοις, μήτε -- ἔξιν — ἀνέκτως εἴρηται. Integrum verbum, cuius priorem partem lacuna subtraxit, Neapolitani editores πιέζειν fuisse suspicati sunt, Goettlingius μαλακίζειν, cui similem atque verbo ἀνιέναι sententiam tribuisse videtur. Sed interest haud dubie aliquantum: a Philodemo autem neque μαλακίζειν neque πιέζειν, sed potius ἀνιάζειν scriptum esse crediderim, et a Theophrasto ἀνιᾶν, quod facile in ἀνιέναι depravari potuit, quum praesertim statim sequatur καί. — Legitur praeterea apud Philodemum: καὶ τοῖς μὲν ἀληθινωτέροις τιμῆς μεταδοτέον, τοῖς δ' ἐργάταις τροφῆς πλείονος, in quibus illud

[ἀ]ληθινωτέροις, etiamsi vere hae ipsae duodecim litterae in papyro exant, neque evanidae formae Neapolitanos fefellerunt, tamen dubitari non potest quin commutandum sit cum ἐλευθεριωτέροις. Nam quod Goettlingius ait: οἱ ἀληθινοὶ sunt ii, qui περὶ τὴν ἀλήθειαν sunt occupati i. e. philosophiae vel perspicientiae veri operam suam navantes: hoc neque verum est, neque, si maxime verum esset, quidquam ad rem pertineret. Nam foret haec philosophi laus, non servi, qui quidem si ἀληθινὸς dicitur, vereor ut alius intelligi possit, quam qui *vere servus* sit, quemadmodum in eo, quod Goettlingius refert, Stilponis dicto, qui dicenti cuidam, *admirantur te ut belluam, οὐμενοῦν*, respondit, *ἀλλ' ὡς ἄνθρωπον ἀληθινόν*, hoc nequaquam *hominem veri studiosum*, ut Goettlingio visum est, sed *vere hominem s. hominem veri nominis* significat. Ita τὸ ἀληθινὸν κάλλος, *pulchritudo quae vere dici debet, ἀληθινὸς πλοῦτος, verae divitiae, ἀληθινὸς φίλος, amicus hoc nomine dignus*. Servus autem ἀληθινὸς et nomine suo dignus is est profecto, qui minime est ἐλευθέριος, ideoque plane ab hoc loco alienus.

Praeceptorum quae sequuntur summa haec est: vini potionem servis aut nunquam aut raro concedendam: labores, castigationes et alimenta recte et ex cuiusque merito dispensanda, ut melius sit melioribus, neu pari se cum deterioribus conditione haberi videntes et ipsi depraventur, (quod idem a Xenophonte praecipitur Oecon. 13, 10): porro genera servorum eligenda esse, quae ad opus faciendum optima, et neque ignava neque nimis animosa sint: praemium autem omnibus libertatem proponendam, quo libentius serviant, finem fore et mercedem sibi datum iri sperantes: porro contubernia quoque permittenda
 16 et liberorum procreationem, quo magis his quasi pignoribus obstringantur: cavendum ne multi eiusdem gentis servi in eadem domo sint, (quod etiam Aristoteles caveri iubet Polit. VII, 9, 9; item Plato Legg. VI p. 777 et Varro R. R. 1, 17 ubi cf. interpp.): denique serias et festivorum temporum recreationes servorum magis quam liberorum causa comparandas esse. Et huius quidem rei his verbis ratio assertur: *πλείονα γὰρ ἔχουσιν οὗτοι* (sc. οἱ δοῦλοι), *οὐπερ ἕνεκα τὰ τοιαῦτα ἐνομίσθη*: quorum Goettlingius hunc sensum esse ait: *πλείονα γὰρ ἔχουσιν οὗτοι τοῦ πάθους, οὐπερ ἕνεκα τὰ τοιαῦτα ἐνομίσθη*, — *πάθος* autem illud nihil aliud esse vult, quam *nimum comisationum amorem*. Mihi vero non dubium est, quin labores a Theophrasto et aerumnae significantur, quorum levandorum causa eiusmodi

festivitates et recreationes institutas esse pervulgata est et sane verissima veterum scriptorum sententia. Vid. Plat. Legg. II, 1 p. 50 c. Astii comm. p. 92. Horat. Ep. II, 1, 140 ibiq. intt. In structura autem horum verborum, quod *οὔτερον ἔνεκα* ait, quum tamen *πλείονα* praecesserit, non est quod offendamur, etiamsi a Philodemo p. 47, 2 *πλέον*, non *πλέονα*, scriptum esse videatur: nam pro certo nihil affirmari potest, quum post *πλέον* statim lacuna sit. Est enim haec non inusitata brevis dicendi, ut relativum pronomen accommodetur non ipsi, quod praecessit, nomini, sed potius universi generis notioni, cuius hoc nomine pars indicatur, et quod ipsum subaudiendum lectori relinquitur. Itaque hoc loco *πλείονα οὔτερον ἔνεκα* — significat *plura eius generis, propter quod* —; idque genus, ut dixi, labores et aerumnæ sunt. (Cf. etiam Priscian. XVII, 20, 156 p. 81 Kr. — Ceterum in Philodemi censura horum praeceptorum sunt quidem aliquot satis graves corruptelæ: sed has, quoniam probabilis emendatio in praesens non suppetit, praetermittimus.

Pergit deinde Theophrastus ad bonorum (*χρημάτων*) curam, quam contineri dicit his quattuor generibus, ut oeconomus et parare bona, et custodire, et apte disponere, et recte iis uti sciat; quæ omnia etiam Xenophon requirit, quamquam alio docendi ordine usus, nec tam diserte singula enumerans et inter se componens. Atque hunc Theophrasto etiam in hac parte observatum esse, vel ex uno loco probabile sit p. 8, 17, ubi eadem utitur perforati dolii similitudine, quæ est apud Xenophontem cap. 7, 40. — Philodemus autem tralaticia haec omnia et pervulgata esse iudicat, nec satis recte inter se composita. Verba eius plurimis lacunis mutilata sunt, quarum nunc eas tantum significabo, de quarum supplementis mihi cum prioribus editoribus non convenit, eaque statim proponam, quæ mihi probabiliora esse videntur. *Καὶ μὲν τὸ τέτταρα δεῖν εἶναι τοῦ συνήθως οἰκο-* [*νόμου προσκυ*] *ορευομένου π[ρὸς] τὰ χ[ρ]ήματα, τὸ τε κτητικὸν καὶ τὸ φυλακτικὸν καὶ τὸ κοσμητικὸν καὶ τ[ὸ] χρηστικόν, οὗτε] παρ[ὰ] τοῖς πολλοῖς ἀγ[νο]οῦ[μενον], ἀλλὰ] καταδ[ηλότη]τον — — — [οἱ] ἔτ' ὁ[ρ]ῶ[ς] [ταῦτ'] ἔχον[τε] σ[υ]γκρησόμεν, οὐδὲ κατὰ τὴν τέχνην, τοῦ γε κοσμη- 17* *τικοῦ παρὰ τὸ κτητικὸν καὶ φυλακτικὸν οὐκ ὄντος.* Priorres editores haec ita restituere conati sunt: *καὶ μὲν τὸ τέτταρα δεῖν εἶναι τοῦ συνήθως οἰκονόμου εἶδη πορευομένου π[ρὸς] τὰ χ[ρ]ήματα, τὸ τε κτητικὸν καὶ παρ[ὰ] πολλοῖς ἀγ[νο]οῦ[μενον], οὐ κατὰ δ[ι]φο[ν].* Ei εἰδη quidem posuerunt propterea, quod a Theophrasto hoc vocabulum

usurpatum est p. 8, 13: εἶδη δὲ τοῦ οἰκονόμου τέτταρα, ἃ δεῖ ἔχειν περὶ τὰ χρήματα: quasi necesse fuerit Philodemo, aut factum ab eo in aliis locis, ut ipsa Theophrasti verba repeteret: πορεύεσθαι πρὸς τὰ χρήματα autem quem sensum habeat, huic quidem loco convenientem, neque ipsi explicaverunt, neque ego exputare possum. Nostrum autem supplementum, quod totidem habet cum isto altero litteras, ut spatio quidem lacunae non minus certe accomodatum esse appareat, comprobatur quodammodo etiam altero loco p. 46, 17, ubi legimus τὴν σινηθῶς νοουμένην οἰκονομίαν. Minus confido proximo supplemento, οὔτε παρὰ τοῖς πολλοῖς ἀγνοούμενον ἀλλὰ καταδηλότατον: aptius tamen credo quam quod a prioribus repositum est. Quae sequuntur in papyro adeo lacunosa sunt, ut tuto suppleri non possint: postrema tantum verba in eum quem proposui modum non improbabilius restitui posse videbantur, probabilius quidem certe quam a prioribus factum est, qui totum locum, inde a verbis [οὐ] κατὰ θ[έ]ον], ita continuarunt: ὃ τὰ περιετὰ τέλνει, τοῦ σχολάζειν αὐτο[μα]θῶς [τοῦτ] ἔχον[το]ς, [εἶναι νομίζομεν, οὐδὲ κατὰ τὴν τέχνην κτλ., quorum nihil ego quidem intelligo. Nostrae lectionis sententia planissima, iisque, quae adduntur statim a Philodemo, convenientissima. Vituperat enim quod τὸ κοσμητικόν, h. e. apta dispositio, eodem cum paratione bonorum et custodia loco haberi videatur, quum tamen longe minoris momenti sit et cum iis comparari non possit: si quidem, addit, τὸ κοσμητικὸν hoc sensu accipitur, ut sit recte omnia et suo loco disponere: εἶγε τὸ τάττειν ὡς δεῖ καὶ ἔνθα δεῖ τοῦτο λαμβάνεται, καθάπερ ἔοικεν. Nam hoc etiamsi iucunditatem aliquam et utilitatem quoque habeat, reprehendi tamen Theophrastum debere, qui id ἀντιδιαρεῖν ἡξίου τοῖς ἀναγκαιότατοις, h. e. in ista divisione cum ceteris, quae plane necessaria sint, non iucunda solum et utilia, componere voluerit.

Parandorum bonorum praecepta nulla dantur praeter hoc unum, ut certa quadam ratione omnia κτήματα descripta sint, pluraque fructuosa quam infructuosa, et opera ita divisa, ne omnis res familiaris in uno periclitetur: διηγεῖσθαι δὲ δεῖ τῶν κτημάτων ἕκαστον, καὶ πλείω τὰ κάρπια εἶναι τῶν ἀκάρπων, καὶ τὰς ἐργασίας οὕτω νεμεῖσθαι, ὅπως μὴ ἅμα κινδυνεύσωσιν ἅπασιν. Sunt sane haec paullo obscurius dicta: manifestum tamen est agrorum potissimum culturam et rustica opera respici, quorum non unum aliquod genus ita tractandum, ut omnis lucri spes in eo solo sit, sed ita potius opera

describenda, ut, si unum male cesserit, hoc damnum reliquorum fructu 10 sustentari possit. Philodemi de hoc praecepto iudicium apud Goettlingium ita scriptum extat: φιλοχρημάτων δὲ τὸ παραινεῖν τῶν ἐπαρχόντων πλείω τὰ κάρπιμα τῶν ἀκαρπίων, εἴ γε τὰ προσοδικὰ καὶ ἀπρόσοδα ταῦτ' ἔλεγεν· (quod fecit haud dubie: sed quam levis haec reprehensio sit, nemo non videt.) εἰ γὰρ τὰ χρήσιμα, καὶ ἄχρηστα κοινῶς· πάντα γὰρ δὲ χρήσιμα καλεῖεν, καὶ μηδὲν ἄχρηστον. Alterius membri, εἰ γὰρ — κοινῶς, hunc sensum Goettlingius esse vult: *sin vero χρήσιμα intelligit τὰ καρπύμα, inutilia sunt omnino quae dixit*: in quo verborum contextu adverbium *omnino* non potest non pro eo accipi, quod est *plane* vel *utique*; quo sensu κοινῶς non dicitur. Neque vero ἄχρηστα plurali numero recte positum videri potest, quum quod antea dictum est, τὸ παραινεῖν, singularem potius requirat. Equidem non dubito quin ita hic locus scribendus et interpungendus sit: εἰ γὰρ τὰ χρήσιμα καὶ ἄχρηστα, κοινῶς πάντα ἔδει χρήσιμα καλεῖεν καὶ μηδὲν ἄχρηστον, h. e. *nam si τὰ κάρπιμα et τὰ ἀκαρπια non, ut supra sumptum est, fructuosa et infructuosa, sed simpliciter utilia et inutilia dixit (s. intellegi voluit), debebat potius hoc praecipi, ut omnia in universon utilia essent et nihil inutile.* Quod Goettlingius in interpretando *sin vero* posuit pro eo quod Philodemus dixit εἰ γὰρ, etiamsi reprehendere nolo, minus tamen accurate sententiarum connexionem expressit, quae non adversativa sed causalis est. Nimirum alteram verborum κάρπιμα et ἀκαρπια interpretationem, quam priore loco posuit, Philodemus veriore sibi videri significat eam ob causam, quod si altera illa, quam posteriore loco ponit, accipiat, Theophrasti praeceptum plane absurdum sit; apparere enim non hoc praecipi debuisse, ut plura sint utilia quam inutilia, sed ut omnia utilia, nihil autem inutile sit. Ceterum quod a me positum est πάντα ἔδει, etiam ad spatium lacunae melius convenit, quam Goettlingii πάντα γὰρ δὲ: nam quum Neapolitani editores πάντας δὲ scripserint, trium, non quinque litterarum spatium vacuum invenisse videntur.

Reliqua Theophrasti praecepta ad custodiam honorum et inspectionem pertinent, in quibus simul etiam aptae dispositionis mentionem facit; de recto usu autem dicere plane praetermisit. In custodia τοῖς τε Περσικοῖς, ait, συμφέρει χρῆσθαι καὶ τοῖς Λακωνικοῖς. Persica quae dicat mox ipse exponit: Περσικά δὲ ἦν τὸ πάντα ἐπιτάττειν καὶ πάντ' ἐφορᾶν αὐτόν, quod de rege Persarum Xenophon

- commemorat Oecon. c. 4, 6—8. Apud eundem c. 12, 20 illud etiam relatum est, quod Theophrastus paullo infra laudat p. 9, 4, Persae cuiusdam dictum, qui interrogatus, *τί μάλιστα ἔπνον πιαίνει, ὁ τοῦ δεσπότου ὀρθαλμός*, respondit: cuius plura similia apud alios extant.
- 19 Vid. Burmann. et Schwab. ad Phaedr. II fab. 9, 28. Gesner. ad Cat. R. R. 4, 2. *Τὰ Λακωνικά* autem quid sint obscurius est. Nam quod Goetlingius affert Catonis praeceptum R. R. c. 2, 7, *patrem familias vendacem, non emacem esse oportere*, itemque aliud ex Plinio H. N. XVIII, 5 s. 6, *agro, ut homini, quamvis quaestuosus sit, si tamen et sumptuosus, non multum superesse*, idque sibi ait videri vere Laconicum esse praeceptum: quamvis sit Laconicum — nolo enim nunc contra dicere — tamen nihil profecto ad custodienda bona atque inspicienda, sed ad comparanda potius et augenda pertinere fatebimur. Neque plus proficimus ex iis quae Muellerus, item a Goetlingio citatus, de Laconum oeconomia docet Dor. tom. II p. 204: patres familias agri sui proventum, h. e. fruges et fructus ab Helotibus colonis acceptos, in forum apportare ibique cum aliis rebus necessariis permutare solitos fuisse. Nam ne hoc quidem proprie ad custodiam pertinet, et mox hoc ipsum Theophrastus de Atheniensibus dicit: *ἀποδιδόμενοι ὠνοῦνται*, neque opus est in parvis oeconomiis, (quales scilicet erant fere Atheniensium), *ἢ τοῦ ταμείου θέσις* h. e. horrei s. conditorii ad asservandos custodiendosque fructus comparati. Manifestum est enim *ἀποδιδόμενον ὠνεῖσθαι* nihil aliud significare posse, quam venditarum rerum pretio statim alias quibus opus sit coemere, id quod nihil magnopere discrepat ab eo more, quem Laconum fuisse Muellerus docuit: et hos quoque probabile est fructus suos non ipsis semper mercibus, sed saepe etiam nummis permutasse, unde post quae vellent compararent. Itaque illum quidem Laconicum morem, quem Theophrastus cum Persico componit, ab hoc, quem ipse Atticum vocat, diversum esse apparet. Atque hunc quidem parvis possessionibus aptum esse quum hoc loco significat, tum etiam paullo infra p. 9, 21 proficitur: *ἐν μὲν οὖν ταῖς μικραῖς κτήσεσιν ὁ Ἀττικὸς τρόπος τῆς διαθέσεως τῶν ἐπικαρπιῶν χρήσιμος*. Nam non aliam hoc loco *διάθεσιν* significari arbitror, quam quae supra indicata est, *ἀποδιδόμενον ὠνεῖσθαι*, ut supersederi possit magnis horreis et operosa quadam custodia et dispositione. Contra in magna et locuplete domo aliud *διάθεσις* genus esse iubet, *διαμερισθέντων καὶ τῶν πρὸς ἐνιαυτὸν καὶ τῶν κατὰ μῆνα δαπανωμένων*, quod etiam

Xenophon praecipit Oecon. 9, 8. Item utensilia dispescenda, quae eorum quotidie et quae rarius usurpentur, et haec quidem procuratoribus (*τοῖς ἐφεισιῶσι*) demandanda esse, ipsi autem domino identidem omnia inspicienda, ne ignoret quid supersit et quid deficiat: porro aedes et ad rerum custodiam et conservationem et ad hominum commoditatem et salubritatem aptas esse oportere, cellis et conclavibus cuique rerum hominumque generi convenientibus instructas, situque ad valetudinem salubri collocatas; quae omnia pariter a Xenophonte praecipuntur cap. 9, 2 sqq.: denique ianitorem quoque (*θυρωρόν*) constituendum *πρὸς τὴν σωτηρίαν τῶν εἰσφερομένων καὶ ἐκφερομένων*, h. e. ne fraudes committantur a familia circa res quae vel reponuntur in aedibus vel expromuntur: quae omnia praecepta ad magnas multo magis quam ad parvas oeconomias spectare et sua sponte apparet et ipse Theophrastus admonet. His deinde statim subiungit: *πρὸς εὐχρησίαν δὲ σκευῶν τὸ Λακωνικόν* (scil. *χρησίμὸν ἐστί*): *χρηὶ γὰρ ἔν ἑκάστῳ ἐν τῇ αἰτοῦ χώρῃ κείσθαι*. οὕτω γὰρ ἂν ἔτοιμον ᾖν οὐ ζήτοῖτο: quibus gemina sunt quae Ischomachus uxori praecipit apud Xenophontem cap. 8, 2. 3. 20. Manifestum est autem hoc quoque ad copiosas potius et locupletes domos quam ad parvam et angustam rem familiarem pertinere, ad easdem igitur, ad quas etiam Persica administratio pertinuit, cui in superioribus adiunctam vidimus Laconicam (*πρὸς δὲ φυλακὴν τοῖς τε Περσικοῖς συμμέρειν χρῆσθαι καὶ τοῖς Λακωνικοῖς*), oppositam vero Atticam administrationem, parvarum illam domuum, et in quibus vix opus sit *ταμιεῖν* et accuratiore custodia et dispositione. Et sane Athenis, Theophrasti praesertim aetate, perpaucos vixisse divites et opulentos, plerosque pauperes et in tenui re familiari, nemo dubitabit, non magis quam apud Persas ingentes fuisse multorum divitias. Sed Lacedaemonios pauperes fuisse accepimus et in universum a diligentiore quadam rei familiaris cura legibus et moribus alienos, ut mireris apud hos custodiam et dispositionem rerum magnis copiis accommodatam, quae tanquam notum et illustre exemplum ad imitandum proponi, et cum Persica administratione coniungi potuerit. Huius rei explicandae duas vias esse video: alteram, ut dicamus non privatarum domuum administrationem a Theophrasto respici, sed publicam, quippe quum, ut Schneideri verbis utar, praef. ad Anonymi Oecon. p. XVI, „quae-
cunque ad civium omnium convictum publicum erant necessaria, ad annum usum et diurnum promenda, servarentur reposita in horreis et thecis magnis, quorum custodia erat penes servos, cura et inspe-

ctione dominis relicta"; atque hoc esse illud Laconicum, quod imitandum commendetur: alteram autem viam hanc, ut reputemus antiquos Spartanorum mores ac paupertatem, cum aequabili fere omnium possessionum modo, dudum Theophrasti aetate exolevisse. Quem enim non multis post huius mortem annis statum civitatis fuisse legimus, ut universus Spartanorum numerus non esset supra septingentos, ex quibus centum fere, qui agros possiderent, huius initia dubitari non potest quin longe priora fuerint, et Aristoteles iam sua aetate cives Spartanos haud amplius mille numerat, summamque inter hos bonorum inaequalitatem fuisse testatur. Ponamus itaque horum ducentos, qui agros haberent: magna in his latifundia fuisse necesse est, quum ad ducentos pervenissent, quae olim novem millibus, aut, si hunc numerum non
 21 ante occupatam Messeniam factum esse statuimus¹²), quattuor certe millibus et quingentis suffecerant. In tantis igitur copiis diligenti custodia et accurata dispositione opus fuisse nemo mirabitur, et credibile est hac in re Spartanos prae ceteris excelluisse, translata nunc in privatorum oeconomiam ea ratione, quam olim in publica tenuerunt.

Percensuimus quaecunque in hoc libello de administratione domestica praecipuntur: in quibus quamvis multa sint plane Aristotelia, omnis tamen ista scriptiuncula, sive rerum tractatarum ambitum, sive ipsam tractandi rationem, sive formam et compositionem totius opusculi intuemur, talis nobis esse videtur, qualem ab ipso Aristotele scriptam esse vix credibile sit. Primum enim consentaneum est Aristotelem in oeconomica tradenda eundem doctrinae ambitum complexurum fuisse, qui ab ipso Polit. lib. I cap. 2 descriptus est his verbis: ἐπεὶ δ' ἐν τοῖς ἐλαχίστοις πρῶτον ἕκαστον ζητητέον, πρῶτα δὲ καὶ ἐλάχιστα μέρη οἰκίας δεσπότης καὶ δοῦλος, καὶ πόσις καὶ ἄλοχος, καὶ πατήρ καὶ τέκνα, περὶ τριῶν ἂν τούτων σκεπτέον εἴη, τί ἕκαστον καὶ ποῖον δεῖ εἶναι. Ταῦτα δ' ἐστὶ δεσποτικὴ καὶ γαμικὴ (ἀνώνυμον γὰρ ἡ γυναικὸς καὶ ἀνδρὸς σύζευξις), καὶ τρίτον ἡ τεχνοποιητικὴ· καὶ αὕτη γὰρ οὐκ ὠνόμασται ἰδίῳ ὀνόματι. Tres hic poni videmus oeconomicae partes, de servis, quae δεσποτικὴ, de coniugio, quae γαμικὴ, de liberis, quae τεχνοποιητικὴ, vel aptiore vocabulo πατρικὴ dicitur cap. 5 p. 22, 17. His deinceps quarta adiungitur, ἡ κτητικὴ. Nam quum multis et variis vitae instrumentis opus sit, quae bona, κτήματα, vocantur: de his quoque

12) Vid. antiquit. i. p. Gr. p. 116 sq.

vel comparandis vel administrandis et utendis in oeconomica praecipere necesse est. Ex his autem quattuor partibus noster oeconomicus primam quidem et secundam attingit, nonnulla etiam ad quartam pertinentia praecepit; tertiam vero, in qua de liberis eorumque tractatione agendum erat, plane silentio praetermisit: quam quo minus ipsum Aristotelem praetermissurum fuisse credamus, vel illa vetant quae Polit. I, 5 p. 23, 8 profitetur: *φανερὸν τοίνυν ὅτι πλείων ἢ σποιδῇ τῆς οἰκονομίας περὶ τοὺς ἀνθρώπους ἢ περὶ τὴν τῶν ἀψίχων κτήσιν, καὶ περὶ τὴν ἀρετὴν τούτων ἢ περὶ τῆς κτήσεως, ὃν καλοῦμεν πλοῦτον, καὶ τῶν ἐλευθέρων μᾶλλον ἢ δοῦλων*. Neque suspicari licet hanc partem aliquo casu interceptam esse: nam ubi verus erat eius tractandae locus, post praecepta coniugalia, nullum est in codicibus lacunae vestigium: neque Philodemum quidquam de liberorum tractatione in hoc libello legisse ex eius silentio manifestum est. Quodsi quis forte opponat praetermissam hanc partem esse eam ob causam, quod de liberorum educatione satis iam in Politicis dictum esset: alia haud dubie est civilis, alia domesticae educationis ratio, neque propterea qui alteram in Politicis tractaverat, alteram in oeconomica tradenda praetermittere debuit. — Iam vero in iis ipsis rebus, quae noster oeconomicus complexus est, non modo summam ubique exilitatem et plane mirificam brevitatem, sed magnam quoque tractationis inaequalitatem animadvertimus. Nam ubi de viri et mulieris coniunctione loquitur, etiam in causas huius coniunctionis sibi inquirendum putavit, easque positas esse ostendit partim in communi omnium animantium natura, qua impellantur ad sui similium procreationem, partim in propria hominum indole, quae talis sit in utroque sexu, ut alter alterius auxilio ad bene vivendum indigeat, sintque ad alia vitae officia viri, ad alia mulieres natura sua aptiores: et ad subolem quoque procreandam homines non eo solum instinctu moveri, quo cetera animalia, ut naturae serviant generis propagatione, sed etiam mutui auxilii et utilitatis e liberis percipiendae causa. Contra ubi ad servorum tractationem accedit, nihil de servitutis natura et origine, iustane an iniusta, et quam utrumque conditione, necessaria an supervacanea videri debeat, exponit, sed uno verbo *servos κτημάτων πρώτων καὶ ἀναγκαιότατον* ait, quod ita simpliciter et absque demonstratione positum non immerito Philodemus reprehendit. Ac si quis hanc quoque disputationem propterea omissam esse dicat, quod in Politicis I, 2 p. 7—12 accurate pertractata fuerit: etiam illa, quae de viri et mu-

lieris coniunctione legimus, iam alibi tractata erant, et repetuntur tamen nihilo minus in oeconomico, scilicet quia ad rem pertinere visa sunt, quemadmodum non minus certe ad rem pertinuit, ubi de servorum tractatione praecipendum erat, servitutum ipsam eiusque vim et naturam explicare: quamobrem qui de altero diligenter exposuit, alterum ne verbo quidem tetigit, non poterit non inaequabili quodam et inconstanti docendi genere usus esse videri. — Brevitas autem quum ubivis summa, tum in ea potissimum parte, quae de quattuor oeconomici circa bona virtutibus agit, tanta est, ut pleraque praecepta perobscura, omnis autem hic locus prorsus mancus atque imperfectus dici debeat, praesertim si quis eum comparet cum illis, quae in Politicis lib. 1 cap. 3. 4 multo copiosius et accuratius disseruntur. Nihil enim in hoc libello de *κτητικῆς* ambitu et a quaestuariis (*χρηματιστικῇ*) discrimine, quam multi temere oeconomicae partem, et praecipuam quidem, fecisse in Politicis dicuntur: nihil de variis bonorum generibus, praeter ea quae cap. 2 p. 4, 15—5, 2 quasi in transcurso attinguntur, quum multus de his sit Aristoteles in Politicis: nihil denique de recto bonorum usu, quum tamen Aristoteli *τὸ χρῆσασθαι* multo magis ad oeconomiam pertinere visum sit quam *τὸ πορίσασθαι*, Polit. I, 3 p. 12, 28. Nolo alia enumerare in ceteris partibus, de quibus quum in oeconomica dicendum fuisse et res ipsa et eorum quae in Politicis delibantur comparatio doceat, nulla tamen in nostro libello ne verbo quidem tenuis mentio sit. Nam vel illa, quae commemoravi, eiusmodi esse arbitror, quae si quis omnia reputaverit, omnemque libelli formam et compositionem consideraverit, facile iis accedat, qui ab Aristotele hunc abiudicandum esse censuerunt. Atque ego quidem, quum primum hunc oeconomicum perlegerem, in eam statim coniecturam incidi, ut discipuli alicuius scriptiunculam mihi legere viderer, qui quae magistrum docentem audiverat pro captu suo summatim in chartam coniecisset, aliis breviter significatis, aliis praetermissis, aliis paullo accuratius repetitis, prout quidque aut percepisset aut meminisset. Et nunc etiam, libello identidem relecto, aut huiusmodi scriptiunculam scholasticam esse credo, aut, si a magistro scriptam, certe nihil aliud quam brevem quendam et subitarium *ὑπομνηματισμόν*, praecipua rerum capita leviter adumbrantem, de quibus vel in schola vel iusta scriptione accuratius disserendum esset; quales *ὑπομνηματισμοὺς* quum ab Aristotele tum ab aliis relictos esse constat. Cf. A. Stahr, Aristotelia II p. 243. Utrumcunque autem est, ne ita quidem Aristotelis, sed alterutro

modo Theophrasti hunc libellum esse credo propter Philodemi testimonium, cui maior haud dubie fides haberi debet, quam veteribus illis nescio quibus Aristoteliorum operum collectoribus, iisdem qui etiam alterum istum oeconomicum Aristoteli tribuerunt, quem hodie omnes subditicium esse consentiunt. Quamquam testimonium illud Goettlingius nobis eripere conatur, locumque admodum in papyro mancum et corruptum, pessime autem a Neapolitanis editoribus suppletum, in eam sententiam interpretatur, ut Philodemus dissentiri quidem ab aliis de auctore libri, et a plerisque eum Theophrasto vindicari, sibi tamen ipsi contra videri dicat. Verba Philodemi cum editorum supplementis haec sunt: [Ἀ]ῆλον δὲ διότι καὶ πρὸς τὰ πλεῖστα τῶν Θεοφράστου [διαλεγό]μεθα, ταῖς δυνάμε[σιν] ἐκείθεν κεχειραλαι[ω]μέ[ροι, μ]ᾶλλον δὲ καὶ τὰ τῶν ἄλλ[ων]. ἅπαντες γὰρ ὡς ὑπὲρ [τοῦτου] μετηλλεύασιν, ὅποτε [καὶ] Θεόφραστος ἀποψημέ[νοις αὐτ]οῖς διαλλάττει. quorum Goettlingius praef. p. XIII hanc interpretationem proponit: *Apertum est cur disputandum nobis sit etiam adversus Theophrasti placita, secundum artes philosophicas ad res primarias ea redigentibus, vel potius non Theophrasti sed aliorum. Omnes enim de hoc libro quasi is esset Theophrasti disputarunt, etiam in iis locis, ubi facile intelligere poterant, si comparare res voluissent, Theophrastum ipsum dissentire cum doctrina huius libri.* Deinde addit: „Vides statim ipsum Philodemum dubitare de auctore libri, quem dicit plerosque pro Theophrasti fetu habere, quum appareat longe diversum aliud Theophrastum a sententiis illius.“ Invitus facio ut a viro doctissimo et veri studiosissimo dissentiam; sed istam tamen loci restitutionem atque interpretationem non possum non prorsus improbabilem dicere. Nolo nunc quaerere, qua ratione permotus διότι maluerit cur convertere, quam pro ὅτι accipere, qui usus huius particulae et frequentissimus est apud huius aetatis scriptores et huic loco aptissimus ¹³⁾; neque cur διαλεγόμεθα potius scripserit, quam id quod in promptu erat, et nunquam non de huiusmodi dissensione usurpari solet, διαφερόμεθα; sed ταῖς δυνάμεσιν pro iure convertat „secundum artes philosophicas“, et quasnam has artes esse credat — nisi forte regulas,

13) Fortasse hoc ipsum διότι plane non a Philodemo scriptum est, sed locus ita restituendus: δῆλον δ' ἤδη ὅτι. — Nam δ' ἤδη certe paullo aptius videtur quam δῆ. Sed hoc quum non magno opere ad rem nostram pertineat, non opus est accuratius nunc a me demonstrari.

quibus in referenda summatim sententia alterius utendum sit —, et qua ratione perfectae actionis participium a Philodemo positum credat, si is de relatione nondum a se facta, sed nunc ipsum facienda loqueretur, quum linguae lex aut infectae actionis participium, κεφαλαιούμενοι, aut etiam aoristi, κεφαλαιωσάμενοι h. e. ἐὰν κεφαλαιωσάμεθα, posceret, — qua ratione denique medium genus verbi pro activo usurpatum defendi et explicari possit, plane non intelligo. Neque illud recte fecit, quod τὰ τῶν ἄλλων interpretatur *aliorum* placita, quum significentur placita *ceterorum*: aut quod τῶν ἄλλων dici potuisse credit, si Philodemus illa placita *alius cuiuspiam* quam Theophrasti dicere voluit, quum dicendum haud dubie fuisset ἄλλον τινός: prorsus autem absolum, quod μεταλλεύειν ὑπὲρ τινος eos dici potuisse opinatur, qui aliquem controversi operis auctorem esse contendunt, quum μεταλλεύειν, si translate usurpatur, nihil significare possit nisi *abditā scrutari et pervestigare*, et hoc ipso sensu ab eo, quo Philodemus utitur, dicendi genere alienum sit: postremo omnium maxime mirum, quod ὁπότε καὶ non *quandoquidem etiam* e constanti usu loquendi, sed i. q. καὶ ὁπότε, hoc ipsum autem i. q. καὶ ἐν (τούτοις, ἐν) οἷς significare voluit, et ἀποψομένοις interpretatus est *si comparare res voluissent*, quum neque ἀφορᾶν sit *comparare*, (ac ne *inspicere* quidem et *diligenter contemplari*, si quis hoc fortasse pro illo altero maluerit), neque participium futuri dici possit de ea actione, quam quis, quum debuisset facere, praetermisisset arguitur. Itaque falsam esse istam interpretationem, et nequaquam ita demonstrari illud posse, quod Goettlingius voluit, manifestum est. Nobis vero, dum probabilem loci corruptissimi restitutionem et intellectum quaerimus, illud maximopere dolendum est, quod Neapolitanam editionem oculis usurpare non licuit. Ita enim neque de lacunarum spatiis, neque de iis verbis, quae extra lacunas sunt, satis compertum habemus, indubiae omnia et perspicuae lectionis, an, quod veri similis est, nonnulla eorum, litteris in

25 adusto papyro plus minus evanidis et ad cognoscendum difficilibus, ex coniectura potius editorum quam e certa lectione posita sint. Interim videtur nobis Philodemi oratio in hunc fere modum restitui posse: [σ]ῆλον δ' ἤδη ὅτι (aut etiam δῆλον δὲ διότι) καὶ πρὸς [τὰ πλείσ]τα τῶν Θεοφράστου [διαφερό]μεθα, ταῖς δυνάμε[σιν] ἐκείθεν κεφαλαι[ω]μέ[ν]η, μᾶλλον δὲ καὶ τὰ τῶν ἄλλων· ἅπαντες γὰρ ὡσπερ [οὐδὲν] μετηλλ[έ]χασιν, ὁπότε καὶ Θεοφράστος ἀπ' αὐτοῦ[ν] ἐν ὁλίγοις διαλλάττει. h. e. *apparere autem nos etiam a plerisque Theo-*

phrasti placitis dissentire, quae, quod ad ipsas sententias attinet, summam inde (h. e. e Xenophontis oeconomico) repetita sunt, ac magis etiam a ceterorum (sc. oeconomicae scriptorum). Omnes enim quasi nihil immutarunt, quandoquidem etiam Theophrastus ab eo (h. e. a Xenophonte) in paucis discrepat. Ταῖς δυνάμεσιν, si quidem haec lectio certa est, nihil aliud significare poterit, quam quod a me expressum est. Non absimilis vocabuli potestas est apud Sextum Empiricum adv. Mathem. VII, 16, ubi Plato dicitur eorum, qui philosophiam in physicam, ethicam et logicam dividerunt, δυνάμει ἀρχηγός, quum ἐγγύτατα Xenocrates, Peripatetici et Stoici hanc divisionem proposuerint. Scilicet quod Plato praeiverat, si quis rem ipsam ac sententiam spectet, id illi disertius verbis eloquuti sunt. Item apud Eusebium Praep. evang. XIV, 18, Ἀρίστιππος οὐδὲν ἐν τῇ φανερῇ περὶ τέλους διαλέξατο, δυνάμει δὲ τῆς εὐδαιμονίας τὴν ἐπόστασιν ἐλεγεῖν ἐν ἡδοναῖς. Aristippus quum nihil de fine bonorum apertis verbis doceret, tamen, si quis vim et sententiam eorum, quae docuit, consideret, beatam vitam voluptatibus constare dixit. — Ἐκείθεν apud Philodemum ad Xenophontis oeconomicum pertinere manifestum est: de hoc enim in superiore periodo dixerat: οὐδὲν ἔτι δεῖ προσδιατρίβειν τοῖς Ξενοφώντος οἰκονομικοῖς. Quam vere autem Theophrasti pleraque, si quis τὰς δυνάμεις spectet, e Xenophontis oeconomico summam translata (κεκεφαλαιωμένα) dicantur, vel ex iis quae passim supra a nobis commemorata sunt satis apparet¹⁴). Idemque etiam a ceteris oeconomicae scriptoribus factum esse non improbabile est: quomobrem hi dici potuerunt quasi nihil immutasse. Quod ὥσπερ posuimus pro ὡς ἐπέρ, violentiam certe mutationis accusari non posse confidimus: et ὥσπερ οὐδὲν, licet exempla plane gemina, quibus haec ipsa utriusque vocis consociatio probetur, non in promptu sint, potuisse tamen dici nemo facile negabit, qui non raro ὥσπερ pro quasi vel propemodum usurpari meminerit. Cf. Heindorf. ad Plat. Cratyl. § 3. 26 Neque μεταλλάχασιν pro μεταλλεύχασιν repositum offendere quicquam poterit, quum nihil sit in codicibus litterarum α et σν, χ et x

14) Maximam libelli huius partem e Xenophonte ductam esse animadvertit etiam C. H. Rau, *Ansichten der Volkswirtschaft* (Lips. 1821.) p. 7, ubi hanc de eo sententiam dicit: *Man könnte dies Buch für einen Auszug aus Xenophon, mit Stellen aus der Aristotelischen Politik verbrämt, halten, wozu bloss im sechsten Kapitel etwas Eigenthümliches ohne besondern Werth gekommen ist.*

permutatione frequentius. Vid. Bast. comment. palaeogr. p. 765 et Schaefer. ind. ad Gregor. p. 1042. *Ἀποψομένοις* tam manifesto falsum est, ut etiam audaciori medicinae locus concedendus sit: quamquam omnis mea audacia in eo consistit, ut ab editoribus Neapolitanis evandas quinque litteras pronominis αὐτοῦ pro quattuor hisce *οἱσιν* falso habitas esse credam. Aptè denique nectitur oratio per coniunctionem *ὁπότε, quandoquidem*. Nam quod ab ipso Theophrasto factum erat, id ab aliis scriptoribus Theophrasto inferioribus factum esse minus profecto mirandum fuit.

Ilactenus de Philodemi testimonio: nunc reliquas Goettlingii rationes examinabimus, quibus confisus Aristoteli potius quam Theophrasto hunc libellum tribuendum esse contendit. Primum enim quae in hoc libello de bonis matrimonii et liberorum procreationis proponuntur p. 5, 17 aeqq.: καὶ ἡ τῶν τέκνων κτῆσις οὐ λειτουργίας ἔνεκεν τῇ φύσει μόνον οὐσα τυγχάνει, ἀλλὰ καὶ ὠφελείας. ἂ μὲν γὰρ ἂν δυνάμενοι εἰς ἀδυνάτους πονήσωσι, πάλιν κομίζονται παρὰ δυναμένων, ἀδυνατοῦντες ἐν τῷ γήρῳ. ἅμα δὲ καὶ ἡ φύσις ἀναπληροῖ ταύτῃ τῇ περιόδῳ τὸ αἰεὶ εἶναι, ἐπεὶ κατ' ἀριθμὸν οὐ δύνανται, ἀλλὰ κατὰ τὸ εἶδος, haec prorsus pugnare ait cum iis quae Theophrastum in libro de coniugio scripsisse Hieronymus refert adv. Iovinian. I, 47 p. 315 Maff.: *porro liberorum causa uxorem ducere, ut vel nomen nostrum non intereat, vel habeamus senectutis praesidia et certis utamur hereditibus, stolidissimum est. Quid enim ad nos pertinet recedentes e mundo, si nomine nostro alius nominetur: quum et filius non statim patris vocabulum referat, et innumerabiles sint, qui eodem appellantur nomine? Aut quae senectutis auxilia sunt, enutrire domi qui aut prior te forte moriatur, aut perversissimis sit moribus? aut certe quum ad maturam aetatem venerit, tarde ei videaris mori?* Etiam alia eodem libro a Theophrasto disputata esse de matrimonio, quae prorsus abhorreant a doctrina Aristotelis, qui sapienti et amore frui et liberis operam dare et matrimonium inire non permiserit modo sed suaserit etiam: quae omnia secus Theophrastum; cuius rei testem citat Diog. Laert. V, 51. — Atqui hic quidem testis nullus est: nihil enim neque hoc loco neque in omni illa vita Theophrasti relatum legimus, ex quo quid hic de matrimonio statuerit cognoscatur: nisi forte ex eius testamento, cuius ibi exemplum a Diogene affertur, Goettlingius cum nec liberos reliquisse et fortasse etiam coelibem vixisse collegit. Hoc autem quam leve sit non opus est de-

monstrare. Sed ne ex iis quidem, quae ab Hieronymo relata sunt, veram Theophrasti sententiam satis tuto perspicere posse arbitror. Posuit enim haec Hieronymus in libro adversus Jovinianum, virum egre-
 27
 gie cordatum et vanae superstitionis adversarium, qui quum alios per-
 versae cuiusdam religiositatis errores, tum illud praecipue impugnave-
 rat, quod multi opinabantur, gratiorem Deo et pietati convenientiorem
 coelibatum esse quam matrimonium. Adversus hunc Hieronymus ar-
 gumenta undecunque corradens etiam illum protulit Theophrasti locum
 ex aureolo, ut ait, libro de nuptiis, in quo quaeratur, an vir sapiens du-
 cat uxorem. Scilicet dubitari non potest, factum a Theophrasto esse id
 quod consentaneum erat in tali quaestione, ut et quae pro matrimonio
 et quae contra disputari possent, omnia congereret: neque ex illis,
 quae Hieronymus, consilio suo serviens, ex altera huius disputationis
 parte excerpsit, quae contra matrimonium scripta erat, consequitur,
 non etiam in diversam sententiam, hoc est pro matrimonio, multa a
 Theophrasto disputata fuisse, quibus illa aut confutarentur aut circum-
 scriberentur. Quid? quod illa ipsa, quae excerpsit Hieronymus, non de
 matrimonio in universum, sed de matrimonio sapientis dicta erant,
 h. e. eius, qui philosophiae et litteris studeret. Illis igitur studiis
 Theophrastus matrimonium officere iudicavit: non posse simul libris
 et uxori operam dari: multos esse magnosque in uxorem et liberos
 sumptus faciendos, plurimas quotidie molestias exhaustiendas, quae ae-
 quitatem animi perturbarent et a litteris avocarent: denique plura om-
 nino esse, quae dissuaderent sapientibus matrimonium liberorumque
 procreationem, quam quae commendarent, et ex iis ipsis, quae com-
 mendationis causa afferrentur, plurima in contrariam potius partem
 converti posse. Sed quid, quaeso, pertinent haec ad maiorem partem
 hominum? qui istius, quam Theophrastus dixit, sapientiae parum cu-
 riosi, naturae potius vocem sensumque communem sequuntur, neque
 otiosa vita in umbra et inter libros frui, sed omni viri boni ac civis of-
 ficio naviter fungi volunt. Nam hi sunt, opinor, quibus oeconomiae
 praecepta dari convenit. An credemus ipsum Hieronymum, quamvis
 sanctiorem coelibatum matrimonio crederet, si forte ad oeconomicam
 docendam accessisset, non fuisse tamen matrimonium commendatu-
 rum, ut et naturae conveniens et ad rem domesticam recte admini-
 strandam plane necessarium? Ita ergo etiam Theophrastus matrimo-
 nium, etiam si sapienti suo dissuaserit, oeconomus certe non potuit non
 commendare. Et in domestica administratione illum pariter atque Xe-

nophontem et Aristotelem praecipuas partes uxori assignasse vel ex eo colligi potest, quod Stobaeus tit. 85, 7 tom. III p. 175 eum dixisse refert, οὐ χρὴ τὴν γυναῖκα δεινὴν ἐν τοῖς πολιτικοῖς ἀλλ' ἐν τοῖς οἰκονομικοῖς εἶναι.

Firmissimum porro causae suae praesidium Goettlingius inde repetit, quod pleraque in hoc oeconomico libello cum Aristotelis placitis adeo conspirent, ut non possint non ad hunc ipsum auctorem referri, 28 et uno etiam loco, qui est cap. 3 in., Aristotelis dictum, Polit. 1, 1 p. 2, 14, citari videatur his verbis: ἐπόκειται γὰρ ἡμῖν ἐν ἄλλοις. — Sed satis constat Theophrastum, sicut alios Aristotelis auditores, in iis, quae de iisdem cum magistro argumentis disseruerunt, huius vestigia premere solitos, tantamque multorum ex his cum Aristotele similitudinem fuisse, ut non modo ad illustrandos obscuros, sed etiam ad emendandos corruptos Aristoteliorum librorum locos horum imitatorum scripta adhiberi potuerint. Vid. Brandis in Mus. Rhen. 1 p. 283 et Stahr. Aristotel. II. p. 80—84. Id igitur a Theophrasto etiam in Politicis factum esse, quum per se credibile sit, tum vel ex eo colligas, quod Dionysius Halicarn. A. R. V, 73 *aesymnetas* a Theophrasto αἰρεταῖς τυράννοις dictos esse refert, plane ut ab Aristotele Polit. III, 9 p. 101, 21 horum principatus αἰρετὴ τυραννίς vocatur: ex quo ipse Goettlingius praef. ad Oecon. p. XVI Theophrasti Politica nihil nisi Aristoteliorum epitomam fuisse paullo fortasse calidius coniecit; alii autem hos ipsos quos habemus Aristotelis Politicorum libros non ab hoc sed a Theophrasto scriptos esse opinati sunt. Itaque nemo mirabitur etiam illam de naturali ad similitum procreationem instinctu sententiam — quae ne propria quidem Aristotelis fuit — in aliquo Theophrasti libro, sive Politico sive alio, propositam fuisse, eoque pertinere illud ἐπόκειται ἡμῖν, sive hoc ipse Theophrastus, sive ex eius scholis aliquis discipulus scripsisse statuitur. Neque magis mira videri potest ceterorum in oeconomico nostro placitorum cum Aristotelis convenientia. Quod autem Goettlingius, ut aliquid tamen iis quoque concedatur, qui olim, quemadmodum ipse Philodemum dicentem fecit, libellum nostrum Theophrasto vindicare studuerunt, epitomam hanc esse vult ex uberiore Aristotelis libro a Theophrasto confectam: hoc mihi quidem, universam eius indolem et conformationem intuenti, longe minus veri simile videtur, quam id quod supra posui, aut discipuli scriptionem hanc esse e scholis Theophrasti summatim et minus accurate repetitis, aut, si ipsius Theophrasti, nihil nisi subitarium com-

mentariolum iustae rerum tractationi quasi praeludentem. Nam epitomas vere Goettlingius p. XV eo maxime consilio confici solitas esse dicit, ut aut discentibus facilius ad ipsa maiora opera aditus pararetur, aut qui haec legere non possent, aliqua saltem praecipuarum rerum cognitione instruerentur, cui consilio libellus tam mancus, tam obscurus, tam tumultuarie scriptus inservire nullo modo potuit. Ut autem inter Aristotelis opera hic libellus reciperetur, factum haud dubie propter magnam cum Aristotelis placitis convenientiam: eaque ipsa causa, meo iudicio, etiam maiorem Philodemi testimonio auctoritatem conciliat, qui sane tam Aristotelium libellum Aristoteli tribuere non dubitasset, nisi eum ad Theophrastum potius pertinere compertum habuisset.

Reliquum est, ut, quemadmodum pollicitus sum, etiam de ipsius 29 Philodemi praeceptis oeconomicis pauca delibem. Is igitur primum p. 49, 13 de ambitu huius disciplinae non convenire sibi cum Aristotele et Theophrasto ostendit: neque enim hoc sibi propositum habere, ut doceat, qua ratione domestica vita instituenda sit, ut bene in domo vivi possit, sed quomodo agendum sit circa bonorum comparisonem et conservationem: eamque esse veram ac propriam oeconomiae notionem. *Διαλεξόμεθα τοίνυν*, inquit, *οὐχ ὡς ἐν οἴκῳ καλῶς ἔστιν βιοῦν, ἀλλ' ὡς ἴσταςθαι δεῖ περὶ χρημάτων κτήσεως τε καὶ φιλακῆς, περὶ δὲ τὴν οἰκονομίαν καὶ τὴν οἰκονομικὴν ἰδίως νοεῖσθαι συμβέβηκεν*: quemadmodum etiam in superioribus, p. 41, 6, oeconomiae opus hoc esse dixit, *τὸ πορίζειν πολλὰ χρήματα καὶ φυλάττειν, πῶς* (scr. ὅπως) *διαμενεῖ τὰ πορισθέντα καὶ προῖπάροντα*. Neque aliter vulgo ab hominibus oeconomiae notionem acceptam esse vel ex eo patet, quod ipse Aristoteles, ubi ex vulgari consuetudine, non e sua sententia loquitur, *Ethic. Nicom. 1, 1 τέλος οἰκονομίας πλοῦτον* dicit, et *Polit. 1, 2 p. 5, 27* oeconomiam nonnullis eandem quam *χρηματιστικὴν* videri profitetur. Et Xenophontem quoque, si quis eius librum accuratius examinaverit, non abhorreere ab vulgari usu animadvertet. Quamquam enim initio cap. 1, 2 boni oeconomi hoc esse dicit, *εὖ οἰκεῖν τὸν ἑαυτοῦ οἶκον*, quod sane latius patet, mox tamen §. 8 *οἶκον* idem quod *κτῆσιν* esse statuit; et quaecunque deinceps de oeconomi officiis praecipiuntur, in ea tantum parte versantur, quam *κτητικὴν* Aristoteles dixit, et ad bona vel comparanda, vel tuenda, conservanda, disponenda pertinent. Ampliorem autem oeconomiae ambitum et honestius officium Plato assignavit. Artem enim esse voluit domus

ac familiae recte regendae, neque quidquam esse inter *οἰκονομικὸν* et *βασιλικὸν* aut *πολιτικὸν* discriminis, nisi quod in maiore quodam hominum ac rerum orbe horum quam illius administratio versetur. Vid. Polit. p. 259 A. B. Amat. p. 138 C. Hinc etiam Legg. III. p. 694 C. Cyrus propterea, quod liberorum suorum educationem neglexerit eosque mulieribus permiserit, *οἰκονομίαν* parum curasse dicitur, *οἰκονομία οὐδὲν τὸν νοῦν προσεσχημέναι*: ex quo apparet, Platoni non minus quam Aristoteli ad *οἰκονομίαν* pertinere visum esse id omne genus officiorum, quod ab hoc *τεχνοποιητικῆς* s. *πατρικῆς* nomine comprehenditur, Polit. 1, 2 p. 5, 25 et c. 5 p. 22, 17. Itaque de ambitu quidem *οἰκονομίας* hi inter se consentiunt, licet de discrimine eius et politicae non immerito dissentiat a Platone Aristoteles. Cf. supr. p. 7. Neque posteriores ex Academia et Lyceo philosophos, si quid de *οἰκονομικῇ* disseruerunt, alios disciplinae terminos fecisse consentaneum est; quamquam de horum nullo, praeterquam de Theophrasto, aliquid ad notitiam nostram perduravit: et recentiores quoque illos, 30 qui se Pythagoreos haberi voluerunt, eundem *οἰκονομικῇ* ambitum tenuisse fragmenta a Stobaeo tit. 85 servata demonstrant. Aliter autem statuerunt non solum Epicurei, quorum sententiam modo e Philodemo cognovimus, sed etiam Stoici (vid. Stobae. Eclog. II, 7 part. II p. 188 Heer.), qui quum *οἰκονομικῇ* definirent *θεωρητικὴν* *ἐξ* *καὶ* *πρακτικὴν* *τῶν* *οἴκῳ* *συμπερόντων*, *οἶκον* tamen non alio sensu accepisse videntur, quam quo a Xenophonte accipitur, ut sit i. q. *κτήσις*: nam *οἰκονομίαν* dixerunt esse *διάταξιν* *περὶ* *ἀναλωμάτων* *καὶ* *ἐργων*, *καὶ* *κτησίως* *ἐπιμέλειαν* *καὶ* *τῶν* *κατ' ἀγρὸν* *ἐργαζομένων*¹⁵⁾: quippe hunc unum quaestum, qui ex agri cultura percipitur, praeter ceteros probandum rati, quemadmodum fere etiam a Xenophonte et Aristotele factum est. Et sicut Aristoteles a *κτητικῇ*, quae est quarta *οἰκονομίας* pars, constatque in quaestu laudabili et necessario, seiungit eorum quaestum, qui nihil nisi pecuniam quovis modo et supra neces-

15) Hoc loco aliquis uti possit ad excusandum hodiernum nominis abusum, quum *οἰκονομία* dicitur quasi proprio de rei rusticae tractatione, quod merito Baumstarckius noster improbat in libro egregio, *Kameralistische Encyclopaedie* (Heidelb. 1835.), p. 58. Idem vir doctissimus et, quod equidem longe pluris facio, integerrimus eam quam Plato et Aristoteles dixerunt *οἰκονομίαν*, h. e. universam administrationem domesticam, ab hac, quam ceteri dicunt, rei familiaris et bonorum administratione aptissimis nominibus distinguit, alteram *Haushaltung* appellans, alteram *Wirthschaft*.

sitatem coacervare student, quales sunt mercatores aliique id genus homines, quorum ars *χρηματιστική* est, nihilque ad oeconomiam pertinet: eodem modo etiam Stoici hanc *χρηματιστικήν* ab oeconomia sciunxerunt, dixeruntque *ἐμπειρίαν περιποιήσεως χρημάτων ἀφείδως, καὶ ἔξιν ὁμολογουμένως ἀναστρέφειν ποιούσαν ἐν συναγωγῇ χρημάτων, καὶ τηρήσει καὶ ἀναλώσει πρὸς εὐπορίαν*. Epicurei quoque, licet divitiarum studium haudquaquam a sapiente alienum iudicarent, neque possessionis modum sola necessitate finirent, certa tamen quaestus genera non minus quam ceteri improbarunt, et Philodemus tria tantum sapiente digna esse pronuntiat, de quibus mox dicendum erit. Sed de divitiarum studio et hinc definiendo oeconomicae doctrinae consilio Philodemi locus pravo editorum supplemento in alienam sententiam detortus est, p. 49, 20: *φιλοσόφῳ δ' ἐστὶ πλούτου μικρὸν, ὃ παρεδώκαμεν (ἐνκαίρως τοῖς καθηγε[μένοις]) ἐν τοῖς περὶ πλούτου λόγοις· ὥστε τὴν οἰκονομίαν τῆς τε τοῦτον κτήσεως καὶ τῆς τοῦτον φιλακῆς παραδίδοσθαι*. Prima verba si forte hoc significare editores crediderunt, sapienti parvas opes sufficere, et linguae vim intulerunt, et mentem Philodemi se non assequutos esse ostendunt, cuius proxima omnis disputatio in eo occupatur, ut divitias optabiles esse doceat. Sin vero eam sententiam esse voverunt, quam quidem lingua solam admittit, ut philosopho exiguae opes esse dicantur, hanc res ipsa falsam esse demonstrat: nam non paucos philosophos perdivites omni tempore fuisse quis nescit? Scribendum est: 31 *φιλοσόφῳ δ' ἐστὶ πλούτου με[λητέ]ον*: atque ita demum etiam illud consecrarium, *ὥστε τὴν οἰκονομίαν κτλ.*, recte adiunctum esse apparet. Intermedia vero enuntiatio in hunc modum restituenda videtur: *ὃ παρεδώκαμεν (ἀκολούθως) τοῖς καθηγε[μένοις] ἐν τοῖς περὶ πλούτου λόγοις*: quod *proposuimus consentaneae cum magistris in iis quae de divitiis disputantur*, aut etiam *disputavimus*. Nam hoc quidem non satis discerni potest, utrum suam de divitiis disputationem significet, an aliorum, ex veteribus sectae suae principibus, quos *καθηγεμόνας* dicit, velut Metrodori, cuius librum *περὶ πλούτου* et Diogenes L. commemorat X, 24 tom. II p. 461, et mox ipse Philodemus citat. vers. 24. Quodsi hoc sumimus, quod sane probabilius est, illud *ὃ παρεδώκαμεν* pertinere dicemus ad superiorem aliquem locum huius ipsius operis de virtutibus et vitiis. Neapolitanum supplementum *ἐνκαίρως* pro *ἀκολούθως* non est verendum ne quis praeferre velit: neque quod Goettlingius scripsit, *ὃ παρεδώκαμεν (πάντα καὶ) ὡς τοῖς καθηγε[μένοις] δε-*

κεῖ, quidquam probabilitatis habet, quum nec tantum sit lacunae spatium inter καθ' ἧς — et ἐν τοῖς περὶ πλούτου, ut verbum δοκεῖ excidisse videri possit, et mirifica prorsus ratione illud πάντα positum, quum praecesserit ὃ παρεδῶκαμεν, non ἃ παρεδῶκαμεν. — Metrodorum autem Philodemus disputasse ait contra eos, quibus Cynicorum vivendi genus facillimum et maxime curis vacuum videretur: πρὸς τοὺς ἐροῦντας ἴσως, ὅτι πολὺ κουφωτάτην καὶ ῥάστην οἱ κυνικοὶ διαγωγὴν ποιοῦνται, πᾶν αὐτῶν περι(αιρου)ντες εἰς τὸ θνατόν. Ita enim apparet scribendum esse pro eo quod editores posuerunt, πᾶν αὐτῶν περι(φέρον)τες. Cf. p. 55, 12: εἰ περιήρηκέ τις ἑαυτοῦ τὸ πρὸς μηδὲν ἄλογον κακοπαθεῖν. et p. 61, 1: ἂν ζῆλον ἀζήλων καὶ ῥόβον ἀρόβων περιαιρῇ τις αὐτοῦ.

Sequitur deinceps locus de divitiarum commodis et incommodis, illaque his longe plura et maiora esse demonstratur, ex quo conficitur, divitias sapienti nequaquam contemnendas esse. Sed hunc locum, quoniam longior est, itemque proximum, de recto sapientis erga divitias habitu, nunc quidem praetermitteremus, eaque statim percensebimus, quae de optima ratione opum parandarum proponuntur p. 59, 6: Ἡμεῖς δὲ λέγωμεν ἀκολουθοῦντες(ς δεῖν) μὲν [ν]ο[μ]ί[ε]σθαι πορισμὸν ἀρεῶν εἶναι τὸν δορίκτητον, καὶ χρῆσθαι, οἷαν ἐποίησατο [Γε]λλίας ὁ Σικελιώτης καὶ Σκόπας ὁ Θετταλὸς καὶ Ἰλίμων καὶ Νικίας οἱ Ἀθηναῖοι, δοξασθέντων ἀνθρώπων εἶναι, κατὰ σοφίαν [δ'] οὐδετέραν, ὥς κἄν [αὐ]τοὶ μαρτυρῆσαιεν οἱ βίοι τῶν τὰ τοιαῦτα γραφόντων. Horum primam partem non recte ab editoribus expletam esse quilibet, opinor, animadvertit. Primum enim illud ἀκολουθοῦντες quid significet quove pertineat non potest intelligi. Quodsi hoc pro eo dictum esse crediderunt, quod est ἐφεξῆς, errarunt haud dubie magnopere; neque omnino potest ἀκολουθεῖν aliter usurpari, nisi
 32 ut aut adiunctus sit dativus eius rei, quam quis sequitur, aut adsit certe in propinquo, unde adsciscatur: cuiusmodi nihil est in omni hoc verborum contextu. Deinde ἀρεῶν, quo vocabulo bellicosos homines significari voluerunt, poetarum est, et a Philodemi oratione prorsus alienum; ipsa autem sententia „nos dicamus quaeustum bellicum bellicosorum hominum iudicari debere“ sane quam putida. Melius igitur locum supplebimus in hunc modum: ἡμεῖς δὲ λέγωμεν ἀκολουθοῦντες(ς οἷς ἴψα)μεν οὐ φαίνεσθαι πορισμὸν ἀγαθὸν εἶναι τὸν δορίκτητον. Nos dicamus, convenienter iis quae proposuimus, non donum videri quaeustum bellicum. In reliquis Goettlingius rem bene admini-

stravit, verissimeque pro *Callia*, quem Neapolitani adsciverant, *Gelliam* reposuit, laudatis Diodor. XIII, 83. Athen. I, 5 p. 4. Valer. Max. IV, 8, ext. 2, ex quibus locis cognoscimus hominem, ut Valerii verbis utar, opibus excellentem, sed multo etiam animo quam divitiis locupletiolem, semperque in eroganda potius quam in contrahenda pecunia occupatum, adeo ut domus eius quasi quaedam munificentiae officina crederetur. Cimonis liberalitatem Plutarchus commemorat vit. Cim. c. 10 et Corn. Nep. c. 4; neque Niciae aut Scopae divitiae et magnificentia obscurae sunt ¹⁶). Adversativam particulam post *κατὰ σοφίαν* editiones non habent, videlicet aut deletam in papyro aut describentium errore praetermissam: nam carere ea oratio non posse videtur. *Οὐδέτεραν* ad *κτῆσιν* et *χρησιν* pertinere apparet. De postremae partis sententia in Goettlingii explicatione acquiesco, Theophrastum praecipue eiusque *βίους* s. libros *περὶ βίων* respici credentis, quum praesertim ab hoc eiusmodi liberalitatem, quali Cimon alique usi sunt, in libro de divitiis laudatum esse Cicero testetur, de Offic. II, 16.

Perconsentur porro a Philodemo alia quaestus genera, quae non sint probanda: *γελοιότατον δὲ καὶ τὸ πορίζειν ἀφ' ἱππικῆς καλὸν οὔτεσθαι*. Scilicet huiusmodi quaestum, a Xenophonte oecon. 3, 8 obiter commemoratum, alii fortasse post hunc magis etiam commendaverant. Proxima verba corrupta sunt: *τὸ διὰ πη — — ικῆς, δούλων ἐργ[ικ]ζομένων, οὐκ [ε]ὕκληρον· τὴ δ' ἐξ ἀμφοτέρων, αὐτὸν ἐνεργούσα, μανικόν*. Iavaronii supplementum *ποριστικῆς* merito Goettlingius respuit; ipse *πωλητικῆς* proposuit, aliquanto certe probabilius. Sed offendit me tamen nonnihil asyndeton, quod mihi perincommodum et a Philodemi usu, quantum quidem ex his fragmentis cognosci potest, alienum esse videtur. Hanc ob causam non *τὸ διὰ πη —*, sed *τὸ δὲ 33 ἀπὸ* legendum esse arbitror; de nomine autem supplendo quominus tuto coniici possit, obstat corruptela in praedicto *οὐκ-εὕκληρον*. Priores editores, quum *εὕκληρον* scriberent, hoc quid significare vellent non docuerunt, nisi forte Goettlingii sententiam ex apposis ab eo Catonis verbis colligere licet, de R. R. cap. 1: *est interdum praestare*

16) De Nicia cf. Plutarch. in ei. vit. c. 3 et 11, et comp. Nic. c. Crass. c. 1. Scopae ut divitis et magnifici non raro mentio fit: sed incertum plerumque, utram antiquior intelligendus sit, Simonidis aequalis, an minor, qui circ. 400 a Chr. vixit. Cf. Perizon. ad Ael. V. H. XII, 1 p. 111 ed. Rüba. Spald. ad Quintil. XI, 2, 15. Boeckh. ad Pind. Pyth. expl. p. 344.

mercaturis rem quaerere, ut tam periculosum siet; et paullo post: mercatorem autem strenuum studiosumque rei quaerendae existimo; verum, ut supra dixi, periculosum et calamitosum. Crediditne igitur talem quandam sententiam etiam in verbis οὐκ εὐκλερον inesse? Mihi quidem non alia huius adiectivi significatio comperta est, nisi ut sit i. q. *fortunatus, prospera fortuna florens*: mercaturam autem, eamque per servos facitlatam, cur improbandam Philodemus hoc potissimum nomine iudicaverit, quod infortunata esset, plane non perspicio, quum ab inhonestate potius eius vituperatio repetenda fuisse videatur. Ab hac enim si recesseris, quid in hoc est infortunati, si quis aut tabernario et cauponario servorum suorum quaestu, aut mercaturis eorum et negotiationibus alatur? Beatorum potius hominum et locupletium hoc esse dixeris, ex quibus non paucos olim talem quaestum per servos exercuisse constat. Vid. Demosth. pro Phorm. p. 957 et librum nost. de ord. iudic. Att. p. 559. Itaque si teneamus πωλητικήν, equidem pro οὐκ εὐκλερον scribendum suaserim οὐκ εὐσχημον: nam mercatura, etiam per servos facitata, quin Epicureis sicut ceteris philosophis omnibus parum honesta visa sit, nemo dubitabit. Et fieri facile potuit, ut litterae σχ et μ in semiusto papyro delitescerent cum κλ et ρ permutarentur. Ceterum quum ipsum illud πωλητικῆς prorsus incertum sit, etiam hanc emendationem incertissimam esse non opus est monere. Fuit enim fortasse a Philodemo longe aliud quaestus genus commemoratum, cui aliud etiam praedicatum conveniret; sed illud quale fuerit, in tam infinita coniectandi materia, aliis quaerendum relinquere malo. — Sequuntur deinceps haec: ταλαίπωρον δὲ καὶ τὸ γεωργοῦντ' αὐτὸν οἷτως ὥστε αὐτοῦργεῖν· τὸ δ' ἄλλων ἔχοντα γῆν, κατὰ σπονδαῖον. quorum haec postrema absurda sunt. Sed hanc absurditatem iam Goettlingius animadvertit, scribendumque intellexit: τὸ δὲ δι' ἄλλων (scil. γεωργοῦντα πορίζειν), ἔχοντα γῆν, κατὰ σπονδαῖον: *ex agricultura per alios quaestum facere, si quis fundum possideat, sapientem deceat.* Afferuntur deinde rationes huius sententiae: quod paucissimas habeat talis vita cum extraneis implicationes (ἐπιπλοκάς), unde multae saepe molestiae enascantur, iucundissimae autem oblectationis et secessus atque conversationis cum amicis facultatem praebeat, lucrum denique proborum virorum iudicio honestissimum: παρὰ τοῖς [ἐπιεικέσιν] εὐσχημονεστάτην πρόσοδον. Hoc enim ἐπιεικέσιν malo reponere, quam quod Goettlingius scripsit [εὐσχήμοσιν], quum hoc vo-

34 cabulum eo, quem hic locus postulat, significatu de hominibus usur-

pari non credam. Antea conieceram παρὰ τοῖς [σοφοῖς πασῶν] εἰσχη-
 μονεστάτην πρόσδοτον, totidem supplementi litteris; verum omnium
 honestissimum hoc lucrum Philodemo non videri ea quae mox sequuntur
 demonstrant. Proximum locum, quamvis lacunosum, certa propemo-
 dum ratione mihi videor supplere posse. In editionibus haec leguntur:
 οἱ γὰρ εἰσχημονεῖς οὐδὲ ἀπὸ συνοικίας καὶ δοι ν [δοῦλων
 ponit lav.] ἐμπειρίας ἢ καὶ τέχνας ἔχόντων μηδαμῶς ἀπρεπεῖς:
 sententia, si lavaronium audias, haec: *decentia enim neque a magno
 comitatu neque a servorum peritia et doctrina pendet.* Prudentius
 Goettlingius se quid dixerit Philodemus non tuto assequi fatetur, divi-
 nasse autem aliquando locum ita restitui posse: οἱ γὰρ εἰσχήμονες
 οὐδὲ ἀπὸ συνοικίας, καὶ δόντων ἐμπειρίας ἢ καὶ τέχνας ἔχόντων,
 μηδαμῶς ἀπρεπεῖς, ut significaret: *nam si vel practicam utilitatem
 spectas, magnopere placet contubernium honestorum virorum propter
 mutuum commercium experientiae et artium, quibus pollent.* Haec,
 quoniam ab ipso auctore spreta sunt, a me nunc refutari nihil opus est.
 Necesse est autem a Philodemo post agri culturam, de qua modo dixit,
 aliud quaestus genus commemoratum esse, quod et ipsum non inho-
 nestum iudicaret. Ait enim paucis post versibus, ἀλλὰ ταῦτα μὲν
 δεύτερά καὶ τρίτα, ponitque dein eum quaestum, quem praestantis-
 simum habet, et prae quo illos duos, de quibus antea dixerit, agri cul-
 turam illudque alterum, quod lacuna subtraxit, secundo tantum et tertio
 loco censi vult. Hanc ob causam ita locum suppleo: οὐ μὲν εἰσχη-
 μονεῖς οὐδὲ αἱ ἀπὸ συνοικίας καὶ δι' οἰκιστῶν, ἐμπειρίας ἢ καὶ τέ-
 χνας ἔχόντων μηδαμῶς ἀπρεπεῖς: *non autem inhonesti sunt ne ii qui-
 dem redditus, qui ex elocatis aedibus percipiuntur et a servis peritiam
 aut artem aliquam habentibus nequaquam turpem.* Servavi accurate
 lacunarum spatia, et litteras quoque omnes, nisi quod οὐδὲ αἱ posui
 pro οὐδὲ et δι' οἱ pro δοι —, lenissima utrumque mutatione. Repetitum
 post οὐ μὲν negationem οὐδὲ ut comprobem nemo requiret. Συνοι-
 κίας notum est insulas dici seu aedes ampliores, quae pluribus habi-
 tandae elocabantur. Harum e locariis proventum in urbibus celebriori-
 bus, velut Athenis, quo magna peregrinorum multitudo confluebat aut
 inquilini erant frequentes, quibus proprias aedes habere non licebat,
 satis plerumque magnum fuisse in aperto est. Vid. comm. in Isae. or.
 de Menecl. her. §. 27 p. 213. Praeponebant autem his aedibus domini
 ut plurimum servum aliquem aut etiam libertum, qui eas custodiret ac
 tueretur, locariaque ab inhabitantibus colligeret: isque apud Athenienses

dicebatur *ναυκληρεῖν τὴν συνοικίαν*. Vid. Isae. de Nicostr. her. §. 19 cum comm. p. 333. Et hanc ob causam huic quaestui Philodemus statim adiunxit eum, qui servorum pensionibus constat. Nam qui servos habebant artem aliquam aut opificium callentes, hi eos aut in fabricis (ἐργαστηρίοις) sub magistro (ἡγεμόνι, ἐπιτρόπῳ) coniunctos, aut etiam singulos separatim opus facere iuebant et de mercede quam meruissent certas ipsis pensiones (φορὰς s. ἀποφορὰς) persolvere. Cf. Antiquitt. i. p. Gr. p. 186 sq. Hunc igitur quaestum e servorum operibus, modo non turpibus, Philodemus sapientem decere pronuntiat. — Iam vero quale genus quaestus primarium ei et honestissimum videatur, non sine voluptate cognoscent quicumque docendis bonis artibus aluntur, ii praesertim, quibus lauta discentium honoraria publici stipendii tenuitatem compensant. *Πρῶτον δέ, inquit, καὶ κάλλιστον ἀπὸ λόγων φιλοσόφων ἀνδράσιν δεκτικοῖς μεταδιδόμενον ἀντιμεταλαμβάνειν εὐχαριστήματα, οἷα μετὰ σεβασμοῦ παντελῶς ἐγένετ' Ἐπικουρίῳ· λόγων δὲ ἀληθινῶν καὶ ἀφιλονείκων καὶ συλλήβδην εἰπεῖν ἀταράχων· [ἐπεὶ] τὴ γε διὰ σοφιστικῶν καὶ ἀγωνιστικῶν οὐδέν ἐστι βέλτιον τοῦ διὰ δημοκοπικῶν καὶ συκοφαντικῶν.* Lectio totius loci certa, quamobrem lacunas non significavi praeter duas, aliter a me quam a prioribus expletas. Nam Iavaronius *εὐχάριστο(ν, καὶ) ἄ* scripsit, Goettlingius *εὐχάριστο(ν).... ἄ*, sed verius sibi videri ait *ὅσα*. Ego quod reposui lacunae spatio et sententiae pariter accommodatum est. Deinde verius esse *ἐπεὶ*, quam vel *ὥς*, quod Iavaronio, vel *ὅτι*, quod Goettlingio placuit, nemo facile negabit. Est enim in huiusmodi contextu harum particularum *ἐπεὶ* — *γε* usus paene legitimus. Cf. exempla a Schneidero ad Xenoph. Hier. 7, 3 p. 250 et a nobis ad Plut. Ag. 10, 3 p. 128 citata. Ceterum *ἀληθινούς λόγους καὶ ἀφιλονείκους* non alios Philodemo videri manifestum est, quam Epicureorum, quos quum *ἀταράχους* dicit, idem haud dubie significat, quod Lucretius quum eos V, 11

fluctibus e tantis vitam tantisque tenebris

in tam tranquillo et tam clara luce locasse

praedicat. Etiam *σεβασμός* ille et veneratio magistri prope divina propria fere Epicureorum fuit, quibus exprobrat Plutarchus adv. Colot. c. 17 *τούς βρόμους καὶ κροτοθορύβους καὶ σεβάσεις καὶ ἐπιθειάσεις* Epicuri, plane ut hodie Hegelianis nimiam divini sui praeceptoris adorationem ab adversariis exprobrari videmus. *Σοφιστικούς* autem *λόγους* et *ἀγωνιστικούς* Academicorum potissimum recentiorum et Stoicorum

intelligi debere arbitror, δημοκοπικοὺς vero et συκοφαντικοὺς rhetorū, ad publicas et forenses actiones discipulos instituentium, a quibus quanto opere Epicurus abhorruerit notum est.

Sequuntur deinceps praecepta conservandae rei familiaris, cuius loci nunc initium saltem, pessime corruptum, quantum fieri potest perpurgare conabor. Est hoc a Neapolitanis ita refectum: ὧν δ' ἐπιτηδευτέον εἰς πρόσδοον καὶ τήρησιν ταύτης καὶ τῶν προϋπαρχόντων, τὸ μὲν συντεῖον ἡγητέον ἐν τῇ τῶν ἐπιθυμιῶν εὐσταλείᾳ καὶ τῶν [φύσ]ων. οὐδὲν γὰρ ἔχχειν [κ]αὶ ἀνατρέ[π]ειν ἐνδείκνυσσι λαμπρό- 36 τατον, οὐδὲ] οὐσ[ία, οὐδὲ] πολλά[κ]ις πολιτέλ[εια τῆς] δι[α]στης κα[ὶ] λαγνεία, οὐδὲ περὶ βλέψ[ει]α κα[ὶ] τὰ διακόμε[ι]σσι καὶ τὰ τοῦτοις ὁμοιότροπα: sententiamque secundae periodi lavaronius hanc esse credidit: qui pecuniam non profundat neque in pravum usum invertat, eum adprime splendidum esse: non enim luxuriosam vitam et intemperantem, nec magnificos vasorum apparatus reddere hominem illustrem. His refellendis supersederi posse arbitror. In popularis autem nostri editione locus ita scriptus est: ὧν δ' ἐπιτηδευτέον εἰς πρόσδοον καὶ τήρησιν ταύτης καὶ τῶν προϋπαρχόντων, τὸ μὲν συντεῖον ἡγητέον ἐν τῇ τῶν ἐπιθυμιῶν εὐσταλείᾳ καὶ τῶν ὁ[φ]γ[ω]ν· οὐδὲν γὰρ ἔχχειν [κ]αὶ ἀνατρέ[π]ειν εἰ.....ε λαμπροτα.....ουσ.....κ[ι]ς [π]ολυτέλ[εια τῆς] δι[α]στης κα[ὶ] λαγνεία ἢ περὶ βλέψ[ει]α κα.....α...σμοῖς καὶ τὰ τοῦτοις ὁμοιότροπα: intentatis plerisque vulneribus relictis, quod sane melius erat, quam Neapolitanorum temeritatem imitari. Interim tamen, quum quid fere dixerit Philodemus ex iis quae servata sunt satis certo perspicui possit, hanc nos loci restitutionem neque ineptam neque temerariam visum iri speramus: ὧν δ' ἐπιτηδευτέον εἰς πρόσδοον καὶ τήρησιν ταύτης καὶ τῶν προϋπαρχόντων, τὸ μὲν σύνολον ἡγητέον ἐν τῇ τῶν ἐπιθυμιῶν εὐσταλείᾳ καὶ τῶν [θ]ο[ξ]ῶν· οὐδὲν γὰρ ἔχχειν [κ]αὶ ἀνατρέ[π]ειν εἰ[κό]ς, ὡς αἰε λαμπρότα[τα καὶ] ποι[οῦ]σ[ι] πολλά[κ]ις, [π]ολυτέλ[εια τῆς] δι[α]στης κα[ὶ] λαγνεία, ἐν δὲ περὶ βλέψ[ει]α κα[ὶ] τὴν[ος] ἄ[πο]σμος καὶ τὰ τοῦτοις ὁμοιότροπα: quibus autem studendum est et ad acquirenda bona et ad ea quae adveniunt conservanda, horum summam existimare oportet inesse in cupiditatum atque opinionum recto habitu: nihil enim effundere nec perdere convenit, ut vitia maxime insignia saepe numero faciunt, magnificentia victus et lascivia, praeterea fastus et elatio immodestia, et quae sunt horum similia. Τὸ μὲν σύνολον plane certum esse arbitror, etiamsi in papyro, quantum e Goettlingii editione

cognosci potest, *σινς.ον* non *σιν.ον* aut *συνο.ον* esse visum sit: nam quam facile fuerit legentibus in hoc loco, h. e. prope ipsam lacunam, falli, quilibet intelligit. Nec minus certum videtur *δοξῶν* pro *δργῶν*, quod Goettlingius, aut *φρόβων*, quod Neapolitani posuerunt: qui quidem hoc ipso, quod scripserunt (*φ*)*ό*(*β*)*ων*, vestigium unius ante *ο.ων* in papyro litterae deletae indicare videntur, quod indicium Goettlingius neglexit. Quam apte autem coniungantur *ἐπιθυμῖαι καὶ δόξαι*, non opus est monere: neque quidquam hac coniunctione frequentius est. Porro ante singula, quae deinceps nominantur, vitia necesse est cum adiectivo [*α*] *λαμπρότατ(αι)* nomen generale positum fuisse, quale nullum aptius inveniri poterit quam *κακίαι*. *Λαμπρός* etiam in malam partem dici vel lexica docent, verbumque *ποιεῖν*, superiorum verborum *ἐκχεῖν καὶ ἀνατρέπειν* notioni revocandae inserviens, frequentissimi usus est. Cf. ad Isac. p. 372. Krueger ad 37 Dionyn. p. 36. *Περιβλέψειαν* alibi me legere non memini: videtur tamen hoc vocabulum certum esse, et apte dici de iis, qui se conspici ab hominibus et admirabiles videri volunt; quamobrem ad explendam proximam lacunam cognatum vitium *τέγον* advocavi, cui deinceps accommodandum fuit adiectivum *ἄ(κο)σμος*, deleta litterula *ι*, quam Goettlingius habet in *α. . μοις*, aut *υ*, quae in Neapolitanorum supplemento [*δι*]*α*(*κό*)*μοις* comparet. Neutram liquido in papyro lectam esse conicio, sed aliquem fortuitum ductum legentes fefellisse. Ceterum quo melius universa Philodemi sententia perspiciatur, adscribam etiam quae porro ab eo vitia enumerantur, quorum omnium lectio plane certa est: *καὶ πάλιν ἐκστατικὴ φρίκη θεῶν καὶ θανάτου καὶ ἀλγηδόνων καὶ τῶν ταύτας παρασκευάζειν δοξαζομένων, ὥστε, ἂν ζῆλον ἀζήλων καὶ φόβον ἀφρόβων ἐφ' ὃν (scr. ὅσον) ἐνδέχεται περιαιρῇ τις αὐτοῦ, καὶ ποριστικὸς ἔσται καὶ φυλακτικὸς ὡς προσήκει.*

Finem faciam, si unum adhuc de parsimonia praeceptum proposuero, quod etiam ipsius Philodemi postremum est. *Φίλων μὲν τοίνυν ὑπαρχόντων, φειστέον μᾶλλον, ἢν' (εὐπορῶσιν) καὶ τελευτήσαντος (φιλ)ο(υ), καὶ[ι] οἷα τ(ε)κνα φετέον· οὐχ' (ὑ)παρχόντων δέ, καὶ τῇ(ε) ἀκ(ε)ιβεστέρας οἰκονομίας (ἀμ)ε(λη)τερον, οὐχ' ὅτι τῇς φειδοῦς: qui amicos habet, hunc magis parcum esse convenit, ut supersit illis aliquid etiam mortuo amico, euntque hi quasi pro liberis adoptandi; qui autem nullos habet, hunc etiam diligentiore rei familiaris cura supersedere decet, non modo (s. nedum) parsimonia. Utrum *ἔχωσιν*, quod in editionibus legitur, an *εὐπορῶσιν*, quod ego reposui, verius sit, non potest*

AFTER THE PREVIOUS NIGHTS WHEN THE
 REMOVAL OF THE STONE FROM THE ALTAR WAS
 IN PROGRESS THE STONE WAS FOUND TO BE
 THE SAME AS THE ONE WHICH WAS FOUND
 IN THE CHURCH OF ST. JOHN THE BAPTIST
 IN THE YEAR 1872. THE STONE WAS
 FOUND IN THE CHURCH OF ST. JOHN THE
 BAPTIST IN THE YEAR 1872. THE STONE
 WAS FOUND IN THE CHURCH OF ST. JOHN
 THE BAPTIST IN THE YEAR 1872. THE
 STONE WAS FOUND IN THE CHURCH OF
 ST. JOHN THE BAPTIST IN THE YEAR
 1872. THE STONE WAS FOUND IN THE
 CHURCH OF ST. JOHN THE BAPTIST IN
 THE YEAR 1872. THE STONE WAS
 FOUND IN THE CHURCH OF ST. JOHN
 THE BAPTIST IN THE YEAR 1872.

THE STONE WAS FOUND IN THE CHURCH OF ST. JOHN THE BAPTIST IN THE YEAR 1872.







JUN 26 1963



